







# সনাতনধর্ম-শিক্ষা

প্রথম পাঠ



শ্রীগিরীশচন্দ্র দত্ত কর্তৃক প্রকাশিত ।

কলিকাতা,

১৭, মদন মিত্রের লেন 'বেঙ্গল প্রেস' হইতে

শ্রীরমণীমোহন দে কর্তৃক মুদ্রিত ।

মূল্য ১/ এক টকা





## সূচিপত্র

	পত্রাঙ্ক
ভূমিকা	১—১১০
অবতরণিকা	১

### প্রথম খণ্ড ।

প্রথম অধ্যায়—একমেবাদ্বিতীয়	১১
দ্বিতীয় অধ্যায়—এক হইতে বহুর উৎপত্তি	২১
তৃতীয় অধ্যায়—পুনর্জন্ম	৩৪
চতুর্থ অধ্যায়—কস্মফলতত্ত্ব	৪৬
পঞ্চম অধ্যায়—যজ্ঞবিধি	৬২
ষষ্ঠ অধ্যায়—প্রত্যক্ষ ও অপ্রত্যক্ষ মপ্তলোক	৭২

### দ্বিতীয় খণ্ড ।

প্রথম অধ্যায়—দশ সংস্কার	৮০
দ্বিতীয় অধ্যায়—শ্রাদ্ধ	৮৬
তৃতীয় অধ্যায়—শৌচ	৯০
চতুর্থ অধ্যায়—পঞ্চযজ্ঞ	৯৮
পঞ্চম অধ্যায়—উপাসনা	১০২
ষষ্ঠ অধ্যায়—চতুরাশ্রম	১০৯
সপ্তম অধ্যায়—চাতুর্কর্ণ	১২০

## তৃতীয় খণ্ড ।

প্রথম অধ্যায়—নীতি বিজ্ঞান কি ?	...	১২৮
দ্বিতীয় অধ্যায়—ধর্মই নীতিশাস্ত্রের ভিত্তি	...	১৩৩
তৃতীয় অধ্যায়—কর্তব্যাকর্তব্য বিচার	...	১৩৮
চতুর্থ অধ্যায়—কর্তব্যাকর্তব্যের পরিমাতা	...	১৪৭
পঞ্চম অধ্যায়—সদ্‌গুণ ও তাহার ভিত্তি	...	১৫০
ষষ্ঠ অধ্যায়—আনন্দ ও চিন্তাবেগ সকল	...	১৬২
সপ্তম অধ্যায়—শম, দম প্রভৃতি ব্যক্তিগত গুণ	...	১৬৯
অষ্টম অধ্যায়—গুরুজনের প্রতি ব্যবহার	...	১৮৭
নবম অধ্যায়—তুল্য ব্যক্তির প্রতি ব্যবহার	...	২০৮
দশম অধ্যায়—নিকৃষ্টের প্রতি ব্যবহার...	...	২৩৮
একাদশ অধ্যায়—পাপ পুণ্যের সংক্রামকতা	...	২৫০



## ভূমিকা ।

“আহার নিদ্রা ভয় মৈথুনঞ্চ  
সামান্য মেতৎ পশুভির্নাগাম্ ।  
ধর্মোহি তেষামধিকো নিশেষো  
ধর্মোণ জীনাঃ পশুভিঃ সমানাঃ ॥  
“এক এব সুহৃদ্ব্যো নিধনেপালুযাতি যঃ ।”  
শরীরেণ সমং নাশং সর্বমশ্রুতু গচ্ছতি ॥”

“আহার, নিদ্রা, ভয় ও কাম প্রভৃতি প্রবৃত্তি মনুষ্য ও পশু  
এই উভয় জাতীয় জীবেরই সাধারণ ধর্ম; কেবল ধর্মই মনুষ্যের  
বিশেষত্ব। ধর্মহীন মানব পশুর সমান”।

“ধর্মই একমাত্র সুস্থ্য কারণ ইহা মৃত্যুর পরেও অনুগমন করে।  
আর সবই দেহ নাশের সঙ্গে সঙ্গে বিনাশ প্রাপ্ত হয়।”

কিন্তু আপাতঃ দৃষ্টিতে জগতের সকলের ধর্ম সমান নহে।  
অগ্নির ধর্ম উষ্ণতা; বরফের ধর্ম শৈত্য। এক কথায় বলিতে  
গেলে পশুর ধর্ম প্রবৃত্তি, মনুষ্যের ধর্ম নিবৃত্তি। সকল মনুষ্যের মনো-  
বৃত্তি এক প্রকার নহে; সকল মনুষ্যের প্রকৃতি এক ভাবের নহে।  
কেহ ভাব ও ভক্তি প্রবণ, কেহ বা জ্ঞান প্রবণ, কেহ বা আবার  
কল্প প্রবণ। কেহ বিজ্ঞান চর্চা ভাল বাসেন, কেহ দর্শন চর্চা ভাল

বাসেন, কেহ বা অঙ্কশাস্ত্র, কেহ সঙ্গীত, কেহ কাব্য শাস্ত্র, কেহ ধর্ম-শাস্ত্র চর্চা ভাল বাসেন।

আবার সমগ্র মানব জাতির প্রত্যেকেই সমবিত্তাবুদ্ধিসম্পন্ন নহেন; সুতরাং সকলকেই সমান অধিকারী বলা যায় না। বাহার অক্ষর পরিচয় হয় নাই, সে কি উচ্চ জ্যোতিষের, কি বিজ্ঞানের, কি দর্শনের দুর্লভ বিষয় হৃদয়ঙ্গম করিতে পারে? বাহার চক্ষু নাই সে কি শিল্পবিজ্ঞায় পারদর্শী হইতে পারে? বাহার শ্রবণ শক্তি নাই সে কি সঙ্গীত চর্চায় অধিকারী হইতে পারে? না, তাহা কখনও যুক্তিযুক্ত নয়।

প্রকৃত অধ্যাত্ম তত্ত্ব এক বটে, কিন্তু যতদিন না মনুষ্য পূর্ণত্ব প্রাপ্ত হয়, যত দিন না তাহার সকল বিষয়ে সমান প্রবণতা ও পরাকাষ্ঠা লাভ হয়, ততদিন তাহাকে নিজ সামর্থ্য অনুসারে এক একটা ভাব সাধন করিয়া ক্রমোন্নতির সোপান দ্বারা সেই এক এবং অদ্বৈত তত্ত্বে উপনীত হইতে চেষ্টা করিতে হইবে। সুতরাং অজ্ঞাত বিদ্যার্জনেও যেরূপ অধিকারী ভেদে ভিন্ন ভিন্ন পাঠ ও ভিন্ন ভিন্ন সাধন দ্বারা উন্নতি করিতে হয়, ধর্মমার্গেও সেইরূপ অধিকারীভেদে সাধন ভেদের আবশ্যকতা আছে।

নতুবা নিতান্ত স্থূলবুদ্ধি লোক কি করিয়া নিরাকার, নিগূর্ণ ব্রহ্মের ধারণা করিতে পারিবে? স্বভাবতঃই সে মনুষ্যের উৎকৃষ্ট গুণগুলির পরাকাষ্ঠা ব্রহ্মে কর্ত্তব্য করিয়া তাঁহাকে সগুণ ঈশ্বরভাবে আরাধনা করিতে প্রবৃত্ত হয়। এইরূপ সগুণ সাধন করিতে করিতে সে জ্ঞানোন্নতির দ্বারা নিগূর্ণ সাধনায় উপনীত

হইবে। নিগুণের সাধনা, গুণবাচক উপাসনা, অর্চনা বা আরাধনা দ্বারা হয় না। কি বাহ্যিক চিত্র, কি মানসিক চিত্রের (physical or mental image) দ্বারা নিগুণ নিরাকারের সাধনা হইতে পারে না। তাই শাস্ত্রে সগুণ ঈশ্বরের আরাধনাকে উপাসনা বা অর্চনা প্রভৃতি নাম দিয়াছেন। নিগুণ নিরাকার ব্রহ্মের সাধনার নাম যোগ। নিরাকার ব্রহ্মের উপাসনা বা আরাধনা হয় না; ব্রহ্ম সাধন বা যোগ হয়। বাস্তবিক নিগুণ সাধনের কোন নামই হইতে পারে না, কেন না নাম, মাত্রাই গুণ-বাচক। তবে মনুষ্য ভাষায় যতদূর ব্যক্ত করা সম্ভব তাহার যোগ অর্থাৎ পরমাত্মার সহিত জীবাত্মার যোগ এই নাম কল্পনা করা হইয়াছে।

শাস্ত্রেও এ আপত্তির উল্লেখ আছে যথা—

“বিষ্ণুরাত উবাচ—

ব্রহ্মন্ ব্রহ্মণ্যানির্দেশ নিগুণে গুণবৃত্তয়ঃ।

কথং চরন্তি শ্রুতয়ঃ সাক্ষাৎ সদসতঃপরে ॥

বিষ্ণুরাত (বিষ্ণুনা রতেঃ দণ্ড পরিক্ষিৎ) উবাচ—হে ব্রহ্মন্ নিগুণে (গুণরহিতে) অনির্দেশে (অনির্বচনীয়ে) ব্রহ্মণি গুণ-বৃত্তয়ঃ। (গুণেষু বৃত্তিঃ যাসাং তাঃ) শ্রুতয়ঃ কথং সাক্ষাৎ (মুখ্যায় বৃত্ত্য) চরন্তি? (লক্ষণয়া ইতি চেৎ, ন, যতঃ) সদসতঃপরে (সম্বাদিকার্যভূতাভ্যাং সদসদ্য্যং কার্যকারণাভ্যাং সঙ্গশূন্তে বস্তুনি লক্ষণাপি ন সম্ভবতি) ॥ ১ ॥

বিষ্ণুরাত রাজা পরীক্ষিৎ বলিলেন (১) ব্রহ্মন্ আপনি ইতিপূর্বে

সনাতন হিন্দুধর্ম পূর্ণাবয়ব। বহুংস্র ব্যক্তি সম্যক অনুধ্যান দ্বারা ইহা উপলব্ধি করিতে পারেন। এই সনাতন ধর্মের প্রকৃত ও পূর্ণতত্ত্ব অবগত হইতে হইলে বহুশাস্ত্র পাঠ করা আবশ্যিক। যথা—

বেদ—ঋক্, যজুঃ, সাম ও অথর্ব নামক অতি বিস্তৃত ও অতি গূঢ়ার্থ মূল ধর্মশাস্ত্র এবং তাহার বহুতর শাখা প্রশাখা।

উপনিষৎ—কঠ, মণ্ডুক, ছান্দোগ্য প্রভৃতি বেদোল্লিখিত ঈশ্বর তত্ত্বের সারাংশস্বরূপ অতি গূঢ়ার্থ প্রায় ৭০।৭৫ খানি তত্ত্ব-নির্ণায়ক শাস্ত্র।

ব্রহ্মকে বেদ প্রীতিপাত্ত বলিয়াছেন, কিন্তু ব্রহ্ম কি প্রকারে বেদ প্রীতিপাত্ত হয়েন, তাহা আমি বুঝিতে পারিতেছি না। ব্রহ্মনির্গুণ—জাত্যাদি বিশেষণ রহিত। জাতি গুণ ও ক্রিয়া বিশিষ্ট সত্ত্ব বস্তুকেই বাক্য দ্বারা নির্দেশ করা যায়। ব্রহ্ম জাতিরহিত গুণ-রহিত ও ক্রিয়া রহিত নির্গুণ বস্তু। তাদৃশ বস্তু কখনই শব্দ দ্বারা নির্দেশ হইতে পারেন না। গুণসমূহেই শব্দের প্রবৃত্তি দৃষ্ট হইয়া থাকে। শব্দরাশিরূপ বেদ কখনই তাদৃশ বস্তুকে নির্দেশ করিতে পারেন না। গুণবৃত্তি (২) বেদ সকল কি প্রকারে গুণরহিত অনির্বচনীয় ব্রহ্মকে মুখ্যবৃত্তি (৩) দ্বারা প্রতিপাদন করিবে? আবার যাহাকে মুখ্য বৃত্তি দ্বারা প্রতিপাদন করা যায় না, তাহাকে লক্ষণা বৃত্তি (৪) দ্বারাও প্রতিপাদন করা যাইতে পারে না। কারণ শব্দ যাহাকে প্রতিপাদন করিতে পারে না, তাহা বলা বাহুল্য। বিশেষতঃ ব্রহ্ম সত্ত্বাদি গুণত্রয়ের কার্যভূত সৎ ও অসৎ সকল বস্তুরই অতীত অসঙ্গ বস্তু; অতএব তাদৃশ ব্রহ্ম বস্তুকে লক্ষণাবৃত্তি দ্বারাই বা কি প্রকারে প্রতিপাদন করা যাইবে?”

বেদান্ত—শিক্ষা, কল্প, নিরুক্ত ও ছন্দঃ এই চারি গ্রন্থ এবং  
মাহেশ, পার্গনি প্রভৃতি ১০১২ খানি ব্যাকরণ গ্রন্থ, আর অসীম  
প্রায় জ্যোতিষ গ্রন্থ এই ষট্ প্রকার শাস্ত্র।

গণিত ও ফলিত ভেদে জ্যোতিষশাস্ত্র দুই প্রকার। যথা  
ত্রিকোণমিতি, জ্যামিতি, বীজগণিত, পাটীগণিত, সূর্য্যসিদ্ধান্ত,  
এবং গোলাধার প্রভৃতি গ্রন্থ সকল গণিত জ্যোতিষের অন্তর্গত।

গ্রহণের ফলাফল, অদৃষ্টের ফলাফল, ভূত ও ভবিষ্যৎ ঘটনার  
নির্ণয় সংক্রান্ত গ্রন্থ সকল ফলিত জ্যোতিষের অন্তর্গত।

স্মৃতি—মনু, অত্রি, বিষ্ণু, হারীত, যাজ্ঞবল্ক, প্রভৃতি প্রায় ৫০  
জন বেদশাস্ত্রজ্ঞ ঋষির প্রণীত প্রায় ৫০ খানি মূল ধর্ম্মসংহিতা গ্রন্থ।

পুরাণ। ভাগবত, বামণ, গারুড়, ব্রহ্মাণ্ড প্রভৃতি অষ্টাদশ গ্রন্থ।

উপপুরাণ—পুরাণের অধিকাংশলক্ষণাক্রান্ত অষ্টাদশ গ্রন্থ।

তন্ত্র—মুণ্ডমালা, রুদ্রজামল, ও কুলার্ণব প্রভৃতি বহুবিধ তন্ত্র  
সকল।

দর্শন শাস্ত্র—চার্বাক, বৌদ্ধ, জায়, সাংখ্য পাতঞ্জল ও বেদান্ত  
প্রভৃতি ষোড়শ গ্রন্থ।

ইতিহাস—রামায়ণ, মহাভারত, ইত্যাদি গ্রন্থ।

শব্দশাস্ত্র—যাদব, মেদিনী, প্রভৃতি প্রায় ৫০ খানি কোষ শাস্ত্র,  
'বা অভিধান গ্রন্থ।

এতদ্ব্যতিরিক্ত যাবতীয় বিদ্যা চতুঃষষ্টি কলাতে বিভক্ত, যথা,—

সঙ্গীতবিদ্যা, শারীরবিধানবিদ্যা, চিকিৎসাবিদ্যা, রসায়নবিদ্যা,  
শিল্পবিদ্যা, নীতিশাস্ত্র, অর্থশাস্ত্র ইত্যাদি।



উল্লিখিত শাস্ত্র সকলের টীকা, বহুতর টীপ্পনী, বহুতর সংগ্রহ গ্রন্থ এবং প্রত্যেক সংগ্রহ গ্রন্থের বহুতর টীকা, টীপ্পনী গ্রন্থ আছে ।

এই শাস্ত্রসমুদ্রে মধ্য একমাত্র বেদই অথগুণীয় । বেদই সকল শাস্ত্রের ভিত্তি ও প্রাণ । শ্রুতি স্মৃতির বিরোধ হইলে, শ্রুতিকেই গরীয়সী জ্ঞান করিতে হইবে যথা:—

“শ্রুতি স্মৃতি বিরোধেতু শ্রুতিরেব গরীয়সী”  
পুনরায়—

আর্যং ধর্মোপদেশঞ্চ বেদশাস্ত্রাবিরোধিনা ।

যন্তর্কেনানুসন্ধ্যে স ধর্মং বেদ নৈতরঃ ॥ মনু ।

“যে ব্যক্তি বেদশাস্ত্রের অবিরোধী তর্ক দ্বারা ধর্মোপদেশ অর্থাৎ স্মৃতি প্রভৃতি শাস্ত্রের অর্থানুসন্ধান করেন, তিনিই প্রকৃত ধর্মের মর্ম অবগত হন । অপরে নহে ।”

আবার তাহার মধ্যেও কিরূপ জ্ঞান বিচারের কথা আছে, দেখুন । বশিষ্ঠ বলিয়াছেন—

“যুক্তিযুক্তমুপাদেয়ং বচনং বালকাদপি ।

অগ্রং তৃণমিবত্যজ্যমপ্যুক্তং পদ্মজন্মনা ॥”

যুক্তিযুক্ত উপদেশ বাক্য বালক হইতে ও গ্রহণ করিবে । এবং অযুক্তিযুক্ত কথা ব্রহ্মমুখনিঃসৃত হইলেও তৃণের ত্রায় তাহা পরিত্যাগ করিবে

ঋষি বৃহস্পতি বলিয়াছেন—

“কেবলং শাস্ত্রমাশ্রিত্য ন কর্তব্যো বিনীর্ঘয়ঃ ।

যুক্তিহীন বিচারেণ ধর্মহানিঃ প্রজায়তে ॥”

“কেবল শাস্ত্র আশ্রয় করিয়া কোন তত্ত্ব নির্ণয় করা উচিত নয়, যেহেতু যুক্তিহীন শাস্ত্র বিচারের দ্বারা ধন্য হানি হয়।”

মুণ্ডক ঋষি বলিয়াছেন ;—

“তত্রাপরা ঋগ্বেদো যজুর্বেদঃ সামবেদোহথর্কর্ষবেদঃ শিক্ষাকল্পো ব্যাকরণঃ নিরুক্তং ছন্দোজ্যোতিষমিতি, অথপরা যয়া তদক্ষরমধিগ-  
ম্যতে।”

ঋগ্বেদ, যজুর্বেদ, সামবেদ, অথর্কর্ষবেদ, শিক্ষা, কল্প, ব্যাকরণ, নিরুক্ত, ছন্দ, জ্যোতিষ এ সকল অশ্রেষ্ঠ বিদ্যা আর যে বিদ্যা দ্বারা অব্যয় পরব্রহ্মকে জানা যায় তাহাই শ্রেষ্ঠ বিদ্যা।

এই জ্ঞান যুক্তির প্রাধান্য ও চিন্তার স্বাধীনতা হিন্দুধর্মের একমাত্র বিশেষত্ব নহে। আরও দুই চারিটি বিশেষত্বের কথা নিম্নে উল্লেখ করা যাইতেছে।

ক। পূর্বে প্রত্যেক মনুষ্যের মনোঃস্তিগত স্বাভাবিক বৈল-  
ক্ষণের কথা উক্ত হইয়াছে। ইহা কিছু কালনিক বিভাগ নহে।  
কতকগুলি মনুষ্য সত্ত্বগুণপ্রধান, কতকগুলি রজোগুণপ্রধান,  
এবং কতকগুলি তমোগুণপ্রধান। শাস্ত্র ও এই প্রাকৃতিক বিভাগ  
অবলম্বন করিয়া বিভিন্ন প্রকৃতির মনুষ্যের কর্তব্য পালন ও সাধনের  
জন্তু বিভিন্ন প্রণালীর নির্দেশ করিয়াছেন।

খ। হিন্দুধর্ম মানবজাতির মধ্যে অসামান্য বুদ্ধিমান, সামান্য  
বুদ্ধিমান, এবং নিতান্ত মূঢ় এই ত্রিবিধ ব্যক্তির ধর্ম্মানুষ্ঠানেরই যথা-  
যোগ্য ভিন্ন ভিন্ন ব্যবস্থা করিয়াছেন।

গ। স্ত্রীজাতির ও পুরুষজাতির মানসিক প্রকৃতি, শারীরিক

শক্তি এবং কার্যসাধনের উপযোগিতা সম্বন্ধে যে স্বাভাবিক বৈলক্ষণ্য আছে হিন্দুশাস্ত্র তাহার বিচার করিয়া উভয়ের ধর্ম্মানুষ্ঠানের যথোপযোগী ব্যবস্থা করিয়াছেন। যেক্রপ কঠোরতা এবং বৈরাগ্য পুরুষের সাধ্য, তাহা কোমলস্বভাবা স্ত্রীলোকের পক্ষে যে দুর্লভ, ইহা বোধ হয় কেহই অস্বীকার করিবেন না। কিন্তু ন্যায়বান শাস্ত্রকার যুগলাশ্রয় উভয়েরই তুল্য ফল দান করিয়াছেন, অর্থাৎ পত্নীকে সহধর্ম্মিণী করিয়া স্বামী পুণ্যের অর্দ্ধভাগিনী করিয়াছেন।

ঘ। বয়ঃক্রম অনুসারে মানুষের মানসিক ও শারীরিক শক্তির তারতম্য আছে, সুতরাং বালক, যুবা, প্রৌঢ় ও বৃদ্ধের পক্ষে যথোপযোগী ধর্ম্মানুষ্ঠানের ব্যবস্থা বিধিবদ্ধ আছে।

ঙ। সুস্থ ও পীড়িত, বলবান ও দুর্বল, ইত্যাদি বিভিন্ন অবস্থা ও ক্ষমতাবিশিষ্ট মনুষ্য সকলের একবিধ, একই প্রকার অনুষ্ঠান কখনও সম্ভবপর নহে। অথবা সহজ অবস্থায় এবং আপৎকালে একই প্রকার অনুষ্ঠান সম্ভবে না। একারণ দূরদর্শী ঋষিগণ অবস্থা বিশেষে “আপদর্শম্” প্রভৃতি দেশকালোপযোগী বিধান করিয়া গিয়াছেন।

চ। যোগলব্ধ দিব্যদৃষ্টিসম্পন্ন ঋষিরা পরোলোকের অবস্থা ও তত্ত্ব, স্বয়ং প্রত্যক্ষ করিয়া তদনুযায়ী পাপ পুণ্যের তারতম্য অনুসারে দণ্ড ও পুরস্কারের ন্যূনাধিক্য বর্ণন করিয়া দয়াময় জগদীশ্বরের ছাদ্ধপরতা অক্ষুণ্ণ রাখিয়া গিয়াছেন। “পুণ্যবান ব্যক্তি অনন্তকাল স্বর্গভোগ করিবে এবং পাপী অনন্তকাল নরকে পতিত থাকিবে।” অর্থাৎ পাপীর আর অনন্তকালেও পরিত্রাণের আশা নাই, ইহা করুণা-

ময় ভগবানের দয়া ও ভ্রাম্যপরতার সম্পূর্ণ বিরোধী। সনাতন ধর্ম সাক্ষ্য দিতেছেন যে, পাপীর পাপ ক্ষয় হইলে সে পুনরাগ উন্নতির পথে আরোহণ করিতে পারিবে এবং অবশেষে তাহারাও পুণ্যবানের ভ্রাম্য মোক্ষ প্রাপ্ত হইবে।

ছ। সনাতন ধর্মের বিবিধ বিশেষত্বের মধ্যে সর্ব প্রধান বিশেষত্ব এই যে সাকার ও নিরাকার ভেদে উপাসনার ক্রম বিধান। এবং ঐ নিরাকারের ধ্যান সম্বন্ধে জ্ঞানপ্রধান ব্যক্তির পক্ষে জ্ঞান-যোগ, ভক্তিপ্রধান ব্যক্তির পক্ষে ভক্তিযোগ এবং কর্মপ্রধান ব্যক্তির পক্ষে কর্মযোগের যে ব্যবস্থা করিয়াছেন তাহাতে সর্ব-প্রকার অধিকারী স্ব স্ব স্বভাবানুকূল মার্গাবলম্বনে সকলেই সেই পরমমুক্তি বা নির্ক্ষিপ পদে আরোহণ করিতে পারিবেন।

কিন্তু এই সাকার উপাসনার কথা উল্লেখ করিলেই আমাদের বর্তমান ইংরাজি বিশ্ববিদ্যালয়ের উপাধিব্যাধিগ্রস্ত যুবকেরা “পৌত্তলিকতা” বলিয়া চীৎকার করিয়া উঠিবেন! বস্তুতঃ প্রচলিত অপভ্রংশ হিন্দুধর্মও পৌত্তলিকতাপ্রধান ধর্ম নহে। রাজা রামমোহন রায় এই বিষয়ে শাস্ত্রবচন উদ্ধার করিয়া উহা সপ্রমাণ করিয়া গিয়াছেন।

“চিন্ময়শ্রাদ্ধিতীয়শ্চ নিষ্কলশ্রাদ্ধীরিণঃ।

উপাসকানাং কার্যার্থং ব্রহ্মণোহরূপকল্পনা ॥

রূপস্থানাং দেবতানাং পুংস্ত্র্যাংশাদিকল্পনা ॥”

স্মার্তধৃত যমদণ্ডবচন।

“জ্ঞানস্বরূপ অদ্বিতীয় উপাধিশূন্য শরীররহিত যে পরমেশ্বর তাহার

রূপের কল্পনা সাধকের উপাসকের সাধনার সাহায্যার্থেই করা হইয়াছে। এবং রূপ কল্পনা করিলে, সহজেই অবয়বের পুংস্ত্রীভেদ কল্পনা করিতে হয়।”

“রূপনামাদি নির্দেশ বিশেষণ বিবৰ্জিত।

অপক্ষয় বিনাশাত্মাং পরিণামার্তি জন্মভিঃ।

বৰ্জিত শক্যতে বক্তুং যঃ সনাস্তীতি কেবলম্॥”

বিষ্ণুপুরাণ।

“পরমাত্মা রূপ নাম ইত্যাদি বিশেষণ রহিত নাশরহিত অবস্থা-  
স্তর শূত্র, দুঃখ ও জন্মবিহীন হয়েন; কেবল আছেন এই মাত্র বলিয়া  
তঁাহাকে কথা যায়।”

অপ্সু দেবা মনুষ্যাণাং দিবিদেবা মনীষিণাং।

কাষ্ঠগোষ্ঠেষু মূর্খানাং যুক্তিস্থাস্থানি দেবতা ॥

স্মার্তধৃত শাতাতপবচন।

“জলেতে ঈশ্বরবোধ ইতর মনুষ্যাদিগের হয়, গ্রহাদিতে ঈশ্বর-  
বোধ দেবজ্ঞানীরা করেন, কাষ্ঠ মৃত্তিকা ইত্যাদিতে ঈশ্বর বোধ  
মূর্খেরা করে; পরমাত্মাতে ঈশ্বর বোধ জ্ঞানীরা করেন।”

“পরে ব্রহ্মণি বিজ্ঞাতে সম্যক্ স্তনিয়মৈরলং।

তালবৃন্তেন কিং কার্য্যং লক্কে মলয়মাক্কত ॥

কুলাৰ্ণব।

পরব্রহ্মের জ্ঞান হইলে কর্মকাণ্ডাদি কোন নিয়মের প্রয়োজন  
থাকে না। যেমন মলয়ের বাতাস পাইলে তালবৃন্ত কোন কার্য্যে  
আইসে না।

• “যদ্যচানভ্যাদিতং যেন বাগভ্যন্ততে ।

তদেব ব্রহ্ম ভূং বিদ্ধি মেদং যদিদমুপাসতে ॥”

“যিনি বাক্যের বচনীয় নছেন, বাক্য বাহার দ্বারা প্রেরিত হয়, তাঁহাকেই তুমি ব্রহ্ম বলিয়া জান ; লোকে যে কিছু পরিমিত পদার্থের উপাসনা করে তাহা কখন ব্রহ্ম নহে ।”

“এবং গুণানুসারেণ রূপাণি বিবিধানি চ ।

কলিতানি হিতার্থায় ভক্তানামল্লমেধসাং ॥”

মহানির্বাণতন্ত্র ।

“এইরূপ গুণানুসারে ভগবানের নানাপ্রকার রূপ অল্পবুদ্ধি ভক্তদিগের নিমিত্ত কল্পনা হইয়াছে ।”

“মনসা কলিতা মূর্তির্নাগ্ধেঃ মোক্ষসাধিনী ।

স্বপ্নলক্শেন রাজ্যেন রাজানো মানবাস্তদা ॥”

মহানির্বাণতন্ত্র ।

• “মনঃ কলিত মূর্তি যদি মানবগণের মুক্তির কারণ হয়, তবে স্বপ্নলক রাজ্যের দ্বারাও মনুষ্য অনায়াসে রাজ্য হইতে পারে !”

“বালক্ৰীড়নবৎ সর্বং রূপনামাদি কল্পনাং ।

বিহায় ব্রহ্মনিষ্ঠো যঃ স মুক্তো নাত্র সংশয়ঃ ॥”

মহানির্বাণতন্ত্র ।

“নাম রূপাদি কল্পনাকে বালক্ৰীড়াবৎ জানিয়া মনুষ্য সং স্বরূপ পরমেশ্বরের উপাসনা দ্বারা মুক্ত হইতে সন্দেহ নাই ।”

“মৃচ্ছিলা ধাতুদার্কাদি মূর্ত্যবীথরবুদ্ধয়ঃ ।

ক্ৰিশ্চন্তি তপসা মূঢ়াঃ পরাং শাস্তিং ন যাস্তি তে ॥”

শ্রীমদ্ভাগবত ।

“যেসমস্ত মূঢ় মনুষ্য মূর্ত্তিকা প্রস্তুত তথা স্বর্ণ প্রভৃতি ধাতু এবং কাষ্ঠ দ্বারা নিৰ্ম্মিত বিগ্রহে ঈশ্বর জ্ঞান করে, তাহারা ক্রেশ ভোগ করিয়া থাকে। পরম শান্তি লাভ করিতে সমর্থ হয় না।”

“ন কৰ্ম্মণা বিমুক্তঃ শ্রাদ্ধ মন্ত্ৰাধিনেন বা।

আত্মনাশ্রয়বিজ্ঞায় মুক্তো ভবতি মানবঃ ॥”

মহানিৰ্ব্বাণতত্ত্ব।

“মনুষ্য কৰ্ম্ম দ্বারা মুক্তিলাভ করিতে সমর্থ হয় না, মন্ত্ৰ বা আরাধনার দ্বারা মুক্তি প্রাপ্ত হয় না, কেবল আত্মা দ্বারা আত্মাকে জানিতে পারিলেই মুক্ত হয়।”

“যো মাং সৰ্ব্বেষু ভূতেষু সন্তুমাশ্রানমীশ্বরং।

হিষ্মাৰ্চ্চাং ভজতে মৌঢ়্যাং তস্ম্যগ্ৰেব জুহোতি সঃ ॥”

শ্রীমদ্ভাগবত।

“সকল প্রাণিতে বৰ্ত্তমান সৰ্ব্বাত্মা আমাকে (ঈশ্বরকে) মূঢ়তা প্রযুক্ত ত্যাগ করিয়া যে প্রতিমা পূজা করে, সে ভস্মে হোম করিয়া থাকে।”

“সাকারম্নূতং বিদ্ধি নিরাকারস্ত নিশ্চলং।”

অষ্টাবক্রসংহিতা।

“সাকারকে মিথ্যা বলিয়া জান, নিরাকার পরব্রহ্ম অচল সত্য জ্ঞান কর।”

“তোয়ো বিনা যথা নাস্তি পিপাসানাশকারণং।

তদ্বজ্ঞানং বিনা দেবি তথা মুক্তির্ন জায়তে ॥”

কুলাৰ্ণব তত্ত্ব।

“হে দেবি! জল বিনা যেমন পিপাসা শাস্তি হয় না, তেমনি তব-জ্ঞান বিনা মুক্তিলাভ হয় না।”

নানা শাস্ত্রের এই সকল বাক্য দ্বারা প্রতিপাদিত হইতেছে যে, যে সকল অন্নবুদ্ধি অজ্ঞব্যক্তি নিরাকার অনন্ত পরমেশ্বরকে ধারণা করিতে অসমর্থ, তাদিগের উপাসনার সহায়তার নিমিত্ত ব্রহ্মের বিবিধ রূপ কল্পনা হইয়াছে ও বিবিধ সাকার উপাসনার বিধান হইয়াছে। কিন্তু ব্রহ্মস্বরূপকে না জানিলে কদাপি মুক্তলাভ হয় না। পরব্রহ্মের উপাসনাই এ ধর্মের প্রধান উপদেশ। হিন্দুশাস্ত্রে এই কথা ভূয়োভূয়ঃ উক্ত হইয়াছে যে, ব্রহ্মকে জানিতে চেষ্টা করিবে; ব্রহ্মজ্ঞান ব্যতীত মুক্তির অত্র উপায় নাই। যথা—

“তন্দুর্দর্শং গূঢ়মল্পপ্রবিষ্টং .

গুহাহিতংগহ্বরেষ্টং পুরাণম্।

অধ্যাত্মযোগাধিগমেন দেবং

মত্বা ধীরো হর্ষশোকৌ জহাতি ॥”

“তিনি হৃজ্জের, তিনি সমস্ত বস্তুতে গূঢ়রূপে প্রবিষ্ট হইয়া আছেন, তিনি আত্মাতে স্থিতি করেন ও অতি নিগূঢ়স্থানে বাস করেন, তিনি নিত্য, ধীর ব্যক্তি পরমাত্মার সহিত স্বীয় আত্মার সংযোগপূর্বক অধ্যাত্মযোগে সেই প্রকাশবান্ পরমেশ্বরকে উপলব্ধি করিয়া হর্ষ শোক হইতে বিমুক্ত হইবেন।”

“ন চক্ষুর্বা গৃহ্যতে নাপি বাচা

নাঐন্দ্রে বৈস্পতস্যা কৰ্ম্মণ বা।

জ্ঞানপ্রসাদেন বিশুদ্ধসত্ত্ব

স্তুতস্ত তং পশ্যতে নিষ্কলং ধ্যায়মানঃ ॥”

“তিনি চক্ষুর গ্রাহ্য নহেন, বাক্যের গ্রাহ্য নহেন, এবং অপরাপর



ইন্ড্রিয়েরও গ্রাহ্য নহেন, তপস্যা বা যজ্ঞাদি কর্ম্মদ্বারা তাঁহাকে প্রাপ্ত হওয়া যায় না। জ্ঞানপ্রসাদে গুরুচিহ্ন ব্যক্তি ধ্যানযুক্ত হইয়া নির-  
বয়ব ব্রহ্মকে উপলব্ধি করেন।”

“নিত্যোহনিত্যানাক্ষেতনশ্চেতনানাং

মেকো বহুনাং যো বিদধাতি কামান্ ।

তমাস্বস্থং যেহনুপশ্রুস্তি ধীরা

স্তেষাং শান্তিঃ শান্ত্বতী নেতরেষাম্ ॥”

“যিনি তাবৎ অনিত্য বস্তুর মধ্যে একমাত্র নিত্য, যিনি সকল  
চেতনের একমাত্র চেতয়িতা, যিনি একাকী প্রাণিপুঞ্জের সমুদায়  
কাম্য বস্তু বিধান করিতেছেন ; যে ধীরেরা তাঁহাকে আশ্রয় দর্শন  
করেন, তাঁহাদের নিত্যশান্তি হয়, অপরের তাহা কদাপি হয় না।”

“প্রবেশ্যন্নিনি চাত্মানং যোগী তিষ্ঠতি বোহচলঃ ।

পাপং হস্তি পুনীতানাং পদমাপ্নোতি সোহজরম্ ”

“যিনি পরমাত্মার সহিত স্বীয় আত্মার সংযোগপূর্বক অটলভাৱে  
যোগী হইয়া অবস্থিতি করেন, তিনি পাপ নাশ করেন ও অক্ষয় ব্রহ্ম-  
পদ লাভ করেন।”

“যুগ্মেনেবং সদাত্মানং যোগী বিগন্তকল্মষঃ ।

মুখেন ব্রহ্মসংস্পর্শমভ্যাস্তুং সুখমশ্নুতে ॥”

“এইরূপে যোগী ব্যক্তি পরমাত্মার সহিত স্বীয় আত্মার সংযোগ  
পূর্বক নিষ্পাপ হইয়া মুখে ব্রহ্মের স্পর্শমুখ সন্তোগ করেন।”

“তাবৎ বিচারয়েৎ প্রোক্তো যাবদ্বিশ্রান্তমাত্মনি ।

সংপ্রয়াত্য পুনর্নাশাং স্থিতিং তুর্য্যপদাভিধাম্ ॥”

“যে পর্য্যন্ত পরমাত্মাতে বিশ্রাম লাভ না হয়, সে পর্য্যন্ত তত্ত্ব-  
লোচনা করিবেক। কারণ এইরূপে শুদ্ধ চৈতন্য পরমাত্মা সহ  
অবিনশ্বর একতা লাভ হয়।”

“সত্যেন লভ্যন্তপসা হোষ আত্মা

সম্যগ্ জ্ঞানেন ব্রহ্মচর্য্যেণ নিত্যম্।

অন্তঃশরীরে জ্যোতিশ্ময়ো হি শুভ্রো

যং পশ্যন্তি যতয়ঃ ক্ষীণদোষাঃ ॥”

এই পরমাত্মাকে নিয়ত সত্য, তপস্বী, সম্যক্ জ্ঞান ও ব্রহ্মচর্য্য  
দ্বারা লাভ করা যায়। সেই জ্যোতিশ্ময়, নিম্নলিখ পরমেশ্বর  
শরীরের অভ্যন্তরে মনোমধ্যে বিরাজ করেন। যোগিগণ নিম্পাপ  
হইয়া তাঁহাকেই দর্শন করেন।

“এষ সর্ব্বেষু ভূতেষু গূঢ়াত্মা ন প্রকাশতে।

দৃশ্যতে ত্বগ্ৰ্যয়া বুদ্ধ্যা হৃদয়া হৃদ্যদর্শিভিঃ ॥”

“এই চিৎস্বরূপ পরমাত্মা সমুদায় প্রাণীর মধ্যে প্রচ্ছন্নরূপে স্থিতি  
করিতেছেন। অধ্যাত্মদর্শী সাধকগণ একাগ্রমনে তাঁহাকে দর্শন  
করেন।”

( এসম্বন্ধে পশ্চাতোক্ত নিরঞ্জনাস্তিকং দ্রষ্টব্য। )

হিন্দুশাস্ত্র বিহিত সাকার উপাসনা প্রণালীতে চারিটা প্রধান  
কোশল বিদ্যমান রহিয়াছে।

প্রথম। যাবৎ মনুষ্যের জ্ঞানেন্দ্র উন্নীলিত না হয়, তাবৎ  
অদৃশ্য জগদীশ্বরের অস্তিত্ব অনুভূত হইতে পারে না। অথচ

জগদীশ্বর সর্বব্যাপী। চেতনাচেতন যাবতীয় পদার্থেই তাঁহার বিদ্যমানতা রহিয়াছে। সুতরাং অপেক্ষাকৃত স্থূলজ্ঞানী ব্যক্তিরা যদি জগতের কোন অচেতন জড়মূর্ত্তিতে ঈশ্বর বাধ সংস্থাপন করে, আর তিনি মনুষ্যবৎ সুখ দুঃখাদি অনুভব করেন, এরূপ ভাবিয়া তাঁহার প্রতি স্নেহ মমতাদি প্রকাশ করিতে অভ্যাস করে, তবে অন্তঃকরণ অপেক্ষাকৃত নির্মল ও নিশ্চল হইবে এবং ধর্ম প্রবৃত্তি সকল ক্রমশঃ পরিবর্দ্ধিত হইবে। এই যুক্তিতে ঈশ্বর মূর্ত্তির “আত্মবৎ সেবা” নামক প্রথম কোশল সৃষ্ট হইয়াছে।

পুরাণাদি শাস্ত্রের পৌত্তলিক আরাধনা ঘটিত যাবতীয় আলা-  
স্কারিক বর্ণনা এই কোশল হইতে সমুদ্ভূত।

দ্বিতীয়—যখন এরূপ জ্ঞানজন্মে যে, সকল পদার্থে ঈশ্বরের বিদ্যমানতা থাকিলেও কোন জড় মূর্ত্তিতে বিদ্যমান ঈশ্বরাত্মক বাস্তবিক সুখ দুঃখ অনুভব করেন না ও মনুষ্যাদির জ্ঞান তাঁহার কোনরূপ নিকৃষ্ট প্রবৃত্তি নাই; তখন তাঁহাকে সুখদুঃখাতীত পবিত্রস্বরূপ জ্ঞানে কেবল ভক্তি প্রদর্শন করিবার ইচ্ছাই বলবতী হয়। তখন সম্মুখস্থ বিশেষভাবময়ী কোন মূর্ত্তির নিকট কৃতাজলিপুটে দণ্ডায়মান হইয়া তদীয় পাদপদ্মে পুষ্পাজলি প্রদানাদি যেমন সাক্ষাৎ সম্বন্ধে ভক্তি প্রকাশের চিহ্ন, এরূপ আর কিছুই নহে। এই যুক্তি অবলম্বন করিয়া “চিত্রিত বা নির্মিত-মূর্ত্তিতে সচেতনত্ব কল্পনা পূর্বক ঈশ্বর পূজা” রূপ দ্বিতীয় কোশলের সৃষ্টি হইয়াছে।

পুত্তলিকার প্রাণ প্রতিষ্ঠা ও বিসর্জনাদি ঘটিত যাবতীয় ব্যবস্থা এই কোশল হইতে সমুৎপন্ন।

তৃতীয়—ক্রমশঃ সাধনা দ্বারা যখন ঈশ্বরের সর্বব্যাপিত্ববোধ দৃঢ় হইয়া আসে তখন নিশ্চিত প্রতিমূর্তি ব্যতিরেকেও যে কোন বাহ্য-বস্তুর ঈশ্বর পূজার ফলতা অনুভব হয়। তজ্জন্ত “বাহ্যপূজা”-রূপ তৃতীয় কৌশল অবলম্বিত হইয়াছে।

তাম্রকুণ্ড ইত্যাদি জলপাত্র, পুষ্করিণী ইত্যাদি জলাশয়ে এবং তুলসী বৃক্ষাদি বা ঘটাদিতে (অব্যক্ত চৈতন্তের) পূজা এই কৌশল হইতে উৎপন্ন।

চতুর্থ—ক্রমশঃ জ্ঞানোন্নতির দ্বারা যখন এরূপ বোধ হয় যে, জীবাত্মাই পরমাত্মার অংশস্বরূপ তখন আপন দেহ মধ্যেই ঈশ্বরের অস্তিত্ব অনুভব হয়। তদবস্থার নিমিত্ত “মানস-পূজা” নামক চতুর্থ কৌশলের সৃষ্টি হইয়াছে।

প্রাত্যহিক পূজাকালে আন্তরিক আসনভক্তি, ভূতভক্তি ও মানসিক পূজা ইত্যাদি এই কৌশল হইতে সমুৎপন্ন।

জ। একমাত্র হিন্দুধর্মই ঈশ্বরকে হৃদয়স্থিত জানিয়া অর্চনা করিবার উপদেশ দেয়। জগতের অত্র কোনও ধর্মশাস্ত্র বোধ-হয় স্পষ্টতঃ এরূপ উপদেশ দেন নাই। ঈশ্বরকে নিজ হৃদয়ে অঙ্কিত দেখিলে যেমন ঘনিষ্ঠ সাক্ষ্য জ্ঞান হয় তেমন অত্র কোন প্রকারেও হয় না।

ঝ। সনাতন ধর্মে পুনঃ পুনঃ পরমাত্মার সহিত জীবাত্মার যোগের বিষয় বিশেষ করিয়া বিচারিত, নিয়মিত ও ব্যাখ্যাত হইয়াছে। পৃথিবীর অত্র কোনও ধর্মশাস্ত্রে দিব্য যোগমার্গের এপ্রকার বিশদ ও বিস্তৃত ব্যাখ্যা দেখা যায় না।

এ। ভূমণ্ডলে অনেকানেক ধর্ম-সম্প্রদায় ও ধর্মশাস্ত্র আছে, এবং তাঁহারা সকলেই একবাক্যে মনুষ্যকে সংপথগামী, শিষ্টাচারী ও মোক্ষসাধনতৎপর হইতে উপদেশ দেন কিন্তু এক আর্ঘ্য-ঋষিপ্রণীত শাস্ত্র ভিন্ন আর কেহ নিকাম কর্মের, নিকাম উপাসনার এবং নিকাম সাধনার শিক্ষা দেন নাই। অত্যাশ্রয় ধর্ম্যে কেবল ইহলৌকিক বা পারলৌকিক স্বথ প্রত্যাশায় ধর্ম্মানুষ্ঠানের বিধান দৃষ্ট হয়; কেবল এক আর্ঘ্য-ঋষিই ফলকামনা না করিয়া ধর্ম্মের নিমিত্তই ধর্ম্মসাধনের, ঈশ্বরের নিমিত্তই ঈশ্বর উপাসনার ব্যবস্থা বিধিবদ্ধ করিয়াছেন।

ট। জগতের প্রায় সকল ধর্ম্মাবলম্বীরা বলেন যে, “আমার ধর্ম্মটা না মানিলে তুমি অনন্ত নরকে পড়িবে। আমার পন্থাই পন্থা, আমার মোক্ষমার্গই একমাত্র মোক্ষমার্গ; আর সকলই ভ্রান্ত, সকলই মিথ্যা।” কিন্তু হিন্দুশাস্ত্র কুরুপ বলেন দেখুন—

“কুচীনাং বৈচিত্রাদ্ভুজুটিলনানাপথযুবাং ।

ন প্ণামেকো গম্যন্তমসি পরসামর্গবইব ॥”

( মহিষসুতব )

“অর্থাৎ কুচির ভেদানুসারে ঋজু কুটিল পথ দিয়া মনুষ্য সর্ব্বশেষে তোমাকে লাভ করে, যেমন নদীসকল যেরূপ পথ দিয়া যাউক না কেন, শেষে মহাসাগরে গিয়া মিলিত হয়।”

“বহুধাপ্যাগমৈর্ভিন্নাঃ পন্থানঃ সিদ্ধিহেতবঃ ।

অথ্যেব নিপতন্ত্যোযাঃ জাহ্নবীয়া ইবার্ণবে ॥”

( রঘুবংশ )

বেদান্তসূত্রে

“অন্তরাচাপিতু তদৃষ্টে”

“তৈরেকা, বাচকপ্রভৃতি বর্ণাশ্রমাচার বিহীন লোকেরাও ব্রহ্মজ্ঞানে অধিকারী, ইহার প্রমাণ বেদে দৃষ্ট হয়।” কেবল যে বর্ণাশ্রমাচারবিহীন হিন্দুরাই পরিত্রাণের অধিকারী, এমন নহে। কিরাত যবন প্রভৃতি অনার্য্য জাতীয়েরাও (যাহারা আর্য্যদিগের প্রতি সর্বদা বিদ্রোহাচরণ করিত এবং তাঁহাদের ধর্ম্মানুষ্ঠানের বিষয় উৎপাদন করিত) একবারে ধর্ম্মাধিকারে বঞ্চিত অথবা ঈশ্বরের পরিত্যাজ্য নহে, ইহাও পুনঃ পুনঃ উল্লেখ আছে। যথা—

শ্রীমদ্ভাগবতে

“কিরাতহুনাঙ্ক পুলিন্দপুঙ্কসা আব্রকঙ্কা যবনাঃ খসাদয়ঃ।

যেথোচ পাপা যদপাশ্রয়া শ্রয়াঃ শুক্যন্তি তস্মৈ প্রভবিষ্যবে নমঃ ॥”

“কিরাত, হুন, অঙ্ক, পুলিন্দ, পুঙ্কস, আব্রী, কঙ্ক, খস প্রভৃতি লোক এবং অগ্ন্যত্র পাপাচারী ব্যক্তিরা যাহার আশ্রয় লইয়া শুদ্ধ হয়, সেই বিষুকে আমি নমস্কার করি।”

এই অনুদারতার প্রতিবাদ করিয়া কেহ কেহ হয়ত বলিবেন যে, গীতাতে স্বয়ং ভগবান্ বলিয়াছেন

“শ্রেয়ান্ স্বধর্ম্মোবিগুণঃ পরধর্ম্মাৎ স্বকৃষ্টিতাত্।

স্বধর্ম্মে নিধনং শ্রেয়ো পরধর্ম্মো ভয়াবহঃ ॥”

এই ভগবদ্বাক্যের গূঢ়ার্থ বিশদ করিয়া ব্যাখ্যা করিবার এখন সময় নাই। কিন্তু ইহার সাধারণ অর্থ গ্রহণ করিলেও ভগবানের উক্তির গুদার্য্যের বিষয়ে কিছুমাত্র সন্দেহ থাকিবে না। অর্থ যথা—

“নিজ ধর্মের বিপুল অর্থ্যৎ অজ্ঞহীন অনুষ্ঠানও ভাল, কিন্তু পর-  
ধর্মের সূচক অনুষ্ঠানও শ্রেয়স্কর নহে ; স্বধর্মে নিধন হওয়াও  
ভাল, কিন্তু পরধর্ম ভয়াবহ।”

এই সাধারণ অর্থেও ভগবান্ এরূপ বলেন না যে. সকল মানুষ  
নিজ নিজ ধর্ম ত্যাগ করিয়া হিন্দুধর্মাবলম্বী হউক। বরং তিনি  
বলিতেছেন যে প্রত্যেকে নিজ নিজ ধর্মমार्গের দ্বারা উন্নতিসাধন  
কর। তুমি আর্য্য, আর্য্যধর্মের দ্বারাই তোমার উন্নতি হইবে।  
তুমি খ্রীষ্টান্, খ্রীষ্টধর্মের দ্বারাই তোমার উন্নতি হইবে। মুসলমানের  
মুসলমানধর্মের দ্বারাই উন্নতি হইবে। পূর্বপূর্বজন্মার্জিত কশ্ম-  
সূত্রানুসারে বিধাতা যাহাকে যে ধর্ম নির্দেশ করিয়া দিয়াছেন, তিনি  
সেই ধর্মেই উন্নতি সাধন করিতে পারিবেন। যদি ধর্মান্তরে জন্ম  
গ্রহণ করিলে তোমার ধর্মোন্নতি স্কর হইত, তাহা হইলে তোমার  
জন্ম নিয়ন্তা সর্ব্বশক্তিমান্ ঈশ্বর তোমার সেই ধর্মেই জন্মের  
ব্যবস্থা করিতে পারিতেন।

প্রবন্ধ বিস্তৃত হইয়া যাইতেছে ; আর অধিক কথা বলিবার  
অবসর নাই। কেবল বর্ত্তমানে আর্য্যধর্মের অবনতির কারণ দুই  
একটীর উল্লেখ করিয়া এই ভূমিকার উপসংহার করিব।

কালে সকল পদার্থেরই হ্রাস বৃদ্ধি হয়। আর্য্যজাতির উচ্চতম  
অবস্থা যুগে যুগে হ্রাস প্রাপ্ত হইয়া অবশেষে বর্ত্তমান কলিযুগে  
যবনাদিজাতির অত্যাচারে তাহার গৌরবস্বর্ঘ্য অন্তমিতপ্রায় হই-  
য়াছে। তাহার কারণ দুই চারিটা নিম্নে উল্লেখ করা যাইতেছে।

প্রথমতঃ ভিন্নধর্ম্যাক্রান্ত রাজার নিকট বা রাজবিদ্যালয়ে আর্য্য-

ধর্মের প্রশংসা নাই ; প্রত্যুত নিন্দা ও অবজ্ঞা আছে । সুতরাং পাঠ্যাবস্থাতেই যুবকদিগের এই শাস্ত্রসমুদ্রনিহিত গভীরতত্ত্বজ্ঞানযুক্ত ধর্মের প্রতি সহজেই অনাস্থা উৎপন্ন হয় ।

দ্বিতীয়তঃ, হিন্দুধর্মের উপদেষ্টা ব্রাহ্মণেরা জীবিকার জন্ত এক্ষণে শাস্ত্রব্যবসায় পরিত্যাগ করিয়া হীনব্যবসা অবলম্বী হইয়াছেন । সুতরাং উপযুক্ত উপদেষ্টার অভাবে শাস্ত্রের গূঢ়ার্থ প্রচার ও প্রতিষ্ঠার একান্ত অভাব । এদিকে যে সকল ব্যক্তি রাজানুমোদিত ত্রীষ্টধর্ম অথবা তদানুকায়ী কোন সহজসাধ্য ধর্মের প্রতি অনুরাগ ও আর্ধ্যধর্মের প্রতি বিরাগ প্রদর্শন করেন, তাঁহারা তথা কথিত শিক্ষিত সমাজে সম্মানিত, ও অর্থোপার্জনে সিদ্ধমনোরথ হন ।

তৃতীয়তঃ, হিন্দুধর্ম্মানুষ্ঠানে শারীরিক ও মানসিক বহুবিধ তপস্তা-  
নুষ্ঠানের বিধান আছে এবং নিত্য ও নৈমিত্তিকাদি যাগ যজ্ঞ ব্রত-  
পূজাদি অল্লাধিক ব্যয়সাধ্যও বটে ; কিন্তু খ্রীষ্টীয় ও অত্যাধুনিক  
ধর্ম্মে সরূপ ব্যবস্থা নাই । সুতরাং অলসপ্রকৃতি, অল্পধর্ম্মভাবাপন্ন,  
অল্পত্যাগী ও সুখসেবী জনগণ স্বভাবতঃই হিন্দুধর্ম্মানুষ্ঠানে বীতশ্রদ্ধ  
হইতেছেন ।

চতুর্থতঃ, ভিন্নধর্ম্মাবলম্বীরা অগুরুণ আর্ধ্যধর্ম্মের মানি করিয়া  
সুকুমারমতি বালকদিগের মতভ্রষ্ট করাইয়া দেন, এবং একখানি  
মাত্র গ্রন্থপাঠ করিয়া ও একবার মাত্র সাধনমন্দিরে সমবেত উপাসনা  
করিয়া মোক্ষপ্রাপ্তির অতি সহজ পন্থা (Royal Road) দেখাইয়া  
দেন । এবং শিক্ষিতমণ্ডলীর ধর্ম্মানুষ্ঠানের অভাব দেখিয়া ইতর সাধা-  
রণেও শাস্ত্রবিধিসমূহে বিদ্রোহবুদ্ধিযুক্ত ও বীতশ্রদ্ধ হইয়া পড়িতেছেন ।



কলতঃ যে বিত্তার চৰ্চা ও যে শাস্ত্ৰেৰ অনুষ্ঠান কাৰণে ৰাজদ্বাৰে বা তথাকথিত শাক্ত সমাজে পুৰস্কাৰ নাই, বৰং তিরস্কাৰ আছে, — প্রত্যুত যাহাঁৰ অনুষ্ঠান না কাৰণে তিরস্কাৰ নাই, বৰং পুৰস্কাৰ আছে, সে শাস্ত্ৰেৰ ও ধৰ্ম্মেৰ যে অবনতি হ'ব বে হাঁহাৰ আৰ বৈচিত্ৰ্য  
কি ?

খ্ৰীষ্টধৰ্ম্মাবলম্বী ব্যক্তিবোৰে অপেক্ষাকৃত বুদ্ধিমান্ ও জ্ঞানাপন্ন হইয়াও কি নিমিত্ত হিন্দুধৰ্ম্মেৰ প্ৰতি অশ্ৰদ্ধা ও বিদ্বেষ প্ৰদৰ্শন কৰেন তাহাৰ কয়েকটী কাৰণ এখানে উল্লেখযোগ্য।

১ম। খ্ৰীষ্টীয়দিগেৰ প্ৰকৃত হিন্দুধৰ্ম্মেৰ অনভিজ্ঞতা। হিন্দুধৰ্ম্মেৰ স্মৃতিপ্ৰায় অবস্থাতে এতদ্দেশে খ্ৰীষ্টীয়দিগেৰ আগমন হয়। স্মৃতিৰাং একজন মুমূৰ্শু ব্যক্তি অপৰিচিত ব্যক্তিৰ নিকট আপনাৰ পাণ্ডিত্য বা আভিজাত্যেৰ যতটুকু পৰিচয় দিতে পাৰে, অপৰিচিত খ্ৰীষ্টধৰ্ম্মেৰ নিকট হিন্দুধৰ্ম্ম তৎকালে তাহাৰ অধিক পৰিচয় দিতে সমৰ্থ হয় নাই। স্মৃতিৰাং খ্ৰীষ্টিয়েৰা যেমন দেখিগেন, তাহাতে আৰ্য্যধৰ্ম্মকে অসাৰ বলিঘাট বোধ কৰিলেন।

২য়। বাইবেল শাস্ত্ৰেৰ বৰ্ত্তমান প্ৰচলিত কদৰ্থ অনুসাৰে খ্ৰীষ্টীয়দিগেৰ যে কুসংস্কাৰ জন্মিয়াছে, তাহা এই অশ্ৰদ্ধাৰ দ্বিতীয় কাৰণ। তাহাৰা বালাকাল হইতে ও কয়েক পুৰুষানুক্ৰমে উপদেশ পাইয়াছেন যে জন্মান্তৰ নাই, যে কৰ্ম্মফল অবশ্যস্বাবী নয়, এবং কোনও প্ৰকাৰ সাকার উপাসনা নৱকগমনেৰ অমোঘ কাৰণ, যে খ্ৰীষ্টানেতৰ অন্ত কোনও মন্ত্ৰধোৰ মুক্তি একেবাৰেই অসম্ভব, যে ভগবান্ একবাৰ মাত্ৰ জগতেৰ হিতাৰ্থে খ্ৰীষ্টৰূপে অবতীৰ্ণ হইয়াছিলেন, আৰ এই

অনন্তকালের মধ্যে কখনও হন নাই, বাইবেলোক্ত ৬০০০ বৎসর পূর্বের জগতের অস্তিত্ব ছিল না, এইরূপ কুসংস্কারাক্রান্ত তঁাহাদের অল্প সংখ্যের মর্মে উপলব্ধি করিবার সম্পূর্ণ প্রতিকূল। বিদেহ-বুদ্ধি বা অবজ্ঞার সহিত যে কোনও পদার্থের আত্মোপাস্ত পর্যবেক্ষণ করিলেও তাহার ঐৎকর্য উপলব্ধি হওয়া যে একান্ত অসম্ভব তাহার বোধহয় উল্লেখ অনাবশ্যক। উক্ত ধর্মাবলম্বীদিগের মধ্যে যে কোনও উদারচেতা ব্যক্তি যখনই বিদেহ ও অবজ্ঞা পরিত্যাগ করিয়া, নিজ ও পরধর্ম সম্পূর্ণ পক্ষপাত শূন্য হইয়া আধ্যাত্মের তত্ত্ব-লোচনা করিয়াছেন, তখনই তঁাহারা ইহার ভ্রমণী প্রশংসা করিয়াছেন।

৩য়। পূজ্য বৈষ্ণব ও তান্ত্রিক সম্প্রদায়ের মধ্যে এবং অতীত ও এমন দুই একটি নীচকর্মান্বলম্বী বিভাগ আছে যে তাহারা ধর্মকার্য্য বা লয়া নানাবিধ জঘন্য ও অপবিত্র অনুষ্ঠান করে। তন্মিত্ত ব্রাহ্মণ-জাতির মধ্যেও অতি যুগাই কোলিত প্রথা প্রভৃতি কুসংস্কার এক প্রগাঢ়রূপে প্রাবল্য করিয়াছিল (এবং এখনও আছে) যে শিক্ষিতমণ্ডলী বিচার করিলেন যে কিয়ৎকাল সর্বতোভাবে হিন্দুধর্মের বিরুদ্ধে উত্থান না করিলে উহা নিবারিত হওয়া অসম্ভব।

গৃহস্থ ব্যক্তিগণের পক্ষে গৃহ ও পরিবার, শান্তি ও প্রীতির আশ্রয়। কিন্তু এখন পূর্বোল্লিখিত নানাকারণে সেই এক পরিবারের মধ্যে কেহ নাস্তিক, কেহ অর্দ্ধ নাস্তিক, কেহ খ্রীষ্টান, কেহ ব্রাহ্মসমাজভক্ত, কেহ বা তাহার অর্দ্ধাংশ। সুতরাং সেই শান্তি-নিকেতনে অহোরাত্র অশান্তি ও অপ্রীতি গাঢ় প্রবেশ করিয়াছে। শাস্ত্রোপদেশকদিগের সংস্কার, ধর্ম্মানুষ্ঠান নামে যে সকল কুসংস্কার

বা কদাচার হিন্দুসমাজের নিয়ন্ত্রণে প্রবেশ করিয়াছে তাহার নিরাকরণ, নারীজাতির সুশিক্ষার অল্পষ্ঠান এবং সামাজিক বহুবিধ কুপ্রথার পরিহার ও বেদাদি শাস্ত্রাধ্যয়নের বিশেষ ব্যবস্থা যতদিন পর্যন্ত সংসাধিত না হয়, ততদিন আৰ্য্যধর্মের পুনঃপ্রতিষ্ঠার সম্ভাবনা নাই।

মহাসাগরের সমস্ত তলপ্রদেশ অধিবেশ অথবা হিমালয়কে বিচূর্ণ করিয়া তন্মধ্যস্থ রত্নরাজি সংগ্রহ করা যেমন দুর্লভ ব্যাপার, আৰ্য্য-ধর্মশাস্ত্রসমুদ্রের গূহতত্ত্বসকল সংক্ষেপ প্রচার করাও তেমনি অসম্ভব; তত্রাপি যাহাতে আৰ্য্যসম্মানগণ অল্পায়াসে শাস্ত্রার্থের কথঞ্চিৎ মর্ম সহজে অবগত হইতে পারেন, তদুদ্দেশ্যে কাশীধামস্থ সেন্ট্রেল হিন্দু কলেজের ট্রাস্টীগণ (the Trustees of the Central Hindu College, Benares) যে সুন্দর গ্রন্থ ইংরাজীতে সঙ্কলন করিয়াছেন, অত্র পুস্তকে তাহার বঙ্গভাষায় অনুবাদ করা গেল। রাজকীয় কার্যের আধিক্যবশতঃ ও অন্যান্য কারণে ইহার মুদ্রাস্থলে যে সমস্ত ত্রুটি ঘটিয়াছে, দ্বিতীয় সংস্করণে তাহার পরিহারের বিশেষ চেষ্টা করিব। বর্তমানে সহৃদয় পাঠকের নিকট তজ্জন্ম ক্ষমাপ্রার্থনা করিয়া বিদায় লইলাম।

ভবানীপুর,  
৫৬নং পদ্মপুর রোড।  
১৮ই ফাল্গুন, ১৩১২ সাল।

প্রকাশক

॥ ॐ তংসং ॐ ॥

## নিরঞ্জনাষ্টকম্ ।

( শঙ্করাচার্য্য বিরচিতং ) ।

( ১ )

“স্থানং ন মানং ন চ নাদবিন্দু—

রূপং ন রেখা ন চ ধাতু বর্ণং ।

দ্রষ্টা ন দৃশ্য শ্রবণং ন শ্রাব্যং

তস্মৈ নমো ব্রহ্মনিরঞ্জনায়া ॥”

স্থান, মান, নাদ, বিন্দু, রূপ, রেখা আর

নাহি যার,, নন :ধাতু, নাহি বর্ণ যার,

দর্শক, শ্রবন, দৃশ্য, শ্রাব্য, নাহি যার,

নিরঞ্জন সেই ব্রহ্মে করি নমস্কার ॥

( ২ )

“বৃক্ষো ন মূলং ন চ বীজকুলং

শাখা ন পত্রং ন চ বল্লিপল্লবং ।

পুষ্পং ন গন্ধং ন ফলং ন ছায়া—

তস্মৈ নমো ব্রহ্মনিরঞ্জনায়া ॥”

বৃক্ষরূপ হন যিনি সদানন্দগয়,—

কিন্তু মূল, বীজ, শাখা, পত্র, নাহি যার,

[ ৩ ]

লতা পুষ্প, গন্ধ, ফল, ছায়া, নাহি যার,  
নিরঞ্জন সেই ব্রহ্মে করি নমস্কার ॥

( ৩ )

“বেদং ন শাস্ত্রং নচ শৌচ সঙ্ঘা—

মন্ত্রং ন জাপ্যং নচ ধ্যান ধ্যেয়ং ।

হোমো ন যজ্ঞো নচ দেবপূজা—

তস্মৈ নমো ব্রহ্ম নিরঞ্জনায় ॥”

বেদ, শাস্ত্র, শৌচ, সঙ্ঘা, মন্ত্র, জপ, ধ্যান,

হোম, যজ্ঞ, দেবপূজা নহে ক্রিয়াবান,

নাহি ধ্যেয়, জপনীয় না আছে বাহ্য,

নিরঞ্জন সেই ব্রহ্মে করি নমস্কার ॥

( ৪ )

“অদো ন উর্দ্ধং ন শিবো ন শক্তিঃ

পুমান্ ন নারী নচ লিঙ্গ মূর্তিঃ ।

ন ব্রহ্মা ন বিষ্ণুর্নচ দেব রুদ্রো —

তস্মৈ নমো ব্রহ্ম নিরঞ্জনায় ॥”

নাহি উর্দ্ধ, অদঃ ধার, শিব, শাস্তি নয়,—

পুরুষ, প্রকৃতি ; নহে লিঙ্গমূর্তিময়,

নহে ব্রহ্মা, নহে বিষ্ণু, দেব রুদ্র আর,

নিরঞ্জন সেই ব্রহ্মে করি নমস্কার ॥

( ৫ )

“অথগুথগুং নচ দগুদগুং—

কালোপি জীবো ন গুরুনশিষ্যঃ ।

[ গ ]

গ্রহা ন তারা নচ মেঘমালা—

তন্মৈ নমো ব্রহ্ম নিরঞ্জনায় ॥”

নহে জগতের অংশ, কাল—দণ্ডপল,

নহে জীব, গুরুশিষ্য, নহে মেঘ দল,

নহে গ্রহ নহে তারা যিনি, বার বার—

নিরঞ্জন সেই ব্রহ্মে করি নমস্কার ॥

( ৬ )

“শ্বেতং ন পীতং নচ রক্তং রেতং

হেমং ন রৌপ্যং নচ বর্ণং বর্ণং ।

চক্ষার্ক-বহ্নে-রুদয়ো ন চাস্তং

তন্মৈ নমো ব্রহ্ম নিরঞ্জনায় ॥”

নহে রক্ত, রেতঃ, সিত বা পীত বর্ণ,

নহে স্বর্ণ, রৌপ্য কিস্মা, নহে যেইজন—

সোম, সূর্য্য, বহ্নি ; নাহি উদয়াস্ত ধার

নিরঞ্জন সেই ব্রহ্মে করি নমস্কার ॥

( ৭ )

“স্বর্গে ন পংক্তির্নগরে ন ক্ষেত্রে

জাতেরতীতং নচ ভেদ ভিন্নং ।

নাহং ন তত্ত্বং ন পৃথক্ পৃথক্ভাৎ

তন্মৈ নমো ব্রহ্ম নিরঞ্জনায় ॥”

স্বর্গে নগরে ক্ষেত্রে নাহি অবস্থান,—

জাতির অতীত নাহি কোন ভেদভাণ :

[ ১৪ ]

অপৃথক্ নাহি আমি, তুমি, বা সে ধার,  
নিরঞ্জন সেই ব্রহ্মে করি নমস্কার ॥

( ৮ )

“গম্ভীরধীরং ন নিৰ্বাণশূন্তং—

সংসারসারং নচ পাপপুণ্যং

ব্যক্তং নচাব্যক্তমভেদ ভিন্নং

তস্মৈ নমো ব্রহ্ম নিরঞ্জনায় ॥”

গম্ভীর বা ধীর নয়, ভবে সারধন,

পাপ, পুণ্য, নিবারণ শূন্ত যেইজন,—

ব্যক্ত ও অব্যক্ত ; নাহি ভেদ ভাণ ধার

নিরঞ্জন সেই ব্রহ্মে করি নমস্কার ॥

সত্যমেব জয়তে নাগৃ তং ॥  
উত্তীৰ্ণত জাগ্রত প্রাপ্য বরান্ নিবোধত ॥





ওঁ তৎ সৎ ।

ওঁ শ্রীশ্রীগুরবে নমঃ ।

## সনাতন ধর্ম ।



অবতরণিকা ।

মঙ্গলং দিশতু নো বিনায়কো,  
মঙ্গলং দিশতু নঃ সরস্বতী ।  
মঙ্গলং দিশতু নঃ সমুদ্রজা,  
মঙ্গলং দিশতু নো মহেশ্বরী ॥  
বিনায়ক, সরস্বতী, সমুদ্র-তনয়া ।  
মহেশ্বরী দিবেন মঙ্গল করি দয়া ॥

সনাতন ধর্ম বলিলে চিরতন ধর্মকে বুঝায় । ( বাহ্য সত্য তাহা অনন্ত কাল বর্তমান আছে, এই সত্যধর্ম অনাদি কালের সঙ্গে বর্তমান বলিয়াই ইহাকে সনাতন ধর্ম বলা হয় । ) ইহা বেদমূলক । বেদনামক পবিত্র গ্রন্থগুলি বহুযুগ পূর্বে মানবগণ প্রাপ্ত হইয়াছিল । এই ধর্মের আর একটি নাম আর্য্যধর্ম ; কারণ আর্য্য জাতির আদিম শাখা এই ধর্ম প্রথমে প্রাপ্ত

হইয়াছিলেন। আৰ্য্য শব্দের অর্থ সম্ভ্রান্ত। যে সমুদায় জাতি জগতের ইতিহাসের প্রথম অবস্থায় বর্তমান ছিল, তাহাদের অপেক্ষা এই জাতীয়গণ অধিক সুশ্রী ও সুচারব্র বলিয়া এই নামে অভিহিত। এক্ষণে যে দেশ ভারতবর্ষ বা ইণ্ডিয়া নামে বিখ্যাত, তাহারই উত্তরাংশে আৰ্য্যগণ প্রথম বাস করিয়াছিলেন বলিয়া, ঐ অংশ আৰ্য্যাবর্ত নামে বিখ্যাত। মনুসংহিতায় লিখিত আছে, “হিমবৎ ও বিক্ষিপৰ্ব্বতের মধ্যস্থিত যে ভূপণ্ড পূৰ্ব্ব সাগর হইতে পশ্চিম সাগর পর্য্যন্ত বিস্তৃত, তাহাকে পণ্ডিতগণ আৰ্য্যাবর্ত বলেন।” (১)

কালক্রমে, এই ধনুট হিন্দুধর্ম নাম প্রাপ্ত হইয়া অত্যাঁপি সেই নামেই অভিহিত হইতেছে। বর্তমান সময়ে যত ধর্ম প্রচলিত আছে, ইহা তাহাদের মধ্যে প্রাচীনতম। এই ধর্ম্মাশ্রয়ে যত খ্যাতনামা আচার্য্য, লেখক, পণ্ডিত, মহর্ষি, সাধু, নরপতি, রণবীর, রাজনীতিজ্ঞ, দাতা ও স্বদেশহিতৈষী আবির্ভূত হইয়াছিলেন, এমন আর কোনও ধর্ম্মসম্প্রদায় মধ্যে দৃষ্ট হয় না। যতই তোমরা এই ধর্ম্মতত্ত্ব অবগত হইতে থাকিবে, তত তোমাদের এই ধর্ম্মের প্রতি শ্রদ্ধা ও প্রীতি বর্দ্ধিত হইতে থাকিবে ; ততই তোমরা এই ধর্ম্মাশ্রয়ে জন্মগ্রহণ করিয়াছ বলিয়া আপনাদিগকে কৃতার্থ

(১) আসমুদ্রান্তু বৈ পূৰ্ব্বাদাসমুদ্রান্তু পশ্চিমাং ।

তয়োরেবাস্তরং গিৰ্য্যোরাৰ্য্যাবর্তং বিহুৰ্কু ধাঃ ॥

( মনু ২। ২২ )

জ্ঞান করিতে থাকিবে। কিন্তু অগ্রে এই ধর্মের যোগ্যপাত্র হইতে হইবে। ঠহার উচ্চ হইতে উচ্চতর তত্ত্বে প্রবেশের অধিকার লাভ না করিলে এই মহৎ পবিত্র ধর্ম তোমাদের কোনও উপকারে সমর্থ হইবে না।

এই পুরাতন ধর্ম সুদৃঢ় ভিত্তির উপর  
সনাতন ধর্মের ভিত্তি।

স্থাপিত। সেই ভিত্তির উপর ইহার  
প্রাচীরসমূহ দৃঢ়রূপে নির্মিত আছে।

সেই সুদৃঢ় ভিত্তি শ্রুতি, এবং প্রাচীরগুলি স্মৃতি নামে  
বিখ্যাত।

শ্রুতিসমূহ, ঋষিগণ দেবতাদিগের নিকট শ্রবণ দ্বারা লাভ  
করিয়াছিলেন। সেই সমুদায় পবিত্র বাক্য প্রাচীনকালে কখনও  
লিপিবদ্ধ হইত না। শিষ্যগণ গুরুমুখে শ্রবণপূর্বক অভ্যাস  
করিয়া রাখিতেন এবং অনবরত আবৃত্তি করিতেন।

গুরু, শিষ্যগণসম্মুখে গান করিতেন; শিষ্যগণ তাঁহার অনুবর্তী  
হইয়া অল্পে অল্পে গান করিয়া অভ্যাস করিতেন। যত দিন না  
কণ্ঠস্থ হইত, ততদিন এইরূপে অনবরত অভ্যাস করিতেন। আজিও  
শ্রুতি সেই প্রাচীন রীতিতে অধীত হইয়া থাকে। তোমরা কোনও  
বৈদিক পাঠশালায় যাইলে শ্রুতিগান শুনিতে পাইবে।

চারি বেদের নাম শ্রুতি। বেদ শব্দের অর্থ জ্ঞান, অর্থাৎ যাহা  
জানা যায়। সে জ্ঞান এই পবিত্র ধর্মের ভিত্তি, তাহাই এই  
চতুর্বেদে আছে। সেই বেদচতুষ্টয়—ঋগ্বেদ, সামবেদ, যজুর্বেদ ও  
অথর্ববেদ নামে অভিহিত।

প্রত্যেক বেদ তিন ভাগে বিভক্ত। (১) মন্ত্র বা সংহিতা, (২) ব্রাহ্মণ ও (৩) উপনিষদ। মন্ত্রভাগে, বিশেষ বিশেষ কার্যোপযোগী, সুসম্বন্ধ মন্ত্রবাক্য আছে; উহার শব্দভাষ্যের ক্রম হেতু ঐ সমস্ত মন্ত্রের বিশেষ শক্তি আছে। এইগুলি দেবতাদিগের স্তুতি-গান। দেবতাদিগের সহিত মনুষ্যাগণের সম্বন্ধ পরে বিবৃত হইয়াছে। ঐ সকল মন্ত্র যথাযথ উচ্চারিত হইলে ফলপ্রদ হইয়া থাকে। মন্ত্র সমুদায় বিবিধ যজ্ঞাদিতে প্রয়োগ হয়। এবং ঐ সমুদায় যথাযথ উচ্চারিত হইলে, যজ্ঞকল লব্ধ হইয়া থাকে।

বেদের ব্রাহ্মণভাগে যজ্ঞবিধি বর্ণিত আছে। মন্ত্রভাগে যে সমুদায় মন্ত্র আছে, তাহার প্রয়োগপদ্ধতি এই ভাগে বর্ণিত হইয়াছে। এবং বিবিধ উপাখ্যান দ্বারা ঐ সকল বিষয় বিশদ করা হইয়াছে।

উপনিষৎসমূহে, ব্রহ্মতত্ত্ববিষয়ক দার্শনিক তত্ত্বসমূহ মীমাংসিত হইয়াছে। এই সমুদায় গ্রন্থে জীবাত্মা ও পরমাত্মা, মানব ও বিশ্ব, বন্ধ ও মোক্ষ বিষয়ে সূচরু আলোচনা আছে। ইহাই সমগ্র দর্শন শাস্ত্রের মূলস্বরূপ। যখন তোমরা উচ্চাশঙ্ক লাভ করিবে, তখন তোমরা উপনিষৎসকল আলোচনা করিয়া তৃপ্ত হইবে। উচ্চশিক্ষিত ব্যতীত সাধারণের পক্ষে সেই সকল তত্ত্ব অতীব দুর্লভ।

প্রাচীন কালে বেদের চতুর্থ ভাগ বর্তমান ছিল, তাহাকে উপবেদ বা তন্ত্র বলা হইত। তাহাতে বিবিধ বিজ্ঞান ও তাহার প্রয়োগবিধি বর্ণিত ছিল। এক্ষণে সেই মূলতন্ত্রসমূহের অতি অল্পই লোকসমাজে প্রচলিত আছে। ঋষিগণ, বর্তমান সময়ে

ঐ সকল শাস্ত্রের অধিকারীর অভাব দর্শন কবিয়া, মানবের দুর্ভাগ্য আশ্রমসমূহে সেই শাস্ত্র গ্রন্থ সকল রক্ষা করিয়াছেন। এক্ষণে বৈদিক বিধির সঙ্গে ক্রিয়াকাণ্ডসম্বন্ধীয় কতকগুলি তাত্ত্বিক বিধি মাত্র প্রচলিত আছে। বর্তমান সময়ে যে সকল গ্রন্থ, তন্ত্র বলিয়া প্রচলিত আছে, তাহা বেদের অন্তর্গত নহে।

শ্রুতির মত সর্বাপেক্ষা মাত্ৰ। তাহা সনাতন ধর্মের সকল সম্প্রদায়ের লোকই চরম নীমাংসা বলিয়া স্বীকার করেন। সকল ধর্মসম্প্রদায় এবং সকল দার্শনিকই শ্রুতির নীমাংসা শিরোধার্য করেন।

স্মৃতি বা ধর্ম শাস্ত্র, শ্রুতিমূলক; সুতরাং সেই সমুদায়ের স্থানও দ্বিতীয়। স্মৃতিশাস্ত্র প্রধানতঃ চারিখানি\* বৃহৎ গ্রন্থে লিপিবদ্ধ আছে। ঐ সমুদায় গ্রন্থ ঋষি-প্রণীত। স্মৃতিতে ব্যক্তিগত,

\* মন্বত্রিবিম্বুহারীত-যাজ্ঞবল্ক্যোশনাদিরাঃ।

বমাপস্তম্বসম্বর্ত-কাত্যায়ন বৃহস্পতিঃ।

পরশরবাসশঙ্কলিখিতদক্ষগৌতমাঃ।

শাতা তপো বশিষ্ঠশচ ধন্বশাস্ত্রপ্রযোজকাঃ ॥

এই সমুদায় স্মৃতিই আজিও বর্তমান আছে। তন্মধ্যে মনু সংহিতাই প্রধান। তবে যে উপরে চারিখানি স্মৃতির কথা বলা হইল, তাহার কারণ এই যে, মনুসংহিতা সত্যযুগের জন্ত, যাজ্ঞবল্ক্য সংহিতা ত্রেতাযুগের জন্ত, শঙ্কলিখিত স্মৃতি দ্বাপরের জন্ত, এবং পরাশর সংহিতা কলির জন্ত বিশেষরূপে কল্পিত হইয়াছিল, অর্থাৎ ঐ চতুষ্টয় গ্রন্থেই তত্তৎ যুগধর্ম বিশেষরূপে কথিত আছে।

পারিবারিক, সামাজিক, জাতীয় ও রাজনৈতিক বিবিধ বিধি ও নিষেধ আছে। হিন্দু সমাজ, স্মৃতির ব্যবহার উপর স্থাপিত। স্মৃতিগুলি এই—

১। মনুস্মৃতি বা মানব ধর্মশাস্ত্র।

২। যাজ্ঞবল্ক্যস্মৃতি।

৩। শঙ্খলিখিতস্মৃতি।

৪। পরাশরস্মৃতি।

মনুস্মৃতিই স্মৃতিসমূহের মধ্যে প্রধান। ইহাতে আর্য্যধর্মের সমুদায় ব্যবস্থাই বিনিবদ্ধ আছে। মনু, বর্তমান আর্য্যজাতির প্রধান ব্যবস্থাপক। হিন্দু কালবিভাগ অনুসারে জগতের ইতিহাস সাতটি বৃহৎভাগে বিভক্ত : সেই সাত বিভাগের আরম্ভ ও শেষ এক এক জন মনুর দ্বারা নির্দিষ্ট; সেই ভাগগুলি মনুস্তর নামে অভিহিত। মনুস্তর শব্দে দুই মনুর অন্তর্বর্তী কাল বুঝায়।

“স্বায়ম্ভুব মনুর বংশে মহাতেজস্বী আরও ছয় জন মনু জন্মগ্রহণ করিয়াছিলেন; তাঁহারা স্ব স্ব অধিকার কালে, প্রজা সকল সৃষ্টি করিয়াছিলেন।”\* ইহা দ্বারা সিদ্ধান্ত হইতেছে যে, আমরা

কিন্তু তথাপি “বেদার্থের অনুবর্তী বলিয়া মনুরই প্রাধান্য এবং মনু নিপরীত মত বাহ্য যে স্মৃতিতে আছে, তাহা গ্রাহ্য নহে”।

\* স্বায়ম্ভুবস্তাশ্রমণোঃ

ষড়্বংশা মনবোহপরে।

চতুর্থ মন্বন্তরে বর্তমান রহিয়াছি। ইহা বিবস্বান্তনয় বৈবস্বত মনুর অধিকার কাল। তাঁহার ব্যবস্থাসমূহ মনুস্মৃতিতে অংশতঃ নিবন্ধ রহিয়াছে।

যাজ্ঞবল্ক্যস্মৃতিও মনুর প্রণালী অনুসারে রচিত। ইহাতেও তদনুরূপ বিষয়সমূহ বর্ণিত আছে। ইহা স্মৃতিসমূহের মধ্যে প্রাধাত্তে দ্বিতীয় স্থান অধিকার করিয়া রহিয়াছে। অপর দুইখানি স্মৃতির বিশেষ ব্যবহার নাই।

শ্রুতি ও স্মৃতি যেমন সনাতনধর্ম্মদুর্গের ভিত্তি ও প্রাচীরস্বরূপ, তেমনি ইহার অবলম্বনস্বরূপ পুরাণ ও ইতিহাস নামে আরও দুইটি অঙ্গ আছে।

পুরাণসমূহে ইতিবৃত্ত, উপাখ্যান ও রূপক ছলে বেদার্থ ব্যাখ্যাত আছে। ঐ সকল গ্রন্থ, যাহারা বেদে অধিকার লাভ করে নাই ও অধিক জ্ঞান লাভ করে নাই, তাহাদের জন্ত রচিত। এই গ্রন্থগুলি বড়ই মনোরম, এবং নানা বিষয়পূর্ণ। অনেক রূপক একরূপ গূঢ়ার্থপূর্ণ, যে গুরু-সাহায্য ব্যতীত আয়ত্ত করা যায় না।

ইতিহাস দুইখানি পদ্মগ্রন্থ। (১) রামায়ণ; ইহাতে দশরথের পুত্র শ্রীরামচন্দ্রের, তৎপত্নী সীতার এবং রামচন্দ্রের ভ্রাতৃগণের

সৃষ্টবস্তুঃ প্রজাঃ স্বাঃ স্বা

মহাস্থনো মহোজসঃ ॥



মনোরম উপাখ্যান বর্ণিত আছে। তোমরা সকলেই সেই উপাখ্যান অবগত আছ।

(২) মহাভারত। ইহাতে উত্তর ভারতের কুরুরাজবংশের ইতিহাস বিশেষ ভাবে বর্ণিত আছে। ঐ কুরুবংশীয় দুইশাখা কৌরব ও পাণ্ডবগণের মহাযুদ্ধই ইহার প্রধান উপপাদ্য; আনুযায়িক অনেক মনোরম উপাখ্যান ও নানাবিধরূপী নীতিকথাদি বর্ণিত আছে।

রামায়ণ ও মহাভারত পাঠে আমরা প্রাচীন ভারতের আচার ব্যবহার, লোক চরিত্র ও শিল্প বাণিজ্য প্রভৃতি বিবিধ বিষয় অবগত হইতে পারি।

যদি তোমরা ঐ মহাগ্রন্থ দুইখানি পাঠ কর, তাহা হইলে, ভারতবর্ষ যে কত উন্নতি লাভ করিয়াছিল, তাহা জানিতে পারিবে এবং সঙ্গে সঙ্গে ভারতের পূর্ববৎ উন্নত অৱস্থা লাভের দ্রষ্টব্য কি প্রয়োজন, তাহাও জানিতে পারিবে।

যেমন, শ্রুতি, স্মৃতি, পুরাণ ও ইতিহাস দ্বারা এই ধর্ম-দুর্গ নির্মিত, তেমনি এই ধর্ম হইতে সর্বদাঙ্গসুন্দর, বৈজ্ঞানিক ও দার্শনিক গ্রন্থনিচয়ের উৎপত্তি হইয়াছে।

বিজ্ঞানসমূহ ষড়ঙ্গ নামে অভিহিত। ঐ ষড়ঙ্গ বর্তমান সময়ে লৌকিক জ্ঞানগ্রন্থ বলিয়াই পরিচিত। প্রাচীন কালে ধর্মতত্ত্ব ও লৌকিকতত্ত্ব একসূত্রে আবদ্ধ ছিল। শিক্ষা, কল, ব্যাকরণ, নিকরু, ছন্দ ও জ্যোতিষ এই ছয় অঙ্গ। ব্যাকরণ, শব্দতত্ত্ব, জ্যোতিষ, কাব্য এবং চতুঃষষ্টি কল্পশাস্ত্র ও শিক্ষাগ্রন্থ

বিজ্ঞানের অন্তর্ভুক্ত ছিল। যে কেহ বড়ঙ্গ অধ্যয়ন করিতেন, তাঁহার বহুমুখ গভীর জ্ঞান জন্মিত।

দর্শনও ছয়খানি। এই সকল, শাস্ত্র সাহায্যে সর্ববিধ বস্তুবিচার দ্বারা, স্বরূপ দর্শন করিবার ক্ষমতা জন্মিত বলিয়াই এই সকল শাস্ত্র দর্শন নামে কথিত। সকল দর্শনেরই উদ্দেশ্য পুরুষার্থ লাভ ; আত্যন্তিক ছুঃখনিবৃত্তিই পুরুষার্থ। পরমাত্মাব ও জীবাত্ত্মার যোগই সেই পুরুষার্থ। ইহার প্রথম উপায় জ্ঞানলাভ। কিন্তু প্রত্যেকের পস্থা স্বতন্ত্র। ঐ পস্থা মানবের অধিকারানুরূপ। সুতরাং বড় দর্শনকে একস্থানে গমনের ছয়টি বিভিন্ন পথ বলিলে অত্যুক্তি হয় না।

এই ছয় দর্শনে যাহা আছে, তাহার যতটুকু তোমাদের জ্ঞান স্কুমারমতিগণের বোধগম্য হইতে পারে, তাহাই এস্থলে বিবৃত হইল।

জ্ঞান ও নৈশেষিক দর্শন সমুদায় পদার্থের শ্রেণীবিভাগ করিয়া মীমাংসা করিয়াছেন যে, মানব ঐ সমুদায় বস্তু প্রমাণ দ্বারা জানিতে পারেন। প্রমাণ ত্রিবিধ;—প্রত্যক্ষ, অনুমান ও আগম ( ঋষিবাক্য )। তৎপরে এই পৃথিবী কিরূপে অণুপরমাণু হইতে উৎপন্ন হইয়াছে, তাহা মীমাংসিত হইয়াছে। তৎপরে ঈশ্বরতত্ত্বই যে চরম ও প্রধান জ্ঞান, তাহা মীমাংসিত হইয়াছে।

সাংখ্যে নূতন প্রণালীতে বিশেষ বিস্তৃত ভাবে প্রকৃতি পুরুষের বিষয় মীমাংসিত হইয়াছে।

যোগশাস্ত্রে, অত্মাশাস্ত্র-কথিত দশ ইন্দ্রিয়ের অতীত সূক্ষ্মতম অত্মাশাস্ত্র ইন্দ্রিয় সম্বন্ধে বিচার আছে ; এবং কিরূপে ঐ সমুদায় ইন্দ্রিয় বিকাশ লাভ করিয়া বথায়থ কার্যাক্ষম হইতে পারে, এবং তাহাদের সাহায্যে পরমাত্মার স্বরূপ উপলব্ধি হইতে পারে, তাহার উপায় বর্ণিত আছে ।

মীমাংসাদর্শন, পারত্রিক ও ব্যবহারিক কন্মের মীমাংসা করিয়াছেন, এবং তাহাদের কারণস্বরূপ ও ফল নির্ণয় করিয়াছেন । ঐ কন্মবন্ধনে সংসার বাধা ।

বেদান্তে ব্রহ্ম মীমাংসা আছে । অর্থাৎ আত্মার স্বরূপ, এবং জীব যে সেই আত্মার অংশ, তাহা নির্ণয়পূর্বক, কি উপায়ে কন্ম বন্ধন হইতে পারে না, বেদান্ত তাহার সূক্ষ্মমীমাংসা করিয়াছেন । তৎপরে কিরূপে জীব ঈশ্বরের মায়ী শক্তি অবগত হইয়া, যোগবলে মোক্ষ লাভ করিতে পারেন, তাহা বর্ণিত আছে ।

## প্রথম অধ্যায় ।



এক ।

একমাত্র, অনন্ত, অনাদি, অব্যয় সমস্ত আছেন ; তিনি “সর্ব”  
তঁাহা হইতে সমস্ত উৎপন্ন হইয়াছে, তঁাহাতেই লয় হইবে ।

“তিনি একং এবং অদ্বিতীয়ং” । (১)

তঁাহাতে, যাহা কিছু ছিল, আছে বা থাকিতে পারে, তাহা  
সমস্তই আছে । যেমন সমুদ্রের তরঙ্গ উঠে, এই জগৎপ্রপঞ্চও  
সেই সর্বের তরঙ্গ । যেমন সমুদ্রের তরঙ্গ আবার সমুদ্রে মিশায়,  
সেইরূপ এই বিশ্বপ্রপঞ্চ আবার তঁাহাতেই লয় হইয়া থাকে ।  
যেমন সমুদ্র জলরাশি, তরঙ্গ তাহারই রূপমাত্র, সেইরূপ এই  
বিশ্ব প্রপঞ্চও তঁাহারই রূপপরিগ্রহ জানিবে । কারণ “এই  
সমস্তই ব্রহ্ম” । (২)

(১) সদেব সৌম্যোদমগ্র আসীদেকমেবাদ্বিতীয়ম্ । তদ্যেক  
আহরসদেবেদমগ্র আসীদেকমেবাদ্বিতীয়ম্ তস্মাদসতঃ সজ্জায়েত ॥

( ছান্দোগ্য ৬।২।১ )

(২) সর্বং খন্দিৎ ব্রহ্ম তজ্জলানিতি শাস্ত উপাসীত । অথাহঃ  
ক্রতুময়ঃ পুরুষো যথা ক্রতুবান্লোকে পুরুষো ভবতি, তথেষতঃ  
প্রেত্য ভবতি, স ক্রতুং কুব্বীত ॥ ( ছান্দোগ্য ৩।১৪।১ )

ইহাই ধর্মের চরম সত্য। মানব “সর্ব”কে বহু নাম প্রদান করিয়াছে। সনাতন ধর্মে তাহার নাম ব্রহ্ম। ইংরাজি ভাষায় তাঁহারই নাম গড্। অর্থক্ষুট করিবার জন্ত “গড্‌ইন্‌ হিজ্‌ ওঁন নেচর” (God in His own nature) বলা হয়। কখনও কখনও হিন্দুগণ সর্বকে নিগুণব্রহ্ম উপাধি প্রদানপূর্বক, তাঁহার প্রকাশ-রূপ বা সাকার রূপকে সগুণ ব্রহ্ম আখ্যা প্রদান করিয়া থাকেন। তখন তিনি এই চরাচর বিশ্বের মহেশ্বর; স্মরণ্য ধারণাযোগ্য হয়েন।

সগুণ ও নিগুণ, সর্বশেষ ও নির্বিশেষ, ব্রহ্মের এই দুইটি ভাব। এই বিষয় অতি গুরুতর, বালকগণ এইটুকু স্মরণ করিয়া রাখিলেই যথেষ্ট হইবে যে, সগুণ ব্রহ্ম, নিগুণ ব্রহ্ম হইতে স্বতন্ত্র নহেন, কেবল নিগুণ ব্রহ্মেরই অপর ভাব মাত্র। তিনি তখন সচ্চিদানন্দ বিগ্রহ। তিনিই সৎপুরুষ এবং সমুদায়ের মূল কারণ। তাঁহাকে পুরুষোত্তমও বলা হয়। তিনি আত্মস্বরূপ হইয়া মূলপ্রকৃতিকে প্রকাশ করেন। প্রকৃতিই মূর্তি গ্রহণ করেন, তাহা হইলে অনন্ত-বিধ আকার জন্মে। ইন্দ্রিয়গ্রাহ্য বাহ্য কিছু, সকলি প্রকৃতি-জাত। বর্তমানে অপুষ্টি ইন্দ্রিয়াতীত অনেক বিষয় ও প্রকৃতি

(২) এই সমস্ত জগতই ব্রহ্মনয়; সমস্তই তাঁহা হইতে উৎপন্ন হইয়াছে, তাঁহাতেই লীন হইবে। শাস্ত্র হইয়া তাঁহার উপাসনা করা কর্তব্য। পুরুষ ক্রতুময় (অধ্যবসায় বা ভাবনায়ুক্ত) যে যেমন ভাবনা করে, সে পরকালে সেইরূপ হয়। এজন্ত প্যান করিবে।

হইতে উৎপন্ন। রাসায়নিকের, কঠিন, তরল ও বাষ্পীয় পদার্থ নিচয় প্রকৃতিজাত। আমরা ইতস্ততঃ যাহা কিছু দেখিতেছি,— প্রস্তর, বৃক্ষ, পশু, মানুষ প্রভৃতি সমুদায় প্রকৃতিজাত। কিন্তু এই সমুদায় দ্রব্যের, সমগ্র অংশই প্রকৃতিজ নহে। কারণ তাহাদের প্রত্যেক অণুতেই ঈশ্বরের অংশ আছে, তাহা ইন্দ্রিয়গ্রাহ্য নহে। আমরা প্রকৃতিজাত অংশসমূহ দেহ শরীর কোষ বা উপাধি বলিয়া থাকি; দেহী, সেই আবরণে আচ্ছাদিত হইয়া প্রকাশরূপ ধারণ করেন; সুতরাং তিনি সকল বস্তুতে প্রাণরূপে বর্তমান আছেন। তিনি আত্মা, অজরামর, সমস্ত পদার্থে থাকিয়া তাহাদিগকে চালিত করিতেছেন। কিছুই তাঁহা ছাড়া থাকিতে পারে না। প্রকৃতির আবরণে আবৃত তাঁহার অংশ, জীব বা জীবাশ্ম নামে অভিহিত।

আত্মা ও প্রকৃতিতে ভেদ নির্ণীত হইতেছে। মানবের সমুদায় ইন্দ্রিয়ের পূর্ণ বিকাশ হইলে প্রকৃতির স্বরূপ বোধ করা যায়, কিন্তু আত্মার স্বরূপ বোধ হয় না। প্রকৃতিই দেহ ধারণ করেন, আত্মার রূপ নাই। আত্মাই জীবন, আত্মাই চিন্তা করেন, অনুভব করেন ও দর্শন করেন। তিনিই অস্মদাদির “আমিত্ব”। আত্মা সমুদায় পদার্থে একই। যেমন জলের মধ্যে পাঁচটা ঘট ডুবাইয়া রাখিলে, পাঁচটা ঘটের ভিতর জল অবয়ব ধারণ করিয়া থাকিলেও সমুদায় জল এক, ঠিক সেইরূপ। প্রকৃতির চিন্তাদি করিবার সামর্থ্য নাই। প্রকৃতি জড়। তাহাতে চৈতন্য পদার্থ নাই। জড়ের বিত্ত্ব হইবার চেষ্টা আছে। সুতরাং আত্মা ও

প্রকৃতিই আদি দৈতবস্তু। উভয়ে পরস্পরের বিপরীত। আত্মা জ্ঞাতা, প্রকৃতি জ্ঞেয়।

ছাত্রগণের এই প্রভেদ যথাশক্তি উপলব্ধি করিতে যত্ন করা কর্তব্য। এবং ইহা মনে রাখা উচিত যে, এই আদিদৈত ভাব হইতে জগত উৎপন্ন হইয়াছে।

আত্মা যেমন সং চিং ও আনন্দস্বরূপ; প্রকৃতিও তেমন তমঃ, রজঃ, ও সত্ত্বগুণময়ী। তমোগুণবশে প্রকৃতির দার্ঢ্য ও প্রতিরোধ ক্ষমতা, রজোগুণ বশে গতি, এবং সত্ত্বগুণবশে নিয়ম-পরতন্ত্রতা আছে। তুমি বলিবে, প্রস্তর আপনি চলিতে পারে না। কিন্তু বিজ্ঞান পড়িলে জানিতে পারিবে, প্রস্তরের প্রত্যেক পরমাণু নিরন্তর গতিশীল। ঐ গতি অতি দ্রুত অথচ সূক্ষ্মজা-যুক্ত। ইহাই বিজ্ঞানের স্পন্দন। ঈশ্বরের যে শক্তিবলে পদার্থ মূর্ত্তি পরিগ্রহ করে, তাহার নাম মায়া বা দৈবী প্রকৃতি। ভগবান্ শ্রীকৃষ্ণ বলিয়াছেন,—আমার অপর উৎকৃষ্ট জীব নামক পরা প্রকৃতি, জগতের জীবনস্বরূপ হইয়া এই জগৎ ধারণ করিয়া আছেন। (১)

(১) ভূমিরাপোহনলোবায়ুঃ খং মনোবুদ্ধিরেব চ।

অহঙ্কার ইতীয়ং মে ভিন্না প্রকৃতিরষ্টধা ॥

অপারমমতস্তৃণাং প্রকৃতিং বিদ্ধি মেহপরাম্।

জীবভূতাং মহাবাহো যয়েদং ধার্য্যতে জগৎ ॥

(গীতা ৭৪-৫)

এই পুরুষ ও মূল প্রকৃতি জগতের আদি দৈত রূপ। পুরুষ প্রকাশ ও প্রকৃতি গুণস্বরূপ; উভয়েই পরস্পরের সাহায্য করিয়া এই অসংখ্যমূর্তিপূর্ণ ব্রহ্মাণ্ড উৎপন্ন করিয়াছেন। এই শক্তি মায়া, সূতরাং ঈশ্বর মায়ানাথ।

সকল বালকেরই স্মরণ রাখা উচিত যে, শ্রীমদ্ভগবদ্গীতা পড়িতে গেলে এই সকল তত্ত্ব আয়ত্ত করিতে হয়। এবং গীতা প্রত্যেক হিন্দু বালকের অবশ্যপাঠ্য গ্রন্থ। গ্রন্থে ইহা বলাও অপ্রাসঙ্গিক হইবে না যে, মূল প্রকৃতি ও প্রকৃতি একার্থবোধক।

\*  
\*  
\*

জ্ঞেয়ং যত্ত্বং প্রবক্ষ্যামি যজ্জ্ঞান্ধামৃতমম্মুতে ।

অনাদিমং পরং ব্রহ্ম ন সং তৎ নাসিচ্চ্যতে ॥ ১২ ॥

সৰ্ব্বতঃ পাণিপদং তৎ সৰ্ব্বতোহক্ষিশিরোমুখম্ ।

সৰ্ব্বতঃ শ্রুতিমল্লোকে সৰ্ব্বমাবৃত্য তিষ্ঠতি ॥ ১৩ ॥

সৰ্ব্বোজ্জিয়গুণাভাসং সৰ্ব্বোজ্জিয়বিবৰ্জিতম্ ।

অসক্তং সৰ্ব্বভূচ্চৈব নিগুণং গুণভোক্তৃ চ ॥ ১৪ ॥

বহিরন্তশ্চ ভূতানামচরং চরমেব চ ।

হৃস্মত্বাং তদবিজ্ঞেয়ং দূরস্থং চাস্তিকে চ তৎ ॥ ১৫ ॥

অবিভক্তং চ ভূতেষু বিভক্তমিব চ স্থিতম্ ।

ভূতভৰ্ত্তৃ চ তজ্জ্ঞেয়ং গ্রসিষু প্রভবিষু চ ॥ ১৬ ॥

জ্যোতিষামপি তজ্জ্যোতিস্তমসঃ পরমুচ্যতে ।

জ্ঞানং জ্ঞেয়ং জ্ঞানগম্যং হৃদি সৰ্ব্বত্র বিষ্ঠিতম্ ॥ ১৭ ॥

( গীতা ১৩ অঃ )



জ্ঞেয় যাহা, তাহা এবে বলিব তোমায় ।  
 জানিলে যাহারে জীব মোক্ষপদ পায় ॥  
 অনাদি পরম ব্রহ্ম জানিও তাঁহারে ।  
 সৎ বলি কেহ তাঁরে প্রয়াণিতে নায়ে ॥  
 অথচ অসৎ নন জানিহ নিশ্চয় ।  
 সত্ত্ব তাঁর বুঝিবারে পারে সে হৃদয় ॥ ১২ ॥  
 সর্বত্রৈই পাণিপাদ চক্ষু শির আর ।  
 মুখ, আদি সর্বেন্দ্রিয় বিরাজিত তাঁর ॥  
 যা কিছু আছে ভবে, ব্যাপিয়া সকল ।  
 বিরাজিত নিরন্তর অনাথ সম্বল ॥ ১৩ ॥  
 নাহিক ইন্দ্রিয় বস্ত্র আছে গুণাভাস ।  
 সঙ্গহীন অথচ সর্বতঃ সপ্রকাশ ॥  
 তিনি সত্ত্ব রজঃ আদি গুণের অতীত :  
 অথচ সে গুণসব তাঁহারি আশ্রিত ॥ ১৪ ॥  
 চরাচর সকলের অন্তর বাহির ।  
 সূক্ষ্ম বলি অবিজ্ঞের জানিও সুস্থির ॥  
 অজ্ঞানীর চক্ষে তিনি রয়েছেন দূরে ।  
 জ্ঞানীর নিকটে তিনি সদা দেহপূরে ॥ ১৫ ॥  
 অবিভক্ত, তবু দেখ বিভক্তের মত ।  
 সৃজন পালন লয় হয় তাঁহে কত ॥ ১৬ ॥  
 জ্যোতিষ পরম জ্যোতি অন্ধকারাতীত ।  
 জ্ঞান, জ্ঞেয়, জ্ঞানগম্য, হৃদে অধিষ্ঠিত ॥ ১৭ ॥

আসীদিদং তমোভূতমপ্রজ্ঞাতমলক্ষণম্ ।  
 অপ্রতর্ক্যমবিজ্ঞেয়ং প্রসুপ্তমিব সর্বতঃ ॥ ৫ ॥  
 ততঃ স্বয়ম্ভূর্ভগবানব্যক্তো ব্যঞ্জয়ন্নিদং ।  
 মহাভূতাদি বৃত্তৌজাঃ প্রাহুর্নাসীন্তমোহুদঃ ৬ ॥  
 সোহসাবতীন্দ্রিয়গ্রাহঃ সৃক্ষোহব্যক্তঃ সনাতনঃ ।  
 সর্বভূতময়োহচিন্ত্যঃ স এব স্বয়মুদ্বভৌ ॥ ৭ ॥ (মন্ত্ৰ ১ অঃ)  
 আগেতে আছিল ইহা ঘোর অন্ধকার ।  
 অজ্ঞাত, লক্ষণহীন ছিল চারিধার ॥  
 অপ্রতর্ক্য, অবিজ্ঞেয়, প্রসুপ্তের মত ।  
 চারিধারে চরাচরে দেখিতেছ যত ॥ ৫ ॥  
 পরে সেই অব্যক্ত স্বয়ম্ভু ভগবান ।  
 ব্যক্ত করিলেন ইহা বুঝহ সন্ধান ।  
 মহাভূত-আদি সব তাঁর শক্তি সনে ।  
 তমোহস্তা হয়ে প্রকাশিলা এ ভুবনে ॥ ৬ ॥  
 অতীন্দ্রিয় গ্রাহ সেই সৃক্ষ, সনাতন ।  
 অচিন্ত্য অব্যক্ত বাঁরে বলে জ্ঞানিগণ ॥  
 সর্বভূতময় সেই অনাদি ঈশ্বর ।  
 নিজে প্রকাশিয়ে প্রকাশিলা চরাচর ॥ ৭ ॥

\*\*\*

অহমাত্মা গুড়াকেশ সর্বভূতাশয়স্থিতঃ ।  
 অহমাদিশ্চ মধ্যশ্চ ভূতানামাস্ত এষ চ ॥ ২০ ॥  
 (গীতা ১০ অঃ)

ওহে, গুড়াকেশ, আমি আত্ম-রূপী হয়ে ।

রয়েছি সর্বদা সর্ব ভূতের হৃদয়ে ॥

আমি আদি আমিই সে মধ্য সৎকার ।

সকলের অন্ত আমি জেনো ইহা সার ॥ ২০ ॥

\* \* \*

দ্বাবিমৌ পুরুষৌ লোকে ক্ষরশ্চাক্ষর এব চ ।

ক্ষরঃ সর্বাণি ভূতানি কূটস্থোহক্ষর উচ্যতে ॥ ১৬ ।

উক্তমঃ পুরুষস্তত্ত্বঃ পরমাশ্চেতুদাহতঃ ।

যৌ লোকত্রয়মাবশ্য বিভর্ত্যব্যয় জীৱনঃ ১৭ ॥

বস্মাৎ ক্ষরমতীতোহহমক্ষরাদপি চোক্তমঃ ।

অতোহস্মি লোকে বেদে চ প্রথিতঃ পুরুষোত্তমঃ ॥ ১৮

(গীতা, ১৫ অঃ)

ক্ষর ও অক্ষর নামে পুরুষ দুজন ।

প্রসিদ্ধ আছেন ভবে শুন দিয়া মন ॥

ক্ষর, জেনো, ভূতচয়, ব্যাপিত সংসার ।

অক্ষর, কূটস্থ যিনি জেনো ইহা সার ॥ ১৬ ॥

এই দুই হ'তে শ্রেষ্ঠ পুরুষ যে জন ।

পরমাত্মা নামে তিনি বিদিত ভুবন ॥

লোকত্রয়ে অনুস্থ্যত রহি নিরন্তর ।

পালন করেন ইহা অব্যয় জীৱন ॥ ১৭ ॥

সেই আমি ক্ষর হতে অতীত নিশ্চয় ।

উক্তম অক্ষর হইতে নাহিক সংশয় ॥

সে কারণে লোকে আর বেদেতে কথারে ।

পুরুষ উত্তম বলি প্রচারে সংসারে ॥ ১৮

\*  
\*\*

মমৈবাংশো জীবলোকে জীবভূতঃ সনাতনঃ ।

মনঃষষ্ঠানীন্দ্রিয়ানি প্রকৃতিস্থানি কৰ্বতি ॥ ৭ ॥

(গীতা ১৫ অঃ)

জীবলোকে মম এক অংশ সনাতন ।

মায়াবশে জীব রূপ করিল ধারণ ॥

প্রকৃতিস্থ মনঃ আদি ইন্দ্রিয় যে ছয় ।

উপভোগ জহা ভবে সঙ্গে করি লয় ॥ ৭ ॥

সমং সৰ্বেষু ভূতেষু তিষ্ঠন্তং পরমেশ্বরম্ ।

দিনশ্রুৎস্ববিনশ্রুতং যঃ পশুতি স পশুতি ॥ ২৭ ॥

... ..

যদা ভূতপৃথগ্ভাবমেকস্থমনুপশুতি ।

ততএব চ বিস্তারং ব্রহ্ম সম্পাদতে তদা ॥ ৩০ ॥

... ..

যথা প্রকাশয়ত্যেকঃ কৃৎস্নং লোকনিমং রবিঃ ।

ক্ষেত্রং ক্ষেত্রী তথা কৃৎস্নং প্রকাশয়তি ভারত ॥ ৩৩ ॥

(গীতা ১৩ অঃ)

সর্বভূতে অবস্থিত সদা সমভাবে ।

অবিনাশী পরম-ঈশ্বরে যেই ভাবে ॥

অবিনাশী দেখে যেই বিনাশী-অন্তরে ।

তারি দেখা দেখা ইহা জানিও অন্তরে ॥ ২৭ ॥

... ..

একেতে অনেক যবে করে দরশন ।

তখনি বিস্তার হয়ে ব্রহ্মেতে মিলন ॥ ৩০ ॥

... ..

একমাত্র সূর্য্য যেন প্রকাশে ভুবন ।

সেইমত ক্ষেত্রী হ'তে ক্ষেত্র প্রকাশন ॥ ৩৩

\* \*

ভূমিরাপোহনলো বায়ুঃ খং মনো বুদ্ধিরেব চ ।

অহঙ্কার ইতীয়ং মে ভিন্না প্রকৃতিরষ্টধা ॥ ৪ ॥

অপরেয়ং ইতস্ত্বগ্নাং প্রকৃতিং বিদ্ধি মে পরাম্ ।

জীবভূতাং মহাবাহো যয়েদং ধার্ম্যতে জগৎ ॥ ৫ ॥

.

( গীতা ৭ অঃ )

ক্ষিত্যপ্তেজ মরুদ্যোম মন বুদ্ধি আর ।

অপরা প্রকৃতি মোর আর অহঙ্কার ॥ ৪ ॥

পরমা প্রকৃতি মোর জীব নাগ যার ।

আছেন ধারণ করি এ তিন সংসার ॥ ৫ ॥

\* \*

সত্ত্বং রজস্তম ইতি গুণাঃ প্রকৃতিসম্ভবাঃ

নিবগ্নস্তি মহাবাহো দেহে দেহিনমব্যয়ম্ ॥ ৫ ॥

( গীতা ১৪ অঃ )

বিখ্যাত, সে তিন গুণ সত্ত্ব রজঃ তম ।

প্রকৃতি হইতে, বীর, লভিল জনম ॥

সেই তিন, মহাবাহো, গুন দিয়া মন ।

অব্যয় দেহীকে করে দেহেতে বন্ধন ॥ ৫ ॥

## দ্বিতীয় অধ্যায় ।



বহু ।

ঈশ্বর প্রকৃতিতে প্রতিবিম্বিত হইয়া, তাঁহাকে বহু আকারে পরিণত করিলেন । সেই সমুদায় মূর্তির প্রথম প্রকাশ ত্রিমূর্তি । ত্রিমূর্তি প্রকাশ এই ব্রহ্মাণ্ড ঘটনার জন্ম । ব্রহ্মাণ্ড = ব্রহ্ম + অণ্ড ; ইহাই এই বিশ্বের সূনিয়ন্ত্রিত অবস্থা । যে মূর্তি পরিগ্রহ করিয়া ঈশ্বর জগৎ সৃষ্টি করেন, তাহার নাম ব্রহ্মা । যে মূর্তিতে তিনি ইহাকে পালন করেন, তাহাই বিষ্ণু-মূর্তি । আর যখন ব্রহ্মাণ্ড জীর্ণ ব্যবহার্যোগ্য অবস্থা প্রাপ্ত হয়, সেই সময় যে মূর্তিতে তিনি ইহাকে লীন করিয়া পুনর্বিকাশের উপযোগী করেন, সেই মূর্তি শিব বা মহাদেব নামে বিখ্যাত । শিব লয়কর্তা । এই ত্রিমূর্তি ঈশ্বরের প্রথম প্রকাশ । সেই এক অর্থাৎ সগুণ ব্রহ্ম এই তিন প্রকাশে প্রকাশিত আছেন ।

ব্রহ্মা প্রকৃতিকে সপ্ত তত্ত্বে পরিণত করেন, উহার মহাভূত নামে অভিহিত । প্রথম দুটিকে ভিন্ন ভিন্ন নাম দেওয়া হইয়াছে । আমরা সৌকার্য্যার্থে মহৎ বুদ্ধি ও অহঙ্কার শব্দ ব্যবহার করিতে পারি । অহঙ্কার বিশ্লেষণ শক্তি । ইহা দ্বারা প্রকৃতি সূক্ষ্মতম পরমাণুতে বিভক্ত হয় । আর পঞ্চতত্ত্ব যথাক্রমে আকাশ, বায়ু, অগ্নি, অপ ও পৃথ্বী নামে অভিহিত । এই

সৃষ্টি, ভূতাদি সৃষ্টি নামে কথিত। উহার উপাদানে সমস্ত বস্তু কিয়ৎ পরিমাণে সৃষ্ট হইয়াছে। এই সমুদায় ভূতে, সত্ত্ব ও রজো গুণাপেক্ষা তমোগুণের আধিক্য বর্তমান। সেইজন্য ভৌতিক পদার্থসমূহ প্রধানতঃ জড়প্রকৃতিবিশিষ্ট। জীব এই আবরণ ভেদ করিয়া সহজে স্বশক্তির পূর্ণরূপে প্রকাশ করিতে পারে না।

ভূতসৃষ্টির পর ইন্দ্রিয়গণের সৃষ্টি হইয়াছিল। প্রথমতঃ এই সমুদায় ব্রহ্মার মনে ভাবরূপে বর্তমান ছিল, অবশেষে ভৌতিক আকার ধারণ করে। ইন্দ্রিয় সমুদায়, জ্ঞান শক্তির কেন্দ্র। চক্ষু, কর্ণ, নাসিকা, জিহ্বা ও ত্বক্ যথাক্রমে দর্শন, শ্রবণ, ভ্রাণ, আস্বাদন ও স্পর্শ দ্বার মাত্র। আবার বাক্, পাণি, পাদ, পায়ু ও উপস্থ—পঞ্চ কর্মেন্দ্রিয় অর্থাৎ পঞ্চবিধ কর্মের দ্বার স্বরূপ। এই সমুদায় ইন্দ্রিয়ে সত্ত্ব বা তমোগুণ অপেক্ষা রজোগুণেরই আধিক্য আছে।

ইন্দ্রিয় সৃষ্টির পরে, ব্রহ্মা স্বীয় মানস হইতে ইন্দ্রিয়গণের, অধিষ্ঠাত্রীদেবগণের এবং মনের সৃষ্টি করিলেন। মন পঞ্চ জ্ঞানেন্দ্রিয়ের সহিত ষষ্ঠ ও দশ ইন্দ্রিয়ের অধিপতিরূপে একাদশ ইন্দ্রিয়রূপে পরিগণিত। ইহারই সাহায্যে বাহ্য জগতের বস্তুনিচয় হইতে ইন্দ্রিয়ের উপযোগী জব্য নির্বাচিত ও সংগৃহীত হয়। এই সমুদায় দেবতাতে ও মনে রজো ও তমোগুণাপেক্ষা সত্ত্বগুণের আধিক্য আছে।

ছাত্রগণের জানা উচিত, গুণত্রয় পরস্পর স্বতন্ত্র ভাবে থাকিতে পারে না। কিন্তু কোন পদার্থে কোন গুণের প্রাধান্য দৃষ্ট হয়।

যাহাতে তমোগুণাধিকা, তাহাকে তামসিক বলা হয়। রজোগুণের আধিক্যে রাজসিক এবং সত্ত্বগুণের আধিক্যে বশতাই সাত্বিক বলা হয়। সকল দ্রব্যই এই তিনের অন্ততম বিভাগ-ভুক্ত।

তৎপরে ব্রহ্মার মানস হইতে দেবগণের উৎপত্তি হইল। তাঁহারা ঈশ্বরের বিধির বশবর্তী হইয়া সমগ্র জগতের যথোপ-যুক্ত রক্ষা বিধান করেন। ঈশ্বর সকলের একমাত্র অধীশ্বর, দেবগণ তাঁহার অমাত্য। ছাত্রগণ, ঈশ্বর ও দেবতা শব্দের পার্থক্য ভুলিও না; ব্রহ্মে ও দেবতাতে একত্ব মনে করিও না। দেবগণ এই ব্রহ্মাণ্ডের পরিচালন জন্ত তাঁহার উচ্চতর কর্মচারী স্বরূপ, আমরা মনুষ্য এই পৃথিবীতে তাঁহারই নিম্নতর কর্মচারী মাত্র।

দেবগণের অপর নাম সুর। তাঁহারা প্রত্যেক মনুষ্যকে কর্মানুরূপ কল দান করিয়া থাকেন; তাঁহাদের হস্তেই মানবগণের কর্মানুরূপ উন্নতি বা অবনতির ভার। তাঁহারা মানবগণকে বহু উপায়ে সাহায্য করিয়া থাকেন। তাঁহাদের প্রতি মানবগণের সমুদায় কর্তব্য, তাহার অবহেলা ঘটিলেই, অকাল মৃত্যু, পীড়া, দুর্ভিক্ষ প্রভৃতি জাতীয় দুর্ঘটনা সমূহ উৎপন্ন হয়। দেবগণের সংখ্যা অনেক, তাঁহারা পাঁচজন অধিপতির অধীনে শ্রেণীবদ্ধ। সেই পাঁচজন—ইন্দ্র, বায়ু, অগ্নি, বরুণ ও কুবের। ইহারা পাঁচজনে পঞ্চভূতের অধীশ্বর;—ইন্দ্র ব্যোমপতি, বায়ু মরুৎপতি, অগ্নি তেজোপতি, বরুণ জলেশ, এবং কুবের ক্ষিতিপতি। এই পঞ্চাধি-



পতির অধীনগণের, বিভিন্ন নাম পুরাণ ও ইতিহাসে দেখিতে পাওয়া যায়। ভীম, কুবেরাছুচা যক্ষগণের সহিত যুদ্ধ করিয়াছিলেন, একথা, তোমরা মহাভারতে পাঠ করিয়া থাকিবে।

এই দেবগণ রজোগুণ প্রধান। মনু, কশ্মই ইহাদিগের প্রকৃতি বলিয়াছেন।

অম্বরগণ দেবগণের শত্রু। তাহারা প্রকৃতির জড়ত্ব বা বাধক ভাবের প্রতিমূর্ত্তি এবং তমোগুণ প্রধান।

তৎপরে ব্রহ্মার মনে স্থাবর, উদ্ভিদ, পশু পক্ষী প্রভৃতি ইত্যর জীব সমুদায় ও মানবের উৎপত্তি হইল। এইরূপে জীবশক্তির যেরূপে ক্রম বিকাশ হইবে, তাহার ক্ষেত্র প্রস্তুত হইল। সংস্কৃত শাস্ত্রে এই জগতের ক্রমবিকাশচক্রকে সংসারচক্রে আখ্যা প্রদান করা হইয়াছে।

এই সংসারচক্রে সমস্ত জীব বদ্ধ।

এইরূপে ব্রহ্মার সৃষ্টিকার্য্য সমাপ্ত হইলে তখনও ঐ সমস্ত মূর্ত্তির ভৌতিক দেহের অভাব ছিল। ঐ কার্য্য বিষ্ণু কর্ত্ত্বক সম্পন্ন হইল, তিনি সমস্তের স্থিতি ও রক্ষাকর্ত্তা। পুরাণে লিখিত আছে, তিনি প্রাণরূপে সর্বত্র প্রবেশ করিয়াছেন। কিন্তু ইহাই যথেষ্ট নহে। মানব উৎপত্তি হইবার পর ঈশ্বরের তৃতীয় মূর্ত্তি মহাদেব তাহাদিগকে স্বীয় জীবনীশক্তির ভাগী করিয়া পূর্ণ করিলেন। মানব, ভাবাত্মক ঈশ্বরের পূর্ণ প্রতিনিধিস্বরূপে প্রকাশিত হইল। মানবজীব পূর্ব পূর্ব কালে স্থাবর, উদ্ভিদ ও পশুাদি দেহে ভ্রমণপূর্বক এতদিনে মানবদেহ গ্রহণপূর্বক

ক্রমবিকাশ লাভ করিতে লাগিল। এই ক্রমবিকাশের সুন্দর বিবরণ ঐতরেয় আরণ্যকে আছে। ঐ কথা বয়স্হ ছাত্রগণ সেই গ্রন্থে, এবং উচ্চশ্রেণীর পাঠ্য সনাতন ধর্মগ্রন্থে দেখিতে পাইবেন।

বিষ্ণুর বিশেষ অবতার বিবরণও এস্থলে উল্লেখযোগ্য। অবতার বলিলে তিনি অবতীর্ণ হইয়াছিলেন; ইহাই বুঝিতে হইবে। কোনও বিশেষ প্রয়োজন সাধন জন্ত তাঁহাকে তৎকার্য-সাধনোপযোগী যে দেহ পরিগ্রহ করিতে হয়, তাহাই অবতার নামে কথিত। যখন পৃথিবীতে কোনও বিশৃঙ্খলতা উপস্থিত হয়, এবং জগতের উন্নতি কার্য যথাযথ চলিবার কোনও ব্যাঘাত ঘটে, তখনই ভগবান্ মূর্ত্তি পরিগ্রহ করিয়া আবার, সুশৃঙ্খলা স্থাপন করিয়া থাকেন।

তাঁহার অবতার অসংখ্য, তন্মধ্যে দশ অবতার প্রধান ও প্রসিদ্ধ—

১। মৎস্য। বৈবস্বত মনু একদা তীর্থে একটি ক্ষুদ্রকায় মৎস্যকে দেখিয়া তাহাকে একটি জলপাত্রে রক্ষা করেন। মৎস্য বর্দ্ধিত হইলে, ঐ পাত্রে তাহার স্থান সমুদ্রান না হওয়ায় তাহাকে একটি বৃহৎ পাত্রে, পরে ক্রমে ক্রমে, পুষ্করিণী, সরোবর ও নদী, অবশেষে সাগরে স্থানান্তরিত করিলেও সেই মৎস্য বর্দ্ধিত হইয়া আধার পূর্ণ করিয়াছিল। অবশেষে মনু বুঝিতে পারিলেন যে, এই মৎস্য তাঁহার জীবন সূত্রে সহিত সম্বন্ধ। অতএব প্রলয়-জলে, বীজ রক্ষার্থ বহির্জ নিৰ্ম্মাণপূর্বক, ঋষিগণ ও সমুদায়

জীবের বীজ তাহাতে গ্রহণ করিলেন। তখন সেই মহামীন, সেই বহিঃ রক্ষাপূর্বক মনুকে নূতন জগতে স্থাপন করিয়াছিলেন। এই জীবসৃষ্টির প্রথম আরম্ভ।

২। কুম্ভা। বিষ্ণু কুম্ভাবতारे, পৃষ্ঠে মন্টার ধারণপূর্বক ভূত-সাগর মস্থন করিয়াছিলেন। তাহা হইতে প্রয়োজনীয় সমুদায় দ্রব্য উৎপন্ন হইয়াছিল। কুম্ভাবতার জীবসৃষ্টির দ্বিতীয় তরঙ্গ।

৩। বরাহ। বিষ্ণু বরাহাবতারে পৃথিবীকে উদ্ধার করিয়া-  
ছিলেন। এই অবতার স্তম্ভপাদী জীবসৃষ্টির প্রতিভূ। এই সময়  
হইতে জীব শুষ্ক ভূমিতে বাস আরম্ভ করিয়াছে।

নব্য বিজ্ঞান জীবসৃষ্টির যে তিন স্তর স্বীকার করে, তাহা  
হিন্দুধর্মোক্ত এই তিন অবতার দ্বারা সূচিত হয়।

৪। নৃসিংহ। এই অবতारे ভগবান্ ধরাকে দৈত্যের  
অত্যাচার হইতে মুক্ত করেন। দৈত্যবংশে প্রহ্লাদ নামক  
একটি শিশু জন্মিয়াছিলেন। সেই শিশু অতিশয় বিষ্ণুভক্ত ছিলেন।  
তাহার পিতার বহু উৎপীড়নেও সেই ভক্তি বিচলিত হয় নাই।  
তাহার পিতা তাহাকে বহু কষ্ট দিবার পর, ভগবান্ স্তম্ভ ভেদ  
পূর্বক নৃসিংহমূর্তিতে আবির্ভূত হইয়া সেই দৈত্যরাজকে বিনাশ  
করেন।

৫। বামন। অবশেষে তিনি বামন মূর্তি গ্রহণ পূর্বক,  
মানব সৃষ্টির সহায়তা করিয়া বলির নিকট ত্রিপাদ ভূমি ভিক্ষা-  
চ্ছলে ত্রিভুবন গ্রহণপূর্বক মানব-উন্নতির ক্ষেত্র কণ্টকশূন্য  
করিয়াছিলেন।

৬। পরশুরাম। ভগবান্ পরশুরাম্ অবতারে হৃদ্যস্ত ক্ষত্রিয়-গণকে শাসনপূর্ব্বক তাহাদিগকে শিক্ষা দিয়াছিলেন যে, অত্যাচারী নিজ ক্ষমতার অপব্যবহার করিলে তাহার মঙ্গল হয় না।

৭। শ্রীরাম। ভগবান্, দশরথায়ুজ রামচন্দ্ররূপে অবতীর্ণ হইয়া তিন ভ্রাতার সহিত ক্ষত্রিয়ের ও রাজার আদর্শ রূপে আশ্রয়প্রকাশ করিয়াছিলেন। তিনি পূর্ণ মানবের দৃষ্টান্তরূপে বিরাজমান। সুসন্তান, সুপতি, সুভ্রাতা, সুবীর ও সুনরপতি-রূপে তিনি প্রজার পালকরূপে বর্তমান ছিলেন; সুতরাং তিনি মানবের পূর্ণ আদর্শ। বাল্মীকির রামায়ণে তাঁহার জীবনী সুগীত হইয়াছে। তুলসীদাসকৃত ভাষাগ্রন্থ উত্তর পশ্চিমাঞ্চলে এবং কৃত্তিবাসকৃত ভাষাগ্রন্থ বঙ্গের ধরে ধরে রামমাহাত্ম্য প্রচার করিতেছে।

৮। শ্রীকৃষ্ণ। ভগবানের প্রেমাবতার শ্রীকৃষ্ণ। তিনি এই মূর্ত্তিতে অসংখ্য ভারতবাসীর পূজ্য। ব্রজে ও বৃন্দাবনে তিনি অদ্ভুত বালকবেশী, অর্জুনের সখা, পাণ্ডবগণের সচিব, ভীষ্মের পরমারাধ্য। এমন ভারতীয় বালক নাই, যে তাঁহার কথা জানে না। তিনি মহাভারত গ্রন্থের মধ্যমণি। বহু পুরাণে তাঁহার জীবনী সুগ্রথিত আছে।

৯। বুদ্ধ। এই অবতারে রাজপুত্র হইয়াও তিনি সিংহাসন ও সুখসম্পদ ত্যাগ করিয়া ষতিবেশে সত্যধর্ম প্রচার করিয়া দেশে দেশে ভ্রমণ করিয়াছিলেন। তিনি শাক্যমুনি, গৌতম ও সিদ্ধার্থ নামে পরিচিত। বৌদ্ধ ধর্মের তিনি আদি প্রবর্ত্তক। আজি কোটী

কোটি মানব সেই ধর্ম্মানুসরণ করিতেছে। এইরূপে ভগবান্, বহু অনার্য্যজাতিকে ধর্ম্মপথে প্রবর্ত্তিত করিয়াছিগেন।

১০। কঙ্কী। ভগবান্ কঙ্কী অবতার হইয়া কলিযুগের সমাধান করিবেন। তাঁহার আগমনের পর আবার সত্যযুগের সঙ্গে নূতন মহাযুগ আরম্ভ হইবে।

পশ্চামি দেবাংস্তব দেব দেহে  
সর্বাংস্তথা ভূতবিশেষসংযান্।  
ব্রহ্মাণগীশং কমলাসনস্থং  
ঋষীংশ্চ সর্দানুরগাংশ্চ দিব্যান্ ॥ ১৫ ॥

... ...

রুদ্রাদিত্য। বসবো যে চ সাধ্যা  
বিশ্বেহস্বিনৌ মরুতশ্চোন্নপাশ্চ।  
গন্ধর্ব্বগন্ধাসুরসিদ্ধসজ্জাঃ  
বীক্ষন্তে ত্য়াং বিন্মিতাশ্চৈব সর্ব্বে ॥ ২২ ॥

( গীতা ১১ অঃ )

ওহে দেব, দেহে তব হেরিতেছি দেব সব,

হেরিতেছি প্রাণী অগণন।

হেরি দিবা ঋষিগণ, সমুদায় নাগগণ,

ঈশ ব্রহ্মা কমললোচন ॥ ১৫ ॥

রুদ্রাদিত্যবশুগণ, আর সাধ্য অগণন,

বিশ্বদেব অশ্বিনীকুমার।

মরুৎ উদ্বাপা আর যক্ষাস্বর নাহি পার,

যতেক গন্ধর্ব্ব সিদ্ধ আর ।

বিস্ময় পূরিত প্রাণে হেরিছে তোমার পানে

ভাবিছেন মহিমা তোমার ॥ ২২ ॥

\* \*

ইন্দ্রং মিত্রং বরুণমগ্নিমাহ-

রথো দিব্যঃ স সূপর্ণো গরুত্মান্ ।

এবং সন্ধিপ্ৰা বহুধা বদন্ত্য-

গ্নিং যমঃ মাতরিষ্মানমাহঃ ॥

( ঋক্ ১।৬৪।৪৬ )

ইন্দ্রমিত্র বরুণাগ্নি বলে সবে তাঁরে,

তিনি সে সূবর্ণ পক্ষধারী গরুত্মান্ ।

মুনিগণ, একে বহু ঘোষেন সংসারে,

মাতরিষ্মা অগ্নি যম নামে করে গান ॥ ৪৬ ॥

\* \*

আটৈঅব দেবতাঃ সৰ্ব্বাঃ সৰ্ব্বমাত্মন্যবস্থিতম্ ।

( মনু ১২।১১৯ )

সকল দেবতা আত্মা নাহিক সংশয় ।

সকলি আত্মাতে, দেখ, অবস্থিত রয় ॥ ১১৯ ॥

\* \*

এতমেকে বদন্ত্যগ্নিং মনুমত্তে প্রজাপতিম্ ।

ইন্দ্রমেকেহপরে প্রাণমপরে ব্রহ্ম শাস্ত্বতম্ ॥

( মনু ১২।১২৩ । )

কেহ বলে অগ্নি, কেহ মনু, প্রজাপতি ।  
 কেহ ইন্দ্র, কেহ প্রাণ, সৰ্ব্বজীবগতি ॥  
 অপরে তাঁহারে বলে ব্রহ্ম সনাতন ।  
 এক তিনি বহুরূপ করিলা ধারণ ॥ ১২৩ ।

\* \* \*

যথা সুদীপ্তাং পাবকাদ্বিষ্ফুলিঙ্গাঃ  
 সহস্রশঃ প্রভবন্তে সরূপাঃ ।  
 তথাক্ষরাদ্বিবিধাঃ সৌম্যভাবাঃ  
 প্রজায়ন্তে তত্র চৈবাপি বাস্তি ॥

... ..

এতস্মাজ্জায়তে প্রাণো মনঃ সৰ্ব্বেন্দ্রিয়াণি চ ।  
 পং বায়ুর্জ্যোতিরাপশ্চ পৃথ্বী বিশ্বস্ত ধারিণী ॥

... ..

তস্মাক্সি দেবা বহুধা সম্ভ্রাস্বতাঃ  
 সাধ্যা মনুষ্যা পশবো বয়াংসি ॥

( যুগ্তকোপনিষৎ ২।১।১-৭ )

প্রদীপ্ত পাবক হইতে স্ফুলিঙ্গ যেমন,  
 সহস্র সহস্র উঠে সবে একাকার ।  
 সেইমত অক্ষর হইতে অগণন  
 ভাবের উৎপত্তি, লয় সন্দেহ কি তার ॥

... ..

সেই সে অক্ষর হ'তে প্রাণ আর মন ।

উৎপন্ন হয়েছে বত ইন্দ্রিয়ের গণ ॥

আকাশ, বাতাস, জ্যোতি, জল তত্ত্ব আর ।

বিশ্বের ধারিণী ধরাতত্ত্ব চমৎকার ॥

...

...

...

...

তাঁ'হতে বহুধা করে আকাশ ধারণ

দেব সিদ্ধ নর আর পশু পক্ষিগণ ॥

\* \* \*

সত্ত্বাং সঞ্জায়তে জ্ঞানং রজসো লোভ এব চ ।

প্রমাদমোহৌ তমসো ভবতোহজ্ঞানমেব চ ॥ ১৭ ॥

উদ্ধাং গচ্ছান্তি সত্ত্বা মধ্যো তিষ্ঠন্তি রাজসাঃ ।

জঘন্ত গুণবৃত্তিস্থা অধো গচ্ছন্তি তামসাঃ ॥ ১৮ ॥

( গীতা ১৪ অঃ )

সত্ত্ব হ'তে জ্ঞান জন্মে, লোভ রজঃ হ'তে ।

অজ্ঞান প্রমাদ মোহ তমস হইতে ॥ ১৭ ॥

সত্ত্বাশ্রয়ী উদ্ধদেশে রহে অনুক্ষণ ।

রাজস প্রকৃতি মধ্য করে বিচরণ ॥

জঘন্ত যে গুণবৃত্তি করিয়া আশ্রয় ।

তামস প্রকৃতি জন অধোগামী হয় ॥ ১৮ ॥

\* \* \*

সত্ত্বং স্পৃথে সঞ্জয়তি রজঃ কন্দর্পাণি ভারত ।

জ্ঞানমাবৃত্য তু তমঃ প্রমাদে সঞ্চরত্যুত ॥ ৯ ॥



রজস্বমশ্চাতিভূয় সঙ্ঘং ভবতি ভারত ।

রজঃ সঙ্ঘং তমশ্চৈব তমঃ সঙ্ঘং রজস্বথা ॥ ১০ ॥

সর্বদ্বারেষু দেহেহগ্নিন্ প্রকাশ উপজায়তে ।

জ্ঞানং যদা তদা বিদ্যাং বিবুদ্ধং সঙ্গমিত্যুত ॥ ১১ ॥

লোভঃ প্রবৃত্তিরারম্ভঃ কৰ্ম্মণামৰমঃ স্পৃহা ।

রজস্বন্তেতানি জায়ন্তে বিবুদ্ধে ভরতর্ষভ ॥ ১২ ॥

অপ্রকাশোহপ্রবৃত্তিচ্চ প্রমাদো মোহ এব চ ।

তমস্বন্তেতানি জায়ন্তে বিবুদ্ধে কুরুনন্দন ॥ ১৩ ॥

( গীতা ১৪ অঃ )

সঙ্ঘগুণে স্নুখসনে হয় যে মিলন ।

হে ভারত, রজোগুণে কৰ্ম্মের বন্ধন ॥

তমোগুণ অনুদিত জ্ঞান আবরিয়া ।

দেহীকে প্রমাদে রাখে আবদ্ধ করিয়া ॥ ৯ ॥

হে ভারত, রজোতমঃ করি অভিভব ।

কভু বিশেষিয়া হয় সঙ্ঘের উদ্ভব ॥

কভু সঙ্ঘ-তমোগুণে পরাভূত করি ।

রজোগুণ বুদ্ধি পায় সবার উপরি ॥

কভু সঙ্ঘ-রজঃ ছুই দমন করিয়া ।

তমোগুণ বুদ্ধি পায় প্রবল হইয়া ॥ ১০ ॥

যেই কালে এদেহের সর্বদ্বার পথে,

জ্ঞানয় প্রকাশ করিবে দরশন ।

জানিও হইছে সঙ্ঘগুণের বিকাশ,

সঙ্ঘগুণে প্রকাশ যে শাস্ত্রের লিখন ॥ ১১ ॥

শুনহে ভরতর্ষভ দেহে যেই কালে,  
 প্রবৃত্তি, অশান্তি, লোভ হয়েছে উদয় ।  
 কশ্মের আরম্ভ, স্পৃহা জন্মবে যে কালে ।  
 রজোগুণ বৃদ্ধি তবে জানিহ নিশ্চয় ॥ ১২ ॥  
 প্রকাশের নাশ, আর উদ্যম অভাব ।  
 মিথ্যা বস্তু সত্যজ্ঞান প্রমাদের ভাব ॥  
 অনুত বিষয়ে সদা মনের নিবেশ ।  
 তমোবুদ্ধিলক্ষণ সে জানিবে বিশেষ ॥ ১৩ ॥  
 যদা যদা হি ধর্মস্য মানির্ভবতি ভারত ।  
 অভ্যুত্থানমধর্মস্য তদাত্মানং সৃজাম্যহং ॥ ১ ॥  
 পরিভ্রাণায় সাধুনাং বিনাশায় চ দুষ্কৃতাং ।  
 ধর্মসংস্থাপনার্থায় সন্তুয়ামি যুগে যুগে ॥ ৮ ॥  
 যেই কালে ধর্ম্মগানি, অধর্ম্ম উদয় ।  
 অবতার হই আমি সেইত সময় ॥ ১ ॥  
 তুষ্কতির নাশ করি সাধুর রক্ষণ ।  
 যুগে যুগে অবতারি ধর্ম্মের কারণ ॥ ৮ ॥

## তৃতীয় অধ্যায় ।

### পুনর্জন্ম তত্ত্ব ।

পূর্ব অধ্যায়ে ক্রমোন্নতির কথা বলা হইয়াছে । জীবাশ্ম দেহ হইতে দেহান্তর ভ্রমণ দ্বারা এই ক্রমোন্নতি লাভ করে । প্রস্তুত শক্তির বিকাশের সঙ্গে সঙ্গে তাহার দেহেরও উন্নতি হয় । এই দেহান্তর গমন বা ভ্রমণ-ব্যাপারেরই নামান্তর পুনর্জন্ম । পুনর্জন্ম বলিলে, পুনরায় স্থূলভৌতিকদেহগ্রহণ বুঝায় । এই পুনর্জন্ম রহস্তটী কি, তাহা একটু আলোচনা করা যাউক ।

জীব ব্রহ্মের অংশ । ভগবান শ্রীকৃষ্ণ শ্রীমদ্ভগবদগীতায় বলিয়াছেন—

“মমৈবাংশো জীবলোকে জীবভূতঃ সনাতনঃ ।”

জীবে ব্রহ্মশক্তি সমুদায় বর্তমান আছে, অতএব জীব ব্রহ্ম । স্রুতি বলিতেছেন “তত্ত্বমসি” “তুমিই সেই ব্রহ্ম ।” কিন্তু তথাপি দেশ ও কালজনিত প্রভেদ আছে । বীজ, বৃক্ষের অংশ হইলেও, বৃক্ষ হইবার ক্ষমতা রাখিলেও, বীজাবস্থায় তাহা বীজ বই বৃক্ষ নহে । বৃক্ষ বীজকে উৎপন্ন করিয়াছে, বীজমধ্যে বৃক্ষের প্রকৃতি ও শক্তি প্রচ্ছন্ন-ভাবে বর্তমান আছে । বৃক্ষ হইতে বীজ চ্যুত হইয়া ধীরে ধীরে বর্দ্ধিত হয় এবং ক্রমশঃ স্বীয় প্রচ্ছন্নশক্তিসমূহের বিকাশ করে, অবশেষে স্বীয় জনকের স্থায় বৃক্ষে পরিণত হয় । বীজের আর কিছু হইবার সাধ্য নাই, কারণ, তাহাতে জনকের স্বভাব প্রচ্ছন্নভাবে

বর্তমান। জীব সম্বন্ধেও সেই কথা বলা বাইতে পারে। জীব  
ঈশ্বর হইতে বীজবৎ প্রকৃতিক্ষেত্রে পতিত এবং ক্রমে বর্দ্ধিত হইয়া,  
প্রচ্ছন্নশক্তিসমূহের বিকাশ করিতে করিতে ক্রমে ঈশ্বরত্বই প্রাপ্ত  
হইবে। তাহার আর কিছু হইবার সম্ভাবনা নাই, তাহাতে  
স্বীয় জনকের সমুদায় গুণ প্রচ্ছন্নভাবে নিহিত রহিয়াছে।

ঈশ্বর জ্ঞানময় ও সর্বশক্তিমান্। কিন্তু জীব অজ্ঞ ও শক্তিহীন।  
স্বৈতান্বিতরোপনিষদে লিখিত আছে—

“জাজ্ঞো দ্বাবজাবীশনীশা বজাহেকাভোক্তর্ভোগ্যার্থযুক্তা।

অনন্তশ্চাত্মা বিশ্বরূপোহকর্তা ত্রয়ং যদা বিন্দতে ব্রহ্মমেতৎ ॥”

সেই শক্তিহীন ও অজ্ঞ জীব ক্রমাবিকাশবশে জ্ঞান ও শক্তির বৃদ্ধি  
দ্বারা ক্রমে স্বরূপ লাভ করিবে।

ইতিপূর্বে আলোচিত হইয়াছে, জীব ভৌতিক আবরণে  
আবৃত হইয়া সর্বপ্রথমে স্থূলজগতে প্রবেশ করে। সেই সময়ে  
বাহ্যজগতের বিষয়ে তাহার বিন্দুমাাত্রও জ্ঞান থাকে না। বাহ্য-  
জগতের ঘটনাচক্রে পীড়নে ক্রমে তাহার সে জ্ঞান, ও পরে তাহার  
স্বীয় অস্তিত্ব জ্ঞান উদ্দীপিত হইতে থাকে। ভূকম্পন, আগ্নেয়গিরির  
প্রস্রবণ, ভূভঙ্গ প্রভৃতি ভয়ঙ্কর বাহ্যজগতের শক্তির যাত-  
প্রতিঘাতে জীবে ক্রমে বহির্জ্ঞানের উদ্দীপন হয়, ক্রমে জীব বুঝিতে  
থাকে সে একা নহে, বাহিরে আরও অনেক কি আছে।  
পাঠক ভূমণ্ডলের আত্মাবস্থার ইতিহাস বা প্রস্তুতত্ব পাঠ করিলে  
দেখিতে পাইবেন যে, সেই সময়ে ঐ প্রকার ভীষণ ঘটনার বিশেষ  
প্রাচুর্য্য ছিল; কারণ তখন বালাত্মার প্রবোধনের জন্ত ঐ সকল

ষটনার প্রয়োজন ছিল। অনেক কাল এইরূপ বহু ঘাতপ্রতিঘাতের সাহায্যে জীবাশ্মা কতকটা প্রবৃদ্ধ হইয়া ক্রমে ধাতু অপেক্ষা কোমলতর দেহলাভের উপযোগী হয় ও উদ্ভিদ দেহ ধারণ করে। আর ঈশ্বর হইতে ধারাবাহিক্রমে-অস্ফুট নূতন জীবাশ্মা আসিয়া ধাতুজগতে তাহার স্থান অধিকার করে।

অতঃপর উদ্ভিদদেহস্থ জীবাশ্মা পুনঃ পুনঃ বহিজগতের সংসর্গে অধিকতর প্রবৃদ্ধ হইয়া, প্রথর সূর্য্যাকিরণ, মধুর মন্দ সমীরণ, স্নিগ্ধ বারিপতন, অনুভব করিতে করিতে কিঞ্চিদধিক পরিমাণে বহিঃপ্রজ্ঞ হইয়া ক্রমশঃ অপেক্ষাকৃত দীর্ঘজীবী গুল্মাদিকে আশ্রয় পূর্ব্বক অধিকতর শক্তি বিকাশ করিতে লাগিল। অবশেষে এইরূপ ক্রমবিকাশ দ্বারা প্রাণীজগতে প্রবেশের উপযোগী হইলে ঐ উদ্ভিদ-রূপীজীবাশ্মা তখন প্রাণী দেহ প্রাপ্ত হয়। ধাতুরাজ্য হইতে নূতন জীব আসিয়া উদ্ভিদরাজ্যে তাহার স্থান অধিকার করে এবং ঈশ্বর হইতে নূতন জীবাশ্মা ধাতুদেহ গ্রহণ করিয়া পূর্ব্বোক্ত জীবাশ্মাগণের ত্যক্তস্থান অধিকার করিয়া থাকে।

প্রাণী দেহলাভ করিলে পর জীবাশ্মার বিকাশকার্য্য দ্রুততর সম্পন্ন হইতে থাকে। আহার জন্ত বা কলহবৃত্তি চরিতার্থ করিবার জন্ত পরস্পরকে যুদ্ধ ও বুদ্ধি দ্বারা পরাভূত করিবার চেষ্টায় তাহাদের ইন্দ্রিয়শক্তি ও সামান্য সামান্য মানসিক শক্তির উত্তরোত্তর ক্ষুণ্ণি হয়। অবশেষে পশুদেহ তাহাদের ক্রমাভিব্যক্তির অনুপযোগী হইয়া পড়িলে, তাহারা মানবদেহ লাভ করিয়া ~~অতঃপর~~ ক্রমবিকাশের উচ্চতর সোপানে আরোহণ করিতে থাকে।

পাঠক জিজ্ঞাসা করিতে পারেন, “কিভাবে বিভিন্ন দেহ জীবের স্বীয় শক্তির অনুরূপ হয়?” তাহার উত্তর এই, জীবের নিজ আন্তরিক চেষ্টাই তাহার কারণ। যে ভৌতিক আবরণে সে আবৃত, সেই আবরণ উন্মুক্ত করিয়া সে স্বীয় অনায়ত্ত্ব বিষয় আয়ত্ত্বাধীন করিতে চায়। দেখিবার ইচ্ছা হইলে তাহার বহিঃস্থ দৃষ্টি-শক্তি বহিরাবরণ ধীরে ধীরে ভেদ করিয়া চক্ষুগোলক নির্ভিন্ন করে। অত্যাগ ইন্দ্রিয়ের বিকাশও এই ভাবে হইয়া থাকে। সকল ইন্দ্রিয় জীবাশ্মার বহিঃস্থ প্রবৃত্তির বশে অন্তর হইতে বাহিরে প্রকাশিত হইয়া থাকে। জীব স্বীয় প্রচ্ছন্নশক্তি বিকাশের ইচ্ছা ও চেষ্টা দ্বারা সেই সমুদায়ের প্রকাশ করে। ইন্দ্রিয়াদির অধিষ্ঠাত্রী দেবতাগণ স্বীয় শরীরস্থ ও তত্তৎকার্যে উপযুক্ত তত্ত্ব সকল দানে তৎকার্যে সহায়তা করিয়া থাকেন। যখন দর্শনেচ্ছা প্রবল হয়, অগ্নি তাহাকে স্বীয় আগ্নেয় তত্ত্ব প্রচুরভাবে প্রদান করেন, স্তবরাং উহা আলোকরশ্মির প্রকম্পনে প্রকম্পিত হইতে পারে, এবং তাহাতে দর্শনজ্ঞানের উপযুক্ত বহিরিন্দ্রিয় উৎপন্ন হয়। আশ্বাদন স্পৃহা জন্মিলে বরুণদেব, তাঁহার আপত্ত্ব হইতে জলীয় উপাদান দিয়া স্বাদগ্রহণ উপযোগী বহিরিন্দ্রিয় উৎপাদন করেন। এইরূপেই, তাহার দেহ ক্রমশঃ ইচ্ছাও প্রয়োজনানুরূপ গঠিত হইতে থাকে। একটা দেহ একেবারে ক্রমোন্নতির অনুপযোগী হইয়া পড়িলে, জীবাশ্মা সে দেহ ত্যাগ করিয়া দেহান্তর গ্রহণ করেন। তাঁহার বিকাশ ক্রমশঃই দ্রুততর সাধিত হইতে থাকে। কারণ, প্রচ্ছন্ন-শক্তি সমূহ যত অধিক স্বাধীন ভাবে কার্য্য করিবার উপযোগী

হয়, ততই জীব ইন্দ্রিয়গণের পটুত্ব নিবন্ধন শীঘ্র শীঘ্র অভীষ্ট ফল লাভ করিয়া দ্রুততর প্রবুদ্ধ হইতে থাকে। ইহাই ক্রমবিকাশের সাধারণ নিয়ম।

পাঠকগণ যাহাতে পুনর্জন্মের মূলতত্ত্ব সহজে হৃদয়ঙ্গম করিতে পারেন এই আশায়, ক্রমবিকাশের স্তরগুলি স্থূলতঃ উপরে বিবৃত হইল। বাস্তবিক কিন্তু ক্রমবিকাশতত্ত্ব ইহা অপেক্ষা অনেক জটিলতর এবং জীবের ক্রমোন্নতিমূলক সংসারবৃক্ষ বহুশাখাযুক্ত ও অনন্ত। জীবের ক্রমোন্নতি মার্গের বিশিষ্ট সোপানঃ হইতেও পতনের সম্ভাবনা আছে, এবং কখন কখন তাহাকে একাবস্থায় বহুদিন থাকিতেও হয়। কোনও শক্তির হয়ত বিকাশ হয় নাই, হয়ত কিছু শিথিতে থাকি আছে, সেই শক্তি, সেই জ্ঞান পাইবার জন্য তাহাকে আবার, স্থূলে অমনোযোগী ছাত্রের ত্রায়, নিম্নতর স্তরে নামিয়া আসিতে হইতে পারে। এইরূপে মানবকে পশুদেহ বা উদ্ভিদদেহ, এমন কি অত্যন্ত তামসিক স্বভাব হইলে, প্রস্তুতদেহও প্রাপ্ত হইতে হয়। পূর্বে মানবদেহের অব্যবহারের ফলে, সেই নীচ দেহে কিছুকাল কারারুদ্ধ থাকিয়া জীবাত্মা ভবিষ্যতে মানবদেহের যথোচিত ব্যবহারের আবশ্যকতা তাহার উপলব্ধি করে। উচ্চশক্তিশালী জীবাত্মা, নিম্নশক্তি বিকাশোপযোগী দেহে আবদ্ধ থাকে বলিয়া ইহা তাহার পক্ষে কারাবাসাবস্থার ত্রায়। তখন স্বাধীনতার অভাবে, মানবশক্তি বিকাশ করিবার উপাধি অভাবে, তাহার বড়ই কষ্ট হয়।

কিন্তু জীব চিরদিন এই জন্মমৃত্যু-চক্রে আবদ্ধ থাকিবে না। কেবলমাত্র বাসনারজু দ্বারা সে এই চক্রে আবদ্ধ। যতদিন পার্থিব

বাসনা থাকিবে, ততদিন পৃথিবীতে আসা যাওয়া ঘুচিবার নহে। কিন্তু বাসনার নাশে আর বন্ধন থাকে না ; তখন জীব মুক্ত হয়। তখন আর তাহার জন্ম লইবার প্রয়োজন থাকে না, কারণ তখন তিনি মুক্ত জীব।

প্রায়শঃ মুক্তাঙ্গাগণ অপরকে মোক্ষলাভে সাহায্য করিবার জন্ত (কৰ্ম্ম বশে নহে) এই জগতে দেহ ধারণ করিয়া থাকেন। সেইরূপ মুক্তাঙ্গাগণের বিবরণ আমরা বেদ ও পুরাণেতিহাসাদিতে দেখিতে পাই। কোনও স্থানে তাঁহারা ঋষি, কোথাও বা রাজা, কোথাও বা সাধারণ মনুষ্যরূপে থাকেন। কিন্তু বাহুমুৰ্ত্তিতে তাঁহারা যাহাই হউন না কেন, তাঁহারা পবিত্রতম, নিঃস্বার্থ ও শাস্ত। তাঁহাদের জীবন কেবল লোকহিতার্থে। তাঁহারা জগতের উপকারার্থ জীবনপাত করিয়াই সন্তুষ্ট। কারণ তাহারা ঈশ্বরের সহিত অভিন্নত্ব লাভ করিয়াছেন।



\*\*\*

দেহিনোহস্মিন্ যথা দেহে কৌমারং যৌবনং জরা ।

তথা দেহান্তরপ্রাপ্তিধারন্তত্র ন মুহতি ॥ ১৩ ॥

( গীতা ২ অঃ )

দেহীর এদেহে যথা কৌমার যৌবন ।

পরে জরা ধীরে ধীরে করে আগমন ।

সেইরূপ দেহান্তর প্রাপ্তি স্ননিশ্চয় ।

বুদ্ধিমানের তার তরে দুঃখিত না হয় ॥ ১৩ ॥

\*\*\*

অন্তবস্ত ইমে দেহা নিত্যসোক্তাঃ শরীরিণঃ ।

অনাশিনোহপ্রমেয়ন্ত তস্মাদ্ যুধ্যস্ব ভারত ॥ ১৮ ॥

য এনং বোত্তি হস্তারং যশ্চেনং মন্যতে হতং ।

উভৌ তৌ ন বিজানীতৌ নায়ং হস্তি ন হন্যতে ॥ ১৯ ॥

ন জায়তে ম্রিয়তে বা কদাচি-

ন্মায়ং ভূত্বা ভবিতা বা ন ভুয়ঃ ।

অজো নিত্যঃ শাস্বতোহয়ং পুরাণো

ন হন্যতে হন্ত্যমানে শরীরে ॥ ২০ ॥

বেদাবিনাশিনং নিত্যং য এনমজমব্যয়ং ।

কথং স পুরুষঃ পার্থ্য কং যাতি হস্তি কং ॥ ২১ ॥

বাসাংসি জীর্ণানি যথা বিহায়

নবানি গৃহ্নাতি নরোহপরাণি ।

তথা শরীরানি বিহায় জীর্ণ-

হুতানি সংযাতি নবানি দেহী ॥ ২২ ॥

( গীতা ২ অঃ )

অবিনাশী অপ্রমেয় নিত্য যেই জন ।

সে দেহীর নাশশীল এই দেহগণ ॥

অতএব মিথ্যা মোহ করি পরিহার ।

যুদ্ধ কর, হে ভারত, কহিলাম সার ॥ ১৮ ॥

হস্তা কিম্বা হত তারে ভাবে যেইজন ।

জানে না সে, নহে হস্তা, হত, কদাচন ॥ ১৯ ॥

না আছে জনম তার না আছে মরণ ।

প্রকাশের পরে নাহি অসত্ত্বা কখন ॥

অজ নিত্য পুরাতন শাস্ত্রত নিশ্চয়

শরীরের নাশে তার নাশ নাহি হয় ॥ ২০ ॥

অবিনাশী জন্মহীন নিত্য সে অব্যয় ।

যে জানে, সে, বল পার্থ, করে কারে ক্ষয় ॥ ২১ ॥

যথা জীর্ণবাস গুলি পরিহার করি ।

সুসজ্জিত হয় নর নববস্ত্র পরি ॥

সেইরূপ জীর্ণ দেহ করি পরিহার ।

নবদেহ ধরি দেহী সাজে আর বার ॥ ২২ ॥

\*\*\*

দেহী নিত্যমবধ্যোহয়ং দেহে সর্বশ্চ ভারত ।

তস্মাৎ সৰ্বাণি ভূতানি ন ত্বং শোচিতুমর্হসি ॥৩০॥

( গীতা ২ অঃ )

\*\*\*

সকল দেহের দেহী অবধ্য নিশ্চয় ।  
হে ভারত, সেই হেতু শোক ভাল নয় ॥৩০॥

\*\*\*

তদ্ব্যথা পেশঙ্কারো পেশসো মাত্রামুপাদায়ান্যন্নবতরং  
কল্যাণতরং রূপং তনুত এবমেবায়মাশ্বেদং শরীরং  
নিহত্যাবিদ্যাং গময়িত্বান্যন্নবতরং কল্যাণতরং রূপং  
কুরুতে ॥

( বৃহদারণ্যক ৪।৪।৪ )

যথা স্বর্ণকার স্বর্ণখণ্ড ল'য়ে  
অগ্রাকার করে তার ।  
নবতর রূপ প্রদানি তাহারে  
সুন্দর করে আকার ॥  
আত্মা সেইরূপ এই দেহ ত্যজি  
অবিদ্যার নাশ করি ।  
করে নবতর দেহের আশ্রয়  
সুসুন্দর রূপ ধরি ॥৪॥

\*\*\*

ব্রহ্মণ্যাধায় কৰ্ম্মাণি সঙ্গং ত্যক্তা কৰোতি যঃ  
লিপ্যতে ন স পাপেন পদ্মপত্রমিবাস্তসা ॥১০॥  
কায়েন মনসা বুদ্ধ্যা কেবলৈরিন্দ্রিয়ৈরপি ।  
যোগিনঃ কৰ্ম্ম কুৰ্ব্বন্তি সঙ্গং ত্যক্ত্বাশ্মশুঙ্কয়ে ॥১১॥

যুক্তঃ কৰ্মফলং ত্যক্তা শান্তিমাপ্নোতি নৈষ্ঠিকীং ।

অযুক্তঃ কামকারণে ফলে সন্তো নিবধ্যতে ॥১২॥

( গীতা ৫ অঃ ১২ )

যেই জন ব্রহ্মে কৰ্ম করি সমর্পণ ।

আসক্তি ত্যজিয়া করে কৰ্ম আচরণ ॥

পদ্মপত্রে জল যথা লিপ্ত নাহি হয় ।

সেইরূপ সেইজন পাপ মুক্ত রয় ॥১০॥

আসক্তি বিহীন যোগী আত্মশুদ্ধি তরে ।

দেহ মন বুদ্ধি নিজ নিয়োজিত করে ।

অথবা সে কৰ্ম-অভিনিবেশ বিহীন ।

ইন্দ্রিয় সহায়ে কৰ্ম করে অনুদিন ॥১১॥

যুক্ত-জন কৰ্ম-ফল আসক্তি ছাড়িয়া ।

লবেন নৈষ্ঠিকী শান্তি করম করিয়া ॥

অযুক্ত যে জন তাঁর কামনার ফলে ।

বদ্ধ হয় কৰ্মফাঁসে আসক্তির বলে ॥১২॥

\*\*\*

বিদ্যাবিনয়সম্পন্নে ব্রাহ্মণে গবি হস্তানি ।

শুনি চৈব স্বপাকে চ পণ্ডিতাঃ সমদর্শিনঃ ॥১৮॥

ইহৈব তৈর্জিতঃ সর্গো যেষাং সাম্যো স্থিতং মনঃ ।

নির্দোষং হি সমং ব্রহ্ম তস্মাদ্ভ্রুক্ণি তে স্থিতাঃ ॥১৯॥

ন প্রহৃষ্যৎ প্রিয়ং প্রাপ্য নোদ্বিজেৎ প্রাপ্য চাপ্রিয়ং :

স্থিরবুদ্ধিরসংমূঢ়ো ব্রহ্মবিদ্ ব্রহ্মণি স্থিতঃ ॥২০॥

বাহুস্পর্শেষস ক্রাত্বা বিন্দত্যাশ্রয়ি যৎ সুখং ।

স ব্রহ্মযোগযুক্তাত্মা সুখমক্ষয়মশ্নুতে ॥২১॥

বিদ্যা আর বিনয়েতে যুক্ত যে ব্রাহ্মণ ।

জ্ঞানী, করে চণ্ডালেতে সমদরশন ॥

গাভী, হস্তী অথবা সে কুকুরের সনে ।

তুল্যভাব, ভেদাভেদ নাহি কিছু মনে ॥১৮॥

সাম্যভাবে অবস্থিত বাঁহাদের মন ।

সংসারে সংসারজয়ী জেনো সেই জন ॥

সকল স্থানেই ব্রহ্ম নির্দোষ সমান ।

এই হেতু ব্রহ্মে স্থিত সেই মতিমান ॥১৯॥

ব্রহ্মবিৎ সেই জন ব্রহ্মে অবস্থিত ।

স্থির বুদ্ধি তিনি সদা মোহ বিরহিত ।

প্রিয়বস্তু পেলে তার হর্ষ নাহি হয় ।

অপ্রিয় হ'লেও নাহি উদ্বেগ নিশ্চয় ॥২০॥

বাহু বিষয়েতে ঘাঁনি অনাসক্ত মন ।

আত্মাতে যে শান্তিসুখ লভে সেইজন ॥

ব্রহ্মে যোগযুক্ত হ'য়ে সেই ভাগ্যবান ।

অক্ষয় স্নুথেতে হন বিভোর পরাণ ॥২১॥

\*\*\*

যোহন্তঃসুখোহন্তরারামস্তথাস্তর্জ্যোতিরেব যঃ ।

স যোগী ব্রহ্মনির্বাণং ব্রহ্মভূতোহধিগচ্ছতি ॥২৪॥

লভন্তে ব্রহ্মনির্বাণমুখ্যঃ ক্লীণকল্মষাঃ ।

ছিন্নবৈধা যতাত্মানঃ সৰ্বভূতহিতে রতাঃ ॥২৫॥  
 কামক্ৰোধাবযুক্তানাং যতীনাং যতচেতসাং ।  
 অভিতো ব্রহ্মনিৰ্বাণং বৰ্ত্ততে বিদিতাত্মনাম্ ॥২৬॥  
 ( গীতা ৫ অঃ )

আত্মাতেই সুখ য়ার, আমোদ আত্মায় ।  
 আত্মাতেই দৃষ্টি সেই মোক্ষ পদ পায় ॥২৪॥  
 ক্ষীণ পাপ যিনি, য়ার নাহিক সংশয় ।  
 সংযত হয়েছে চিত্তবৃত্তি সমুদয় ।  
 সৰ্বভূতহিতে রত সমদরশন ।  
 লভেন ব্রহ্মনিৰ্বাণ হেন প্লাবিশগণ ॥২৫॥  
 কামক্ৰোধ বিমুক্ত যে য়াত যত-চিত ।  
 স্নানিকট মোক্ষ তাঁর জীবিত কি মৃত ॥২৬॥

## চতুর্থ অধ্যায়

কৰ্ম অৰ্থে বৰ্ত্তমানে বাহ। কৰা হইতেছে, তাহার সহিত  
ভবিষ্যৎ ফলের যে নির্দিষ্ট ও বিশিষ্ট সম্বন্ধ তাহাই বুঝায়।  
কোন বিষয়ই অকস্মাৎ বা অকারণে ঘটে না; সকলেরই কারণ  
আছে। তাহারা নিয়মিতভাবে পর্যায়ক্রমে সংঘটিত হয়।

একটি বীজ বপন করিলে, তাহা অঙ্কুরিত হইয়া ক্ষুদ্র কাণ্ড  
উৎপন্ন করে। সেই কাণ্ডে পত্র হয়। তাহাতে পুষ্পোদান হয়; তার  
পর ফল হয়। ফলে পুনরায় বীজ জন্মে; সেই বীজ হইতে আবার  
পূর্ব্বক্রমে কাণ্ড, পত্র, পুষ্প, ফল ও বীজ উৎপন্ন হইয়া থাকে।  
যে বৃক্ষের বীজ, তাহাতে সেই বৃক্ষই জন্মে। ধাতু হইতে ধাতু  
হয়; যবে যবেরই উৎপত্তি হইয়া থাকে; গোধূম হইতে গোধূম  
জন্মে; কণ্টকে কণ্টকেরই উৎপত্তি হয়। কেহ কণ্টক রোপণ  
করিয়া তাহাতে স্তমধুর দ্রাক্ষার আশা করিতে পারে না। ইহাই  
কৰ্ম্মফল। মানুষ্যের ইহা জানিয়া অভিলাষানুরূপ বীজ বপন করা  
উচিত, কৰ্ম্মের এই নিয়মটী সাধারণতঃ সকলেরই স্মরণ রাখা  
কর্ত্তব্য।

কৰ্ম্মতত্ত্ব যত সহজ মনে কর/ যায়, তত সহজ নহে। যদি আমি

কাহাকেও জিজ্ঞাসা করি, “আপনি নগরে গিয়াছিলেন কেন?” তিনি হয়ত বলিলেন, “আমার এক জোড়া জুতার প্রয়োজন হইয়াছিল, ও মনে করিয়াছিলাম, সেখানে জুতা পাওয়া যাইবে”। অথবা বলিবেন, “আমার কোনও বন্ধুর সহিত সাক্ষাৎ করিবার প্রয়োজন ছিল, ও মনে করিয়াছিলাম, সেখানে তিনি আছেন।” এইরূপ সকল কার্যেরই একটা প্রয়োজন ও একটা মনন বা সংকল্প দেখা যায়। ক্রিয়া, মনন ও প্রয়োজন সর্বদা এক সূত্রে গ্রথিত থাকে।

ঐ প্রয়োজনের নাম বাসনা। প্রথমতঃ আমরা বাসনা করি, এইটি কর্মের প্রথম অবস্থা; তাহার পর সংকল্প করি, কি রূপে সেই বাসনা সিদ্ধ হইবে, ইহাই দ্বিতীয় অবস্থা; অবশেষে অভীষ্টলাভ জন্য কার্য করি ইহাই কর্মের তৃতীয় অবস্থা। ইহাই কর্মের ক্রম। প্রত্যেক কার্যের পশ্চাতেই সংকল্প ও বাসনা আছে এবং প্রত্যেক সংকল্পের পশ্চাতে বাসনা থাকে।

এই কর্ম, সংকল্প ও বাসনা কর্মরজ্জুর তিনটি সূত্র; এই তিনের মিলনে কর্মরজ্জু। আমাদের কর্ম দ্বারা আমাদের সন্নিহিত ব্যক্তিগণ সুখী বা অসুখী হন। যদি সুখী হন, তবে আমি সুখের বীজ বপন করিলাম, তাহা হইতে অবশ্যই আমার সুখ উৎপন্ন হইবেক। পক্ষান্তরে অসুখের বীজ বপন করিলে, অসুখ উৎপন্ন হইবেক, তাহাতে সন্দেহ নাই। যদি নিষ্ঠুরের কার্য করি, তবে নিষ্ঠুরতার বীজবপন করা হইল; তাহার ফলে আমাদের ভাগ্যে নিষ্ঠুরতাই লব্ধ হইবেক। সেইরূপ দয়ার বীজ বপন করিলে,



দয়া লাভ হইবেক, তাহাতে সন্দেহ নাই। যে বীজ বপন করা যায়, তাহার ফলই আমাদের ভোগ করিতে হয়। ইহাই কৰ্মফল।

কিন্তু পূর্বে দেখান হইয়াছে, প্রত্যেক কৰ্মের পশ্চাতে সংস্কল আছে। যেমন ক্রিয়া হইতে সুখদুঃখ ফল লাভ হয়, সেইরূপ সেই সংস্কলবশেই আমাদের চরিত্র গঠিত হয়। চরিত্রেই আমাদের মনের অবস্থা বা প্রকৃতির বিকাশ। আমরা যে বিষয়ে বহু চিন্তা করি, আমাদের মন তদবস্থা প্রাপ্ত হয়। কেবল দয়ার ব্যাপার চিন্তা করিলে আমরা নিশ্চয়ই দয়ালু হইব। ক্রুর কৰ্ম চিন্তা করিলে ক্রুরতা আমাদের স্বভাব হইয়া যাইবেক। অনবরত প্রতারণা চিন্তা করিতে করিতেই প্রবঞ্চক হইতে হয়। সচ্চিন্তার ফলই সাধুভাব। এইরূপে সংস্কল হইতেই চরিত্র গঠিত হইয়া থাকে। ইহ জন্মে যেৰূপ চিন্তা করিতেছি, পুনর্জন্ম সময়ে আমাদের সেইরূপ চরিত্র হইবেক, সন্দেহ নাই। আমরা আমাদের স্বভাবানুরূপ কার্য্য করিয়া থাকি—দয়ালু ব্যক্তিই দয়ার কার্য্য করেন; ক্রুর ব্যক্তির কার্য্যই ক্রুরতায়ুক্ত। সুতরাং আমাদের বর্তমান জীবনের সংস্কল হইতেই পর জন্মের চরিত্র ও ঘটনা সংঘটিত হইবেক, তাহাতে সন্দেহ নাই। ইহাই কৰ্ম।

সংস্কলের মূলে বাসনা আছে। বাসনাবশেই আমরা অভীষ্ট প্রাপ্ত হই। চুম্বক যেমন লৌহ আকর্ষণ করে, কামনা সেইরূপ অভীষ্ট বস্তুকে আকর্ষণ করিয়া থাকে। ধনের কামনা করিলে জন্মান্তরে ধনবান হইবার সুযোগ পাওয়া যায়। জ্ঞানের কামনা করিলে জন্মান্তরে জ্ঞানবান হইবার সুযোগ ঘটে। প্রেমের কামনাস্থ

জন্মান্তরে প্রেমালোপ হইতে পারে; শক্তি লাভের বাসনার, জন্মান্তরে শক্তিশালী হইতে পারা যায়। ইহাই কর্ম ফলবাদ। \*

ছাত্রগণের এই ছরছ বিষয়টী বারম্বার ভাবনা দ্বারা হৃদয়ঙ্গম করিয়া লওয়া কর্তব্য। এইটী ভাল না বুঝিলে কর্মবাহুল্যের ছরছাংশ সমূহ বুঝিতে পারা যায় না। কর্মফল সম্বন্ধে এক কথায় এই বলা যাইতে পারে” অবশ্যমেব ভোক্তব্যং কৃতং কর্ম শুভাশুভম্।”

\* পূর্বেই উক্ত হইয়াছে যে কর্মফলতত্ত্ব বিষয়টী অতি দুর্বোধ্য; অথচ এই-দ্রষ্ট ইষ্টের মূলনীতি বা আদিতত্ত্ব। ইষ্ট জগতের সকল তত্ত্বই এই আদিতত্ত্বের উপর প্রতিষ্ঠিত। যে হেতু বিশ্বরচনা বা বিশ্বকল্পনাই ইষ্টের আদি কর্ম। আবার প্রলয়কালে বিশ্বের নাশই ইষ্টের শেষ কর্ম। অতএব ইষ্টের আদি হইতে শেষ পধ্যন্ত সমস্তই এই কর্মতত্ত্বের উপর প্রতিষ্ঠিত। আজ কাল বিজ্ঞানানু-শীলংগবর্গী শুদূরদর্শী আত্ম-মত-প্রমত্ত ইংরাজী শিক্ষিত যুবকেরা কর্মফলবাদেব কণা স্তম্ভিত হইয়া শিহরিয়া উঠেন। কিন্তু চিন্তাহীন যুবক বন্ধুফলবাদে তাঁহার সম্পূর্ণ অনাস্থার কথা তিনি যতই দৃঢ়তার সহিত সমর্থন করিতে চেষ্টা করণ না কেন, একটু ভাবিয়া দেখিলেই উপলব্ধি করিতে পারিবেন যে, কর্মবাদে তাঁহার স্বভাববিরুদ্ধ বিশ্বাস না থাকিলে তিনি স্বর্ণমাত্র ও জীবন ধারণ করিতে পারিতেন না। যে কর্ম যে ফলে পরিণত হয় তাহাতে তাঁহার জ্ঞান অথবা বিশ্বাস না থাকিলে তিনি কখনও সে কর্ম করিতেন না। অন্তঃকরণরূপ জিয়াদ্বারা ক্ষুধা নিবৃত্তি হয়, ইহা যদি তাঁহার জানা না থাকিত এবং ভোজনের ফল ক্ষুধা নিবৃত্তি, ইহা যদি তিনি বিশ্বাস না করিতেন, তবে বৃত্তান্ত হইলে তিনি ভোজনে প্রবৃত্ত হইতেন না। জল চাহিলে তৃষ্ণা নিবৃত্তির উপাদান আনয়ন করিয়া দেয় ইহা যদি তিনি বিশ্বাস না করিতেন, তবে তৃষ্ণিত হইলে তিনি কখনও জল চাহিতেন না। আপনি যদি বিশ্বাস না করেন যে, আত্মবীজ হইতে আত্মবৃক্ষই উৎপন্ন হয়, অস্ত্র বৃক্ষ উৎপন্ন হয় না অথবা আপনি যদি বিশ্বাস করেন যে আত্মবীজ হইতে যে কোন বৃক্ষ উৎপন্ন হইতে পারে তাহা হইলে আপনি আত্মবীজ রোপণে কখনও প্রবৃত্ত হন না।

ফলাকাঙ্ক্ষী মানুষ অনুক্ষণই ফলের চেষ্টার সকল কর্মেই রত হন। কর্ম ফলের সহিত যাহাদের জীবনের প্রত্যেক চিন্তা, শ্রুতি, উক্তি ও ক্রিয়া একপাশে ফেলিয়া বিজড়িত, তাঁহারা কিরূপে বাতুলের স্থায় কর্মফলবাদের প্রতিবাদ করেন, ইহা বুঝিয়া উঠা কঠিন।

যেমন বীজ বপন করা যায়, ফলও তদনুরূপই হইয়া থাকে। ছাত্রগণ এস্থলে একরূপ জিজ্ঞাসা করিতে পারেন, যদি আমাদের বর্তমান কৰ্ম্ম অতীত সঙ্কল্পের ফল হয়, এবং অতীত সঙ্কল্প সমূহ অতীত বাসনার ফল হয়, তবে ত অসহায় রূপে আবদ্ধ জীব। অতীত জন্মের সঙ্কল্পানুসারেই ত আমরা কৰ্ম্ম করিতে বাধ্য, জন্মান্তরীন বাসনানুসারেই আমাদের সঙ্কল্পের উদয় হইবেক” একথা যথার্থ বটে, কিন্তু ইহার একটা সীমা আছে। কারণ জ্ঞানবৃদ্ধির সঙ্গে সঙ্গে আমাদের পরিবর্তন সাধিত হইতেছে। উত্তরোত্তর জ্ঞান লাভের সঙ্গে সঙ্গে, জীব তাহার বাসনা পরিবর্তিত করিতেছেন। সুতরাং একথা বলিতে পারি, অতীত জীবনে আমরা যে ভাবের বাসনা, সঙ্কল্প ও কৰ্ম্ম করিয়াছিলাম, তাহা হইতে অত্র ভাবের বাসনা ও সঙ্কল্প ও ত করিতে পারিতাম। এখনও চেষ্টা দ্বারা ঐ সমুদায়ের গতি ভিন্ন করিতে পারা যায় এবং জ্ঞান বলে তাহাদের কুফলের অস্তিত্ব বুঝিতে পারিলেই, যত্নের দ্বারা তাহা পরিবর্তিত অসম্ভব নহে।

মনে করা যাউক। কেহ বুঝিতে পারিলেন যে তিনি কোন নির্দয়তার কার্য্য করিয়াছেন, তিনি সঙ্গে সঙ্গে ইহাও বুঝিতে পারিলেন যে, সেই নির্দয় কার্য্য কোনও অতীত নির্দয়তার চিন্তা সমুদ্ভূত। ঐ চিন্তা আবার কোনও বিবর বিশেষের বাসনার ফল। ঐ বাসনার চরিতার্থতা নির্দয়তা ব্যতীত হইতে পারে না। তিনি বুঝিলেন, ঐ কার্য্য ফলে লোকে কষ্ট পাইয়াছে, এবং তজ্জন্ত তাঁহাকে ঘৃণা ও ভয় করিতেছে; এবং এই জন্তই তিনি সঙ্গীহীন ও অনুখী। এই সমুদায় আনুপূর্ব্বিক চিন্তা করিয়া, আত্মভাব তিনি পরিবর্তন করিতে

সঙ্কল্প করিলেন, কিন্তু তাঁহার পূর্বসঙ্কল্পাদি সংঘটিত মনোভাব পরিবর্তিত করা বড় সহজ ব্যাপার নহে ; অভ্যাসের শক্তি বড়ই প্রবল। তখন তিনি সকল অশান্তির মূল যে বাসনা, যে বাসনা সজ্জাত বস্তু পাঠিতে হইলে, নিষ্ঠুরতা প্রদর্শন ভিন্ন উপায় নাই, তিনি সেই বাসনা দূর করিতে চেষ্টা করিলেন, তখন তিনি (জীব) আপনা আপনি বলিতে লাগিলেন, আর আমি ঐ সকল বিষয়ের বাসনা রাখিব না। কারণ নির্দয়তা ব্যতীত উহা সিদ্ধ হইবেক না। তাহার ফলে আমাকে বড়ই মানসিক কষ্ট ভোগ করিতে হইবেক। এইরূপে তিনি সঙ্কল্প দ্বারা বাসনার নাশে সচেষ্ট হইলেন, আর বাসনা হইতে সঙ্কল্পের উদয় হইতে দিলেন না। সুতরাং বাসনা ছিন্নরজ্জু অশ্বের গায় তাহাকে যথেষ্ট লইয়া যাইতে পারিল না। তিনি সঙ্কল্পকে বল্লারূপে প্রয়োগ করিয়া বাসনাতুরঙ্গকে ক্রমে আপনার আয়ত্বাধীন করিলেন। যে কার্য্য করিলে সুখী হওয়া যায়, তখন তিনি কেবল বাসনাকে সেই কার্য্যানুকরণে চালিত করিবেন।

অসম্পূর্ণজ্ঞানযুক্তজীব বাসনাকে আয়ত্ত রাখিতে পারেন না। এইজন্ত পদে পদে তিনি আপনাকে অসুখী করেন। ক্রমে জ্ঞানবৃদ্ধির সঙ্গে যে বিষয়ে বাসনা করিলে অশান্তি ও অসুখ ঘটে, সে বিষয়ের বাসনা মনে উদয় হইবা মাত্রই, তাহাকে সঙ্কল্প দ্বারা উপযুক্ত বিষয়ান্তরে চালিত করিয়া থাকেন। যে ছাত্র নিজের ও অপরের সুখ-বৃদ্ধির ইচ্ছা করেন, তাহার বাসনাকে সংযত করা কৰ্ত্তব্য। পর্য্যবেক্ষণ ও বস্তু বিচার পূর্বক কি সুখকর, কি অসুখকর, তাহা নির্ণয়

করিয়া, তাহার সমস্ত শক্তিবলে শুধু স্মৃতিময় বিষয়েরই বাসনা করিবেন।

কোন বিশেষ প্রকারে জীবন অতিবাহিত করিলেই যে জন্ম-মরণরূপ বন্ধন হইতে মুক্ত হওয়া যায় তাহা নহে। ভগবান্ শ্রীকৃষ্ণ বলিয়াছেন।

সৰ্বভূতস্থিতং যোমাং ভজত্যেকত্বমাস্থিতং।

সৰ্বথা বৰ্ত্তমানোহপি স যোগী ময়িবৰ্ত্ততে ॥”

( গীতা ৬।৩১ ॥ )

“যিনি সৰ্বভূতস্থিত আমাকে ভেদজ্ঞান পরিত্যাগ পূর্বক ভজনা করেন, বিষয় মধ্যে থাকিয়াও সেই যোগী আমাতেই অবস্থিত জানিবে ॥” ক্ষত্রিয় রাজর্ষি জনক এবং বৈশ্য তুলাধার, তুল্যরূপেই মুক্ত ছিলেন। তাঁহাদিগকে অরণ্য আশ্রয় করিতে হয় নাই। কেবল বাসনার অভাবই তাঁহাদের মুক্তির হেতু।

রাজর্ষি জনক মিথিলার রাজা ছিলেন এবং বিদেহগণের শাসন করিতেন, তিনি মনে শান্তিলাভ করিয়া বলিয়াছিলেন, যদিও আমি অতুল সম্পদের অধীশ্বর, তথাপি আমার কিছুই নাই। যদি সমগ্র মিথিলা দগ্ধ হয়, তথাপি আমার কিছুই নষ্ট হইবার সম্ভাবনা নাই।” তিনি সান্তব্যাকে এই কথা বলিয়া বলিয়াছিলেন, মানুষের যাহা কিছু আছে, তাহাই কষ্টের কারণ। বাসনা নাশে যে স্মৃতি, মর্মে বা স্বর্গে বাসনার চরিতার্থতা দ্বারা তাহার বোড়াশাংশের একাংশও লক্ষ হয় না। যেমন গরুর শৃঙ্গ, গরুর বয়োবৃদ্ধির সহিত বর্ধিত হয় তেমনি সম্পদের বাসনা সম্পদ বৃদ্ধির সহিত বৃদ্ধি হয়। সম্পদ

থাকিলে তাহা দ্বারা সংকার্য্য করিতে পার, কিন্তু তাহার ফলাকাঙ্ক্ষা রাখিও না, কারণ বাসনাই দুঃখ। সর্ব্বজীবকে আশ্রয় দেখিও, জ্ঞানীরই সমস্ত আকাঙ্ক্ষার নিবৃত্তি হইতে পারে। যোগী বাস্তবের নিকট শিক্ষা লাভ করিয়া জনক মুক্ত হইয়াছিলেন। কারণ তদ্বারা তিনি ব্রহ্মলাভে সমর্থ হইয়াছিলেন এবং তদ্বারা তাঁহার আত্যন্তিক দুঃখ নিবৃত্তি হইয়াছিল। শিক্ষালাভ করিয়া তিনিই আবার গুরু হইয়া ব্যাসপুত্র গুরুকে মোক্ষধর্ম্ম শিক্ষা দিয়াছিলেন।

জাজানি বহু তপশ্চা করিয়াছিলেন। তাহাতে তাঁহার মনে অহঙ্কারের উদয় হইয়াছিল। একদা তিনি মনে মনে চিন্তা করিলেন, সসাগরা বহুস্রার মধ্যে আমার মত কে আছে। তখন দৈববাণী হইল এমন কথা মনে করিও না? বণিক্ তুলাধার যদিও দিবা নিশি ক্রয় বিক্রয় কার্য্যে ব্যাপ্ত আছেন, তথাপি তুমি তাহার তুলা নহ। তখন জাজানি ভাবিলেন, এক জন্তু সামান্য বণিক্ আগ্রা অপেক্ষা উচ্চ কিসে? আমি ব্রাহ্মণ, তপস্বী। এই বলিয়া তিনি তুলাধারের অন্বেষণে বহির্গত হইলেন। বারাণসী নগরীতে উপস্থিত হইয়া তিনি তুলাধারকে ক্রয় বিক্রয় কার্য্যে ব্যাপ্ত দেখিলেন। তাঁহাকে দেখিবা মাত্র, তুলাধার দণ্ডায়মান হইয়া তাঁহার অভ্যর্থনা করিলেন, এবং তাহার কঠোর তপশ্চাবিবরণ বর্ণন করিয়া বলিলেন, আপনি ক্রুদ্ধভাবে আমার নিকট আসিয়াছেন, এক্ষণে আপনার কি কার্য্য করিব বলুন। জাজানি তাঁহার অতীত দর্শন ক্ষমতায় আশ্চর্য্যান্বিত হইয়া কারণ জিজ্ঞাসু হইলেন। তখন, তুলাধার তাঁহার নিকট বহু প্রাচীন নীতি বর্ণনা করিলেন।

ঐ সকল নীতি-মত সকলেই জানেন, কিন্তু কেহই পালন করেন না,—সে সকল কথার স্থূল মর্ম্ম এই—মানুষের একরূপ ভাবে থাকা উচিত যাহাতে কাহাকেও কষ্ট দিতে না হয়, যদি কষ্ট দেওয়া অবশ্যস্বত্বী হয়, তবে যথা সম্ভব অল্প কষ্ট দেওয়া উচিত। কাহারও নিকট ঋণ প্রার্থনা কর্তব্য নয়, কাহারও সাহিত বিবাদ করা উচিত নয়। আসক্তি ও বিদ্বেষ ভাব দুইই পরিহার্য্য। সকলকেই সমান জ্ঞান করা কর্তব্য; কাহারও প্রশংসা বা নিন্দা করা কর্তব্য নহে। যখন কোনও ব্যক্তি নির্ভয় হয় এবং অত্মের ভয়ের কারণ হয় না, যখন তিনি কাহারও অনিষ্ট করিতে পারেন না, তখনই তিনি ব্রহ্মত্ব লাভ করেন। মানুষ কিম্বা ইতর প্রাণীর উপর নিষ্ঠুর ব্যবহারে তাহাদের কি অনিষ্ট হয়, যজ্ঞবিধি কাহাকে বধে, যথার্থ তীর্থ ভ্রমণ কি, এই সমস্ত বিষয় বর্ণনা করিয়া তুলাধার দেখাইয়া দিলেন, শুদ্ধ মাত্র অহিংসাময় ধর্ম্ম আশ্রয় করিয়া মানুষ মুক্তিলাভ করিতে পারে।

(তুলাধার সুন্দররূপে নির্দয়তা, যজ্ঞবিধি, যথার্থ তীর্থভ্রমণ প্রভৃতি বর্ণন করিয়াছিলেন; এবং পরের অনিষ্ট করা স্বভাব ত্যাগ দ্বারা কিরূপে মুক্তিলাভ হইতে পারে তাহা বর্ণনা করিয়া ছিলেন।)

এই দুইটী উপাখ্যান মহাভারতের শান্তিপর্বে বর্ণিত আছে।

\* \* \*

কামময় এবাং পুরুষ ইতি।

স যথাকামো ভবতি, তৎ ক্রতুর্ভবতি

যঃ ক্রতুর্ভবতি, তঃ কৰ্ম কুরুতে ।

যঃ কৰ্ম কুরুতে তদভিসম্পত্ততে ॥

( বৃহদারণ্যক ৪।৪।৫ )

কামনায় এই পুরুষ নিশ্চয়

যেমন কামনা, ভাবনা তেমন ।

ভাবনার যোগ্য কার্যতার হয়

সিদ্ধিও তেমনি করম্ যেমন ॥৫॥

\* \* \*

সৰ্বং খন্দিৎ ব্রহ্ম তজ্জনানিতি শাস্ত্র উপনীত ।

অথ খলু ক্রতুময়ঃ পুরুষে যথা ক্রতুরগ্নিল্পৌকে পুরুষো

তথেষঃ প্রেত্যঃ ভবতি ॥ ছান্দোগ্য ৩।১৪।১ ।

এ জগতে এ সবি ব্রহ্মময়

তাতেই উৎপত্তি তাঁহে নয়,

শাস্ত্র হয়ে কর তার উপাসনা ।

পুরুষ গঠিত ভাবনায়

ইহ পরলোকে তাই পায়,

যাহার অন্তরে যদা যেমন ভাবনা ॥১॥

\* \* \*

তদেব সত্ত্বঃ সহ কৰ্ম্মণেতি-

মনো যত্র নিষক্ৰমস্ত ॥

( বৃহদারণ্যক ৪।৪।৬ )



সকাম যে জন নিজকর্ম্য ফলে  
যাহে সে আসক্ত সেই বস্তু পায় ॥ ৬

\* \* \*

ন মাং কর্ম্মাণি লিম্পন্তি ন মে কর্ম্মফলে স্পৃহা ।  
ইতি মাং যোহভিজ্ঞানাতি কর্ম্মভি ন স বধ্যতে ॥১৭॥  
এবং জ্ঞাত্বা কৃতং কর্ম্ম পূর্নৈরপি মুমুক্শুভিঃ ।  
কুরু কশ্মৈব তস্মাৎ তং পূর্নৈঃ পূর্নতরং কৃতং ॥১৮॥

( গীতা ৪ অ )

ধর্ম্মের নাহিক সাধ্য লিপ্ত করে মোরে ।  
নাহি কর্ম্মফলে স্পৃহা জানিও অন্তরে ॥  
এ হেন আমারে যেই জানিবারে পারে ।  
সাধ্য কি কর্ম্মের বল বন্ধ করে তারে ॥১৮॥  
ইহা জানি পূর্ব্বতন মুমূর্ষুনিচয় ।  
করেছিলা কর্ম্ম ইথে নাহিক সংশয় ॥  
তুমিও তাঁদের পথ করিয়া গ্রহণ ।  
কর্ম্ম কর, তাঁরা সবে করিলা যেমন ॥১৯॥  
যস্ত সর্ব্বে সমারম্ভাঃ কামসংকল্পবর্জিতাঃ ।  
জ্ঞানার্গদগ্নকর্ম্মাণং তমাহঃ পণ্ডিতং বুধাঃ ॥২০॥  
ত্যক্ত্বা কর্ম্মফলাসঙ্গং নিত্যভূতো নিরাশ্রয়ঃ ।  
কর্ম্মণ্যভিপ্রবৃন্তোহপি নৈব কিঞ্চিৎ করোতি সঃ ॥২১॥  
নিরাশীর্ষতচিত্তাত্মা ত্যক্তসর্ব্বপরিগ্রহঃ ।  
শারীরং কেবলং কর্ম্ম কুর্ক্বনাপ্রোতি কিঞ্চিৎ ॥২২॥

ষদৃচ্ছালাভসত্ত্বষ্টো দ্বন্দ্বাতীতো বিমৎসরঃ ।  
 সমঃ সিদ্ধাবসিদ্ধৌ চ কৃত্বাপি ন নিবধ্যতে ॥২২॥  
 গতসঙ্গশ্চ মুক্তশ্চ জ্ঞানাবস্থিতচেতসঃ ।  
 যজ্ঞায়াচরতঃ কৰ্ম্ম সমগ্রং প্রবিলীয়তে ॥২৩॥  
 ব্রহ্মার্পণং ব্রহ্মহবি ব্রহ্মাগ্নৌ ব্রহ্মণাহতম্ ।  
 ব্রহ্মৈব তেন গন্তব্যং ব্রহ্মকৰ্ম্মসমাধিনা ॥২৪॥  
 কাম সঙ্কল্পহীন সৰ্ব্ব কৰ্ম্ম য়ার ।  
 জ্ঞানাগ্নিতে কৰ্ম্ম দগ্ধ হইয়াছে তাঁর ॥  
 এহেন মানবে ভবে যত বুধগণ ।  
 পণ্ডিত বলিয়া সদা করেন গণন ॥২৫॥  
 কৰ্ম্ম কৰ্ম্মফলে তার আশঙ্কি না রয় ।  
 নিত্যতৃপ্ত নিরালস্য সেই মহাশয় ॥  
 কৰ্ম্মেতে প্রবৃত্ত রণ তিনি অনুক্ষণ ।  
 তথাপি না হয় তাঁর কৰ্ম্মের বন্ধন ॥২৬॥  
 শারীরিক কোন কৰ্ম্ম করিয়া সাধন ।  
 নিষ্কাম সংযতচিত্ত থাকি অনুক্ষণ ॥  
 সৰ্ব্ব পরিগ্রহ ত্যাগ করেন বলিয়া ।  
 থাকিতে পারেন পাপ পুণ্য না লইয়া ॥২৭॥  
 ষদৃচ্ছা লাভেতে তুষ্ট তাঁহার অন্তর !  
 নিরন্তর তিনি দ্বন্দ্বাতীত বিমৎসর ॥  
 সিদ্ধি বা অসিদ্ধি তাঁর সমান উভয় ।  
 কৰ্ম্ম করি তাঁর তাহে বন্ধন না হয় ॥২৮॥

নস্ত্র হেতু কৰ্ম্মে তাঁর কৰ্ম্মফল নেই ।  
 গত সঙ্গ মুক্ত জ্ঞানে অবস্থিত যেই ॥২৩॥  
 ব্রহ্মই অর্পণ, হরি ব্রহ্ম স্থানিচয় ।  
 ব্রহ্মরূপ অগ্নিতেই হোম সদা হয় ॥  
 হোমকর্তা ব্রহ্মা হোমকার্য্য ব্রহ্ম হয় ।  
 ব্রহ্মকৰ্ম্ম সমাধিতে ব্রহ্মে হয় লয় ॥২৪॥

\* \* \*

যদা সৰ্ব্বৈ প্রমুচ্যন্তে কামা যেষন্তু হৃদিস্থিতাঃ ।  
 অথমর্ত্তোহমৃতো ভবত্যত্র ব্রহ্ম সমুপ্ততে ॥  
 ( কঠ ২।৬।১৫ )

অন্তরের গুপ্ত যত কামনানিচয় ।  
 যবে চিরদিন তরে সবিমুক্ত হয় ॥  
 তখন সে মর্ত্যজীব অমর হইয়া ।  
 ভুঞ্জে সদা ব্রহ্মানন্দে বিভোর থাকিয়া ॥১৩॥  
 আত্মানঞ্চ রথিনং বিদ্ধি শরীরংচ রথমেব তু ।  
 বুদ্ধিং তু সারথিং বিদ্ধি মনঃ প্রগ্রহমেব চ ॥৩॥  
 ইন্দ্রিয়াণি হ্রীয়াত্মাহবিষয়াংস্তেষু গোচরান্ ।  
 আত্মেন্দ্রিয়ময়েযুক্তং ভোক্তেত্যাহস্বর্গীষিণঃ ॥৪॥  
 যন্তবিজ্ঞানবান্ ভবত্যুক্তেন মনসা সদা ।  
 তন্তেন্দ্রিয়াণ্যবশ্তানি দৃষ্টাস্থা ইব সারথৈঃ ॥৫॥  
 যন্ত বিজ্ঞানবান্ ভবতি যুক্তেন মনসা সদা ।  
 তস্যেন্দ্রিয়াণি বশ্তানি সদস্থা ইব সারথৈঃ ॥৬॥

যজ্ঞবিজ্ঞানবান্ ভবত্যমনস্কঃ সদাশুচিঃ ।

ন স তৎপদমাপ্নোতি সংসারং চাদিগচ্ছতি ॥৭॥

দেহরথে আত্মা রণী জানিও নিশ্চয় ।

বুদ্ধিই সারণী তাহে নাহিক সংশয় ॥

মন রশ্মি তাহে অশ্ব ই'ন্দ্রিয়নিকর ।

ভ্রমণের স্থান তার ই'ন্দ্রিয় গোচর ॥৩॥

আত্মা মিলি মন আর ই'ন্দ্রিয়ের সনে ।

কারিছেন ভোগ সব কহে সুধীগণে ॥৪॥

যে জন অজ্ঞান তার মন যুক্ত নয় ।

ই'ন্দ্রিয় অবশ তার হয় সুনিশ্চয় ॥

সারথির অশ্ব-রশ্মি স্নেহ হলে যথা ।

ছুড়ি অশ্ব নিরন্তর যায় যথা তথা ॥৫॥

কিন্তু যেই জ্ঞানী তাঁর মন যুক্ত রয় ।

ই'ন্দ্রিয় অবশ তাঁর নহে সুনিশ্চয় ॥

সদশ্ব সতত যেন আনন্দ অন্তরে ।

সারথি নিদেশে ধায় সুপথে সত্বরে ॥৬॥

যে জন অজ্ঞান, যার মন স্থির নয় ।

সদা অপবিত্রভাবে যেই জন রয় ॥

তৎপদ তাহার ভাগ্যে ঘটা সুদুষ্কর ।

ভ্রমে সেই সংসারচক্রেতে নিরন্তর ॥৭॥

## পঞ্চম অধ্যায় ।

### যজ্ঞবিধি ।

যজ্ঞের প্রধান কার্য্য অর্পণ বা নিবেদন, ইহা ভারতের আনাল-বুদ্ধ-বনিতা সকলেরই নিকট সুপরিচিত । কিন্তু এই যজ্ঞ কর্ম্মের মধ্যে যে মূলতত্ত্ব অন্তর্নিহিত আছে তাহা ছাত্রগণের হৃদয়গত হওয়া কর্তব্য । তাহা হইলে তাঁহারা সকলেই সুন্দররূপে বুঝিতে পারিবেন যে, পরের নিমিত্তই আত্মত্যাগ বা আত্মতর্পণই যজ্ঞ, এবং বাহ্যদ্রব্য ত্যাগ দ্বারা মানবকে এই শিক্ষা দেওয়া হয় যে সামান্য দ্রব্য ত্যাগ করিতে করিতে ক্রমে সে আত্মবলিদানে সমর্থ হইবেক ।

এই সৃষ্টি কার্য্যই প্রধান যজ্ঞ বা ত্যাগ কার্য্য । এই ব্রহ্মাণ্ড সৃষ্টির জন্ত অনন্ত ঈশ্বরকে ভৌতিক আশ্রয়ে আবদ্ধ হইতে হইয়াছে । শ্রুতি এবং স্মৃতি একবাক্যে এই সত্য ঘোষণা করিতেছেন পুরুষসুक्তে এই কথা স্পষ্ট উল্লিখিত রহিয়াছে । শ্রীমদ্ভগবদ্গীতার ভগবান্ শ্রীকৃষ্ণও বলিয়াছেন “ভূত ভাবোদ্ভব-করো বিসর্গঃ কৰ্ম্মসঙ্গিতঃ” যে দেবোদ্দেশে ত্যাগরূপ যজ্ঞ দ্বারা ভূতগণের উৎপত্তি ও বৃদ্ধি হয়, তাহারই নাম কৰ্ম্ম । ভূত পদার্থে আবদ্ধ হওয়ায় অধ্যাত্মভাবায় মৃত্যুশব্দে অভিহিত হয়, সুতরাং ঈশ্বর আত্মত্যাগরূপ যজ্ঞদ্বারা আপনার অশংকে বহুত্ব প্রদান পূর্বক জীবসমূহকলনা করিয়া প্রকৃতির আবরণ মধ্যে স্থাপন

করিয়াছেন। তাহাতেই স্থাবর, জঙ্গম বহুমূর্তির আবির্ভাব হইয়াছে। এই প্রথম যজ্ঞ; ইহাই যজ্ঞবিধির মূল। ইহারই দ্বারা আমরা জ্ঞের বা ত্যাগের প্রকৃত অর্থ অনুভব করিতে পারি। পরের যজ্ঞ নিজের প্রাণাহুতিই যজ্ঞ।

সকল জীবের পক্ষে প্রাণ যজ্ঞই যজ্ঞ জানিবে। প্রথমাবস্থায় তাহাদিগকে সবলে যজ্ঞাহুতিরূপে কল্পনা করা হইত। সুতরাং তাহাতে তাহাদের উন্নতি অনিচ্ছায় সাধিত হইত। তাহাতে তাহাদের সম্মতি বা জ্ঞানের প্রয়োজন হইত না। তাহাদের দেহ হইতে সবলে জীবকে বিমুক্ত করিয়া অশ্রু দেহের উপযোগী করা হইত, তাহাতে অল্পে অল্পে জীবের বিকাশ হইত। এইরূপে স্থাবরাস্তর্যগত জীব ক্রমে উদ্ভিদ উপযোগী হইয়াছিল অর্থাৎ তাহাদের ধাতবদেহ ক্রমে উদ্ভিদ দেহের পোষণ কার্যে ব্যয়িত হইয়া তৎ-আকার লাভ করিয়াছিল। উদ্ভিদানুসংস্থ জীবও সেইরূপে ক্রমে পশুদেহ রক্ষণার্থ ক্রমে ক্রমে পশুদেহে পরিণত হইয়াছে। পক্ষাদির দেহের জীবও সেইরূপেই ক্রমে মানবদেহে সঞ্চারিত হইয়াছে। এমন কি, মানবদেহস্থ জীবও নর মাংসাশী মানবের দেহ পোষণ কার্যে এবং যুদ্ধাদিতে নিহত হইয়া উচ্চতর দেহের অধিকারী হইয়া থাকে।

এই সকল স্থলে দেহ অপরের উপকারার্থে পরিত্যক্ত হইলেও দেহস্থ চেতনার তাহাতে সম্মতি থাকে না। বহুকাল পরে দেহ-মধ্যস্থ জীব এই সার্বজনিক বিধি স্বয়ং অনুভব করিতে সমর্থ হয়। তখন স্বেচ্ছায় আপনাত্যাগ উপাধির ত্যাগ দ্বারা পরোপকার

সাধনে তাঁহার অভিলাষ হয়, ইহাকেই আত্মত্যাগ বলে। তখনই জীবের যে ঈশ্বর ভাব আছে, তাহার প্রমাণ পাওয়া যায়। মহাত্মারতে পূর্ণ আত্মত্যাগের একটি সুন্দর উপাখ্যান আছে। দেবরাজ ইন্দ্র ঋষিরোষোৎপন্ন বৃত্তাপ্তর কর্তৃক উৎপীড়িত হইয়াছিলেন। বৃত্ত, দৈত্যগণকে সঙ্গে লইয়া, ইন্দ্রকে সসৈন্তে যুদ্ধে পরাস্ত করিয়া অমরাবতী হইতে বিতাড়িত করে। দেবগণ দেবরাজের সঙ্গে বহুকাল প্রচুরভাবে অবস্থান পূর্বক স্বরাজ্যলাভের চেষ্টা করেন এবং পুনঃ পুনঃ পরাস্ত হন। অবশেষে তাঁহারা অবগত হইলেন যে ঋষিরোষোৎপন্ন তুর্কিপাক অপরাধ ঋষির স্বেচ্ছাকৃত আত্মত্যাগ ব্যতীত উপশমিত হইতে পারে না; সুতরাং কোনও ঋষি স্বেচ্ছায় আত্মত্যাগ করিলে তাঁহার দেহাশ্বিনিস্থিত বজ্রাস্ত্র ব্যতীত অস্ত্র কোনও অস্ত্রে বৃত্তের নিধন সম্ভব নহে। তখন তাঁহারা দ্বীটি ঋষির সন্নিধানে গমন পূর্বক আপনাদিগের দুঃখকাহিনী নিবেদন করিলেন। ঋষি কৃপাপরবশ হইয়া বলিলেন “আমি স্বেচ্ছায় তোমাদিগকে আমার দেহ দান করিলাম, তোমরা ইহা লইয়া যাছা ইচ্ছা করিতে পার।” কিন্তু দেবশিল্পী বিশ্বক্স্মা জীবিত ঋষিদেহ হইতে অস্থিগ্রহণ করিতে সক্ষম হইলে, দ্বীটি সহস্র-বদনে বলিলেন আমার দেহ লবণাবৃত করিয়া গোদলকে সেই দেহ লেহন করিতে নিযুক্ত কর, তাহা হইলে তাহারা লবণের সহিত আমার দেহমাংস লেহন করিয়া ফেলিবে, তখন আর অস্থি গ্রহণ করা অসম্ভব হইবে না অথচ আমার দেহের কোন অংশ অনর্থক নষ্ট হইবেক না। তাহাই করা হইল। এই মহা-

আত্মযজ্ঞক্ষেপে বৃত্তান্তর নিহত হইয়াছিল। মহাভারতের বনপর্বে এই বিবরণ বিস্তৃত ভাবে বর্ণিত আছে।

ঋষিগণ মানবের জন্ত যে সকল যজ্ঞবিধির নির্দেশ করিয়াছেন তাহার ফল তৎকালেই লাভ হয় না। তাঁহারা বলিয়াছেন, যে যাহা কিছু পরের উপকারার্থে ত্যাগ করে, তাহার সেই ত্যক্ত বিষয় বঞ্চিত হইয়া ভবিষ্যতে তাহার ভোগ্য হয়। এই উপদেশ বলেই জীবের ত্যাগস্বীকার জ্ঞান জন্মিয়া থাকে। মানব প্রায়শঃই নিজের প্রয়োজনাতিরিক্ত দ্রব্যই অপরকে দেয়, এবং তাহার ফলে ভবিষ্যতে অতিরিক্ত লাভের প্রত্যাশা রাখে। তৎপরে তাহারা শিক্ষা করে যে বর্তমানের সুখাশা ত্যাগ করিলে স্বর্গে অধিক সুখ ভোগ হইতে পারে। এইরূপে ত্যাগ অভ্যস্ত হয়। অবশেষে ত্যাগকে অবশ্য কর্তব্য বলিয়া বোধ হয়, এবং সেই কাৰ্য্য করিয়া তৎকালে যে আনন্দ অনুভব হয় তাহাই মাত্র সেই কাৰ্য্যের যথেষ্ট ফল মনে করে।

এই কাৰ্য্যদ্বারা মানব অপর জীবের প্রতি নিজের কর্তব্য শিক্ষা করে। মানব বুঝিতে পারে সে একক নহে, কিন্তু সকল জীবই পরস্পরের সাপেক্ষ এবং সেই সাপেক্ষতা বোধ দ্বারাই তাহাদের উন্নতি ঘটিতে পারে। ঋষিগণ মানবের জন্ত পঞ্চ যজ্ঞের বিধান করিয়াছেন। এই পঞ্চযজ্ঞ তাহার কর্তব্য এবং পঞ্চাঙ্গের পরিশোধ মাত্র। দেবগণ, ঋষিগণ, পিতৃগণ এবং মানবগণ ও অন্যান্য প্রাণিগণ তাহার জীবনের জন্ত যে সাহায্য করিয়াছেন তাহারই পরিশোধ জন্ত ঐ পঞ্চযজ্ঞ কর্তব্য। তিনি



অপরের সাহায্যে জীবিত আছেন, সুতরাং তাহারও পরের জন্তই জীবন ধারণ করা কর্তব্য। যজ্ঞ কর্তব্য। তারপর যখন জীবের নিজের উৎপত্তি কথা বোধ হয়, যখন জীব বুঝিতে পারে যে তাহার সহিত ঈশ্বরত্ব অভিন্ন, তখন ত্যাগ প্রাণানন্দকর ব্যাপারে পরিণত হয়। তখন কেবল নিজের প্রাণ জগতের প্রাণে মিশাইতে বাসনা হয়, তখন তাহাই প্রাণের আনন্দস্বরূপে পরিণত হয়। তখন আর গ্রহণ লালসা থাকে না। তখন তাঁহার গ্রহণের প্রয়োজন অল্প হয়, সর্ব্বশ্ব ত্যাগেও আপত্তি হয় না। তখন তিনি নিজের উপাধির রক্ষার জন্ত কতটুকু গ্রহণ প্রয়োজন তাহাই দেখেন, নিজের দেহ রক্ষার্থ অপরের দেহ যত অল্প নষ্ট হয় তাহার জন্ত যত্ন করেন। যে সকল আচার বিহারে সচেতন জীবের কষ্ট হয়, তাহা তখন তাহার পরিত্যজ্য হইয়া থাকে। তখন তিনি সর্ব্বজীবে মৈত্রীভাব প্রদর্শন করিতে থাকেন। তখন তিনি বুঝিতে পারেন যে কোন অবস্থায় ক্রম বিকাশ জন্ত একজীবের অপর জীবে হিংসা করিবার প্রয়োজন থাকিলেও মানবের ক্রমোন্নতির সঙ্গে সঙ্গে দয়া দাক্ষিণ্যাদি গুণের বন্ধন শ্রেয়স্কর। দুর্ব্বলকে আপনার অপর নবীনমূর্ত্তি বোধে সাহায্য করাই কর্তব্য; নাশসাধনে সহায়তা করা কর্তব্য নহে।

মানব এইরূপ অভিন্নত্ব চিন্তা করিতে করিতেই “সর্ব্বং ব্রহ্মময়ং জগৎ” বুঝিতে পারে; ধীরে ধীরে তাহার বোধ হয় যে অপরের জন্তই তাহার জীবন ধারণ। ঈশ্বর যেমন সকলে প্রাণরূপে বর্ত্তমান, এবং তাহাই তাঁহার আনন্দ, তেমনি ঈশ্বরের ইচ্ছার

অনুবর্তনই তাঁহার আনন্দ । সেই জ্ঞান জন্মিলে সমুদায় কার্য্যই  
ঈশ্বরের প্রীত্যৰ্থে করিতে হইতেছে এই বোধ জন্মে, তখন তাহার  
কৰ্ম্মবন্ধন ছিন্ন হয় । তখন এই যজ্ঞবিধিই মুক্তির উপায় হয় ।

\*  
\* \*

সহযজ্ঞাঃ প্রজাঃ সৃষ্টা পুরোবাচ প্রজাপতিঃ ।  
অনেন প্রসাবব্যবধেমম বোন্তিষ্টকামধুকৃ ॥ ১০ ॥  
দেবান্ ভাবয়তোনেন তে দেবাঃ ভাবয়ন্ত বঃ ।  
পরস্পরং ভাবয়ন্তঃ শ্রেয়ঃ পরমবাপ্ স্যথ ॥ ১১ ॥  
ইষ্টান ভোগান্ হি বা দেবা দাত্ত্বন্তে যজ্ঞভাবিতাঃ ।  
তৈদ ভানপ্রদায়ৈভ্যো যো ভুঙক্তে স্তেন এব সং ॥ ১২ ॥  
যজ্ঞশিষ্ঠাশনঃ সন্তোমুচ্যন্তে সৰ্ব্বা কাষ্বৈষে ।  
ভুঞ্জতে তে ত্বয়ং পাপা যে পচন্ত্যগ্নকারণাং ॥ ১৩ ॥  
অন্নাদ্ভবন্তি ভূতানি পৰ্জ্জাদন্নসন্তবঃ ।  
যজ্ঞাদ্ভবতি পৰ্জ্জন্তো যজ্ঞঃ কৰ্ম্মসমুদ্ভবঃ ॥ ১৪ ॥  
কৰ্ম্ম ব্রহ্মোদ্ভবং বিদ্ধি ব্রহ্মাকরসমুদ্ভবম্ ।  
তস্মাৎ সৰ্ব্বগতং ব্রহ্ম নিতং যজ্ঞে প্রতিষ্ঠিতম্ ॥ ১৫ ॥

( গীতা ত অ )

যজ্ঞের সহিত করি প্রজার সৃজন ।  
নলে ছিলা প্রজাপতি এহেন বচন ॥  
আত্মোন্নতি কর সদা এই যজ্ঞবলে ।  
ইষ্টভোগপ্রদ ইহা হোক ধরাতলে ॥ ১০ ॥

যজ্ঞবলে পুষ্ট হয়ে যত দেবগণ ।  
 করিবেন তোমাদের নিয়ত পোষণ ॥  
 পরস্পর তরে যদি ভাব পরস্পরে ।  
 পরম মঙ্গল লাভ হইবে সত্বরে ॥ ১১  
 যজ্ঞেতে ভাবিত হয়ে যত দেবগণ ।  
 ইষ্টভোগ নিরন্তর করেন অর্পণ ॥  
 তাঁদের প্রদত্ত ভোগ তাঁদের না দিখে ।  
 ভোগকরা চুরি, রেখো মনেতে জানিয়ে ॥ ১২  
 যজ্ঞ শেষ ভোগকারী যত সাধুগণ ।  
 সর্বপাপ মুক্ত সদা বেদের বচন ॥  
 যে জন ভোজন তরে করয়ে রন্ধন ।  
 পাপভোগী যেন মনে সেট পাপীগণ  
 অন্নহতে ভূতগণ লভয়ে জনম ।  
 পূজ্য হইতে অন্ন গুন দিয়া মন ॥  
 যজ্ঞ হতে হয় ভবে পূজ্য উদ্ভব ।  
 কৰ্ম হতে ভব মাঝে হয় যজ্ঞসর ॥ ১৪  
 ব্রহ্ম হতে কৰ্ম, ব্রহ্ম অক্ষর হইতে ।  
 সৰ্বগতব্রহ্ম প্রতিষ্ঠিত সে যজ্ঞেতে ॥ ১৫ ॥

\* \*

কাঙ্ক্ষন্তঃ কৰ্মণাং সিদ্ধিং যজন্ত ইহ দেবতাঃ ।  
 ক্ষিপ্রংহি মাছুবে লোকে সিদ্ধিৰ্ভবতি কৰ্ম্মজা ॥ ১২  
 ( গীতা ৪ অ

কর্শ্বফলাকাজ্জ্বল্য করি দেবের যজন ।  
করিলে সত্বরে ফল পায় নরগণ ॥ ১২

\* \* \*

আবাং রাজোনা বধ্ববে বহুত্যাং  
হব্যোভিরিত্রা বরুণা নমোতিঃ ॥ ১  
অস্মৈ ইন্দ্রাবরুণা বিশ্ববারং  
রয়িং ধত্তং বহুযন্তং পুরুক্ষুন্ ॥ ৪  
ইয়মিত্রং বরুণ মষ্টমে গোঃ  
প্রাবাতাকে তনয়ে তুতুজান। ॥ ৫

( ঋক্ ৭।৮৪ )

হে ইন্দ্র বরুণ রাজা তোমরা হুজনে ।  
এস বজ্রে হবি আর প্রণাম গ্রহণে ॥ ১  
হে ইন্দ্র বরুণ, করি রূপাবিতরণ ।  
ধন, ভোজ্য, স্মৃথ দান কর অনুক্ষণ ॥ ৪  
ইন্দ্র বরুণের কাছে গেলে মোর গান ।  
তুষ্ট হয়ে করিবেন সম্ভান প্রদান ॥ ৫

\* \* \*

এতেষু যশ্চরতে ভ্রাহ্মণানেষু  
যথা কালং চাহতয়ো হাদদায়ন্ ।  
তন্নযন্ত্যোতাঃ সূর্য্যস্ত রশ্ময়ো  
যত্র দেবানাং পতিরেকহধিবাসঃ ॥ ৫

এহোহীতি তমাহতয়ঃ সবর্চসঃ

সূর্য্যস্ত রশ্মিভির্যজমানং বহন্তি ।

প্রিয়াং বাচমভিবদন্ত্যাহচ যন্ত্য

এব বঃ পুণ্যঃ স্ককতো ব্রহ্মলোকঃ ॥ ৬

( মুণ্ডক ১।২ )

এই সপ্তশিখার উপরে যেইজন ।

যথাক লে করে সদা আহুতি অর্পণ ॥

সূর্য্যরশ্মি তাঁরে ধীরে গ্রহণ করিয়া ।

দেবরাজ আবাসেতে আসেন রাখিয়া ॥ ৫

সূর্য্য আহুতি, তাঁরে “এস এস” করি ।

লয়ে যায় বহু করি সূর্য্যরশ্মি ধরি ॥

করি পূজা তাঁরে বলে মধুর বচনে ।

এই পুণ্য ব্রহ্মলোক থাকহ এখানে ॥ ৬

\* \* \*

যজ্ঞশিষ্টামৃতভুঞ্জো যান্তি ব্রহ্ম সনাতনম্ ।

নাস্তং লোকেহন্ত্যযজ্ঞস্ত কুতোহতঃ কুরুসত্তম ॥ ৩১

( গীতা ৪অ )

যজ্ঞশেষ অমৃত ভোজন যেই করে ।

সনাতন ব্রহ্মলাভ করে সে সত্তরে ॥

যজ্ঞহীন যেই তার ইহলোক নাই ।

পরলোক কোথা তার কাগারে সুধাই ॥ ৩১

\* \*

গতিসঙ্গম মুক্তস্য জ্ঞানাবস্থিতচেতসঃ ।

দজ্জায়াচরতঃ কস্ম্য সমগ্রং প্রবিলীয়তে ॥ ২৩

( গীতা ৪অ

গতিসঙ্গ, মুক্ত, জ্ঞানে অবস্থিত মন ।

তীর যজ্ঞকস্ম ফল না রহে কখন ॥ ২৩

\* \*

যৎ করোষি যদশ্রাসি যজ্জুহোসি দদাসি যৎ ।

যৎ পশ্যসি কোন্তেয় তৎকুরুষ দদর্শনম্ ॥ ২৭

শুভাশুভফলৈরেবং মোক্ষ্যসে কস্মবন্ধনৈঃ ,

সংস্থানযোগমুক্তায়া বিমুক্তো মামুপৈতসি ॥ ২৮

যেই কস্মকর, যাহা করহ আহার ।

যাহা হোম কর যাহা দান কর আর ॥

যাকিছু তপস্যা কর হে কুন্তীনন্দন ।

মে সকল আমাতেই করহ অর্পণ ॥ ২৭

এরূপ করিলে শুভাশুভ ফল আর ।

কস্মের বন্ধন হতে পাইবে নিস্তার ॥ ২৮

## ষষ্ঠ অধ্যায় ।

### দৃশ্য ও অদৃশ্য লোক সমূহ ।

আমরা যে লোকে বাস করিতেছি, যেখানে আমরা দেখিতেছি, শুনিতেছি, স্পর্শানুভব করিতেছি, আশ্বাদন ও ভ্রাণাদি কার্য্য করিতেছি, সেই লোক সম্বন্ধেই আমাদের যথাসম্ভব জ্ঞান আছে । বিজ্ঞান আমাদের এই লোকের বহু অংশের বিষয় বলিয়া থাকে, সেই সমুদায় আমাদের ইন্দ্রিয় শক্তির অগোচর । এমন অনেক বস্তু আছে যাহা আমাদের দৃষ্টি শক্তির আয়ত্বাধীন নয়, অত্যাতি ইন্দ্রিয় শক্তির পক্ষেও অতীব সূক্ষ্মতম । আমাদের এইলোকের যে সমুদায় বস্তু, আমাদের ইন্দ্রিয় গ্রাহ্য না হইলেও আমরা বিজ্ঞান বলে অবগত হইতে পারি, সে গুলি আমাদের অগোচর হইলেও ভৌতিক সন্দেহ নাই । তাহারা ইহার অংশ বিশেষ । ভৌতিক পদার্থের কঠিন, তরল, বাষ্পীয় ও ইথারীয় সমুদায় অংশই পরমাণু গঠিত ।

এতদ্ব্যতীত অত্যাতি লোকের বিষয় আমরা শুনিতে পাই । ঐ সমুদায় লোক অদৃশ্য এবং এই লোকের অংশ নহে । সেই সকল লোকে জীব মৃত্যুর পর গমন করিয়া থাকে । আমরা ত্রিলোকী বা ত্রিভুবনের বিষয় পাঠ করিয়াছি । সকলেরই তৎসম্বন্ধে কিছু কিছু জ্ঞান থাকা প্রয়োজন । কারণ, এই জীব জন্মমৃত্যুচক্রে আবদ্ধ

থাকিয়া নিরন্তর এই ত্রিভুবন ভ্রমণ করিতেছে; এই ভ্রমণ প্রসাদেই তাহাদের ক্রমোন্নতি সাধিত হইয়াছে। এই ত্রিলোক, ব্রহ্মার দ্বিবা কল্পের আরম্ভে উৎপন্ন হয় এবং তদবসানে ধ্বংস প্রাপ্ত হইয়া থাকে, তদ্ব্যতীত আরও চারিটা লোকদ্বারা এই ব্রহ্মাণ্ডে সপ্তলোক সংখ্যা পূর্ণ হইতেছে। ঐ চারিটা লোক ব্রহ্মার আয়ুঃকাল পর্য্যন্ত বর্তমান থাকিবে। আমরা এখানে সেই লোকচতুষ্টয়ের বিষয় আলোচনা করিবনা। এই লোক সমূহের মধ্যে আবার বিভাগ আছে; যেমন ভুবলোকমধ্যে প্রেতলোক ও পিতৃলোক, স্বর্লোক মধ্যে ইন্দ্রলোক ও সূর্যালোক ইত্যাদি।

যে ত্রিলোকের সাহিত আমরা বিশেষ সম্পর্কযুক্ত, তাহা ভূলোক ভুবলোক ও স্বর্লোক নামে প্রসিদ্ধ। ভূলোক বলিলে এই স্বর্গ ও মর্ত্যের মধ্যস্থান বুঝায়, এবং স্বর্লোকই স্বর্গ। এই ত্রিলোকের মধ্যে ভূলোকের কিয়দংশ আমাদের চক্ষুর গোচর অবশিষ্টাংশ ইন্দ্রিয় গোচর নহে। ভূলোকের সমুদায় পদার্থের পৃথ্বীতত্ত্বই প্রধান উপাদান। পৃথ্বীতত্ত্বের কঠিন, তরল, বায়বা তেজোময়, ইথিরয়ী ও আগ্নেয়িক অবস্থা শেষ চারিটার ইথরাবস্থা। ভূলোকের পদার্থ নিচয়েরও সেইরূপ সপ্তাবস্থা আছে কিন্তু তাহার মূল উপাদান আপত্তত্ব। স্বর্লোকের মূল উপাদান অগ্নিতত্ত্বের ও সেইরূপ সপ্তাবস্থা আছে।

জীবনের এই ত্রিলোকানুরূপ তিনটা আবরণ আছে, তাহা অন্নময়, প্রাণময় ও মনোময় কোষ নামে প্রসিদ্ধ। অন্নময় কোষ আমাদের অহার্য্য অন্ন হইতে উৎপন্ন বলিয়া ঐ নাম প্রাপ্ত হই-



রাছে। উহা ভূলোকের দৃশ্য অংশের দ্বারা কঠিন তরল ও বায়ব্যাণু-দ্বারা গঠিত। প্রাণময় কোষ ভূলোকের অদৃশ্য অংশের দ্বারা বোম-পদার্থ গঠিত। প্রাণই জীবনশক্তি, বৈজ্ঞানিক, বৈজ্ঞাতিক ও তাড়িৎ শক্তি সমন্বয় ইহারই অন্তর্ভুক্ত। কিন্তু জীবনশক্তিতে তদন্তীত আরও কিছু আছে এই কোষদ্বয় ভূলোকের সহিত সম্বন্ধযুক্ত।

মনোময় কোষ দুইভাগে বিভক্ত। উহার মধ্যে ঘনতর অংশ ভূবলোকের সহিত সম্পর্কযুক্ত উহাতে কামনা সমূহ অবস্থিত। সূক্ষ্মতর অংশ স্বর্লোকের সহিত সম্পর্কিত তাহা ভাব ও ভাবনার জীড়াভূমি।

এই সকল কোষের নামান্তর আছে কিন্তু ছাত্রদিগকে সেই সকল বলিয়া বিব্রত করিবার প্রয়োজন নাই। তাহাদের জ্ঞানবৃদ্ধির সঙ্গে সঙ্গে সেই সকল আগনা হইতে তাহাদের আয়ত্ত হইয়া উঠিবেক। যে ত্রিবিধ নাম সচরাচর ব্যবহৃত হয় আমরা তাহারই উল্লেখ করিব।

অন্নময়কোষের নামান্তর স্থূল শরীর উহা কঠিন, তরল ও বায়ব্যা উপাদানে গঠিত। প্রাণময় ও মনোময় কোষদ্বয়কে বিজ্ঞানময় কোষের সহিত সমষ্টিভাবে সূক্ষ্মশরীর আখ্যা প্রদত্ত হয়। এই বিজ্ঞানময় কোষ দ্বারা জীব মহর্লোকের সহিত সম্পর্কযুক্ত। এই মহর্লোক ত্রিলোকাতীত। এখানেও জীব গমন করে। এই লোক কল্পান্তেও নষ্ট হয় না, কিন্তু বাসের অযোগ্য হয়। সূক্ষ্ম শরীরের এই বিজ্ঞানময় অংশ অপেক্ষাকৃত দীর্ঘকাল স্থায়ী। জন্ম মৃত্যু চক্রের মধ্যে নষ্ট হয় না।

এ স্থলে একটা চক্র দ্বারা এই দ্বিবিধ বিভাগ ও লোকসমূহের সহিত তাহাদের সম্পর্ক পরিস্ফুট করা যাইতেছে—

শরীর	লোক	কোষ
স্থূল	ভূলোক	অন্নময়
সূক্ষ্ম	ভূলোক	প্রাণময়
সূক্ষ্ম	ভুবলোক	মনোময়
সূক্ষ্ম	স্বর্লোক	মনোময়

( এই শরীর মৃত্যু সময়ে নষ্ট হইয়া পুনর্জন্ম সময়ে পুনরায় উৎপন্ন হয় )

সূক্ষ্ম	মহর্লোক	বিজ্ঞানময়
---------	---------	------------

( এই শরীর বা কোষ মৃত্যু সময়ে এবং মৃত্যুর পরেও নষ্ট হয় না এবং পুনর্জন্ম সময়ে নূতন হয় না ) ।

স্থূলদেহে, পাণি, পাদ, বাক্, পায়ু ও উপস্থ এই কর্মেন্দ্রিয় যন্ত্র সমুদায় বর্ত্তমান আছে কিন্তু যথার্থ ইন্দ্রিয় কেন্দ্রস্থান সূক্ষ্ম দেহে । এই জ্ঞাত্ব হর্ষ, বিষাদ প্রভৃতি ভাব সমূহ সেই কেন্দ্রেই অনুভূত হয় তৎপরে ইন্দ্রিয় যন্ত্র কার্য্য করে । জ্ঞানেন্দ্রিয় সমূহের কেন্দ্রস্থান ও সেই সূক্ষ্ম শরীরে কিন্তু স্থূলদেহে ইন্দ্রিয়সাধন চক্ষু, কণ, নাসিকা, জিহ্বা ও ত্বক্ বর্ত্তমান আছে ।

এইবার মৃত্যুসময় যাহা ঘটে তাহার আলোচনা করা যাইতেছে । প্রথমতঃ সূক্ষ্মশরীর স্থূলশরীর হইতে বিচ্ছিন্ন হয় । জীব প্রাণময় কোষ দ্বারা ইহাকে পৃথক করিয়া থাকে । তখন স্থূল শরীর প্রাণ-হীন জড়পিণ্ড রূপে পরিব্যক্ত থাকে । তখনও কিন্তু জড়ীয় অণু-

সমূহের প্রাণ থাকে, তাহার বলে সেই পরমাণু সমূহ পরস্পর বিচ্ছিন্ন হইতে থাকে, কারণ সর্বশাসক প্রাণ তখন নাই। জীব তখন সূক্ষ্ম শরীরেই থাকেন। অবিলম্বে জীব প্রাণকোষ পরিত্যাগ পূর্বক মনোময় কোষের স্থূলতর অংশকে বহিরাবরণরূপে রাখিয়া প্রেতরূপে প্রেতলোক বাস করেন। যদি তিনি পার্থিব জীবন সাধু ভাবে অতিবাহিত করিয়া থাকেন তবে প্রেতাবস্থায় তিনি আনন্দ ভোগ করেন। অসাধু ব্যক্তির প্রেতাবস্থা বড়ই কষ্টকর। তখন তাহার পার্থিব সুখভোগ লালসা থাকে অথচ ভোগ করিবার ক্ষমতা থাকে না। এই সকল লালসাপ্রসক্তি অনুসারে তাকে অল্পাধিক কাল কষ্ট ভোগ করিতে হয়, তৎপরে মনোময়কোষের স্থলাংশ নষ্ট হইলে পিতৃলোকে গমন করেন, সেখানে মনোময়কোষ হইতে স্বর্গের অনুপযুক্ত উপাদান সমূহ পরিশুদ্ধ করিয়া জীব পরিশুদ্ধ মনোময়কোষদ্বারা স্বর্গলোকে প্রবেশ করেন, সেখানে তাহার সঞ্চিতফল ভুক্ত হয়।

সেই ফল নিঃশেষ হইলে তাঁহার পুনর্জন্মকাল উপস্থিত হয়। তখন মনোময়কোষ ধ্বংস হইলে বিজ্ঞানময় কোষাবৃত জীব পুনরায় নরদেহ গঠনে ব্যাপৃত হইয়া থাকেন। প্রথমতঃ পুনর্জন্মোপযোগী নূতন মনোময় কোষ উৎপন্ন হইলে দেবগণ পূর্বকর্ম্যানুরূপ নূতন প্রাণময় ও অন্নময় কোষ প্রস্তুত করিয়া দেন, তাহা আশ্রয় করিয়া জীব পুনরায় ভূলোকে আগমন করেন।

জীবের ভাগ্যে এইরূপ বাতায়াত বহুবার সজ্জাটিত হয়। অবশেষে জীব ত্রিলোকী ভ্রমণে নিতৃত্ব হইলে উচ্চতর লোকের জগত্বে

স্পৃহা জন্মে ও শাস্তিময় অনন্তজীবনের লালসা হয়। ক্রমে এই পৃথিবীর সকল দ্রব্যেই তাঁহার বিচক্ষণা জন্মে, ধ্যানে আনন্দানুভব হয়, পূজায় স্পৃহা জন্মে, দুর্বলকে সাহায্য করিতে বাঞ্ছা হইয়া থাকে। তখন তাহার আর ঐ সকল কোষ সাহায্যে আনন্দলাভের ইচ্ছা থাকে না ; ঐ সকল কেবল পরোপকার্যোপযোগী বলিয়া বোধ হয়। তখন তিনি এই দেহে অবস্থান করিয়া উচ্চতর লোকে অবস্থান করেন। দেহযন্ত্র ইহলোকের কার্যে ব্যাপৃত থাকে মাত্র। তখন তিনি হয় দেহাবস্থান পূর্বক ঈশ্বরের কার্যেই জীবন উৎসর্গ করেন, নহিলে ব্রহ্মে মিলিত হন।

\* \*

অথ ত্রয়ো বাবলোকা মনুষ্যালোকঃ

পিতৃলোকো দেবলোক ইতি ॥

( বৃহদারণ্যক ১।৫।১৬ )

নরলোক পিতৃলোক দেবলোক আর।

এই তিন লোক লয়ে এ তিন সংসার ॥১৬

\* \*

জাতশ্চ হি ঋবো মৃত্যুর্ধ্বং জন্ম মৃতশ্চ চ।

তস্মাদপরিহার্যোহর্থো ন ত্বংশোচিছুমহসি ॥২৭

অব্যক্তাদীনি ভূতানি ব্যক্তমধ্যানি ভারত।

অব্যক্ত নিধনাত্মৈব তত্র কা পরিবেদনা ॥২৮

( গীতা ২অ )

জন্মিলে মরণ পুন মারলে জনম ।  
 অবশ্য ঘটবে তবে শোক কি কারণ ॥২৭  
 অব্যক্ত হইতে জন্মে জীব সমুদায় ।  
 ব্যক্তভাবে দিন ছই খেলিয়া বেড়ায় ॥  
 নিধনের পরে হয় অব্যক্ত আকার ।  
 হে ভারত তার তরে বিলাপ কি আর ॥২৮

\* \* \*

সহস্রযুগপর্যন্তমহর্ষদব্রহ্মণো বিহুঃ ।  
 রাত্রিঃ যুগসহস্রান্তাং তেহহোরাত্রবিদো জনাঃ ॥২৭  
 অব্যক্তাদব্যক্তয়ঃ সর্বাঃ প্রভবন্ত্যহরাগমে ।  
 রাত্র্যাগমে প্রলীয়ন্তে তত্রৈবাব্যক্তসংজ্ঞকে ॥২৮  
 একহাজার মহাযুগে হয় ব্রহ্মদিন ।  
 সহস্রেতে পুনঃ রাত্রি জানে সুপ্রবীণ ॥  
 অহোরাত্রবিং বলি প্যাত তারা সবে ।  
 তাঁহাদের অগোচর নাহি কিছু ভবে ॥২৭  
 দিব্য অব্যক্ত হতে ব্যক্ত সমুদয় ।  
 রাত্রি আগমনে সব তাহে পায় লয় ॥২৮

\* \* \*

ত্রৈবিদ্যা মাং সোমপাঃ পূতপাপা  
 যজ্ঞৈরিষ্টা স্বর্গতিং প্রার্থয়ন্তে ।  
 তে পুণ্যমাসাথ সুরৈরলোকং  
 অন্নন্তি দিব্যান্ দিবি-দেবভোগনা ॥২৭

তে তং ভুক্ত্বা স্বর্গলোকং বিশালং ক্ষীণে পুণ্যে মর্ত্যলোকং বিশান্তি ।  
এবং ত্রীধর্মমুদ্রপন্ন গতাগতং কামকামা লভন্তে ॥২১

( গীতা ৯অ )

তিন জনে যেই সোমপানকারী ।  
পুতপাপ আর সদা যজ্ঞকারী ॥  
স্বর্গলাভ তরে বাসনা সদাই ।  
গমন করেন স্বর্গলোকে তাই ॥  
পুণ্যফলে গিয়ে স্বরগ ভবন ।  
দিব্য ভোগ সদা করেন ভুজন ॥২০  
বিশাল স্বরগ ভূজি পুণ্যফলে ।  
ক্ষীণপুণ্য হয়ে আসেন ভূতলে ॥  
বেদোক্ত ধরম করি আচরণ ।  
সকাম কার্যের করিয়া সাধন ॥  
আসা যাওয়া ভবে ঘটে বার বার ।  
কামনার ফল ভোগে ইহা সার ॥২১

\* \* \*

বহুনাং জন্মনামন্তে জ্ঞানবান্ মাং প্রপজ্ঞতে ।  
বাসুদেবঃ সর্বমতি স মহাত্মা স্নুহর্লভঃ ॥১৯  
বহুজন্ম পরে জ্ঞানী পায় ত আমারে ।  
“বাসুদেব সর্ব” বলি জানিবারে পারে ॥  
সর্বব্রহ্মময় ভবে জ্ঞান হয় তাঁর ।  
সে মহাত্মা স্নুহর্লভ সদ্ধ নাহি আর ॥১৯

# দ্বিতীয় খণ্ড ।



## প্রথম অধ্যায়

### সংস্কার ।

সকল দৃশ্যে সেই ধর্মাবলম্বীনিগের অবশ্য কর্তব্য কতকগুলি ক্রিয়া নির্দিষ্ট আছে । ঐ সকল ক্রিয়া—(১) জীবকে আবরণ সমুদায় গুহ্ন করিয়া আশ্রয় করিতে (২) দেবতা ঋষি প্রভৃতি উচ্চতর শক্তিমানগণের নিকট শক্তি লাভে সাহায্য করিয়া থাকে । এবং (৩) স্বীয় চতুষ্পার্শ্বস্থ বায়ুর অবস্থার উন্নতি সাধন পূর্বক যাহাতে মনের একাগ্রতাসাধন সহজ হয়, তাহার উপায় বিধান করিয়া থাকে ।

এই উদ্দেশ্য সাধন জন্ত ভৌতিক দ্রব্য, বিবিধ আসন, মুদাদি ও মন্ত্রসমূহ ব্যবহৃত হয় ।

যে সকল দ্রব্য উপযোগী বলিয়া নির্বাচিত হয়, তাহাদের অধিকাংশই উচ্চতর বৈজ্ঞানিক শক্তি বিশিষ্ট, এবং উপাস্ত দেবতার ভাবনার অনুকূল বলিয়া উপাস্ত ও উপাসকে আকর্ষণ স্থাপন করে ।

যেমন শ্রীকৃষ্ণপূজায় তুলসীমালা, মহাদেবপূজায় রুদ্রাক্ষমালা ইত্যাদি।

আসন মুদ্রাদির দ্বারা প্রাণাদি পঞ্চবায়ুর সংঘমাди সজ্জাটিত হয়। কোনওটি দ্বারা দেহের বৈদ্যাহিক শক্তি বহিঃস্থ বায়ুতে বহির্গত হইতে পারে না কিন্তু দেহমধ্যে উপযুক্তরূপে প্রবাহিত হইয়া মনকে স্থির ও প্রশান্ত করে। শব্দও উক্ত উদ্দেশ্যের সাধন জগ্ৰহি ব্যবহৃত হয়। শব্দ দ্বারা প্রকম্পণ উৎপন্ন হয়, এবং প্রকম্পণ সমূহ সমান ও নিয়মিত বলিয়া সূক্ষ্ম দেহেও প্রকম্পণোৎপাদনে সমর্থ। কারণ সূক্ষ্মদেহ, সমান, ও অত্যন্ত ক্রিয়াশক্তিয়ুক্ত। সূক্ষ্ম শরীরের এই সমুদায় প্রকম্পণ নিয়মিত হইলে পর, জীবের চিত্ত-স্থৈর্য, ধ্যানশক্তি ও সাধনশক্তি বর্দ্ধিত হয়। সুস্বচ্ছ শব্দসমষ্টির বলে দেবতা ও ঋষিগণ সাধকের নিকট আকৃষ্ট হইয়া তাহার সহায়তা করিয়া থাকেন। বিশেষতঃ সুগ্রথিত শব্দসমষ্টির শক্তিতে বিপরীত শক্তি ও অনিষ্টকর বৈদ্যাতিক ক্ষমতা নষ্ট হইয়া থাকে, সুতরাং সাধকের চতুর্দিকের অবস্থা সুখকর হয়।

এইরূপ সুগ্রথিত শব্দসমষ্টি মন্ত্র নামে কথিত হয়। মন্ত্রের শব্দগুলি একরূপভাবে গ্রথিত যে তাহার উচ্চারণ দ্বারা শক্তির উৎপত্তি হয়। শব্দগুলি পরিবর্তিত হইলে, শক্তিরও পরিবর্তন বা হানি ঘটে। সেই জন্ত মন্ত্র ভাষান্তরিত করিবার নহে। মন্ত্রের অনুবাদ করিলে সেই অনুবাদ দ্বারা কার্য্য হইবার নহে। কারণ মন্ত্র সাধকের মনোভাব জ্ঞাপক নহে শুধু শক্তির উদ্বোধক মাত্র।

মন্ত্র সম্বন্ধে আরও গূঢ়রহস্য জানা প্রয়োজন। যে ব্যক্তি মন্ত্র-বিশেষ দ্বারা সাধনা করে, তাহার জীবন সম্ভাবে পরিচালিত হওয়া



কর্তব্য, নচেৎ মন্ত্র সাধনে তাহার ইষ্ট না হইয়া অনিষ্ট হইয়া থাকে। কারণ মন্ত্র সূক্ষ্মশরীরে কার্য্য করিয়া তাহাকে কুভাব ও কুবাসনার প্রতিকূলভাবে গঠিত করে। তাহাতে সূক্ষ্মশরীরে যে প্রকম্পণ উৎপত্তি হয়, তাহা কুবাসনা ও কুভাবের আলোড়ন হইতে সজ্ঞাত কম্পনের চিপড়ীত ধর্ম্মী। এই দুই বিভিন্নমুখী কম্পনের পরস্পরের ঘাত প্রতিঘাতে সূক্ষ্মদেহ বিচ্ছিন্ন হইয়া যাইতে পারে। ননোভাব সং হইলে আর সেরূপ হইবার সম্ভাবনা থাকে না। সেই সংভাব যতই দুর্বল হউক না কেন তাহা মন্ত্রের সহায়তা বই প্রতিকূলতা করে না।

মন্ত্র উচ্চৈঃস্বরে উচ্চারণ করিবার প্রয়োজন নাই, মনে মনে উচ্চারণ করিতে পারিলে তাহার শক্তি অধিকই হইয়া থাকে। কারণ তাহা সূক্ষ্মদেহের গ্রাহ না হওয়ার কেবল সূক্ষ্মদেহেই পূর্ণরূপে কার্য্য করে।

হিন্দুজীবনের ক্রিয়া কাণ্ডের মধ্যে সংস্কারগুলিই প্রধান। কারণ তদ্বারা জাত জীব উত্তরোত্তর সংস্কৃত হইয়া কার্য্যাধিকারী হইতে থাকে। প্রাচীনকালে সংস্কার অসংখ্য ছিল তন্মধ্যে দশটী প্রধান। বর্ত্তমান সময়ে ঐ দশটির কতকগুলি মাত্র প্রচলিত আছে। সেই দশটির সাতটী শৈশবের সংস্কার। ঐ সাতটির ষষ্ঠটির নাম অন্নপ্রাশন। এইটী সর্ব্বত্রই প্রচলিত আছে। অন্নপ্রাশন সময়ে শিশুকে কঠিন অন্ন ভোজন করিতে দেওয়া হয়। সপ্তমী চূড়াকরণ ঐ সঙ্গে কর্ণবেধও সম্পন্ন হইয়া থাকে। অষ্টম সংস্কার উপনয়ন, এই সময় শিশু গুরু সমীপে নীত হইয়া যজ্ঞসূত্রের

সহিত গায়ত্রী প্রাপ্ত হন, সেই সময় হইতে তাঁহার দ্বিজত্ব লাভ হয়।

উপনয়ন সংস্কারই ছাত্রজীবনের প্রারম্ভ। এই সময় হইতে শিশু ব্রহ্মচর্যা ধারণ পূর্বক শাস্ত্র শিক্ষা করিতে থাকে। সমাবর্তন সংস্কার দ্বারা ছাত্রজীবনের পরিসমাপ্তি হয়। তৎপরে তিনি গৃহস্থাশ্রমে প্রবেশাধিকারী হইয়া দশম সংস্কার বিবাহ। এই সংস্কার দ্বারা ছাত্র গৃহী হইয়া গৃহস্থের অবশ্য প্রতিপাল্য কর্তব্য সাধনের দায়ী হইয়া থাকেন।

বর্তমান সময়ে ভারতবর্ষে প্রায়শঃ উপনয়ন আর বিবাহ সংস্কারই সমারোহে সম্পন্ন হইতে দেখা যায়। বিবাহও আজকাল ছাত্রজীবন শেষ হইবার পূর্বেই সম্পন্ন হইয়া থাকে। স্মরণ্য উভয় দায়িত্ব এক সময়ে উপস্থিত হয় বলিয়া তাহাদের সমুহ অনিষ্ট হইয়া থাকে। হায়! কতদিনে ভারতে পূর্ব নিয়ম প্রচলিত হইবে।

\* \* \*

একঃ শব্দঃ সূপ্রযুক্তঃ স্বর্গে লোকে কামধুগ্ ভবতি ॥৮৪॥

( পাতঞ্জলি মহাভাষ্য ৬১ )

একশব্দ সূপ্রযুক্ত হলে

কামধুক্ হয় স্বর্গলোকে ॥

\* \* \*

মজ্জোহীনঃ স্বরতো বর্ণতো বা

মিথ্যাপ্রযুক্তো ন তমর্থমাহ।

স বাথজ্ঞো যজমানং হিনন্তি

যথেন্দ্রশত্রুঃ স্বরতোহপরাধাৎ ॥৫২॥

( পাণিনীয় শিক্ষা )

স্বর-বর্ণ-হীন মন্ত্র যেই

মিথ্যা তার প্রয়োগ নিশ্চয় ।

অর্থ তাহে না হয় প্রকাশ

মন্ত্রবল হয় বিপর্যয় ॥ ৫২

সেই বাক্য বজ্রসম হয়ে

যজ্ঞমানে করয়ে নিধন ।

স্বরচ্যুতি অপরাধ তরে

ইন্দ্রশত্রু বৃত্তের মরণ ॥ ৫২

\* \*

বৈদিকৈঃ কৰ্ম্মভিঃ পুণ্যৈর্নিষেকাদি দ্বিজম্ভনাঃ ।

কার্য্যঃ শরীরসংস্কারঃ পাবনঃ প্রোত্যচেহ চ ॥ ২৬ ॥

( মনু ২অ )

পবিত্র বৈদিক কৰ্ম্ম করিয়া সাধন ।

নিষেকাদি পুণ্যকার্য্য করে দ্বিজগণ ॥

শরীর-সংস্কার্য্য প্রয়োজন তার ।

ইহ পরলোকে ইহা পাবন সবার ॥ ২৬ ॥

চিত্রকৰ্ম্ম যথালোকে রাগৈরুন্নীল্যতে শনৈঃ ।

ব্রাহ্মণ্যমপি তদ্বৎ শ্রাৎ সংস্কারৈ বিধিপূৰ্ব্বকৈঃ ॥

( পারশ্বর গৃহসূত্রে অঙ্গিরসবচনং )

চিত্রকর ধীরে ধীরে করিয়া রঞ্জন ।

চিত্রকর্ম সুসম্পন্ন করয়ে যেমন ॥

সেইরূপে পরে সংস্কার নিচয় ।

বিধিপূর্ব্ব হলে হয় ব্রাহ্মণ্য উদয় ॥

গর্ভাধানং পুংসবনং সীমন্তো জাতকর্ম চ ।

নামক্ৰিয়া নিষ্ক্রমোহন্নপ্রাশনং বপনক্ৰিয়া ।

কর্ণবেধো ব্রতাদেশো বেদারম্ভক্ৰিয়াবিধিঃ ।

কেশান্তঃ স্নানমুদ্বাহো বিবাহাগ্নিপরিগ্রহঃ ।

ত্রেতাগ্নি সংগ্রহশ্চৈব সংস্কারাঃ ষোড়শস্মৃতাঃ ॥

( পারস্কর গৃহ্যসূত্রে ব্যাসবচনং )

গর্ভাধান পুংসবন সীমন্তোন্নয়ন ।

জাতকর্ম নামক্ৰিয়া আর নিষ্ক্রমণ ॥

অন্ন-সংপ্রাশন আর সে চুড়াকরণ ।

কর্ণবেধ ব্রতাদেশ বেদ আরম্ভন ॥

কেশ-অন্তঃস্নান আর উদ্বাহ বিবাহ ।

তাহার পরেতে হয় অগ্নি পরিগ্রহ ॥

ত্রেতাগ্নি সংগ্রহ এই ষোড়শ প্রকার ।

শাস্ত্র সুসম্মত এই সকল সংস্কার ॥

## দ্বিতীয় অধ্যায়

### শ্রাদ্ধ ।

শ্রাদ্ধ কার্য্যদ্বারা ইহলোকবাসী আত্মীয়গণ পরলোকগত জীবের সদৃগতি বিষয়ে সাহায্য করিয়া থাকেন। যে জীব ভৌতিক দেহ ত্যাগ করিয়া প্রেতত্ব লাভ করিয়াছেন, প্রেতাকার্য্যরূপ শ্রাদ্ধদ্বারা তাহার সহায়তা হইয়া থাকে। মৃত্যুর পর অন্নময় কোষ শ্মশানভূমিতে লইয়া গিয়া সত্তরেই দগ্ধ করা হয় এবং দগ্ধাবশেষ জলে বা গঙ্গাস্রোতে নিক্ষেপ করা হয়। অন্নময় কোষের ধ্বংসে প্রাণময় কোষও ক্রমে ধ্বংস হয়। ঐ ধ্বংসকার্য্য শবদাহ মন্ত্রাদির দ্বারা সাধিত হইয়া থাকে। দগ্ধ করাই মৃতদেহ ধ্বংসের সর্বোৎকৃষ্ট উপায় এবং উহা গত ও তাহার জীবিত আত্মীয় জীবগণের বিশেষ প্রয়োজনীয়, কারণ যে পর্য্যন্ত অন্নময় কোষ ধ্বংস না হয় সেই পর্য্যন্ত আকর্ষণ বশে প্রাণময় কোষ তাহার নিকটবর্ত্তী প্রদেশেই অবস্থান করিয়া থাকে, সুতরাং জীবকে পৃথিবীতে আবদ্ধ থাকিতে হয়। তদ্ব্যতীত কবরগত মৃতদেহের পচনকার্য্য জনিত বিষাক্ত বাষ্প তাহার আত্মীয়গণের পক্ষে অনিষ্টকারক হইয়া থাকে।

দাহের পর শ্রাদ্ধ কার্য্যদ্বারা দ্রব্যগুণে ও মন্ত্রশক্তি বলে মনোময়

কোষের উপাদান সমূহ সংস্কৃত হয়। বর্ষান্তে সপিণ্ডীকরণ দ্বারা জীব প্রৈতলোক হইতে পিতৃলোকে প্রবেশ করেন, তখন হইতে সেই জীব পিতৃগণের মধ্যে গণ্য হইয়া থাকেন ও ভুবলোকে সৃক্ষ-দেহে বাস করেন। সপ্তপুরুষের একজন ভূলোকে ও ছয়জন ভুবলোকে থাকিলে পরস্পরের সহায়তা করিতে পারেন। যখন ব স্বর্গগত হন তখন আর তাহার শ্রদ্ধের প্রয়োজন হয় না।

দেশেকালে চ পাত্রে চ শ্রদ্ধা বিধি চ যং ।

পিতৃনুদ্दिष्ट विप्रेभ्यो दानं श্রদ্ধমুदाहृतং ॥

( ব্রহ্মাণ্ড পুরাণম্ )

পিতৃগণোদ্দেশে সদা শ্রদ্ধার সহিত ।

দেশকাল পাত্র ভেদে যা হয় উচিত ।

যথাশাস্ত্র দান হয় শ্রদ্ধা নাম তার ।

উপযুক্ত বিপ্রে দিবে কহিলাম সার ॥

\* \* \*

কুর্গাদহরহঃ শ্রদ্ধমন্নাদোনোদকেন চ ।

পয়োমূলফলৈবাপি পিতৃভ্যঃ প্রীতিমাবহন ॥ ২০৩

( মনু ও অঃ )

অন্নজল, কিম্বা দুগ্ধ ফল মূল আর ।

সংগ্রহ করহ যত শক্তি আপনার ॥

কর শ্রদ্ধা অহরহঃ সেই সব লয়ে ।

পিতৃগণোদ্দেশে সদা শ্রদ্ধাযুক্ত হয়ে ॥

\* \* \*

পঞ্চভ্য এব মাত্ৰাভ্যঃ প্রেত্য হৃষ্কৃতিনাং নৃণাম্ ।

শরীরং যাতনার্থীয় মন্থহুংপত্বতে ধ্রুবং ॥ ১৬

তেনানুভূয় তা যামী শরীরেণেহ যাতনাঃ ।

তাস্বেব ভূতমাত্ৰাসু প্রলীয়ন্তে বিভাগশঃ ॥ ১৭

যত্চাচরতি ধর্মং স প্রায়শোহধর্মমজ্জশঃ ।

তৈরেব চাবৃতো ভূতৈঃ স্বর্গে সুখমুপাশ্নুতে ॥ ২০

( মনু ১২ অ )

পঞ্চতন্মাত্রায় এক সূক্ষ্মতর দেহ ।

পাপী মানবের তাহা হয় প্রেত গেহ ।

সে দেহে মৃত্যুর পর ভুঞ্জিয়া যাতনা ।

পূর্বকৃত পাপফলে কষ্ট সহে নানা ॥ ১৬

যমদত্ত সে যাতনা ভোগ করি পরে ।

পঞ্চতন্মাত্রাতে মিশে যায় চির তরে ॥ ১৭

যদি বহু ধর্ম সনে অল্প পাপ করে ।

সে দেহে সে স্বর্গসুখ করে আশ্বাদন ।

পঞ্চতন্মাত্রাতে হয় তাহারও গঠন ॥ ২০

চিতামোক্ষপ্রভৃতি চ প্রেতত্বমুপজায়তে ।

( গরুড় পুরাণ ২।৫।৩৬ )

চিতাদন্ধ হয়ে জীব দেহ মুক্ত হয় ।

প্রেতত্ব তখন ঘটে জানিও নিশ্চয় ॥ ৩৬

বর্ষং যাবৎ খগশ্রেষ্ঠ স্বর্গে গচ্ছতি মানবঃ ।  
 ততঃ পিতৃগণৈঃ সার্কং পিতৃলোকং সগচ্ছতি ॥  
 দর্শিতৈঃ ষোড়শভিঃ শ্রাদ্ধৈঃ পিতৃভিঃ সহমোদতে ।  
 পিতুঃ পুত্রেন কৰ্ত্তব্যং সপিণ্ডীকরণং সদা ॥

( গরুড় পুরাণ ২।১৬৬-৭, ২০ )

অতঃপর খগ শ্রেষ্ঠ করহ শ্রবণ ।  
 বর্ষকাল করে জীব মার্গে বিচরণ ॥  
 তারপর পিতৃগণ সঙ্গেতে মিলিয়া ।  
 পিতৃলোকে যায় চলি আনন্দিত হইয়া ॥  
 যতনে ষোড়শ শ্রাদ্ধ করিলে অর্পণ ।  
 সুখে পিতৃগণ সনে থাকে সর্কক্ষণ ॥  
 এই হেতু সপিণ্ডীকরণ যোগ্য হয় ।  
 উ পযুক্ত পুত্র তাহা করিবে নিশ্চয় ॥



## তৃতীয় অধ্যায় ।



### শৌচ ।

দেহের পবিত্রতা রক্ষার জন্ত শৌচের প্রয়োজন । তদ্বারা স্বাস্থ্য ও দেহের বল লাভ হয় । ব্যাধি হইলেই বুঝিতে হইবে, কোনও না কোন প্রাকৃতিক নিয়ম ভঙ্গ হইয়াছে । ঋষিগণ জানিতেন প্রাকৃতিক নিয়ম সমূহ জগদীশ্বরের নিয়ম । তাঁহারই অস্তিত্বের অভিব্যক্তি । জীব ভৌতিক দেহমধ্যে আবদ্ধ তাঁহারই অংশ । সেই জন্ত তাহারা প্রাকৃতিক নিয়ম পালন ধর্ম্মকার্য্যও কর্তব্যরূপে নির্দেশ করিয়া গিয়াছেন ।

দৃশ্য দেহ ও তাহার অদৃশ্য প্রতিক্রম প্রাণময় কোষ, ভৌতিক উপাদানে গঠিত বলিয়া ভৌতিক উপায়ে তাহার শুদ্ধির প্রয়োজন আছে । কিরূপে শুদ্ধ রাখিতে হইবে তাহা বুঝিবার জন্ত তাহাদের স্বরূপ বোধ প্রয়োজন ।

দৃশ্যদেহ অনন্য কোষ, আমাদের আহাৰ্য্য অন্নের, পানীয় জলের এবং চতুর্দিকস্থ পদার্থত্যাগ্ত অণু হইতে উপাদান সংগ্রহ পূর্ব্বক সৃষ্ট হয় । চতুর্দিকস্থ পদার্থত্যাগ্ত অণু হইতেও যে আমরা সৃষ্ট হই, একথা সহসা অসম্ভব বোধ হইতে পারে, কিন্তু ইহা সত্য । আমাদের দেহ মৃত পদার্থে গঠিত নহে, মৃতপদার্থও জগতে নাই । সমুদায় উপাদান পদার্থ অতি ক্ষুদ্রতম সজীব পরমাণু সমষ্টি দ্বারা

গঠিত। সজীব অণুগুলিও সজীব পরমাণুর সমষ্টি। একটা খুন্সিকণায় অসংখ্য সজীব অণু বর্তমান আছে। এই সকল ক্ষুদ্র জীবের শ্রেণী আছে; তন্মধ্যে জীবাণু (microbe) নামক অনুবীক্ষণ দ্বারা দর্শন যোগ্য জীবই দৃশ্য জীবের মধ্যে ক্ষুদ্রতম, এই সমুদায় জীবাণুও ক্ষুদ্রতর, ও ক্ষুদ্রতম সজীব অণু দ্বারা বায়ুমণ্ডল পরিপূর্ণ, আমাদের দেহ ও অস্ত্রাত্ম সমস্ত বস্তুই সেই সমুদায়ের সমষ্টি মাত্র। প্রস্তর, বৃক্ষ, পশু, মানব, গৃহ, গৃহসামগ্রী, পরিধেয় বস্ত্রাদি সমুদায় পদার্থে এইরূপ অসংখ্য অণু আছে, তাহারা অহরহ সেইরূপ অসংখ্য অণু গ্রহণ করিতেছে ও পরিত্যাগ করিতেছে। আমাদের সন্নিহিত ও স্পষ্ট পদার্থ সমুদায়ের সহিত এরূপ অণুর বিনিময় অহরহ চলিতেছে। যদি আমরা স্নান না করি, বাসনা করি, তাহা হইলে আমাদের বিশুদ্ধ অণু গ্রহণ ও অবিশুদ্ধ অণু ত্যাগ করা কঠিন। শৌচ নিয়ম দ্বারা আমরা সেই কার্যের উপায় জানিতে পারি।

যে খাদ্য আমরা আহাৰ করিব, তাহাও পবিত্র হওয়া কঠিন। সকল বস্তুই উত্তরোত্তর হয় ত জীবনীশক্তি লাভ করিতেছে, না হয় জীবনীর হ্রাস নিবন্ধন মৃত্যুমুখে অগ্রসর হইতেছে। হয় তাহাদের গঠনকার্য চলিতেছে না হয় ধ্বংসকার্য আরম্ভ হইয়াছে। পবিত্র আহাৰ্যের জীবনী বর্ধনোন্মুখ। নব পত্র, ফল, মূল, শস্তাদি জীবনী পূর্ণ, আমরা তাহার গ্রহণ দ্বারা নিজ নিজ জীবনী বর্ধিত করি। যাহা ঘাতবাম তাহা অপবিত্র, কারণ তখন তাহার জীবনীর অভাব হইতে আরম্ভ হইয়াছে। মাংস অপবিত্র, কারণ, তাহার জীবন নাই, সুতরাং পচনোন্মুখ হইয়াছে। মাংস ভক্ষণ দ্বারা দেহ পুষ্টি

হইলেও উদ্ভিদভোজী দেহাপেক্ষা অধিক রোগ প্রবণ হইয়া থাকে । তাহাদের ক্ষত সহজে আরোগ্য হয় না, জর প্রবলতর হইয়া থাকে ।

তরল দ্রব্যের মধ্যে বিশুদ্ধ জলই সর্ব শ্রেষ্ঠ । চা, কাফি, কোকো প্রভৃতি ওষধি সিদ্ধ জল অল্প পরিমাণে সেবনে অপকারের সম্ভাবনা নাই, বরং উপকার হইতে পারে । ছুগ্ধই একাধারে পরিভ্রম পেয় ও আহাৰ্য্য । যে কোনও পেয় দ্রব্যে সুরাসার আছে তাহা অপাবিত্র ও শরীরের পক্ষে হানিজনক সন্দেহ নাই । ফেনোদগারী সুরায় পচনারম্ভ হইয়াছে এজন্ত তাহা দেহপেশীর ও মস্তিষ্কের অহিতজনক বিষতুল্য । বিশেষতঃ উষ্ণপ্রধানদেশে ইহার মত অপকারক দ্রব্য আর কিছুই নাই । ইহা দ্বারা অকালবার্দ্ধক্য ও মৃত্যু উপস্থিত হয় । এতদ্দেশে বহুলরূপে ব্যবহৃত অথচ স্বাস্থ্যের হানিকারক ভাং হইতে প্রস্তুত পানীয় সমূহও অতীব অপবিত্র ও জড়তার উৎপাদক জানিবে ।

বিশুদ্ধ পান আহাৰের ত্রায় বিশুদ্ধ বায়ুরও প্রয়োজন আছে । আমরা শ্বাস ত্যাগ সময়ে কার্বন্ ডাইঅক্সাইড্ নামক গ্যাস ত্যাগ করি । ঐ বাষ্প মূৰ্ছাকারক । যদি আমরা অল্প পরিসর স্থানে আবদ্ধভাবে অবস্থান করি, তাহা হইলে সেই স্থানের বায়ু এই বাষ্প দ্বারা দূষিত হইয়া শ্বাস গ্রহণের অযোগ্য হইয়া পড়ে । বিশেষতঃ শ্বাস ত্যাগ সময়ে আমাদের দেহাভ্যন্তর হইতে ক্ষয়িত অণু সকল পরিত্যক্ত হয় । উহা বিশুদ্ধ বায়ুর সহিত স্থানান্তরিত না হইলে পুনঃ শ্বাস গ্রহণ সময়ে আবার শ্বাসনালী দ্বারা প্রতিগৃহীত হইয়া বিবক্রিয়া করিয়া থাকে ।

দেহ গঠনের জন্ত শুধু বিশুদ্ধ উপাদান গ্রহণ করিলেই হইবেক না। দেহের উপরিভাগ স্নানাদি দ্বারা উত্তমরূপে পরিস্কৃত রাখা কর্তব্য। প্রতিদিন অন্ততঃ একবার স্নান করা উচিত এবং স্নান সময়ে উত্তমরূপে গাত্র মার্জ্জন করা কর্তব্য। তাহা হইলে দেহে ধূলি বালুকাদির কণা দূর হইলে চর্ম পরিস্কৃত থাকিয়া সুন্দররূপে স্বকর্য্য সাধন করিতে পারিবেক। হাত, পা বা দেহের যে কোনও অংশ অপবিত্র বোধ হইলেই ধোত করা কর্তব্য; আহারের পূর্বে ও পরে হস্ত পদাদি ধোত করিতে বিম্বৃত হওয়া কর্তব্য নহে। অর্ধোত্ত হস্তে ভোজন করিলে আহার্য্য দ্রব্য অপরিষ্কৃত যাইতে পারে। আহারের পর হস্ত পদাদি প্রক্ষালন করা নিত্য প্রয়োজনীয়। দেহের উপর যে বস্ত্র থাকে তাহাও নিত্য ধোত করা কর্তব্য।

হিন্দুগণ চিরদিনই বহির্জগৎকে অন্তর্জগৎ মনে করেন। সূতরাং তাঁহাদের নিকট বাহ্যশুদ্ধিই গ্রাম্য অন্তঃশুদ্ধিও প্রয়োজনীয় বলিয়া অনুভূত হইয়াছিল। বহিঃশুদ্ধির সঙ্গে সঙ্গে অন্তঃশুদ্ধির জন্ত মন্ত্রাদির আবৃত্তি ও তাহাদের প্রয়োজনীয় বোধ হইয়াছিল। তাঁহাদের প্রত্যেক কার্য্যই ধর্ম্মবন্ধনে বাঁধা।

ছাত্রগণ এক্ষণে বুঝিতে পারিবেন কেন ঋষিগণ শুদ্ধির পক্ষপাতী ছিলেন। যে ব্যক্তির দেহ অপরিষ্কার, বস্ত্রাদি অপরিষ্কার, তাহার সন্নিহিত বায়ু অপবিত্র কণায় পূর্ণ থাকে। সূতরাং তাহার সন্নিহিত ব্যক্তিগণ সেই বিষাক্ত বায়ু দ্বারা আক্রান্ত হইতে পারে। শুধু নিজের জন্ত নহে, নিকটস্থ ব্যক্তি ও বস্ত্র সমূহের জন্তও

আমাদের শৌচ অবশ্য কর্তব্য। অপরিষ্কৃত ব্যক্তি, অপরিষ্কৃত বস্ত্র ও অপরিষ্কৃত গৃহ বিবের আশ্রয় স্থানও নিকটস্থ জনগণের অমঙ্গলজনক জানিবে।

প্রাণময় কোষের পবিত্রতা তদন্তর্গত বৈদ্যুতিক শ্রোতের উপর নির্ভর করে। ইহা নিকটবর্তী বস্তু সমূহের বৈদ্যুতিক শক্তি দ্বারা শাসিত হয়। সুতরাং আমাদের সে পক্ষেও সাবধান হওয়া কর্তব্য। পেন্সাজ রহুন প্রভৃতি কতকগুলি উদ্ভিদ অন্ত্রময় কোষের হানিকারক না হইলেও প্রাণময় কোষের পক্ষে বিশেষ হানিজনক। তাহাদের বৈদ্যুতিক শক্তি মাংসের বৈদ্যুতিক শক্তি অপেক্ষা অধিকতর অপকারক। সুরাঘারাও প্রাণময় কোষের বিশেষ অনিষ্ট হইয়া থাকে। অপরের প্রাণময় কোষঘারাও অনিষ্টের আশঙ্কা আছে। স্বীয় সূক্ষ্ম শরীর দ্বারাও প্রাণময় কোষের ইষ্টানিষ্ট সাধিত হয়। সুতরাং অপরের সূক্ষ্ম শরীর আমাদের সূক্ষ্ম শরীর দিয়া কার্য্য করিষ্কা, প্রাণময় কোষের ইষ্টানিষ্ট সাধন করিতে পারে। অনিষ্ট হইতে পারে। সুতরাং কুসংসর্গ সর্ব্বথা বর্জনীয়। সূক্ষ্ম শরীরের পবিত্রতা, দেহীর বাসনা ও সঙ্কল্পাদির পবিত্রতা বশে হইয়া থাকে। তাহা হইতে ভৌতিক দেহের ও পবিত্রতার হানি ঘটে। যদি জীবের বাসনা ও সঙ্কল্প অপবিত্র হয় তবে তাহার অন্ত্রময় কোষাদিও পবিত্র থাকিতে পারে না। কেহ যদি শৌচ আচারের নিয়ম অক্ষরে অক্ষরে প্রতিপালন করেন, কিন্তু তিনি যদি গর্ব্বোদ্ধত, ক্রুর, কামুক ও সন্দ্বিগ্ধচিত্ত হন, তবে বহিঃশুদ্ধি দ্বারা যতই তিনি অন্তর্দেহ পবিত্র করিবার চেষ্টা করিবেন, তাহার

অধিকতর বেগে তাঁহার অন্তর্দেহ অপবিত্র হইতে থাকিবে। দেবতা  
ঋষিগণের চক্ষে সেইরূপ ব্যক্তি নিত্য অশুচি।

দূরাদাবসথান্নুত্রং দূরাং পাদাবসেচনং ।

উচ্ছিষ্টান্নং নিষেকং চ দূরাদেব সমাচরেৎ ॥ ১৫১

( মনু ৪ অ )

গৃহ হতে দূরে কর মূত্র বিসর্জন ।

দূরেতে করহ সদা পাদাবসেচন ॥

উচ্ছিষ্টান্ন পরিত্যাগ কর সদা দূরে ।

স্নান জল পরিত্যাগ করিবে সূদূরে ॥ ১৫১

\* \* \*

আচম্য প্রযতো নিত্যমুভে সন্ধ্যা সমাহিতঃ ।

শুচৌদেশে জপঞ্চপ্যনুপাসীত যথাবিধিঃ ॥ ২২২

( মনু ২ অ )

অগ্রেতে সংযত ভাবে করি আচমন ।

ছই সন্ধ্যা নিত্য সন্ধ্যা কর সমাপন ॥

পবিত্র প্রদেশে বসি একাগ্র অন্তরে ।

জপ্য জপ কর সদা শাস্ত্র অনুসারে ॥ ২২২

\* \* \*

উপম্পৃশ্ব দ্বিজো নিত্যং অন্নমত্নাং সমাহিতঃ ।

ভুক্ত্বা চোপম্পৃশেৎ সম্যক্ অন্নিঃ স্থানি চ সংম্পৃশেৎ ॥ ৫৩

( মনু ২ অ )

দ্বিজগণ হস্তপদ করি প্রক্ষালন ।

একলক্ষ্য হয়ে অন্ন করিবে ভোজন ॥

ভোজনের পরে পুনঃ সম্যক্ প্রকারে

সর্বোদ্রিয় ধৌত করিবেন জলধারে ॥

\* \* \*

জ্ঞানং তপোহগ্নিরাহারো য্মনো বায়ুপাজ্ঞনম্ ।

বায়ুঃ কৰ্ম্মার্ককালৌ চ শুদ্ধেঃ কর্ত্ত্বণি দেহিনাম্ ॥১০৫

( মনু ২ অ )

জ্ঞান, তপ, অগ্নি আর আহার নিশ্চয় ।

মাটি, মন, বারি আর উপাঞ্জন চয় ॥

বায়ু, কৰ্ম্ম, দিনকর আর এই কাল ।

নরগণে পবিত্র করেন চির কাল ॥১০৫

\* \* \*

অস্তির্গাত্ৰাণি শুধ্যন্তি মনঃ সত্যেন শুধ্যতি ।

বিদ্যা তপোভ্যাং ভূতাত্মা বুদ্ধির্জ্ঞানেন শুধ্যতি ॥১০০

( মনু ৫ অ )

কুল দেহ শুদ্ধ হয় সত্যে মনঃ শুদ্ধি ।

বিদ্যা তপে শুদ্ধ জীব জ্ঞানে শুদ্ধ বুদ্ধি ॥১০০

\* \* \*

নহি জ্ঞানেন সদৃশং পবিত্রমিহ বিদ্যাতে ॥৩৮

( গীতা ৪ অ )

জ্ঞানের সমান কিছু এ তিন সংসারে ।

পবিত্র-নাহিক আর কহিছু তোমারে॥৩৮

আপি চেৎ স ছরাচারো ভজতে মামনহুভাক্ ।

সাপুয়েব স মন্তব্যঃ সমাগ্ ব্যবসিতো হি সঃ ॥৩৯

ক্ষিপ্ৰং ভবতি ধর্মাত্মা শম্ভুচ্ছান্তিঃ নিগচ্ছতি ।

কৌন্তেয় প্রতিজানীহি ন মে ভক্তঃ প্রণশ্চতি ॥৩১

( গীতা ৯ অ )

ঘোর পাপী হয়ে যদি অনহুদয় ।

একমন হইয়ে শরণ মম লয় ॥

নিশ্চয় জানিও মনে সেই সাধু জনে ।

যেহেতু কর্তব্য সেই কৈল আচরণ ॥ ৩৯

দীঘ সে ধর্মাত্মা হবে পাবে শান্তিপদ ।

জানিও ভক্তের মম নাহিক বিপদ ॥৩৯

সর্বধর্ম্যান্ পরিত্যজ্য মামেকং শরণং ব্রজ ।

তহং ত্বাং সর্বপাপেভ্যো মোক্ষয়িষ্ঠামি মা শুচঃ ॥৬৬

( গীতা ১৮ অ )

ইন্দিরগণের যেই ধর্ম সমুদায় ।

তাহে শ্রদ্ধা ত্যজি লহ আমার আশ্রয় ॥

নাহি শোক কর আমি বলিছু তোমায় ।

করিব পাপেতে মুক্ত সন্দেহ কি তায় ॥ ৬৬



## চতুর্থ অধ্যায় ।

### পঞ্চযজ্ঞ ।

আমরা যজ্ঞবিধি বিচার প্রসঙ্গে বলিয়াছি মনুষ্যের আত্মত্যাগই প্রধান যজ্ঞ । সনাতন ধর্মে এই ধর্ম্মানুবর্ত্তিগণের পক্ষে তহুপযোগী হইবার জন্ত যে সকল নিয়ম নির্দিষ্ট আছে, এক্ষণে আমরা তাহার আলোচনা করিব ।

শাস্ত্রে যত প্রকার যজ্ঞের ব্যবস্থা আছে আমরা এইক্ষণে সে সকলের উল্লেখ না করিয়া কেবল নিত্য কর্তব্য পঞ্চ মহাযজ্ঞের বিষয় আলোচনা করিব । সেই পঞ্চ যজ্ঞের নাম ঋষিযজ্ঞ, দেবযজ্ঞ, পিতৃযজ্ঞ, নৃযজ্ঞ ও ভূতযজ্ঞ । এই পাঁচটির বাহ্যক্রিয়া ও অন্তর্লক্ষ্য অর্থ আছে । অন্তর্লক্ষ্যার্থ দ্বারা যজ্ঞের মুখ্যশক্তি বুঝিতে পারা যায় । এই বার সেই অর্থ বুঝিতে চেষ্টা করা যাউক ।

ঋষিযজ্ঞের বাহ্যক্রিয়া বেদাধ্যয়ন ও অধ্যাপন । প্রত্যেক দিন সকলেরই কোনও পবিত্র গ্রন্থ পাঠ করা কর্তব্য, তদ্বারা ক্রমে তাহার আত্মজ্ঞান লাভোপযোগী জ্ঞানের উদয় হইয়া থাকে । তদ্বারা তিনি নিজের অবস্থা ও কর্তব্য উপলব্ধি করিতে পারেন । প্রত্যেকেরই নিজের অপেক্ষা অজ্ঞানীকে যথাসাধ্য জ্ঞানদান কর্তব্য । এই জন্ত ভগবান মনু এই যজ্ঞকে অধ্যাপন বলিয়াছেন ।

প্রত্যেক বালকের প্রত্যহ এই যজ্ঞ আচরণ কর্তব্য। ভগবদগীতা, অনুগীতা, হংসগীতা বা অন্য কোনও পবিত্র গ্রন্থের দু'চারটি শ্লোক মনঃসংযোগের সহিত পাঠ ও চিন্তা করা কর্তব্য। পাঠের পরিমাণাধিক্য অপেক্ষা পঠিত বিষয়ের অবাহতধ্যানই অধিক ফলপ্রদ। অন্তর্লক্ষ্যার্থ এই,—ত্যাগোদ্দেশেই অধ্যয়ন প্রয়োজন; বাহ্য শিক্ষা করিবে তাহা অপরের জ্ঞাত।

বাহ্য দেবযজ্ঞ, হোমকার্য। দেবতাগণ প্রকৃতিকে যে সমস্ত কাব্যদ্বারা আমাদের মহারতা করিতেছেন তাহার স্বরণার্থই এই হোম। যেন তাহাদের নিকট প্রাপ্ত দ্রব্যের প্রতিদান স্বরূপ আমাদের নিজাধিকৃত দ্রব্যের অর্পণ। অন্তর্লক্ষ্যার্থ এই জড়াভীত লোকসমূহের সহিত আমাদের যে সম্বন্ধ তাহা অনুভব করিয়া লোকসমূহের সাপেক্ষতা অনুভব হয়। সর্বসত্ত্বের সহিত সাম্যভাবেই ইহার চরম লক্ষ্য।

পিতৃযজ্ঞে বাহ্যক্রিয়া তর্পণ। অন্তর্লক্ষ্যার্থ অতীতের নিকট যে আমরা মহাধনী তাহার স্বীকার। বাহারা আমাদের পূর্বে পৃথিবীতে আসিয়া বহু পরিশ্রমে পৃথিবীকে বর্তমানের উপযোগী করিয়া রাখিয়া গিয়াছেন তাহাদের নিকট কৃতজ্ঞতা স্বীকার। যে আপনাকে পূর্ব পুরুষগণের নিকট ধনী মনে করে না তাহার মনুষ্যত্ব নাই।

নৃ-যজ্ঞের বাহ্যক্রিয়া অতিথিসেবা। আর্য্যবংশীয়গণ প্রত্যহ আপনার অপেক্ষা দরিদ্রকে যথার্থকি অন্নদান করিবেন। গৃহাধ, সকলেরই দরিদ্রের পোষণ, ক্ষুধিতকে অন্নদান করা, বস্ত্র হীনকে

বস্ত্রদান করা, গৃহ হীনকে আশ্রয়দান করা, হুঃখিতের হুঃখ দূর করা কর্তব্য। ধনী দরিদ্রের ভাণ্ডারী মাত্র।

ভূতযজ্ঞের বাহ্যক্রিয়া আহারের পূর্বে প্রাণিগণের জন্ত ভূমিতে অন্নত্যাগ এবং আহারান্তে পশ্বাদির জন্য অবশিষ্টাংশ উপযুক্ত স্থানে রক্ষা। গূঢ়ার্থ, আমাদের সকলেরই সর্বজীবের জন্ত সদয় ব্যবহার কর্তব্য, কারণ সর্বজীব পরস্পর সাপেক্ষ।

এই পঞ্চ মহাযজ্ঞ মানবকে তাহার সন্নিহিত, উন্নত, সম ও হীন প্রাণিগণের সহিত ব্যবহার শিক্ষা দিতেছে। ইহার অভ্যাস দ্বারা জাতীয় সমাজের পরিবারের উন্নতি, সুখ ও সাম্যভাব স্থাপিত হইতে পারে। ইহার দ্বারা জীবনচক্র ঈশ্বরের অভিপ্রায়ানুসারে চালিত হয় ও জগতের ক্রমবিকাশ সাধিত হয়। ইহা দ্বারা মানব শিক্ষা করে যে মানব একা নহে, তাহার অনেক ও পরস্পর সম্বন্ধযুক্ত এবং সাধারণের সুখ ও উন্নতিতে তাহার সুখ ও উন্নতি নির্ভর করিতেছে।

\* \* \*

অধ্যাপনং ব্রহ্মযজ্ঞঃ পিতৃযজ্ঞস্তু তর্পণম্।

হোমো দৈবো বলিভৌতো ন্যজোহতিথিপূজনম্ ॥৭০

( মন্ত্র ৩ অধ্যায় )

অধ্যাপন হয় ব্রহ্ম যজ্ঞের সাধন :

পিতৃ যজ্ঞ তারি নাম যে কার্য্য তর্পণ ॥

হোম দৈব যজ্ঞ বলি ভূত যজ্ঞ হয়।

ন্যজ্ঞ অতিথিপূজা কহিলু নিশ্চয় ॥ ৭০

স্বাধ্যায়ে নিত্যযুক্তঃ স্যাদ্দৈবে চৈবেহ কৰ্ম্মণি ।

দৈবে কৰ্ম্মণি যুক্তোহি বিভক্তীদং চরাচরং ॥ ৭৫

( মনু ৩ অ )

যে জন স্বাধ্যায় আর দৈবকার্য্যে রত ।

সেই ত পালিছে বিশ্ব চরাচর যত ॥ ৭৫

\* \* \*

ঋষয়ঃ পিতরো দেবা ভূতান্ভূতিময়াস্তথা ।

আশাসতে কুটুম্বিভ্যন্তেভ্যঃ কার্য্যং বিজানতা ॥ ৮০

স্বাধ্যায়েনাচিয়েতর্ষীন হোমৈর্দেবান্ যথাবিধি ।

পিতৃষ্ণাক্ষেণ নুনরৈ ভূতানি বলিকৰ্ম্মণা ॥ ৮১

( মনু ৩ অ )

ঋষিগণ পিতৃগণ আর দেবগণ ।

অতিথি নিচয় আর সর্বভূতগণ ॥

গৃহস্থের কাছে আশা করেন সদাই ।

জানিয়া সে আশা পূর্ণ করা সদা চাই ॥ ৮০

স্বাধ্যায়ে তুষিতে হয় যত ঋষিগণে ।

দেবগণে তুষ্ট কর হোম সম্পাদনে ॥

শ্রদ্ধ করি পিতৃগণে, নরে অন্নদানে ।

ভূতগণে বালকর্মে তোষ সাবধানে ॥ ৮০

## পঞ্চম অধ্যায়

### উপাসনা ।

পঞ্চযজ্ঞের দ্বারা ধর্মপিপাসু মানবের পিপাসার নিবৃত্তি হয় না । ঈশ্বরের সহিত সম্পর্ক স্থাপনে তাঁহার ঐকান্তিক বাসনা জন্মে, তাঁহার ক্ষুদ্র প্রাণ যে জগৎ প্রাণের অংশ, তাঁহার পূজা করিতে না পারিয়া মনের তৃপ্তি হয় না । যখন ব্যাসেদেব পরব্রহ্মতত্ত্ব অভ্যাস পূর্বক জগতের হিতের জন্ত ও লোকশিক্ষার্থ মহাভারত ও ব্রহ্মসূত্র প্রণয়ন করিয়াও মনের শান্তি প্রাপ্ত হন নাই, তখন তিনি নারদের পরামর্শে ঈশ্বরের গুণানুকীর্ণনে প্রবৃত্ত হইলেন । বিষ্ণুভাগবতে তিনি ভগবদ্বীলা বর্ণন পূর্বক শান্তি লাভ করিয়াছিলেন ।

উপাসনা দ্বারা ঈশ্বরের প্রতি প্রেম ভক্তি ও তাঁহাকে প্রাপ্তির ইচ্ছা প্রকাশিত হয়, তাঁহার সহিত মিলিত হইবার বাসনা বলবতী হয় । ক্রমে জীবাশ্মা পরমাত্মার অভেদজ্ঞান জন্মে । উপাসনা বলিলে তাঁহার পূর্ণত্বের স্তুতি গান, আপনার অপূর্ণতাবোধ, তাঁহার প্রেম প্রার্থনা, তাঁহার শক্তির উপলব্ধি, তাঁহার প্রকৃতির ধ্যান, তাঁহার স্বরূপ বোধের জন্ত আত্যন্তিক বাগনা প্রভৃতি বিবিধ ব্যাপার সাধনের অবস্থা ও উন্নতির অনুরূপ হইয়া থাকে ।

সামান্য কৃষকই হউক, কি দার্শনিক পাণ্ডিতই হউক, যখনই কাহারও প্রাণে ব্রহ্মজ্ঞান লিপ্সা উপস্থিত হয়, তখনই উপাসনা দ্বারা

তঁাহার সেই ইচ্ছা প্রকাশিত হইয়া থাকে। সামান্য কৃষক হইতে তত্ত্বজ্ঞানী পণ্ডিত পর্য্যন্ত সকলেরই ব্রহ্মের জ্ঞান ইহাই উপাসনার প্রয়োজন, এই উপাসনা সাধকের ভাব ও জ্ঞানের অনুযায়ী ভিন্ন ভিন্ন প্রকারের হইলেও, ফলতঃ একই সন্দেহ নাই।

অব্যয় সর্ব্বময় উপাসনার বস্তু নহেন। উপাসনা করিতে গেলে উপাস্ত পদার্থের বোধের জ্ঞান গুণের প্রয়োজন। গুণ নহিলে মন কিসে একাগ্র হইবে? কিসেই বা ভাবের উদয় হইবে? স্বগুণ ব্রহ্ম, যাহাকে ঈশ্বর বলা যায়, তিনিই উপাসনার যোগ্য। তঁাহারই স্তব ও ধ্যান করা যাইতে পারে। তঁাহাকে শিব বা বিষ্ণু, মহাদেব বা নারায়ণ, দুর্গা বা লক্ষ্মী, গণেশ, ইন্দ্র, অগ্নি, সরস্বতী, অথবা রাম, কৃষ্ণ, বুদ্ধ প্রভৃতি অবতাররূপে ভাবনা করা যাইতে পারে। কিন্তু যে নাম বা মূর্ত্তি অবলম্বনে পূজা করা যাউক না কেন, তাহাতে সেই এক ঈশ্বরেরই উপাসনা করা হয়।

বালকদিগের মনে সময়ে সময়ে এরূপ সন্দেহ হয়, কেন শাস্ত্রে কোথাও শিবকে, কোথাও বিষ্ণুকে পরম পুরুষ বলা হইরাছে। কোনও পুরাণ কেন একজনের প্রাধান্য ব্যাখ্যা করেন, আবার অপর পুরাণ আর একজনের প্রাধান্য বর্ণন করেন। এই সমুদায়ই সেই এক মাত্র ঈশ্বরের রূপভেদ মাত্র; সাধক ঈশ্বরেরই পূজা করিতেছেন, তাহাকে যে মূর্ত্তিতে ভাবিতে ভালবাসেন, সেই মূর্ত্তিতে পূজা করেন। কিন্তু তিনি মূর্ত্তির পূজা করেন না; মূর্ত্তি পরিচ্ছদ মাত্র। সাধক সেই পরিচ্ছদে আবৃত ভগবানেরই পূজা করেন। পরমী স্বামীকেই ভালবাসেন, তঁাহার পোষাকগুলিকে নয়। তবে

পরিচ্ছদগুলি স্বামীয় প্রিয় বলিয়া তিনি তাহাতেও প্রীতি প্রদর্শন করেন। সাধক ঈশ্বরের প্রেম, সৌন্দর্য্য, শক্তি প্রভৃতির পক্ষপাতী ; যে মূর্তিতে সেই সকল প্রকাশিত, সেই মূর্তিতেই তাঁহার পূজা করিয়া থাকেন। আমরা ক্ষুদ্র বলিয়া যদিও তাঁহার অনন্তশক্তির অতি অল্পই ধারণা করিতে পারি, তথাপি সে টুকু তাঁহারই।

এইটুকু বুঝিবার দোষেই বিভিন্ন ধর্ম্মাবলম্বীগণ এবং একই ধর্ম্মাশ্রিত বিবিধ সম্প্রদায়ভুক্তগণ, নির্বোধের তায় পরস্পর বিসম্বাদ করিয়া থাকে। সকলেই এক ঈশ্বরেরই উপাসনা করিতেছে, কেবল নাম আর পরিচ্ছদের বিভিন্নতা মাত্র ; উপাস্যবস্তুর কোন পার্থক্য নাই।

পূজা উপাসনার সাধারণ সরল প্রকারভেদ মাত্র। পূজায় আলেখ্য বা মূর্তির প্রয়োজন হয়, মন্ত্ৰ পাঠ করিতে হয়, পুষ্পাদি অর্পণ করিতে হয় এইগুলি পূজার বাহ্য উপকরণ। আভ্যন্তরিক উপকরণ প্রেম ও ভক্তি, তদ্বারা সাধকের চিত্ত রূপ হইতে সংপদার্থে লগ্ন হয়। পূজার জন্তু কখনও কুলদেবতার কখনও বা গুরু নির্দিষ্ট ইষ্টদেবতার মূর্তি নির্বাচিত হয়।

উপাসনা বলিলে ধ্যান, নিত্য সন্ধ্যা প্রভৃতি বিবিধ পূজাজ বুঝায়, ঐ সমুদায় সনাতন ধর্ম্মের অনুষ্ঠিগণের অবস্থিতভাবে করা কর্তব্য। ছই প্রকারের সন্ধ্যা আছে—বৈদিক ও তান্ত্রিক। বালক তাহার বর্ণ ও কুলাচার অনুযায়ী সন্ধ্যা করিবেন। এক্ষণে তিনি উপযুক্ত গুরুর নিকটে ইহা শিক্ষা করিবেন, তারপর নিত্য এই

কার্য্যাস্থষ্ঠান করিবেন। ধ্যান. বিশেষ বিশেষ অবস্থায় বালকের  
পক্ষে নহে উহা যৌবন পদনীতে পদার্পণের পর আরম্ভ করা কর্তব্য।

\* \*

নৈষ্কর্ম্যামপ্যচ্যুত ভাববর্জিতং

ন শোভতে জ্ঞানমলং নিরঞ্জনম্ ।

কুতঃ পুনঃ শব্দভদ্রমৌখ্যে

ন চার্চিতং কৰ্ম্ম যদপ্যাকারণম্ ॥১২

( শ্রীমদ্ভাগবত ১।৫ )

অচ্যুতেতে ভাবহীন নৈষ্কর্ম্য অপার ।

নিরঞ্জন সুবিমল জ্ঞান চমৎকার ॥

নাহি শোভা পায় কভু বলিহু তোমারে ।

বল তবে সকাম কণ্ঠেতে কিবা পারে ॥

যদি সেই কৰ্ম্ম কর অপবিত্র মনে ।

অথবা অর্পণ নাহি কর সনাতনে ॥

\* \*

যে স্বক্ৰুরমনির্দেশ্য মব্যক্তংপর্য্যাপাসতে ।

সৰ্ব্বত্র সমচিন্ত্যধ্ব কূটস্থমচলং ধ্রুবম্ ॥৩

সংনিয়মোল্লিঙ্গগ্রামং সৰ্ব্বত্র সমবুদ্ধয়ঃ ।

তে প্রাপ্নুবন্তি মামেব সৰ্ব্বভূতহিতেরতাঃ ॥৪

ক্লেশাহিকতরন্তেষামব্যক্তাসক্তচেতসাম্ ।

অব্যক্তা হি গতির্হুঃখং দেহবদ্ধিরবাপ্যতে ॥৫



যে তু সৰ্ব্বাণি কৰ্ম্মাণি ময়ি সংব্রুত মৎপরাঃ ।  
 অনন্তেনৈব যোগেন মাং ধ্যায়ন্ত উপাসতে ॥৬  
 তেষামহং সমুদ্বর্ত্তা মৃত্যুসংসারসাগরাং ।  
 ভবামি ন চিরাৎ পার্থ ময্যাবেশিতচেতসাম্ ॥৭

( গীতা ১২ অঃ )

সকলে সমান বুদ্ধি করি যেই নর ।  
 সম্যক্ সংযত করে ইন্দ্রিয় নিকর ॥  
 পরে, অনির্বচনীয় রূপাদি বিহীন ।  
 সৰ্ব্বব্যাপী অচিন্ত্য স্থিতির চিরদিন ॥৩  
 অবিনাশী কূটস্থের উপাসনা করে ।  
 সৰ্ব্বভূত হিতকারী সে পায় আমারে ॥৪  
 অব্যক্তে আসক্ত চিত্ত হয় যেই জন ।  
 বহু ক্রেশে সাফল্য তার হয় সজ্বটন ॥  
 কারণ তাহার আমি বলি যে তোমারে ।  
 অব্যক্তেতে নিষ্ঠা নরে কষ্টে লাভ করে ॥৫  
 কিন্তু যারা ভক্তিভরে করম অর্পণ ।  
 করিয়া আমারে করে মম আরাধন ॥  
 অনন্তযোগেতে সদা করে মোর ধ্যান ।  
 ভক্ত নাহি দেখি আমি তাহার সমান ॥৬  
 হে পার্থ মরণময় সংসার সাগরে ।  
 তাদের উদ্ধারকানী হই হে সত্তরে ॥৭

ঈশ্বরঃ সৰ্বভূতানাং হৃদ্যেশেহর্জুন তিষ্ঠতি ।

ব্রাহ্মণস্তু সৰ্বভূতানি যন্তারুঢ়াণি মায়ায়া ॥৬১

ভগেব শরণং গচ্ছ সৰ্বভাবেণ ভারত ।

তৎপ্রসাদাৎ পরাং শাস্তিং স্থানং প্রাপ্যাদি শাস্বতম্ ॥২২

( গীতা ১৮ অঃ )

সৰ্বভূত হৃদয়ে করি অধিষ্ঠান ।

হে অর্জুন, যন্তারুঢ় পৃষ্ঠাল সমান ॥

ঈশ্বর সকল ভীবে আপন মায়ায় ।

ব্রাহ্মণের রেখেছেন সন্দেহ কি তায় ॥৬১

হে ভারত সৰ্বভাবে তাঁহার শরণ ।

লইলে পাইবে শাস্তি স্থান সনাতন ॥৬২

\* \*

নো যথা মাং প্রপত্ত্বন্তে তান্তথৈব ভজাম্যহম্ ।

মম বক্তারুবর্তন্তে মনুষ্যাঃ পার্থ সৰ্বশঃ ॥১১

( গীতা ৪ অঃ )

নে যেমনভাবে মোরে ভাবে অকুক্ষণ ।

সেইভাবে ভাবি তারে শুন দিয়া মন ॥

যেবা সেই পথ পার্থ করিবে আশ্রয় ।

সকলি আমাতে আসি গিলেছে নিশ্চয় ॥১১

যো যো যাং যাং তনুং ভক্তঃ শ্রদ্ধয়ার্জিতুমিচ্ছতি

তস্ত তস্ত্রাচলাং শ্রদ্ধাং তামেব বিদধাম্যহম্ ॥২১

( গীতা ৭ অঃ )

শ্রদ্ধা করি যেই মূর্তি পূজিবার তরে ।  
 জনমে বাসনা সদা ভক্তের অন্তরে ॥  
 সেইমূর্তিপরে শ্রদ্ধা করি তারে দান ।  
 সে শ্রদ্ধা অচলা ক্রমে হয় মতিমান ॥২১



## ষষ্ঠ অধ্যায় ।



### চতুরাশ্রম ।

যেমন প্রত্যেকের ব্যক্তিগত পার্থক্য আছে। তেমনি প্রত্যেক জাতিরও জাতিগত পার্থক্য আছে। প্রাচীনকালে হিন্দু জাতির ক্রম ও বিভাগ প্রকৃতি সিদ্ধাছিল। সনাতন ধর্মের বিধিই উহার কারণ। সেই বিধি বলেই ইহার আঁত উন্নত, পূর্ণ বিকাশিত সাম্যভাবযুক্ত জাতিরূপে পরিণত হইয়া ছিলেন। এই সমস্ত ভাব সনাতন ধর্ম্মানুবর্তিগণের এতই প্রকৃতিগত যে ভগবান্ শ্রীকৃষ্ণ বলিয়াছিলেন—“সমত্বং যোগ উচ্যতে।” সাম্যভাবই যোগ।

বেদে মানব জীবনকে যে উদার ভাবে গ্রহণ করা হইয়াছে, তাহাই এই জাতির প্রকৃতিগত বিশেষত্বের হেতু। সমস্ত পদার্থই আশ্রয় জন্ম রহিয়াছে। সকলই তাঁহার ইচ্ছা বলে হইয়াছে। তাঁহার নানাবস্থাভোগের ইচ্ছাই এই সৃষ্টির উদ্দেশ্য। জগতে তাঁহার নিজশক্তি বিকাশের ইচ্ছা হইয়াছিল এবং স্বপ্রকাশ বাহুজগতের আধিপত্য করিবার বাসনা হইয়া ছিল। তিনি অনন্তকাল অন্তর্জগতের শাস্তা। তিনি অক্ষয় অনন্ত বলিয়া তাঁহাতে ব্যস্ততা নাই। নিজের প্রত্যেক অবস্থা যাহাতে ক্রমে ক্রমে অভিজ্ঞতা লাভ করে, এবং এই রূপে সৃষ্টিলায় ও একসূরে অভিব্যাপ্ত হয়, এইটাই তাহার ইচ্ছা। ঈশ্বর আমাদের এই

পৃথিবীর নিম্নতর বিভাগ হইতেই ক্রমবিকাশ নির্ণয় করিয়াছেন। উদ্ভিদ রাজ্যে বীজ, মূল, কাণ্ড, পত্র, পুষ্প, ফল সূনিয়মে ক্রমে ক্রমে প্রকাশিত হয় ; প্রত্যেকেরই উপযুক্ত স্থান, কাল ও সৌন্দর্য্য আছে। জীবরাজ্যেও তেমনি বাগ্য, শৈশব, যৌবন, প্রৌঢ়ত্ব ও বার্দ্ধক্য সূপ্রণালীক্রমে সংঘটিত হইতেছে ; মানবের এই ক্রম উল্লঙ্ঘন করিবার সামর্থ্য নাই ; পরিবর্তিত করিবারও শক্তি নাই। কিন্তু মানব দেহস্থ জীবাগ্নী তাহার অবিকাশাবস্থায় ভৌতিক আবরণে আবদ্ধ হইয়া অনিয়ম পূর্ব্বক নানাদিকে গমন বাসনা করিয়া থাকে। মন কামনার বশবর্তী হইয়া তাহাকে অনেক সময় অনধিকার চর্চায় প্রবৃত্ত করে। অর্থাৎ জীবাগ্নীর যে অবস্থা, তাহা হইতে অগ্র অবস্থার কার্য্যে নিযুক্ত করিতে প্রয়াস পায়। তাগাতে প্রতি অবস্থারই ক্রম বিকাশের ব্যাঘাত হয়। শিশু যুবা হইবে যুবা প্রৌঢ়ত্ব লাভ করিবে। বৃদ্ধ কিন্তু আবার যৌবন-স্থ উপভোগ করিতে চায়। তাহার ফলে কেবল তাহার শান্তি নষ্ট হয় এবং তাহার বহু কর্তব্য অপূর্ণ থাকিয়া যায়।

এইরূপ উচ্ছৃঙ্খলতার শাসনোদ্দেশে মহর্ষিগণ পুরাতন আৰ্য্য-বংশীয়গণের জন্ত জন্ম হইতে মৃত্যু পর্য্যন্ত, ব্যক্তিগত কর্তব্য পথ নির্দেশ করিয়া গিয়াছেন ; এবং জীবাগ্নীর সমগ্র ক্রমবিকাশ জন্ত অসংখ্য জন্মের কর্তব্যপথ নির্দেশ করিয়া গিয়াছেন। এই উভয় পথের প্রত্যেকটা চারিভাগে বিভক্ত। একটা জীবের দেহলাভ হইতে দেহত্যাগ সময় পর্য্যন্ত সময়ের পক্ষে ঐ চারিভাগ চতুরাশ্রম ও জীবের পূর্ণ বিকাশ পক্ষে ঐ চারিভাগ চাতুর্বর্ণ নামে প্রসিদ্ধ।

এই অধ্যায়ে আমরা আশ্রম সম্বন্ধে আলোচনা করিব। আশ্রম চারিটি—ব্রহ্মচর্য বা ছাত্রজীবন, গার্হস্থ্য বা গৃহিণীজীবন, বানপ্রস্থ বা নির্জ্ঞন বাস সময় এবং সন্ন্যাস বা সৰ্ব্বত্যাগী অবস্থা। ইহার কোনও আশ্রমেই মানবের অপর আশ্রমের কার্য করা কর্তব্য নহে, ছাত্রজীবনে গৃহস্থ হইতে নাই, তখন তাহার বানপ্রস্থ বা সন্ন্যাস অবলম্বন উচিত নহে, বানপ্রস্থাবলম্বীরও আবার গার্হস্থ্য স্পৃহা হওয়া উচিত নহে। সন্ন্যাসীরও বানপ্রস্থাবলম্বীর তায় নির্জ্ঞনবাস কর্তব্য নহে। প্রত্যেক আশ্রমেরই কর্তব্য ও নির্দিষ্ট আনন্দ আছে। উহার যথাযথ অনুষ্ঠান দ্বারা জীবাত্মার ক্রমবিকাশ সূক্ষ্মালে সাধিত হইয়া থাকে। আশ্রমধৰ্ম্ম অবহেলা করিলে বিকাশে বিলম্ব ঘটিয়া থাকে।

বর্তমান সময়ে প্রাচীনকালের নিয়মানুসারে আশ্রমধৰ্ম্ম পালিত হওয়া অসম্ভব। এখন অবস্থার বহু পরিবর্তন ঘটিয়াছে কিন্তু যদি আমরা ঐ আশ্রম চতুষ্টয়ের কর্তব্যের মূখ্যার্থ অনুধাবন করি তাহাহইলে এখনও সূক্ষ্মালে পরিচালিত হইতে পারা যায়।

উপনয়ন কাল হইতে দ্বিজত্ব প্রাপ্ত হইয়া ছাত্রজীবন আরম্ভ হয়, সেই ছাত্রজীবনে বালকগণের কতকগুলি গুণ আয়ত্ত্ব করা কর্তব্য। তাহার কষ্টসহিষ্ণু হওয়া উচিত।

পরিচ্ছদাদি সরল ও সামান্ত হওয়া উচিত। তদ্বারা তাহার দেহ সবল ও সুস্থ হইবেক। ঐ গুণ লাভ জন্ত প্রত্যুষে শয্যা-ত্যাগ ও স্নানভ্যাস কর্তব্য। পরিমিতাহারী হওয়া উচিত। প্রচুর পরিশ্রম করা কর্তব্য, ভোগবিলাস ও আলস্য দূর করা

উচিত। এই নিয়মে যে বালক কিছু দিন আছে তাহার সহিত যে বালক সৃষ্যোদয় কাল পর্য্যন্ত নিদ্রা যায়, অতি ভোজনে প্রীত হয়, মিষ্টান্ন ও গুরুপাক দ্রব্য ভোজন করে, দৈহিক পরিশ্রম করিতে কুণ্ঠিত হয়, অধিকাংশ সময়ে কোমল শয্যায় ক্ষেপণ করে, তাহার তুলনা কর দেখিবে প্রথমোক্তটী কশ্মঠ, বলিষ্ঠ, সাহসী ও কালে স্বাস্থ্যশালী বলবান্ মনুষ্য হইবে, শেষোক্তটী স্থূলকায় অলস বা অত্যন্ত কৃশ ও দুর্বল এবং চিররোগী হইবেক।

ছাত্রের পরিশ্রম সহিষ্ণুতা, গুরুজনের আজ্ঞানুবর্তিতা, নম্রতা ও কশ্মতৎপরতা প্রয়োজন ; এই সময়ই জীবন সংগ্রামের জন্ত প্রস্তুত হইবার সময়। বড় হইয়া যাহাতে কাজের লোক হইতে পারে এজন্ত পরিশ্রম করিয়া জ্ঞানার্জন করা কর্তব্য। গুরুজনের বহু দর্শনজনিত জ্ঞানের দ্বারা চালিত হইয়া আত্মোন্নতি সাধনের নাম তাহাদের আজ্ঞানুবর্তন। তাহাতে প্রথম বয়সে অনেক কষ্ট হইতে রক্ষা পাওয়া যায় ; যে ব্যক্তি আজ্ঞানুবর্তন করিতে জানে সেই শাসন করিবার উপযুক্ত হয়। নম্রতা গুণে তাহার শীঘ্রই উন্নতি হয়, কারণ সকলেই নম্র ব্যক্তিকে নিজস্বের ভাগ দিতে প্রস্তুত। এবং বিদ্যালয়ে বা পরিবার মধ্যে কশ্মতৎপরতা অভ্যাস করিলে শেষে মানব সমাজের কাজে জীবনপাত করিতে শেখা যায়।

ছাত্রজীবনে চিন্তায় ও কার্যে পবিত্র হওয়া কর্তব্য ; দেহে ও মনে ব্রহ্মচর্য্য পালন করা উচিত। এই সময় হইতেই নিজ চিন্তাকে দমন করিতে শিক্ষা করা কর্তব্য। কারণ যে অপবিত্র চিন্তা করে না, তাহাকে অপবিত্র কার্য্য করিতে হয় না। তাহার দ্বীপুং ভেদ

চিন্তা করা কর্তব্য নয়, বৃথা চিন্তাও মনে স্থান দেওয়া উচিত নয়। যে মনে ও দেহে পবিত্রাচারী সেই গার্হস্থ্য জীবন সুখে অতিবাহিত করিতে সমর্থ হয়। ছাত্র ব্রহ্মচারী, ব্রহ্মচর্য্যই তাহার কর্তব্য। প্রাচীন বিধি উল্লঙ্ঘন পূর্ব্বক ছাত্র জীবনে বিবাহ হইলে অকাল বার্দ্ধক্য, দুর্ব্বলতা পীড়া, জাতীয় অধঃপতন ঘটয়া থাকে।

বিবাহের পরেই গার্হস্থ্যজীবন আরম্ভ হয়। যখন যুবা তাহার শিক্ষা সমাপ্ত করিয়া গৃহস্থের ভার গ্রহণের উপযুক্ত হয়, তখনই বিবাহিত হইয়া এই আশ্রম গ্রহণ করা উচিত। সকল আশ্রমের মধ্যে এই আশ্রমই বড়ই প্রয়োজনীয়, কারণ গৃহস্থ অত্যাশ্রমিগণের ভরণপোষণকারী। মনুসংহিতায় লিখিত আছে।

“যথা বায়ুং সমাশ্রিত্য সর্ব্বৈ জীবন্তি জন্তবঃ।

তথা গৃহস্থমাশ্রিত্য বর্ত্তন্ত ইতরাশ্রমা ॥”

মনু ॥ ৬।৭৭

অর্থাৎ যেমন বায়ুর আশ্রয়ে সর্ব্বজন্তু জীবিত আছে, তেমনি গৃহস্থের আশ্রমে অত্যাশ্রমিরা জীবন ধারণ করেন।

সমাজ ও পরিবারের উন্নতি তুল্যরূপে উপযুক্ত গৃহস্থের উপর নির্ভর করে, তাহাদের সুখও সম্পদ গৃহস্থের আয়ত্বাধীন। সংপতি, সংপিতা, সংপ্রভু, সংস্বভাব দেশবাসী মানবকুলের শিরোমণি। গৃহই নিঃস্বার্থতা, সহানুভূতি, কোমলতা, মিতাচার, পবিত্রতা, সাহায্যকারিতা, বিজ্ঞতা, পরিশ্রম, ত্রায়ণরতা ও দয়া শিক্ষা করিবার উপযুক্ত শিক্ষাগৃহ। গৃহীর যে সমস্ত গুণ থাকিলে উত্তম গৃহস্থ হওয়া যায়, সন্ন্যাসীর সে সমস্ত গুণ থাকিলে তিনি স্বার্থ মাধুপদ-



বাচ্য হইতে পারেন। উত্তম গৃহস্থ যেক্রপ স্বীয় পরিবারে ও সমাজে ব্যবহার দেখান, যিনি সকলের সহিত সেইরূপ ব্যবহার করিয়া থাকেন তাঁহাকেই সাধু অথবা সন্ন্যাসী বহে। গার্হস্থ্য জীবনের অপব্যবহারে আমাদের সামাজিক জীবন ক্রমে হীন হইতেছে। বর্তমান বাল্যবিবাহের যুগে লোকের ছাত্রজীবন ও সাংসারিক জীবন উভয়ই ক্ষতিগ্রস্ত হয়। ইহাতেই আমাদের গার্হস্থ্য জীবনে পূর্ব-যুগের গান্ধীর্ষ্য ও মহত্ত্ব নষ্ট হইয়া গিয়াছে। ছাত্রজীবনে বিবাহিত হইলে উভয় অবস্থারই বিশৃঙ্খলা ঘটয়া ইতোভ্রষ্টস্ততোনষ্টাবস্থা ঘটয়া থাকে। অপক্ককল ছিন্ন করিয়া ভক্ষণ করিলে পক্ষফলের আশ্বাদ লাভ ঘটে না। কোনও সময়ে কতকগুলি সঙ্কশজ তরলমতি ব্রাহ্মণঘৃণা উপযুক্ত কালের পূর্বে গৃহত্যাগ করিয়া অরণ্য আশ্রয় করিয়া যতিধর্ম গ্রহণ করিয়াছিলেন। ইন্দ্র তাহাদের প্রতি সদয় হইয়া স্বর্ণময় পক্ষীদেহ ধারণ পূর্বক উপদেশ দিয়াছিলেন। গৃহে গমন করিয়া গার্হস্থ্যধর্ম পালন কর। গৃহস্থ্যশ্রম ধর্মশিক্ষার উপযুক্ত ক্ষেত্র। এই আশ্রম অতি পবিত্র। দেবপূজা, অধ্যয়ন, সংসারী হইয়া পুত্র উৎপাদন পূর্বক পিতৃধন পরিশোধ প্রভৃতি কার্যের ত্রায় কঠোর তপস্যা আর কি আছে? গার্হস্থ্য ধর্মের গুরুভার বহন কর। যাহারা কর্তব্যত্যাগ করে তাহারা পানী। যে ক্ষুধিতের ক্ষুধা দূর করিয়া অবশেষ দ্বারা কোনওরূপে ক্ষুদ্রিবৃত্তি করে সেই যজ্ঞাশিষ্টমৃতভোজী। এই গল্পটা মহাভারতের শাস্তি-পর্বে বিদ্যুত ভাবে বর্ণিত আছে।

যখন গৃহস্থ ছাত্রগণকে সমস্ত কর্তব্য ভার বহনের উপযুক্ত দর্শন

করিবেন, যখন নিজদেহে বয়োচিক্কুর আবির্ভাব দর্শন করিবেন, যখন সন্তানের সন্তান উৎপন্ন হইবে তখন তিনি সঙ্গীক গার্হস্থ্যত্যাগ করিয়া নির্জনবাসের উপযুক্ত হইবেন। বর্তমান সময়ে অপেক্ষাকৃত নিজনে আত্মচিন্তা ও শাস্ত্রালাপ পূর্বক অল্প বয়স্কগণকে উপদেশ দ্বারা উপযুক্ত করিলেই তৃতীয়াশ্রমের কার্য সম্পন্ন হইতে পারে।

অবশেষে বৃদ্ধ বয়সে মানব যথার্থ চতুর্থাশ্রমে প্রবেশের উপযুক্ত হন ; তখন তাহার ধ্যান ধারণা ও পূজাদি ব্যতীত কার্য্যাস্তর নাই। তাহার পর ধীরে ধীরে মৃত্যুপথে গন্তব্যস্থানে গমন পূর্বক, সুন্দর-ভাবে অতিবাহিত জীবনের ফলভোগ ও ইহলোকে আগমন পূর্বক পুনরায় উন্নতি লাভ করিয়া থাকেন।

\* \* \*

ব্রহ্মচারী গৃহস্থশ্চ বানপ্রস্থো যতিস্তথা ।

এতে গৃহস্তপ্রভবাশ্চত্বারঃ পৃথগাশ্রমাঃ ॥ ৮৭

(মহু ৬অ)

ব্রহ্মচারী গৃহী আর বানপ্রস্থ যতি ।

গৃহস্থ হইতে এই সবার উৎপত্তি ॥ ৮৭

\* \* \*

বেদানধীত্য বেদো বা বেদং বাপি যথাক্রমং ।

অবিপ্লুতব্রহ্মচর্য্যো গৃহস্থাশ্রমমাবিশেৎ ॥ ২

(মহু ৩অ)

তিন, দুই কিম্বা এক বেদ অধ্যয়ন ।

ক্রম মতে সমাপিবে করিয়া যতন ॥

তার মাঝে ব্রহ্মচর্যা ভঙ্গ না করিবে ।

পরে সে আশ্রম ত্যজি গার্হস্থ্যে পশিবে ॥ ২ ॥

\* \* \*

গৃহস্থস্ত যদা পশ্যেৎ বলীপলিতমাত্মনঃ ।

অপত্যস্ত তথাপত্যং তদারণ্যং সমাশ্রয়েৎ ॥ ২ ॥

বনেষু তু বিহৃত্যৈবং তৃতীয়ং ভাগমায়ুষঃ ।

চতুর্থমায়ুষো ভাগং ত্যক্ত্বাসঙ্গান্ পরিব্রজেৎ ॥ ৩৩ ॥

( মনু ৬ অ )

যখন পলিতকেশ বলীযুক্ত দেহ

পুত্রের তনয় তবে করি দরশন ।

গৃহস্থ তখন নিজে ত্যাগ করি গেহ

সংসার আসক্তি ছাড়ি পশিবে কানন ॥ ২ ॥

বনমাঝে এইরূপে করিবে যাপন

তৃতীয়াংশ জীবনের, অফুল্লিত মনে ।

চতুর্থাংশ অবশেষে করিতে যাপন

সর্বসঙ্গত্যাগেবন সন্ন্যাস গ্রহণে ॥

\* \* \*

অনধীত্য দ্বিজো বেদানহংপাত্ত তথা প্রজাম্ ।

অনিষ্টা টৈচব যজ্ঞৈশ্চ মোক্ষমিচ্ছন্ ব্রজত্যাগঃ ॥ ৩৭ ॥

( মনু ৬ অ )

যেই দ্বিজ বেদ অধ্যয়ন নাহি করি ।

পরে প্রজা উৎপাদন চেষ্টা পরিহরি ॥

যাগযজ্ঞে না তুষিয়া দেব পিতৃগণ ।  
মোক্ষ আশে বাহিরিলে অবশ্য পতন ॥

\* \*

অনারোগ্যমনাশ্চাম্যমস্বর্গ্যং চাতিভোজনং ।  
অপুণ্যং লোকবিদ্বিষ্টং তন্মাত্তং পরিবর্জয়েৎ ॥ ৫৭  
( মনু ২অ )

অতি ভোজনের দোষ করহ শ্রবণ ।  
রোগের আকর তাহা জানে সর্বজন ॥  
আয়ুঃ, স্বর্গ, পুণ্য আর তাহে নষ্ট হয় ।  
লোকের অপ্রিয়, তারে ত্যজিবে নিশ্চয় ॥ ৫৭

\* \*

নোদিতো গুরুণা নিত্যং অপ্রণোদিত এব বা ।  
কুর্যাদধ্যয়নে যত্নং আচার্য্যশ্চ হিতেষু চ ॥ ১৯১  
বর্জয়েৎপুমাংসঞ্চ গন্ধমালাং রসাংস্ত্রিয়ঃ ।  
শুভ্রানি চৈব সর্বাণি প্রাপিনাং চৈব হিংসনং ॥ ১৭৭  
কামং ক্রোধং চ লোভং চ নর্ভনং গীতবাদনং ॥ ১৭৮  
দ্যুতং চ জনবাদঞ্চ পরিবাদং তথানুতং ॥ ১৭৯  
একঃ শরীত সর্বত্র ন রেতঃ স্কন্দয়েৎকচিৎ ।  
কামাক্ষি স্কন্দয়ন্ রেতো হিনস্তি ব্রতমাশ্রনঃ ॥ ১৮০  
( মনু ২অ )

গুরুআদেশ কিম্বা বিনা আদেশেতে ।  
হবে অধ্যয়নে রত আর গুরু হিতে ॥ ১৯১

মত্ত মাংস গন্ধ মাংসে রস আর নারী ।  
 শুভ্র, আর ইচ্ছা সর্বজীব হিসাংকারী ॥  
 কাম, ক্রোধ, লোভ, মৃত্যু, বাত্মগীত আর ।  
 দ্যুতক্রীড়া, নিন্দা মিথ্যা কর পরিহার ॥  
 একাকী প্রশান্ত চিত্তে শয়ন করিবে ।  
 রেতের স্কন্দনকার্য যতনে ত্যজিবে ॥  
 কাম হতে রেতঃ স্কন্দনের ইচ্ছা হয় ।

সে ইচ্ছার ত্রতনাশ জানিও নিশ্চয় ॥ ১৮০

যথা বায়ুঃ সমাশ্রিত্য সর্কে জীবন্তি জন্তবঃ ।  
 তথা গৃহস্থমাশ্রিত্য বর্জ্য ইতরাশ্রমাঃ ॥ ৭৭ ॥  
 সর্কেষামপি চৈতেষাং বেদশ্রুতিবিধানতঃ ।  
 গৃহস্থ উচ্যতে শ্রেষ্ঠঃ স ত্রীনেতান্ বিভর্তিহি ॥ ৮৯  
 যথা নদীনদাঃ সর্কে সমুদ্রে যান্তি সংস্থিতিং ।  
 তথৈবাত্মনিঃ সর্কে গৃহস্থে যান্তি সংস্থিতিং ॥ ৯০

( মনু ৩অ )

বায়ু সমাগমে যথা বাঁচে জীবগণ ।  
 সেরূপ গৃহস্থাশ্রয়ে অপর আশ্রম ॥  
 বেদশ্রুতি অনুসারে ইহা সবাকার ।  
 গৃহস্থ সবার শ্রেষ্ঠ পেন্নে রক্ষাতার ॥ ৮৯  
 নদ নদী করে যথা সমুদ্রে আশ্রয় ।  
 গৃহস্থ—আশ্রয় তথা অত্যাশ্রমী লয় ॥ ৯০

অনাশ্রিতকর্মফলং কার্যং কর্ম করোতি যঃ ।

স সন্ন্যাসী চ যোগী চ ন নিরগ্নির্চাক্রিয়ঃ ॥ ১

( গীতা ৬অঃ )

কর্মফল আশা করি পরিহার

কর্তব্য ভাবিয়া মনে ।

বিহিত কর্ম করে যেই জন

সতত শ্রদ্ধার সনে ॥

তিনিই সন্ন্যাসী যোগী সেই জন

সন্দেহ কি আছে তায় ।

নিরগ্নি অক্রিয় হইলেই শুধু

সন্ন্যাসী না হওয়া যায় ॥ ১



## সপ্তম অধ্যায় ।



### চাতুৰ্বৰ্ণ ।

জীবাশ্মা জন্ম মরণ চক্রে অসংখ্য বার যাতায়াত প্রসঙ্গে ক্রমে ক্রমে চারিটী অবস্থা প্রাপ্ত হইয়া থাকেন । প্রাচীন কালে ইহাকেই বর্ণবিভাগ বলা হইয়াছে । তাহাই মানব ধৰ্ম্ম শাস্ত্রের সামাজিক বর্ণ বিভাগের হেতু ।

এই বর্ণ বিভাগ ।—সকল জীবাশ্মাকেই ক্রমে ক্রমে এই চারি বর্ণ আশ্রয় করিতে হয় । সনাতন ধৰ্ম্মের বিশেষত্ব এই, যে চাতুৰ্বৰ্ণ বিভাগই সমাজের মেরুদণ্ড স্বরূপ । প্রাচীন কালে সকল জাতি ঐ সকল অবস্থার অনুরূপ হইত । জীবাশ্মা প্রত্যেক অবস্থার অনুরূপ বর্ণে জন্ম গ্রহণ করিতেন । কাজেই সমগ্র সনাতন ধৰ্ম্মসমাজ, সন্তুষ্ট ও ক্রমোন্নতি বিশিষ্ট ছিল । কুরুক্ষেত্রে অৰ্জুনের যে ভীতি উৎপন্ন হইয়াছিল, পরবর্তী কালে তাহা পূর্ণ হইয়াছে । এখন আৰ্য্যাবৰ্ত্তে ও সমস্ত ভারতে বর্ণ সঙ্করতা দোষ ঘটিয়াছে, এখন জীবাশ্মা উপযুক্ত বর্ণ মধ্যে না জন্মিয়া কেবল উপযুক্ত দেহেই জন্মিতেছেন, সেই জন্ত বর্তমান সময়ে সমাজে বিশৃঙ্খলা উপনীত হইয়াছে । কিরূপে সুব্যবস্থা পুনঃ স্থাপিত হইতে পারে, তাহার মীমাংসা করা উপযুক্ত ব্যক্তিগণের কার্য্য ; তাহা বালকগণের চিন্তার বিষয় নহে । এইরূপে বর্ণের যুগ্মার্থ অর্থ বিচার প্রয়োজন ।

আমরা বলিয়াছি বর্ণ চারিটি—প্রথমটীতে জীবাশ্মার শৈশব, বালকভাব ও যুবাবস্থা অতিবাহিত হয়। তিনি তখন যুবজনোচিত ধর্ম, আজ্ঞানুবর্তিতা, কার্যতৎপরতা ও ধৈর্য্য শিক্ষা করেন। তখন তাহার দায়িত্ব অতি অল্পই থাকে তখন তাহার কর্তব্য কেবল সেবা। যদি বর্ণসাক্ষ্য না থাকে তবে ঐরূপ অবস্থায় জীবাশ্মা সমাজের নিম্ন বর্ণেই জন্মগ্রহণ করেন এবং শ্রমজীবী, শিল্পী, ভৃত্য প্রভৃতি হইয়া তিনি সে জন্মগুলি অতিবাহিত করেন। সনাতন ধর্মের সামাজিক নিয়মানুসারে তাহারা শূদ্র। এই বর্ণসাক্ষ্য সময়ে ঐরূপ জীবাশ্মা ভারতের শূদ্রবর্ণে বা অন্ত্র উপযুক্ত জাতিতে জন্মিলে স্নেহে সন্তোষে স্বীয় প্রয়োজন সিদ্ধ করে। কিন্তু উচ্চবংশে জন্মিলে এবং তাহাদের স্বল্পে উচ্চভার পড়িলে সাধারণের বড়ই অনিষ্টকারী হইয়া উঠে। সেইরূপ বিকাশ প্রাপ্ত জীবাশ্মার নীচ জাতিতে জন্ম হইলেও বড়ই বিপত্তি ঘটে। তবে যে জীবাশ্মার যথার্থ উন্নতি ঘটিয়াছে, তিনি যে জাতিতেই জন্মগ্রহণ করুন না কেন তাহাতেই সন্তুষ্ট থাকেন। কিন্তু অর্ধবিকাশ প্রাপ্ত জীবাশ্মা স্বভাবতঃ অনুপযুক্ত দেশকালের সহিত বিরোধ ঘটাইয়া ঈশ্বরেচ্ছায় বিকাশ প্রাপ্ত হইয়া উপযুক্ত পরিবর্তন সাধন করে।

দ্বিতীয় অবস্থা, জীবাশ্মার পূর্ণতার প্রথমার্ধ; এই সময়ে তিনি ধনার্জন ও তাহার ভোগের সদ্যবহারের উপযুক্ত হন। এই সময়ে তাহার যত্নে পরিশ্রমকার্যের ব্যবস্থা হয়, দায়িত্ব পরিচালনের ক্ষমতা জন্মে এবং সঞ্চিত ধনের সদ্য্য করিবার সামর্থ্য হয়। ইহারা ই ব্যবসায়ী অথবা তদনুরূপ কার্যের মেতা হন। সনাতন ধর্ম্যানুসারে



এইরূপ জীবাত্মার বৈশ্ববর্ণে জন্মিবার কথা, ইহারা ধন সঞ্চয় ও সাধারণের উন্নতিকর কার্যে জীবন ক্ষেপ করেন।

তৃতীয় অবস্থা জীবাত্মারা পূর্ণতার দ্বিতীয়াংশ। তখন তাঁহার দায়িত্ব ও ক্ষমতা বর্ধিত হইয়া জাতিকে আশ্রয় করে; তিনি তখন ব্যবস্থাপক, শাসন কর্তা ও রাজ্যের জন্ত নিঃস্বার্থভাবে কার্য্য করিতে থাকেন। তখন তাঁহার ক্ষমতা সঞ্চয়ের জন্ত নহে, কেবল লোক রক্ষা ও পালনের জন্ত। ইহারা রাজা, বিচারক, ব্যবস্থাপক ও যোদ্ধা হন। সনাতনধর্ম্মের সামাজিক নিয়মে এইরূপ জীবাত্মার ক্ষত্রিয় হইবার কথা, সেই দেহে তাঁহাকে রাজা ও যোদ্ধা হইতে হয়।

চতুর্থ অবস্থা, জীবাত্মার প্রশান্ত অবস্থা; তখন পার্থিব বস্তুতে আর তাঁহাকে মোহিত করিতে সমর্থ হয় না। তখন তিনি নব জীবাত্মাগণের উপদেষ্টা বন্ধু ও সাহায্যকারী। ইহারাষ্ট সর্ব্বজাতীয় পুরোহিত, উপদেষ্টা, সর্ব্ববিধ শিক্ষক, গ্রন্থকার, বৈজ্ঞানিক, কবি ও তত্ত্বজ্ঞানীরূপে আবির্ভূত হইয়া থাকেন। সনাতনধর্ম্মের বিধি অনুসারে এই সকল জীবাত্মা ব্রাহ্মণকূলে জন্ম গ্রহণ পূর্ব্বক অত্যন্ত উন্নত অবস্থা প্রাপ্ত হইয়া থাকেন। ইহাদের অভাব অতি অল্প, দায়িত্ব অত্যন্ত অধিক। ইহারা অতি উন্নত ও নিঃস্বার্থভাবে পূর্ণ। বর্ণসঙ্করতাবশে এই বর্ণের অত্যন্ত অধঃপতন ঘটিয়াছে। কারণ যাহা ভাল তাহার বিকৃতি অত্যন্ত মন্দ হইয়া থাকে। ব্রাহ্মণদেহে শুদ্ধ জীবাত্মা সনাতনধর্ম্মের পক্ষে অত্যন্ত অনিষ্টজনক। একবর্ণের লোক ভিন্ন বর্ণের কার্য্যাধিকার গ্রহণ করাতে অত্যন্ত

অনিষ্টের উৎপত্তি হইতেছে। আপন আপন বর্ণাধিকার যে সমস্ত দায়িত্ব প্রদান করে, সকলে তাহা ভুলিয়া কেবল অধিকারের বিষয় লইয়া ব্যস্ত বলিয়া আরও অধিক বিপত্তি ঘটতেছে। ব্রাহ্মণ ও ক্ষত্রিয়গণ স্ব স্ব অধিকার প্রাপ্তির জন্ত বড়ই ব্যগ্র, কিন্তু তাঁহাদের বর্ণগত দায়িত্বের কথা একবার ভাবিতে চান না। এই কারণেই স্বভাবতঃ বিরোধ উপস্থিত হইতেছে, এখন পরস্পর শত্রুতা হেতু আর পূর্বের শ্রায় সাপেক্ষতা নাই, সেইরূপ সম্ভাবও নাই। এই জন্ত বর্ণধর্ম এক্ষণে বিপত্তির কারণ হইয়া উঠিতেছে। উহা আর পূর্বের শ্রায় সমাজের মেরুদণ্ডরূপে রক্ষাকার্য্য করিতেছে না।

প্রত্যেক বালক সমাজের সুখময় অবস্থা স্থাপন কল্পে এই টুকু করিতে পারেন যে তাঁহাদের যাহার যে বর্ণধর্ম তদনুরূপ গুণসঙ্গমে যত্ববান হইতে পারেন, এবং উচ্চাধিকার লাভে ব্যস্ত হইয়া গর্ব ও মিথ্যা সন্মান লালসায় ব্যস্ত না থাকেন। শূদ্র পরিশ্রম, বিশ্বাস ভাজনতা এবং কর্ম্মতৎপরতা অভ্যাস করুন। বৈশ্য অর্থসায়ী, দাতা ও সদসদ্বিচারকারী হউন। ক্ষত্রিয় সাহসী, সদাচারী ও বলবান হইতে যত্ন করুন। ব্রাহ্মণ সহিষ্ণুতা পবিত্রতা বিদ্যা ও সত্যবাদিতা ও আত্মত্যাগ অভ্যাস করুন। বোধ হয় এইরূপে সকলে স্ব স্ব ধর্মপালনে যত্ববান হইলে, ক্রমে ক্রমে বর্ণসঙ্করতা লোপ হইতে পারে।

\*\*\*

ব্রাহ্মণোহস্ত মুখমাসীং বাহু রাজহঃ কৃতঃ।

উরুতদন্ত যদৈশ্বঃ পদ্যাং শূদ্রো অজায়ত ॥

( ঋক্ ১০।৯০।১২ )

ব্রাহ্মণ তাঁহার মুখ, বাহু ত রাজত্ব ।

দুই উরু বৈশ্ব আর পদ শূদ্রবর্ণ ॥ ১২

সৰ্ব্বশাস্ত্র তু সৰ্গশ্চ গুপ্তার্থং স মহাত্ম্যতিঃ ।

মুখবাহুরূপজ্ঞানাং পৃথক্ কৰ্ম্মাণ্যকল্পয়ৎ ॥ ৮৭

অধ্যাপনমধ্যয়নং যজনং যাজনং তথা ।

দানং প্রতিগ্রহং চৈব ব্রাহ্মণানামকল্পয়ৎ ॥ ৮৮

প্রজানাং রক্ষণং দানং হিজ্যাধয়নমেবচ ।

বিষয়েষপ্রসক্তিং চ ক্ষত্রিয়শ্চ সমাদিশৎ ॥ ৮৯

পশুনাং রক্ষণং দান মিজ্যাধয়ন মেবচ ।

বাণিকপথং কুসীদং চ বৈশ্বশ্চ কৃষিমেবচ ॥ ৯০

একমেবতু শূদ্রশ্চ প্রভুঃ কৰ্ম্ম সমাদিশৎ ।

এতেষামেব বর্ণানাং শুশ্রূষামনুয়য়া ॥ ৯১

( মনু ১ অ )

সেই মহাত্ম্যতি সৃষ্টি রক্ষণের তরে ।

ব্রাহ্মণ আদির কৰ্ম্ম নির্দেশিলা পরে ॥ ৮৭

অধ্যাপন, অধ্যয়ন, যজন, যাজন ।

দান, প্রতিগ্রহ কৰ্ম্ম করিবে ব্রাহ্মণ ॥ ৮৮

প্রজার রক্ষণ, দান, যজ্ঞ, অধ্যয়ন ।

বিষয়েতে অনাসক্তি করে ক্ষত্রিয়গণ ॥ ৮৯

পশুরক্ষা, দান, যজ্ঞ, অধ্যয়ন আর ।

বাণিজ্য, কুসীদ, কৃষি বৈশ্ব ব্যবহার ॥ ৯০

বর্ণত্রয় সেবা হয়ে অস্বাভাবীন ।

শুদ্র তরে বিধির এ বিধি চিরদিন ॥ ৯১

\* \* \*

যন্ত যল্লক্ষণং প্রোক্তং পুংসো বর্ণাভিব্যঞ্জকং ।

তদন্ত্রাপি দৃশ্যেত তৎ তথৈব বিনির্দিশেৎ ॥ ৩৫

( শ্রীমদ্ভাগবৎ ৭।১১ )

যে বর্ণের যে লক্ষণ শাস্ত্র ব্যবহার ।

অন্ত বর্ণে প্রকাশ দেখিতে পেলে তার ॥

বর্ণ অনুরূপ কার্যে নিযুক্ত করিবে ।

স্বনিশ্চয় তাহে কিছু দোষ না হইবে ॥ ৩৫

\* \* \*

ন যোনি নাপি সংস্কারো ন শ্রুতং ন চ সন্ততিঃ ।

কারণানি বিজত্ব বৃত্তমেব তু কারণং । ১০৮ ॥

( মহাভারত বনপর্ক ৩।১৩ অ )

জন্ম কিস্বা সংস্কারেতে বেদ অধ্যয়নে ।

কিস্বা সে ব্রাহ্মণবংশে জনম কারণে ॥

বিজত্ব না লব্ধ হয় কহিলু নিশ্চয় ।

ব্রাহ্মণের আচারেতে ব্রাহ্মণত্ব হয় ॥ ১০৮

\* \* \*

সত্যং দানং ক্ষমানীলমানুষং তপোয়ুগা ।

দৃশ্যন্তে যত্র নাগেন্দ্র স ব্রাহ্মণ ইতি স্মৃতঃ ॥ ২১

শূদ্রেতু যন্তবেল্লক্ষ্যং দিচ্ছে তদ্ধি ন বিত্ততে ।

নৈব শূদ্রো ভবেচ্ছূদ্রো ব্রাহ্মণো ন চ ব্রাহ্মণঃ ॥ ২২

যত্রৈতল্লক্ষ্যতে সৰ্প বৃত্তং স ব্রাহ্মণঃ স্মৃতঃ ।

যত্র নৈতৎ ভবেৎ সৰ্প তং শূদ্রমিতি নির্দিশেৎ ॥ ২৩

( মহাভারত বনপর্ব ১৮০ অঃ )

সত্য, দান, ক্ষমাশীল, আনুশংসু আর ।

তপস্বী কারুণ্যভাব যে দেহে সঞ্চার ॥

হে নাগেন্দ্র দেখিবারে পাবে যেইখানে ।

সে দেহ ব্রাহ্মণ দেহ শাস্ত্রের প্রমাণে ॥ ২১

শূদ্রেদেহে যদি থাকে এ সব লক্ষণ ।

সে দেহ ত শূদ্র নয় সেজন ব্রাহ্মণ ॥

ব্রাহ্মণে না থাকে যদি এই গুণচয় ।

ব্রাহ্মণ সে জন নহে নাহিক সংশয় ॥ ২৫

হে সৰ্প দেখিবে যথা ব্রাহ্মণ আচার ।

ব্রাহ্মণ জানিও সেই সন্দেহ কি তার ॥

না দেখিবে যথা তুমি এ সব আচার ।

শূদ্র তারে জেনো মনে কহিলাম সার ॥ ২৬

\* \* \*

আচারহীনং ন পুনস্তি বেদা

যন্তপ্যবীতা সহ যড়্ভিরঙ্গৈঃ ।

ছন্দাংশ্চেনং মৃত্যুকালে ত্যজন্তি

নীড়ং শকুন্তা ইব জাতপক্ষাঃ ॥ ৩

আচারহীনশ্রু তু ব্রাহ্মণশ্রু

বেদা ষড়ঙ্গাঙ্কখিলাঃ সমজ্ঞাঃ ।

কাং প্রীতিমুৎপাদয়িতুং সমর্থ্য

অঙ্কশ্রু দারা ইব দর্শনীয়্যাঃ ॥ ৪

( বশিষ্ঠসংহিতা ৬ অঃ )

ছয় অঙ্গ সনে বেদ করি অধ্যয়ন ।

পবিত্র না হয় অনাচারী সেই জন ॥

জাতপক্ষ পক্ষী নীড় ত্যজে যেই মত ।

মৃত্যুকালে ত্যজে তারে ছন্দোগণ যত ॥ ৩

অঙ্কের হইলে যথা সুন্দরী কামিনী ।

নয়ন রঞ্জিনী তার নাহি হন তিনি ॥

সেরূপ ষড়ঙ্গ বেদ যজ্ঞের সহিত ।

অনাচারী ব্রাহ্মণের নাহি সাধে চিত ॥ ৪



# ততীয় খণ্ড।



## প্রথম অধ্যায়।

### নীতিবিজ্ঞান কি ?

বিজ্ঞান বলিলে বিশিষ্টরূপে সুশৃঙ্খলানিবদ্ধ জ্ঞান বুঝায়, বিজ্ঞানের সত্য সমুদায় পরস্পর সাপেক্ষ। কতকগুলি তত্ত্বের সমষ্টি বিজ্ঞান পদ বাচ্য হইতে পারে না। তত্ত্বগুলি সুশৃঙ্খলার সহিত পরস্পর সম্বন্ধ ভাবে সজ্জিত হওয়া প্রয়োজন। এবং সেই সমুদায় সম্বন্ধের কারণগুলিও সুপ্রমাণিত হওয়া কর্তব্য, তবে তাহা বিজ্ঞানপদ বাচ্য হইতে পারে। নীতি শব্দে মনুষ্যগণের পরস্পরের ও ইতর জন্তুর প্রতি ব্যবহার বুঝায়। সুতরাং নীতিবিজ্ঞান বলিলে কতকগুলি পাপ পুণ্যের তালিকা বুঝায় না, কিন্তু পরস্পরের প্রতি যথোচিত ব্যবহারের সুসম্বন্ধ নিয়মাবলী ও তাহার মূলতত্ত্ব নির্ণয়-কারক শাস্ত্র বুঝায়।

নীতিশাস্ত্রের নামান্তর ধর্মনীতি। সদস্য জ্ঞানের জন্ত মানব সম্বন্ধে ও তাহার চতুষ্পার্শ্বস্থ বিষয় সম্বন্ধে জানা প্রয়োজন। ধর্ম-নীতির উদ্দেশ্য সর্ব জীবের মঙ্গল সাধন। মানবগণকে ঐ ব্যবহার

বিজ্ঞানের সাহায্যে ক্রমে পরস্পরকে লইয়া ও চতুষ্পার্শ্বস্থ জীব-  
গণকে লইয়া সুশৃঙ্খলে জীবনযাত্রা নির্বাহ করিতে হয়, তাহা  
নির্দিষ্ট আছে। ঈশ্বর প্রেমময় ; সমস্ত বিশ্বের সুখই তাঁহার ইচ্ছা।  
সেই ইচ্ছাবলেই ক্রমে বিশ্ব সুখরাজ্যেই পরিণত হইবে। ইহা দ্বারা  
একরূপ বুঝিবার প্রয়োজন নাই যে, সন্ধ্যায় মাত্রই সকলের প্রীতিকর  
এবং অসৎ মাত্রই সকলের অপ্রিয় হইবেক ; কিন্তু ইহার অর্থ এই  
যে, যেকোন আচার দ্বারা চিরস্থায়ী সুখলাভ হয়, ঈশ্বরের সহিত  
মিলনানন্দ লাভ হয় এবং শেষে মোক্ষ হয় তাহাই সৎ। যেমন  
গোশকটের চক্র ছুটি গরুর পশ্চাদ্গামী হয়, ছুঃখও সেইরূপ পাপের  
অনুগামী জানিবে। সেইরূপ ছুঃখও পবিত্রতার সহচর। মন্দ  
কার্যের ফল আপাততঃ মধুর হইলেও পরিণামে নিতান্ত কষ্টকর  
হয় ; কখন কখন বা চিরস্থায়ী পীড়ার হেতু হইয়া থাকে। যেমন  
কোনও অজ্ঞ শিশু বিষলতার সুন্দর ফল ভুলিয়া তাহার আপাত-  
মধুর গন্ধস্বাদে মোহিত হইয়া ভোজন পূর্বক অপরাহ্নে যন্ত্রণায়  
ছেট্‌ফট্‌ করিতে থাকে, সেইরূপ যে বালক আপাততঃ স্বল্প সুখা-  
শায় কুকার্য্য করে, তাহাকে নিশ্চয়ই পরিণামে অসহ্য যন্ত্রণা সহ্য  
করিতে হয়। ধর্ম্মনীতির শিক্ষকগণের প্রত্যেক পাণকে “বিষ”  
শব্দে চিহ্নিত করা উচিত।

\*  
\*  
\*

আচারলক্ষণো ধর্ম্মঃ সন্তুপ্তাচারলক্ষণাঃ।

আগমানাং হি সর্ব্বেষামাচারঃ শ্রেষ্ঠ উচ্যতে।



আচারপ্রভবো ধর্মো ধর্মাদায়ুর্বিবর্দ্ধতে ।  
 আচারাল্লভতে হায়ুরাচারাল্লভতে শ্রিয়ম্ ॥  
 আচারো কীর্তিমাশ্নোতি পুরুষঃ প্রেতা চেহ চ ;  
 ( মহাভারত অনুশাসন পর্ব ১০ম অঃ )

সদাচারে শুধু হয় ধর্মের লক্ষণ ।  
 সাধুর লক্ষণ সদাচার অনুক্ষণ ॥  
 আচার জানিও তুমি সর্ব শিক্ষা সার ।  
 আচারেই ধর্ম, ধর্মে আয়ু বৃদ্ধি আর ॥  
 তবেই আচার হতে আয়ুরক্তি হয় ।  
 আচারেই লক্ষ্মীলাভ কহিনু নিশ্চয় ॥  
 সদাচারী হয় যেই পুরুষ সুজন ।  
 ইহ পরলোকে তার কীর্তি অনুক্ষণ ॥

\* \* \*

আচারঃ পরমো ধর্মঃ প্রত্যুক্তঃ স্মৃতি এব চ ।  
 তস্মাদস্মিন্ সদায়ুক্তো নিত্যং শ্রোত্বা আত্মবান্ দ্বিজঃ ১০৮  
 এবমাচারতো দৃষ্ট্বা ধর্মশ্চ মুনয়ো গতিং ।  
 সর্বশ্চ তপসো মূলং আচারং জগৃহঃ পরং ॥১১০  
 ( মনু ১ অঃ )

আচার ধর্মের সার শ্রুতি স্মৃতি কয় ।  
 আচার আশ্রয়ে দ্বিজ আত্মজ্ঞানী হয় ॥১০৮  
 আচার হইতে ধর্ম হেরি মুনিগণ ।  
 আচার তপের মূল করিলা গ্রহণ ॥১১০

\* \* \*

প্রভবার্থী ভূতানাং ধর্মপ্রবচনং কৃতং ।  
 যঃ শ্রাৎ প্রভবসংযুক্তঃ স ধর্ম ইতি নিশ্চয়ঃ ॥  
 ধারণাধর্মমিত্যাছধর্মেন বিধ্বতাঃ প্রজাঃ ।  
 যঃ শ্রাৎ ধারণসংযুক্তঃ স ধর্ম ইতি নিশ্চয়ঃ ॥  
 অহিংসার্থী ভূতানাং ধর্মপ্রবচনং কৃতং ।  
 যঃ শ্রাদহিংসয়া যুক্তঃ স ধর্ম ইতি নিশ্চয়ঃ ॥

( মহাভারত শান্তিপর্ব্ব রাজধর্ম ১০৯ অঃ )

সর্ব্বেষাং যঃ সুহৃদিত্যং সর্ব্বেষাঞ্চ হিতে রতঃ ।  
 কৰ্ম্মণা মনসা বাচা সধর্ম বেদ জাগ্রলে ॥

( মহাভারত শান্তিপর্ব্ব মোক্ষধর্ম ৮৮ অঃ )

সবার প্রভাব হেতু ধর্মের প্রচার ।  
 যাহাতে প্রভাব তাই ধর্ম জেনো সার ॥  
 ধারণ ধর্মের শক্তি, ধর্ম প্রজা রয় ।  
 যাহার ধারণ শক্তি সেই ধর্ম হয় ॥  
 প্রাণীর অহিংসা হেতু ধর্মের প্রচার ।  
 যাহা অহিংসায় যুক্ত তাই ধর্ম সার ॥  
 সবার সুহৃৎ যাহা সর্ব্বহিতে রত ।  
 কায়মনোবাক্যে তাই জান ধর্মমত ॥

\* \* \*

ন কুর্যাৎ কহিচিৎ তমস্তীত্রং তিতীরিষুঃ ।  
 ধর্মার্থকামমোক্ষাণাং যদত্যন্তবিঘাতকং ॥৩৪

তত্রাপি মোক্ষ এবার্থ আত্যন্তিকতয়েষ্যতে ।

ত্রৈবর্গ্যোহর্থো যতো নিত্যং কৃতান্তভয়সংযুতঃ ॥৩৫

( শ্রীমদ্ভাগবত ৪।২২ )

তমঃ তীব্রতর তুমি দেখ এ সংসার ।

বাঞ্ছা যদি থাকে এ সংসার তরিবার ॥

সর্ব সঙ্গ পরিহার কর অমুক্ষণ ।

সঙ্গই ধর্ম্মার্থ কাম মোক্ষের নাশন ॥৩৬

চারি বর্গ মধ্যে সুধু মোক্ষ জেন সার ।

অনিত্য ত্রিবর্গ আছে মৃত্যুভয় যার ॥৩৭

\* \*

ধর্ম্মং চ র্থং চ কামং চ যথাবৎ বদতাং বর ।

বিভজ্যকালে কালজ্ঞঃ সর্বান্ সেবেত পণ্ডিতঃ ॥৪১

মোক্ষো বা পরমং শ্রেয় এষাং রাজন্ সুখার্থিনাং ॥৪২

( মহাভারত বনপর্ব ৩০ অঃ )

হে জ্ঞানী, বক্তার শ্রেষ্ঠ কালজ্ঞ মুজ্ঞন ।

কালে কর ধর্ম্ম অর্থ কামের সেবন ॥৪১

কিন্তু রাজা সুখ আশা আছেয়ে যাঁহার ।

মোক্ষই পরম শ্রেয় সেই করে সার ॥৪২

## দ্বিতীয় অধ্যায় ।

### ধর্মই নীতি শাস্ত্রের ভিত্তি ।

ধর্মশাস্ত্রের প্রথম নির্দেশ “আত্মা এক” ; একথা পূর্বের আলোচনা করা হইয়াছে । যদিও আত্মার অসংখ্যত্ব দৃষ্ট হইতেছে, তথাপি ঐ সমুদায় সেই একের অংশ বা প্রতিকৃতি । সেগুলির স্বতন্ত্রত্ব ক্ষণিক, একত্ব চিরস্থায়ী । একটী সরোবর হইতে অসংখ্য পাত্র জল পূর্ণ করিয়া লওয়া যাইতে পারে, কিন্তু জল একই । অনন্ত সত্ত্বা সমুদ্রে ডুবাওয়া লইয়া জীবাত্মার জীবন সৃষ্টি করা হইয়াছে, কিন্তু সকলের প্রাণ একই পদার্থ । ধর্মশাস্ত্রের এই মূলতত্ত্বই নীতিশাস্ত্রের ভিত্তি ।\*

আর একটী দৃষ্টান্ত দ্বারা কথাটা একটু বিশদ হইতে পারে । সকল পদার্থে জগতের সর্বত্রই electricity বা তড়িৎ আছে ; ধর্মতলা হইতে গ্রামবাজার পর্যন্ত যে তার গিয়াছে তাহার সর্বস্থানেই তড়িৎ প্রবাহ বিদ্যমান আছে, কিন্তু সেই তড়িৎ শক্তির বিকাশ তারের সর্বস্থানে অথবা জগতের সর্বত্র নাই । তড়িতের বিশেষভাবে বিকাশের জন্ত, উপযুক্ত উপাধির অনুষ্ঠান করা আবশ্যক । যেখানে যেখানে তরুপযোগী অনুষ্ঠান করা আছে, সেই সেই স্থানেই তড়িতের দীপ জ্বলিতেছে বা তদ্বারা বায়ুবীজন হইতেছে কিম্বা যান ও সংবাদ বহন হইতেছে । কিন্তু দুইটী তড়িৎ ঝীপের অন্তর্বর্তী স্থান দীপশূন্য বলিয়া কি বলিতে হইবে যে ঐ স্থানে তড়িৎ নাই, না জগতের সর্বত্র সকল

সেইজন্য নীতিশাস্ত্রের মূলে আত্মার একত্ব প্রতিষ্ঠিত। কিন্তু শুধু তাহা হইলেই হইল না। একমেবাদ্বিতীয়ে “আমি” ও “তুমি” থাকিতে পারে না, কিন্তু আমাদের বিজ্ঞান তা “আমি” ও “তুমি”—সম্বন্ধ নির্ণয়ে ব্যস্ত। আমরা অনাঙ্গপদার্থের বহুত্ব দেখিতে পাই। ইহার অর্থ এই—বহু ভৌতিক উপাধি আছে, কিন্তু সকল উপাধির মধ্যেই সেই একমাত্র আত্মার প্রতিচ্ছবি বা অংশ বিদ্যমান। জগতে অসংখ্য দেহ ও মন আছে। এই সমস্ত দেহ ও মন পরস্পরের সহিত অমিশ্রিত; যে পর্য্যন্ত না সকল দেহ ও মন অগ্ৰাণ্ণ দেহ ও মনের সহিত ইন্দ্রিয় জ্ঞানে পৃথক হইলে ও চৈতন্য দ্বারা অনুপ্রাণিত বলিয়া বৃদ্ধিতে না পারা যায়, ততদিন তাহাদের যথার্থ সম্পর্ক উপলব্ধি হয় না। যাহা সকলের ইষ্ট বা অনিষ্ট সাধন করে সূতরাং অপরের অনিষ্ট কারলে আমরা নিজেরই অনিষ্ট সাধন করিয়া থাকি। যদি হস্ত নিজদেহের পদকে ছেদন করে, তাহা হইলে হস্ত হইতে রক্ত নির্গত হয় না বটে, কিন্তু কিয়ৎক্ষণ পরে হস্তকে রক্ত-স্রাব জনিত দুর্বলতা অনুভব করিতে হয়। কারণ একই রক্ত সমুদায় দেহে প্রবাহিত হইতেছে ॥ সমুদায় রক্তের উৎপত্তি স্থান এক। সেইরূপ একজন মনুষ্য যদি অপরকে আঘাত করে, তবে আঘাতকারীকেও আহতব্যক্তির স্থায় কষ্ট সহ্য করিতে হয়,

পরমাণুতে তড়িৎ নাই বা তড়িৎ সর্বব্যাপী নয়? অব্যক্ত অবস্থায় ইন্দ্রিয়-গোচর না হইলেও তড়িৎ সর্বত্র ব্যাপী। সেইরূপ অব্যক্তরূপে পরমাণুও সর্বব্যাপী; উপযুক্ত উপাধির সাহায্যে জীবাণুরূপে বিকশিত হয়।

তবে আঘাতকারী কিছু বিলম্বে কষ্ট বোধ করে এইমাত্র বিশেষ।

ইহাই যুক্তি দ্বারা সন্যবহারের মূলভিত্তি বলিয়া নির্ণীত হইয়াছে। বালকগণের প্রথমতঃ ঋষিবাক্য জ্ঞানে নীতিবাক্যগুলি স্বীকার করিয়া লওয়া কর্তব্য। কারণ তখনও তাহাদের সদস্য বিচারের সামর্থ্য হয় নাই। কিন্তু বয়োবৃদ্ধির সঙ্গে সঙ্গে তাহারা সনাতন ধর্মের সমুদায় অনুশাসনের প্রয়োজন যুক্তিবলে নির্ণয় করিতে সমর্থ হইবে।

এক আত্মা সকল জীবে আছেন। প্রত্যেক জীবাত্মা সেই পরমাত্মার অংশ বা প্রতিচ্ছবি। এই সত্যটী হৃদয়ে প্রথিত রাখিবার ভিত্তি শ্বেতাশ্বতেরোপনিষদের এই শ্লোকটী কর্তব্য রাখা কর্তব্য।

“একো দেবঃ সর্বভূতেষু গুঢ়ঃ

সর্বব্যাপী সর্বভূতান্তরাত্মা।

কর্মাধ্যক্ষঃ সর্বভূতার্ধিবাসঃ

সাধ্বী চেতাঃ কেবলো নিগুণশ্চ ॥

( শ্বেত ৬।২ )

এক ঈশ্বর সর্বভূতে গুঢ়ভাবে বর্তমান আছেন, ( যেমন এক-বিন্দু জলে জলের সমুদায় উপাদান গুপ্তভাবে বর্তমান, তেমনি ঈশ্বর প্রত্যেক পরমাণুতে পূর্ণভাবে বর্তমান আছেন )।

তিনি সর্বব্যাপী এবং সর্বভূতের অন্তরাত্মা। তিনি কর্মের অধ্যক্ষ এবং সর্বভূতের আশ্রয় স্থান। তিনি সাক্ষী, চেতন স্বরূপ, একমাত্র নিগুণ। এই কথা সকলের স্মরণ রাখা কর্তব্য যে, অপরের

অনিষ্ট করিলে নিজের অনিষ্ট হইয়া থাকে; ভগবান্ শ্রীকৃষ্ণ বলিয়াছেন—

“অহমাত্মা গুড়াকেশ সৰ্বভূতানুস্থিতঃ ।

অহমাদিশ্চ মধ্যাক্ষ ভূতানামস্ত এষ চ ॥২০৭

( গীতা ১০ অঃ )

হে গুড়াকেশ, আমি ভূতগণের অন্তরস্থিত আত্মা

এবং ভূত সমূহের স্রষ্টি স্থিতি ও আমি, লয় ও আমি ।

\* \* \*

একো দেবঃ সৰ্বভূতেষু গুঢ়ঃ

সৰ্বব্যাপী সৰ্বভূতানুরাত্মা ।

কশ্মাদাক্ষঃ সৰ্বভূতাবিবাসঃ

সাক্ষী চেতাঃ কেবলো নিগুণশ্চ ॥

( শ্বেতাশ্বতর ৬।১ )

সেই অদ্বিতীয় দেবতা প্রধান ।

সৰ্বভূতে গূঢ়রূপে বর্তমান ॥

সৰ্বব্যাপী তিনি আত্মা সবাকার ।

কশ্মাদাক্ষ সৰ্বভূতে স্থিতি তাঁর ॥

সাক্ষী তিনি, তিনি চেতন কারণ ।

কেবল, নিগুণ জগত জীবন ॥ ১১

\* \* \*

একত্বা সৰ্বভূতানুরাত্মা

রূপং রূপং প্রতিরূপো বভূব ॥ ১০

( কঠ ৫ ব্রহ্মী )

এক তিনি সৰ্বভূত-অন্তরাঙ্গা হয়ে ।

রয়েছেন বহু হয়ে নানারূপ লয়ে ॥

\* \* \*

যন্ত সৰ্বাণি ভূতানি আত্মন্যেবানুপশ্ৰুতি ।

সৰ্বভূতেষু চাত্মানং ততো ন বিজুগুপ্সতে ॥৬

যস্মিন্ সৰ্বাণি ভূতানি আত্মবাত্ত্ববিজানতঃ ।

তত্র কো মোহ কঃ শোক একত্বমনুপশ্ৰুতঃ ॥৭

( ঈশোপনিষৎ )

আত্মাতে যে জন দেখে সৰ্বভূতগণ ।

সৰ্বভূতে আত্মা আর করে দরশন ॥

ব্রহ্মজ্ঞান তাঁর হৃদে হয়েছে উদয় ।

কাহাকেও আর তাঁর ঘৃণা নাহি হয় ॥৬

যখন সকল ভূতে আত্মজ্ঞান হয় ।

জ্ঞানীর তখন কোথা শোক মোহ হয় ॥৭

\* \* \*

সৰ্বভূতস্বমাত্মানং সৰ্বভূতানি চাত্মনি ।

ঈক্ষতে যোগযুক্তাত্মা সৰ্বত্র সমদর্শনঃ ॥২০

( গীতা ৬ অঃ )

যোগবলে সমাহিত চিত্ত হয় যার ।

সবারে সমান জ্ঞান হয় ত তাঁহার ॥

সেই যোগী সৰ্বভূত দেখেন আত্মায় ।

আত্মাকে সকল ভূতে অভিন্ন দেখায় ॥২০



## তৃতীয় অধ্যায় ।



সং ও অসং ।

সং ও অসং এই দুই শব্দ সকলেই বলিয়া থাকে, কিন্তু এই দুই শব্দের প্রতিপাত্ত কি, তাহা সকলে জানে না। এইবার আমরা সেই দুই শব্দের বিষয় আলোচনা করিব।

ত্রিলোকের সহিত যে আমরা বিশেষ সম্বন্ধবন্ধনে আবদ্ধ, তাহা আমরা ইতিপূর্বে আলোচনা করিয়াছি। ঐ ত্রিলোকী ব্রহ্মা কর্তৃক সৃষ্ট, বিষ্ণু কর্তৃক রক্ষিত, শিব তাহার লয় সাধন করেন। আমরা কোনও নূতন ত্রিলোকীর কথা আলোচনা করিব, ইহাকে প্রয়াণ বলা যাইতে পারে। এক হইতে বহু মূর্তির আবির্ভাব, বৃদ্ধি ও উন্নতি, ক্রমে ক্রমে তাহাদের বিভিন্নতা প্রাপ্তি; ক্রমে ক্রমে এই সকল বিভিন্ন মূর্তিতে স্বতন্ত্র ব্যক্তিত্বের সমাবেশ; সংসারে ভূয়োদর্শন হেতু প্রত্যেক ব্যক্তিগত জ্ঞানলাভ বহির্জগত হইতে প্রয়োজনীয় উপাদান সংগ্রহ পূর্বক তাহাদিগের মন ও দেহের উন্নতি সাধন, ইহার নাম প্রবৃত্তিমার্গ। এই মার্গ অবলম্বন পূর্বক জীবাত্মা আপনাকে স্বতন্ত্র ব্যক্তিরূপে পরিণত করিতেছেন। বহির্জগতের যথাসম্ভব গ্রহণ পূর্বক নিজের বৃদ্ধি ও অহংজ্ঞানের পুষ্টি করিতেছেন! এই কার্য সম্পূর্ণ হইলে

জীবাাত্মাকে শিক্ষা করিতে হইবেক যে, তিনি এক মহা ‘অহং’ অর্থাৎ বাঁহাকে আমরা ঈশ্বর বলি, তাঁহার অংশ বা প্রতিচ্ছবি মাত্র। তাহার সমস্ত শক্তি যদি সেই মহা অহং বা ঈশ্বরের অংশরূপেই ব্যবহৃত হয়; তবেই সেই শক্তি সুখের হেতু হইতে পারে। তখন তিনি বহুত্বের মধ্যে একত্ব লক্ষ্য করিতে থাকেন এবং আপনার স্বাতন্ত্র্য পরিত্যাগ পূর্বক একত্ব উপলব্ধির চেষ্টা করেন। তখন আপনার অপেক্ষা দুর্বলকে, তাঁহার যথাশক্তি প্রদান করিতে ইচ্ছা হয়, এবং নিজ দেহ ও মনে বাহ্য সংগ্রহ করিয়াছেন তাহা অপরদেহ ও মনের সহিত যুক্তভাবে ব্যবহার করিতে তাহার অভিলাষ হয়, ইহারই নাম নিবৃত্তিমার্গ। এই পথ অবলম্বন পূর্বক জীবাাত্মা প্রত্যেক অভাবগন্তের সহিত আপনার সর্বস্ব বর্জন করিয়া সর্বত্র সমদর্শিত্ব লাভ করেন।

এই দুই পথদ্বারা ক্রমবিকাশ চক্র গঠিত। এই বিকাশ চক্রপথে বিষ্ণুরূপী ঈশ্বরের ইচ্ছায় তৎসৃষ্ট জগৎ চালিত হইতেছে। তাঁহার ইচ্ছার অনুবর্তী হইয়া কার্য্য করাই সং, তদ্বিপরীতে কার্য্য করা অসং।

যে স্থানে প্রবৃত্তিমার্গ নিবৃত্তিমার্গে মিলিত হইয়াছে, এই বিশ্ব সেই পরিবর্তন বিন্দুতে অবস্থিত। অধিকাংশ ব্যক্তিই এখন প্রবৃত্তিমার্গ অবলম্বন করিয়া চলিয়াছেন, কিন্তু অবিলম্বেই নিবৃত্তিমার্গে প্রবেশ পূর্বক উচ্চতর অবস্থা লাভ করিবেন। এই জগৎ যে বাসনা, সংকল্প ও ক্রিয়া দ্বারা, জীব নিবৃত্তিমার্গের পথিক হইতে পারেন, এবং যে পথের পরিণাম মিলন, সেই পথে গমন

করিতে পারেন, তাহাই সৎ। যাহাতে ভেদজ্ঞান দূর হইয়া অভেদ জ্ঞান উৎপন্ন হয়, তাহাষয়ে আমাদের সতত যত্নবান্ হওয়া উচিত। যদ্বারা ভেদজ্ঞান তিরোহিত হইয়া অভেদ ভাবের উদয় হয়, তাহাই সৎ। যাহা দ্বারা অভেদভাব নষ্ট হয় ও ভেদজ্ঞান বর্দ্ধিত হয় তাহাই অসৎ। কিন্তু পশু বা অসত্য মানবমধ্যস্থ অপুষ্টি জীবাশ্মাগণের এখনও ব্যক্তিত্ব জ্ঞান অত্যন্ত ক্ষীণ, সুতরাং এখনও তাহাদের ভেদজ্ঞান থাকা প্রয়োজন। এবং যাহা উন্নতগণের চক্ষে সৎ ও অসৎ বলিয়া প্রতিভাত হয়, তাহাদের চক্ষে তাহা তদ্রূপ হইতে পারে না। এই জগুই নৈতিকজ্ঞান অবস্থা সাপেক্ষ বলা যাইতে পারে। যিনি যতটুকু উন্নত হইয়াছেন, তাঁহার পক্ষে তাঁহার অবলম্বিত পথের অনুরূপ সদসৎ জ্ঞান জন্মিয়া থাকে।

ভীষ্মদেব যুধিষ্ঠিরকে বলিয়াছিলেন—“ধর্ম্মনীতির গতি অতি ক্ষুদ্র। আমি তোমাকে বেদবাক্য দ্বারা উপদেশ দিতেছি না, কিন্তু জ্ঞানলাভ দ্বারা বহুদর্শন জন্মিলে যেরূপ বেদার্থ অনুভূত হয় তদ্রূপ উপদেশ প্রদান করিতেছি জানিবে। কেহই একদেশদর্শী নীতি দ্বারা এই সংসারে অভীষ্ট সাধনে সমর্থ হয় না। বেদবাক্য গূঢ়ার্থ যুক্ত, তদনুসারে যুক্তিপূর্ব্বক কার্য্য করা কর্তব্য, অল্পাংশা নিষ্ফলতা লাভ হইয়া থাকে। পুরাকালে শুক্রাচার্য্য ঊশনা বলিয়া- ছিলেন বেদবাক্য অযৌক্তিক হইলে, তাহা বেদবাক্য বলিয়া মান্য করিবার প্রয়োজন নাই (বাস্তবিক বেদবাক্য অযৌক্তিক হইতে পারে না, কিন্তু যুক্তির প্রয়োগকর্তার জ্ঞান ও যুক্তির শক্তি অনুসারে যৌক্তিক বা অযৌক্তিক বোধ হইতে পারে)। যে জ্ঞান সন্দেহপূর্ণ

তাহার প্রয়োজন কি ? যে নীতি কেবল বাক্যগত কিন্তু অবস্থার অনুকূল নহে, তাহার আচরণে ভ্রমপথে পদার্পণ করিতে হয়। এক সময় বহুকালব্যাপী দুর্ভিক্ষ ঘটিলে মহর্ষি বিশ্বামিত্র চণ্ডালের দিকট হইতে অমেধ্য মাংস গ্রহণ পূর্বক দেবগণকে তাঁহাদের প্রাপ্যংশ বলিরূপে অর্পণ করিয়াছিলেন। ক্ষমাগুণ সন্ন্যাসীর পক্ষে শ্রেয়স্কর হইলেও রাজার পক্ষে সেই পরিমাণ ক্ষমাগুণ শ্রেয়োজনক হইতে পারে না। রাজা নিজের ব্যক্তিগত অপকার ক্ষমা করিতে পারেন, কিন্তু অতি সামান্য প্রজার প্রতিও কেহ কিছুমাত্র অত্যাচার ব্যবহার করিলে, তাহা ক্ষমা করিতে পারেন না। কারণ, তাহা তাঁহার নিজের ও দেশের পক্ষে অত্যন্ত অনিষ্টজনক হইয়া থাকে। রাজার পক্ষে হত্যার অযোগ্যকে হত্যা করা যেক্রপ, পাপ, হত্যাযোগ্যকে হত্যা না করাও সেইরূপ পাপ। রাজার দৃঢ়তা প্রয়োজনীয় গুণ। এবং সমস্ত প্রজা যাহাতে স্ব স্ব কর্তব্য কার্য করে সে জন্ত কঠোরতা অবলম্বন করাও প্রয়োজন। যদি তিনি সেরূপ না করেন, তাহা হইলে তাহার প্রজাগণ উচ্ছৃঙ্খল হইয়া ক্ষুধিত ব্যাঘ্রের ন্যায় দুর্বলের হত্যা ও পরস্পরের নাশ সাধন করিবে। একটী প্রাচীন গাথা আছে “প্রিয়বাদিনী পত্নীই সুপত্নী। যে পুত্র পিতামাতাকে সুখী করে সেই সুপুত্র। বিশ্বাসভাজন বন্ধুই বন্ধ। সেই মাতৃভূমি, যেখানে জীবিকালব্ধ হয়। তিনিই যথার্থ রাজা, যিনি অত্যাচার না করিয়া কঠোরতার সহিত শাসন করেন, যাহার রাজ্যে ধর্মপরায়ণের কোনও ভয় নাই, যিনি দুর্বলের রক্ষা ও দুষ্টির দমন করিয়া থাকেন।”

কোন ব্যক্তি দেশকাল পাত্রভেদে কিরূপে ধর্মকার্য্য করিবে তাহার নির্দেশ জ্ঞত্বই আশ্রম ও বর্ণ বিভাগ। ইহাতে তাহাদের উন্নতি ও সচ্ছন্দ বর্দ্ধিত হইবেক। সকল ব্যক্তির ঈশ্বরেচ্ছা নির্ণয়ের ক্ষমতা বা সময় নাই। সেইজন্ত যে শাস্ত্রে ঈশ্বরেচ্ছা উদ্ঘোষিত রহিয়াছে, তাহার দ্বারা আমরা সদসৎ নির্ণয়ে সমর্থ হইয়া থাকি। ব্যাস ও অন্যান্য ঋষিগণ ধর্মগ্রন্থে কতকগুলি সাধারণ নিয়ম নির্দেশ করিয়া গিয়াছেন, ঐ গুলি সর্বাবস্থায় পালন করা কর্তব্য। শাস্ত্রের বিশেষ বিধি সমুদায় সর্বদা স্মরণ নহে।

“অষ্টাদশপুরাণেষু ব্যাসস্ত বচনদ্বয়ং।

পরোপকারঃ পুণ্যায় পাপায় পরপীড়নং ॥

যদন্তে বিহিতং নেচ্ছেদাত্মনঃ কস্মৈ পুরুষঃ।

ন তৎ পরেষু কুব্ধাত জানন্নপ্রিয়মাত্মনঃ ॥

যদ্যদাত্মনি চেচ্ছেত তৎ পরস্তাপি চিন্তয়েৎ ॥

... ..

যদন্তেষাং হিতং ন শ্রাদাত্মনঃ কস্মৈ পৌরুষং।

অপত্রণেত বা যেন ন তৎকুর্যাৎ কথঞ্চনঃ ॥

... ..

অতো যদাত্মনোহপথাং পরেষাং ন তদাচরেৎ ॥

অষ্টাদশ পুরাণে ব্যাসের দুইটি, বাক্য এই যে পরোপকারই পুণ্য এবং পরানিষ্টই পাপ।

যাহা অন্তে করিলে আপনার প্রীতিকর হয় না, কাহারও সহিত তদ্রূপ ব্যবহার কর্তব্য নহে। যাহা নিজপ্রিয়, পরের প্রতি তদ্রূপ

ব্যবহারই কর্তব্য। যদ্বারা কাহারও কোনও অনিষ্ট হয় বা যাহা করিতে লজ্জাবোধ হয়, সেরূপ কার্য্য করা উচিত নহে। এতএব যাহা নিজের প্রতি উপযোগী নহে, পরের প্রতি তদ্রূপ ব্যবহার করিতে নাই।

\* \*

সুখাভ্যুদয়িকং চৈব নৈঃশ্রেয়সিকমেবচ ।

প্রবৃত্তংচ নিবৃত্তংচ দ্বিবিধং কৰ্ম্মবৈদিকং ॥ ৮৮ ৮

ইহ চামৃত্র বা কাম্যং প্রবৃত্তং কৰ্ম্মকীর্ত্যতে ।

নিষ্কামং জ্ঞানপূৰ্ব্বংতু নিবৃত্তমুপদিশ্যতে ॥ ৮৯ ৮

প্রবৃত্তং কৰ্ম্ম সংসেব্য দেবানামেতি সাম্যতাং ।

নিবৃত্তং সেবমানস্ত ভূতাত্তোতি পঞ্চবৈ ॥ ৯০ ৮

( মনু ১২ )

দ্বিবিধ বৈদিককৰ্ম্ম, একে সুখ হয় ।

প্রবৃত্ত তাহার নাম সৰ্ব্বশাস্ত্রে কয় ॥

নিবৃত্ত নামেতে কৰ্ম্ম অপরের নাম ।

নিঃশ্রেয়স্কর তাহা অতি অনুপম ॥ ৮৮

ইহা কিম্বা পরে সুখ আশা করি লোকে ।

যেই কৰ্ম্ম করয়ে প্রবৃত্তি বলি তাকে ॥

জ্ঞানপূৰ্ব্ব নিষ্কাম ভাবেতে যেই কাজ ।

নিবৃত্ত তাহারে বলে জ্ঞানীর সমাজ ॥ ৮৯

প্রবৃত্তকৰ্ম্মেতে হয় দেবের সমান ।

নিবৃত্তেতে পঞ্চভূতাতীত মতিমান্ ॥ ৯০

\* \*

অন্ত্রে কৃতযুগে ধর্মাস্ত্রেতায়াং দ্বাপরেহপরে ।

অন্ত্রে কলিযুগে নৃণাং যুগহ্রাসানুরূপতঃ ॥২৭

( মহাভারত শান্তিপর্ব ২৩১ তঃ )

সত্য ত্রেতা দ্বাপর সে কলিযুগ আর ।

ভিন্ন ভিন্ন যুগে ধর্ম বিভিন্ন প্রকার ॥ ২৭

\* \* \*

যতঃ প্রবৃতিভূতানাং যেন সর্কমিদং ততঃ

স্বকর্মণা তমভ্যর্চ্য সিদ্ধিং বিন্দতি মানবঃ ॥ ৪৬

শ্রেয়ান্ স্বধর্মো বিগুণঃ পরধর্ম্যাং স্নুষ্টিতাং ।

স্বভাবনিয়তং কস্ম কুর্কন্নাপ্নোতি কিঞ্চিদম্ ॥ ৪৭

ঈশ্বরঃ সর্বভূতানাং হৃদ্যেশেজ্জুন তিষ্ঠতি ।

ভ্রাময়ন্ সর্বভূতানি যজ্ঞাকৃঢ়াণি মায়য়া ॥ ৬১

তমেব শরণং গচ্ছ সর্বভাবেন ভারত ।

তৎপ্রসাদাং পরাং শান্তিং স্থানং প্রাপ্যসি শাস্ততম্ ॥ ৬২

( গীতা ১৮-অঃ )

যাহা হতে মানবের প্রবৃতি উদয় ।

আছেন ব্যাপিয়া যিনি সব বিশ্বময় ॥

আত্ম কস্ম বলে তাঁর মানব নিকর ।

অর্চনা করিয়া সিদ্ধি লভে অতঃপর ॥ ৪৬

স্বভাব যে কস্ম জীবে করিয়াছে দান ।

সদোষ হলেও তাই কবে মতিমান্ ॥

পরধর্ম যদি হয় সুখের আকর ।

তথাপি সহজধর্ম্যে গুণ বহুতর ॥ ৪৭

সর্বভূতহৃদয়ে করিয়া অধিষ্ঠান ।  
 হে অর্জুন যজ্ঞাক্রম পুস্তলি সমান ॥  
 ঈশ্বর সকল জীবে আপন আশ্রয় ।  
 ভ্রাম্যমান রেখেছেন সন্দেহ কি তায় ॥ ৬১  
 হে ভারত সর্বভাবে তাঁহার শরণ ।  
 লইলে পাইবে শান্তি স্থান সনাতন ॥ ৬২

\* \*

বেদোহখিলো ধর্ম্মমূলং স্মৃতিশীলে চ তদ্বিদাং ।  
 আচারশৈচব সাধুনামাত্মনঃস্তুতিরেবচ ॥ ৬  
 ( মনু ২অঃ )

সমুদায় বেদ ধর্ম্মমূল স্থনিশ্চয় ।  
 বৈদিক আচার আর স্মৃতি সমুদায় ॥  
 অথবা আচার যাহা সাধুর সম্মত ।  
 আত্মার যাহাতে তুষ্টি হেন কর্ম্ম যত ॥ ৬

\* \*

অষ্টাদশপুরাণেষু ব্যাসশ্চ বচনধ্বয়ং ।  
 পরোপকারঃ পুণ্যায় পাপয়ে পরপীড়নং ॥ ২০  
 যদগ্ৰৈর্বিহিতং নেচ্ছেদাত্মনঃ কর্ম্ম পুরুষঃ ।  
 ন তৎ পরেষু কুব্বীত জননপ্রিয়মাত্মনঃ ॥ ২১  
 যদ্বদাত্মনি চেচ্ছেত তৎপরশ্চাপি চিন্তয়েৎ ॥ ২৩  
 ( মহাভারত শান্তিপর্ব্ব ২৫১ অঃ )

...

...

...



যদন্ত্রেষাং হিতং ন শ্রাদান্ননঃ কৰ্ম পৌরুষং ।

অপত্রপেত বা যেন ন তৎ কুর্যাৎ কথঞ্চন ॥ ৬৭

( মহাভারত শান্তিপর্ব ১২৪অঃ )

অষ্টাদশ পুরাণেতে ব্যাসের বচন ।

পুণ্য পর-উপকার, পাপ যে পীড়ন ॥ ২০

অপরের যেইকাজ আপনার প্রতি ।

ভাল নাহি লাগে যাহে নহে তুষ্টমার্ত ॥

হেনকাজ পর প্রতি জ্ঞানতঃ কখন ।

করে না পুরুষে জানি অপ্রিয় আপন ॥ ২১

... ..

যেই কাজে হয় অপরের অপকার ।

নাহি কর কিম্বা যাহে লজ্জার সঞ্চার ॥ ২৩

\* \*

অতো বদান্ননোহপথ্যং পরেষাং ন তদাচরেৎ ॥ ৬৫

( যাজ্ঞবল্ক্য ৩অঃ )

অতএব যাহা ভাল নহে আপনার ।

অপরে না কর কভু হেন ব্যবহার ॥



## চতুর্থ অধ্যায় ।



### নীতির পরিমাণ দণ্ড ।

যে মানদণ্ড দ্বারা ক্রম বিকাশের বৰ্দ্ধমান অবস্থায় কর্মের বিচার করা যায়, তাহার নাম সমন্বয়যোগ । অধিকাংশ জীবই এখনও এই অবস্থায় উপনীত হয় নাই । অধিকাংশস্থানেই “ইহা দ্বারা একত্ব ঘটিবে কি না ?” এই একমাত্র প্রশ্ন দ্বারা আমরা কর্মের পরীক্ষা করিতে পারি । যদি প্রশ্নের উত্তর “হাঁ” হয়, তবে তাহা সংকল্প, অগ্রথা তাহা অসংকল্প । এইজন্তই প্রথম অধ্যায়ে উল্লিখিত হইয়াছে যে, ধর্মনীতির সাহায্যে মানবগণ পরম্পরের সহিত সামঞ্জস্যভাবে অবস্থিতি করিতে সমর্থ হয় । সামঞ্জস্যভাবে অবস্থানই একত্বের প্রয়োজক ।

সেইজন্ত ভগবান্ শ্রীকৃষ্ণ দৈব ও আত্মর সম্পদের কথা বলিয়াছিলেন । তিনি যে গুলি একত্বের প্রতিপাদক সেইগুলিকে দৈব এবং বাহ্য পার্থক্যসাধক তাহাকেই আত্মর সম্পদ বলিয়াছেন ।

অভয়ং সত্বসংগুক্তির্জানযোগব্যবস্থিতিঃ ।

দানং দমশ্চ যজ্ঞশ্চ স্বাধ্যায়স্তপ আর্জবম্ ॥ ১

অহিংসা সত্যমক্রোধস্ত্যাগঃ শান্তিরপৈশুনম্ ।

দয়া ভূতেষু হোলুভং মার্দবং হ্রীরচাপলম্ ॥ ২

তেজঃ ক্ষমা ধৃতিঃ শৌচমদ্রোহো নাভিমানিতা ।

ভবন্তি সম্পদং দৈবীমভিজাতস্য ভারত ॥ ৩

( গীতা ১৬।১—৩ )

এই সকল গুণ মানবগণকে পরস্পর মিলিত করে । এই সমদান গুণ আত্মার একত্বজ্ঞান হইতেই উদ্ভূত । আবার দেখ, তিনি কিরূপে আত্মরী সম্পদ বিভাগ করিয়াছেন ;—

“দন্তো দর্পোহাভিমানঃ ক্রোধঃ পার্শ্ববামেব চ ।

অজ্ঞানং চাভিজাতস্য পার্থ সম্পদমাত্মরীম্ ॥ ৪

এই সকল গুণ মানবগণকে পরস্পর বিচ্ছিন্ন করে । তিনি আত্মর জনগণের যে রূপ বর্ণনা করিয়াছেন, তাহাতে বুঝিতে পারা যায় আত্মর ব্যক্তিগণ অহঙ্কার ও আত্মসুপ্রিতায় পূর্ণ ।”

অতএব ছাত্রগণ, সদস্যদের পার্থক্য উত্তমরূপে উপলব্ধি করিয়া সেই জ্ঞান আপনাদের চারত্র গঠনে নিয়োগ কারবেন । উত্তরকালে শিক্ষাপ্রসঙ্গে আপনাদের সদস্যজ্ঞান আরও বর্দ্ধিত হইবে, তখন সং অসং-তত্ত্ব স্বরূপে হৃদয়ত হইবেক, তখন উহার জটিলত্ব সমূহ সুমীমাংসিত হইবেক ; কিন্তু মূলতত্ত্ব বা মানদণ্ড সেই একই থাকিবে । কারণ মূলতত্ত্বটি জগতের ইচ্ছার অন্তর্গত তত্ত্ব ।

\* \* \*

সর্ব্বেষামপি চৈতেষামাত্মজ্ঞানং পরং স্মৃতং ।

তদ্ব্যগ্রাং সর্ব্ববিদ্যানাং প্রাপ্যতে হৃদয়ং ততঃ ॥ ৫

সর্ব্বমাত্মনি সংপশ্যেৎ সচ্চাসচ্চ সমাহিতঃ ।

সর্ব্বং জ্ঞানানি সংপশুন্নান্মৈ কুরুতে মনঃ ॥ ১১৮

আট্টাব দেবতাঃ সৰ্বাঃ সৰ্বমাশ্রয়বাহিতং ॥ ১১৯

...

...

...

...

এবং যঃ সৰ্বভূতেষু পশুত্যাশ্রয়মাশ্রয়ান।

স সৰ্বসমতামেতা ব্রহ্মাত্যেতি পরংপদম্ ॥ ১২৫

(মন্ত্ৰ ১২অঃ )

সকল জ্ঞানের শ্রেষ্ঠ হয় আশ্রয়জ্ঞান।

নাহি কোন বিত্তা হেন তাহার সমান ॥

যে হেতু ইহার চৰ্চা করে যেই নর।

অমৃতত্ব লাভ তার হয় অতঃপর ॥৮৫

সমাহিত হয়ে সদা সেই মহাজন।

সকলি আশ্রায় তিনি করেন দর্শন ॥

সদসং সমুদায় আশ্রাতে হেরিয়া।

অধর্মো না যায় মন জ্ঞানেতে মজিয়া ॥১১৮

আশ্রায় সকল দেব সকলি আশ্রায়।

ইহা জানি মন তাঁর অত নাহি চায় ॥১১৯

...

...

...

...

...

এরূপে আশ্রায় সবই দেখেন যে জন।

সাম্যভাবে তাঁর হৃদে জাগে অনুরক্ষণ ॥

আশ্রয়জ্ঞানপ্রয়ে তবে সেই মহাশয়।

শতে ব্রহ্মপদ ইহা কহিছে নিশ্চয় ॥১২৫

## পঞ্চম অধ্যায় ।

### ধর্মের ভিত্তি ।

আমরা দেখিয়াছি যে, পরম্পরের সহানুভূতি সনাতন ধর্মে সংকার্য বলিয়া উল্লিখিত হইয়াছে, এবং ইহাই একত্বের সাধক । নিত্য পঞ্চযজ্ঞ সাধন দ্বারা মানবের, ঋষিগণ, দেবগণ, পিতৃগণ, নরগণ ও জীবগণের সহিত সাহানুভূতি জন্মে । সনাতন ধর্ম আর এক উপায়ে আমাদেরকে সংকার্য করিতে উপদেশ দেন, উহা ত্রিবিধ ঋণ পরিশোধ । ব্রহ্মাচার্য্যবলম্বন পূর্বক অধ্যয়ন ও অধ্যাপনা দ্বারা ঋষি-ঋণ পরিশোধিত হয় । গার্হস্থ্যশ্রম অবলম্বন পূর্বক পরিবার প্রতিপালন ও দানকার্য্য দ্বারা পিতৃ-ঋণ পরিশোধ করিতে হয় এবং বানপ্রস্থ্যশ্রম অবলম্বন পূর্বক যজ্ঞ ও ধ্যানাদি দ্বারা দেব-ঋণের পরিশোধ হয় ।

ঋণ বলিলে, যাহা আমরা পাইয়াছি অথচ প্রত্যর্পণ করিতে হইবেক, এরূপ গ্রহণ বুঝায় । এই ঋণ প্রত্যর্পণের নাম কর্তব্য সাধন । কর্তব্য সাধনের নামই ধর্ম । কর্তব্যের অবহেলাই পাপ । দৈনন্দিক চিরদিন কর্তব্য নিষ্ঠ, তিনি চিরকাল কর্তব্য পালন করিয়া থাকেন । পাপাত্মার কর্তব্য বোধও নাই, সে কর্তব্য পালনও করে না ।

ভীষ্মদেব ধর্মকে সত্যরূপ, ব্রহ্মস্বরূপ বলিয়াছেন । কারণ

যাহা সৎ তাহাই সত্য। সত্যই ভগবানের প্রকৃতি। প্রকৃতির সমুদায় বিধিই সত্যের প্রকাশমাত্র। তাহা নিরন্তর অপরিবর্তনীয় ভাবে সম্পন্ন হইতেছে। বহু অনানুপদার্থের মধ্যেও আত্মার একত্বই মহাসত্য। অতঃ সমুদয়ে সত্যও বিধি সেই সত্যেরই প্রতিশ্রুতি। এই সত্য নীতিশাস্ত্রে সকলকে আত্মবৎ জ্ঞান করিতে উপদেশ দিতেছে। আমাদের সর্বদা সত্য কথা কহা কর্তব্য। কারণ কাহাকেও মিথ্যা বলিলে তাহাকে প্রবঞ্চনা সুতরাং আত্ম-বঞ্চনা করা হয়। কারণ, যাহা আমি জানি তাহা আর একটি আত্মস্বরূপকে জানিতে না দেওয়ায় ভেদজ্ঞান ঘটে। জ্ঞানতঃ বা অজ্ঞানতঃ অসত্য ব্যবহার দ্বারা এইরূপ ভেদবুদ্ধি উপস্থিত হইলে অশেষ কষ্ট উপস্থিত হয় ও পাপোৎপত্তি হইয়া থাকে। ধর্ম ও যেমন সত্যস্বরূপ, নীতিও তাহাই। কারণ, সত্য হইতেই একত্বের বুদ্ধি, অসত্য ব্যবহারই ভেদ জন্মিবার কারণ।

হিন্দুসাহিত্যে বর্ণিত মহাপুরুষগণের একটি প্রধান গুণ সত্যবাদিতা। আমি জন্মাবধি কখনও মিথ্যা বলি নাই—এই বাক্যটি মহাবীরগণের বড় প্রিয় বাক্য। শ্রীকৃষ্ণ কুরুক্ষেত্র যুদ্ধে অস্ত্রধারণ করিবেন না প্রতিজ্ঞা করিয়াছিলেন; কিন্তু যখন তিনি অর্জুনের সাহায্যার্থ ভীষ্মকে আক্রমণ করিতে উদ্বৃত্ত হইয়াছিলেন, তখন অর্জুন তাঁহাকে প্রতিজ্ঞা ভঙ্গ করিতে নিষেধ করিয়াছিলেন। যুধিষ্ঠিরও সেই কারণে জয়লাভে হতাশ হইয়াও তাঁহার সাহায্য প্রার্থনা করেন নাই। যুধিষ্ঠির ভয়ঙ্কর প্রয়োজনে পড়িয়া সত্যপথ হইতে বিন্দুমাত্র বিচলিত হইয়া দ্রোণাচার্যের সমক্ষে ‘অশ্বখামাহত

ইতি গজ ” বলিয়াছিলেন। তাহার ফলে ( তাঁহার নরক দর্শন পর্য্যন্ত ঘটিয়াছিল )। এবং যুদ্ধকালে রথচক্রে শক্তি নষ্ট হইয়া ছিল। পাণ্ডবগণের অরণ্যবাসকালে শ্রীকৃষ্ণ যুধিষ্ঠিরকে কৌরবগণের বিরুদ্ধে সৈন্ত প্রেরণ করিতে বলিয়াছিলেন। কিন্তু তাহাতে তাঁহাদের অরণ্যবাস প্রতিজ্ঞা সুরক্ষিত হয় না বুঝিয়া যুধিষ্ঠির বলিয়াছিলেন “পাণ্ডুপুত্রগণ সত্যপথ হইতে বিচলিত হইবেন না।” বিশেষ ক্ষতি হইলেও, প্রতিজ্ঞা রক্ষাই পুরুষার্থ। যখন প্রহ্লাদ ইন্দ্রের নিকট হইতে ত্রিভুবনের আধিপত্য গ্রহণ করিয়া ছিলেন, তখন ইন্দ্র ছদ্মব্রাহ্মণবেশে তাঁহার শিষ্যত্ব স্বীকার করেন। প্রহ্লাদ তাঁহার প্রতি এত তুষ্ট হইয়াছিলেন যে, তাঁহাকে অশ্রীষ্ট প্রার্থনা করিতে আদেশ করিলেন। ইন্দ্র তাহার নিকট তদীয় শীল অর্থাৎ স্বভাব চরিত্রাদি প্রার্থনা করিয়াছিলেন। যদিও প্রহ্লাদ বুঝিতে পারিলেন, নিজ শীল দান করিলে তাহার নিজের অনিষ্ট হইবেক ; তথাপি নিজের প্রতিজ্ঞা ভঙ্গ করিলেন না।

যখন ভীষ্মদেবের বিমাতা সত্যবতী তাহাতে সিংহাসন গ্রহণ ও বিবাহ করিতে বলিয়াছিলেন, তাহাতে ভীষ্মদেব উত্তর করিয়া ছিলেন, “আমি ত্রিভুবন পরিত্যাগ করিতে পারি, স্বর্গরাজ্য বা তদপেক্ষাও মহত্তর বাহা কিছু আছে, তাহা সমস্তই পরিত্যাগ করিতে পারি, কিন্তু সত্যচ্যুত হইতে পারি না। পৃথিবী গন্ধ ত্যাগ করিতে পারে, জল আর্দ্রতা ত্যাগ করিতে পারে, আলোক নিজ প্রকাশক ভাব পরিহার করিতে পারে, বায়ু স্পর্শশক্তি পরিহার করিতে পারে, অগ্নি উত্তাপ ত্যাগ করিতে পারে, চন্দ্র নিজ শৈত্যগুণ পরিত্যাগ

করিতে পারে, শূন্যের শব্দোৎপাদন শক্তি নষ্ট হইতে পারে, বৃহৎসত্তাও নিজ বলদর্প পরিত্যাগ করিতে পারেন, ধর্মরাজ স্বীয় জ্ঞানপরতা পরিত্যাগ করিতে পারেন, কিন্তু আমি সত্যপ্রতিজ্ঞা পরিত্যাগ করিতে পারি না।

দৃঢ়প্রতিজ্ঞ কর্ণ, সহস্রবর্ষের সহিত জন্মগ্ৰহণ করিয়াছিলেন। দেবগণ, পাণ্ডবগণের পক্ষে ছিলেন ; পাছে ভারতযুদ্ধে অর্জুন সেই সহস্রবর্ষের জ্ঞান কর্ণকে জয় করিতে না পারেন, এই ভয়ে দেবগণ অত্যন্ত ব্যাকুল হইয়াছিলেন। কর্ণের নিয়ম ছিল তিনি প্রতিদিন প্রাতঃকাল হইতে মধ্যাহ্ন পর্য্যন্ত পূর্বাভিমুখে বসিয়া বেদগান করিতেন। তাঁহার প্রতিজ্ঞা ছিল, তৎকালে কোনও ব্রাহ্মণ তাহার নিকট যাহা প্রার্থনা করিবেন, তিনি তাহাকে তাহাই প্রদান করিবেন। একদা ইন্দ্র বৃদ্ধব্রাহ্মণবেশে সেই সময় উপস্থিত হইয়া তাঁহার নিকট ভিক্ষা প্রার্থনা করিলেন ; কর্ণ বলিলেন যদি তাঁহার প্রার্থিতবস্তু সাধ্যায়ত্ত হয় তবে অবশ্যই দান করিবেন। তখন ইন্দ্র বলিলেন আমাকে তোমার সহস্রবর্ষ প্রদান কর। কর্ণ বলিলেন “আমি তোমার প্রার্থনা দ্বারা বুঝিতে পারিতেছি আপনি সরল প্রকৃতি ব্রাহ্মণ নহেন, স্বয়ং দেবরাজ ইন্দ্র, পাণ্ডবগণের মঙ্গলকামনার আমার নিকট এই প্রার্থনা করিলেন। যাহা হউক যখন ‘দিব’ বাক্য উচ্চারণ করিয়াছি তখন দেওয়া হইয়াছে, তাহার অন্তথা হইবে না। যদিও আমি বুঝিতে পারিতেছি যে আপনার প্রার্থিত বস্তু দিতে হইলে, আমাকে শ্রাণ পর্য্যন্ত দিতে হইবে ; এমন কি শ্রাণ অপেক্ষা শ্রিয়তম অর্জুনবিজয়ের আশা পর্য্যন্ত নষ্ট হইতেছে, তথাপি বাক্যের



অন্তথা করিতে পারিব না।” এই বলিয়া তিনি স্বীয় অসি দ্বারা সেই সহজ বস্ম দেহ হইতে বিচ্ছিন্ন করিয়া ইন্দ্রের হস্তে প্রদান করিলেন। তাহাতে কল কি হইয়াছে? অর্জুনকে জয় করিলে তাঁহার যে কীর্ত্তি থাকিত, আজিও তদপেক্ষা শতগুণ কীর্ত্তি দীর্ঘজীবন ও মহত্তর নামের তিনি অধিকারী হইয়া রহিয়াছেন।

রাজা দশরথ অযোধ্যার অধীশ্বর ছিলেন একদা তিনি দেবগণের সাহায্যার্থ অশুর বিনাশে গমন করেন, তৎপত্নী কৈকেয়ী সেই যুদ্ধে সারথ্য করিয়াছিলেন। দৈত্যযুদ্ধে রাজা ক্ষত বিক্ষত ও মুচ্ছিত হইলে, কৈকেয়ী তাহাকে নিৰ্জ্জনস্থানে আনয়ন পূর্বক প্রাণরক্ষা এবং যত্ন ও গুস্ত্রাঘা দ্বারা মূৰ্ছা ভঙ্গ করিয়াছিলেন। সেইজন্ত রাজা তাঁহাকে দুটা বর দিতে প্রতিশ্রুত হইয়াছিলেন। কৈকেয়ী তখন বড় গ্রহণ না করিয়া ভবিষ্যতে গ্রহণ করিবার অভিলাষ প্রকাশ করিয়াছিলেন। বহুদিন পরে, যখন রাজার জ্যেষ্ঠ পুত্র রামচন্দ্রের রাজ্যাভিষেকের আয়োজন হয়, সেই সময়ে কৈকেয়ী দাসীকুজার পরামর্শানুযায়ী একবরে রামচন্দ্রের চতুর্দশ বর্ষের জন্ত বনগমন ও অপর বরে নিজপুত্র ভরতের রাজ্যাভিষেক প্রার্থনা করিয়াছিলেন। রাজা বুঝিয়াছিলেন, এই বর দান করিলে তাঁহার মৃত্যু হইবেক। তথাপি তিনি সত্যভঙ্গ ভয়ে সেইবর দান করিয়া মৃত্যুমুখে পতিত হইয়াছিলেন। সত্যনাশ অপেক্ষা প্রাণনাশ তাঁহার পক্ষে অধিকতর শ্রেয়ঃ বোধ হইয়াছিল।

দৈত্যরাজ বলি স্বর্গ জয় করিয়া ত্রিলোকের একছত্রাধিপতি হইয়াছিলেন। তিনি অশ্বমেধ যজ্ঞ করিলে বিষ্ণু বামনরূপে

তঁাহার যজ্ঞে উপস্থিত হইয়া ত্রিপাদ ভূমি তিক্ষা করিয়াছিলেন। দৈত্যগুরু গুক্রাচার্য্য ঐরূপ দান করিতে তঁাহাকে নিষেধ করেন। তিনি বলিয়াছিলেন, বামন স্বয়ং বিষ্ণু তোমাকে ছলদ্বারা বদ্ধ করিবার জন্ত আগমন করিয়াছেন। তদন্তরে বলি বলিলেন, “প্রহ্লাদের পোত্র মিথ্যা কথা কহিতে জানে না, আমি এই ব্রাহ্মণ বালককে যাহা দিব বলিয়াছি, তাহা অবশ্যই দিব। বালক বিষ্ণুই হউন, আর আমার পরম শত্রুই হউন, তাহাতে কিছু আসে যায় না। যখন বামন দুইপদে ত্রিলোক অধিকার করিলেন, তখন বলি তৃতীয় পদ ভূমির পরিবর্তে নিজ মস্তক অর্পণ পূর্বক আপনার সর্বনাশকেই মহাসম্পদ জ্ঞান করিলেন। তদর্শনে ভগবান্ বিষ্ণু তঁাহাকে আশীর্বাদ পূর্বক বলিয়াছিলেন “সমস্ত ধন সম্পদ গিয়াছে, শত্রুহস্তে বন্দী হইয়াছ, বন্ধুগণ পরিত্যাগ করিয়াছে, গুরু মন্দ বলিতেছে, তত্রাপি বলি সত্যত্যাগ করেন নাই।” পুরাণে কথিত আছে এই মহৎকার্য্যের জন্ত কালান্তরে পুরন্দরের ইন্দ্রত্ব শেষ হইলে বলি ইন্দ্রত্ব লাভ করিবেন।

সত্য ব্রহ্মস্বরূপ নৃসিংহতাপনী উপনিষদে লিখিত আছে, “ঋতং সত্যং পরং ব্রহ্ম।” পরমব্রহ্মই সত্য ও পুণ্যস্বরূপ। সুতরাং যাহারা ব্রহ্মানুসন্ধান করেন, তাহাদের সত্যবাদী হওয়া কর্তব্য। সেইজন্ত বালকগণের সত্যবাদী হওয়া সর্বাপেক্ষা প্রয়োজনীয়।

জায়মানো ব্রাহ্মণস্তিভিঃ\*<sup>\*</sup>গণৈঃ\*<sup>\*</sup>গণবান্ জায়তে ।

যজ্ঞেন দেবেভ্যঃ প্রজয়া পিতৃভ্যঃ স্বাধ্যায়েন ঋষিভ্যঃ ॥

(মহু টীকায়াং কুল্লুকধৃতবেদবচনং)

জনমি ব্রাহ্মণ ভিন ঋণে ঋণী

দেব, পিতৃ-ঋণ আর-

ঋষি-ঋণ, এই ঋণ শুধিবারে

উপায় কহিব সার ॥

যজ্ঞে দেবঋণ কর পরিশোধ,

পিতৃ প্রজা উৎপাদনে ।

ঋষি-ঋণ বেই, কর পরিশোধ

সদা বেদ অধ্যয়নে ॥

\* \* \*

ঋণান ক্রীণ্যপাকৃত্য মনো মোক্ষে নিবেশয়েৎ ।

অনপাকৃত্য মোক্ষং তু সেবমানো ব্রজত্যধঃ ॥৩৫

অধীত্য বিধিবদ্দেদান্ পুত্রাংশ্চোৎপাদ্যধর্মতঃ

ইষ্টা চ শক্তিতো যজ্ঞম্ননো মোক্ষে নিবেশয়েৎ ॥৩৬

তিন ঋণ শোধ করি মোক্ষে দিবে মন ।

না শুধিয়া—মোক্ষচেষ্টা—হইবে পতন ॥৩৫

বিধিমত বেদশাস্ত্র কার অধ্যয়ন ।

ধর্মতঃ করিবে পরে পুত্র উৎপাদন ॥

বথাপত্তি যজ্ঞকাৰ্য্য করি তার পর ।

নিঃশ্রেয়স মোক্ষলাভে হইবে তৎপর ॥৩৬

\* \* \*

পরম্পরং ভাবয়ন্তঃ শ্রেয়ঃ পরমবাপ্যথ ॥১১

এবং প্রবর্তিতং চক্রং নানুবর্তয়তীহ যঃ ।

অথায়ুরিত্তিয়্যারামো মোক্ষং পার্থ স জীবতি ॥১৬

সহায়তা করি পরস্পর ।  
 শ্রেয়ঃলাভ কর অতঃপর ॥১১  
 এই চক্র করি পরিহার ।  
 যেবা মুখ খুঁজে আপনার ॥  
 জেনো তার পাপের জীবন ।  
 ইন্দ্রিয়ের আরামেতে মন ।  
 মিছা পার্থ ধরে সে জীবন ॥১৬

\* \* \*

সত্যং সৎসু সদা ধর্ম্যঃ সত্যং ধর্ম্যঃ সনাতনঃ ।  
 সত্যমেব নমস্যেত সত্যং হি পরমা গতিঃ ॥  
 সত্যং ধর্ম্যস্তপো যোগো সত্যং ব্রহ্ম সনাতনং ।  
 সত্যং বজ্রঃ পরঃ প্রোক্তঃ সর্বং সত্যে প্রতিষ্ঠিতং ॥  
 সত্যং নামাখ্যয়ং নিত্যং অবিকারি তথৈব চ ।  
 সর্বধর্ম্যাবিরুদ্ধেণ যোগেনৈতদবাপ্যতে ॥  
 সত্যং চ সমতাচৈব দমশ্চৈব ন সংশয়ঃ ।  
 অমাংসর্যং ক্ষমাতৈন হ্রীংস্তুতিক্ষাহনমুদ্রতা ।  
 ত্যাগো ধ্যানং অথার্যত্বং ধৃতিশ্চ সততং দয়া ।  
 অহিংসা চৈব রাজেন্দ্র সত্যাকারাস্ত্রয়োদশ ॥  
 ( মহাভারত অনুশাসন পর্ব ১৬২ )

সত্যই সাধুর ধর্ম, ধর্ম সনাতন ।  
 সত্যে করে নমস্কার যেজন মুজন ॥

সত্যই পরমাগতি, সত্য ধর্ম তপ ।  
 ব্রহ্ম সনাতন সত্য—সত্য যোগ জপ ॥  
 সত্যশ্রেষ্ঠ যজ্ঞ বলি সকলে বাথানে ।  
 সত্যে প্রতিষ্ঠিত সব সকলেই জানে ॥  
 নিত্য অধিকারী সত্য সত্যই অব্যয় ।  
 সর্বধর্ম অবিরোধী যোগে লাভ হয় ॥

১ ২ ৩  
 সত্য সে সমতা দম অমাৎসর্য আর ।  
 ৪ ৫ ৬ ৭  
 ক্ষমা লজ্জা সহগুণ ত্যাগ সে দীর্ঘার ॥  
 ৮ ৯ ১০ ১১ ১২  
 ত্যাগ, ধ্যান, আর্ষ্যভাব, ধৃতি দয়া আর  
 ১৩  
 অহিংসা এ ত্রয়োদশ হয় সত্যাকার ॥

\* \*

চত্বারঃ\*একতে। বেদাঃ সান্নোপাঙ্গাঃ সবিস্তরা ।  
 অধীতা মনুজব্যাব্র সত্যমেকং কিলৈকতঃ ॥  
 ( মহাভারত বনপর্ব ৬৩ অঃ )  
 সবিস্তার অঙ্গ আর উপাঙ্গের সনে  
 সুন্দর অধীত চারি বেদ এক ধারে ।  
 তুলাদণ্ডে যদি সত্য রাখ অল্প ধারে  
 তবু কভু তুল্য নহে বেদ সত্য সনে ।

\* \*

আত্মন্যপি ন বিশ্বাসস্তথা ভবতি সংস্র যঃ ।

তস্মাৎ সংস্র বিশেষেণ সৰ্ব্বঃ প্রণয়মিচ্ছতি ॥

( মহাভারত বনপর্ব ২৯১ অঃ )

সতেরে বিশ্বাস নর করে যেই যত ।

নিজের প্রতিও কভু নাহি হয় তত ॥

সতের সহিত সবে এই সে কারণে ।

অনুদিন অনুরাগ ইচ্ছা করে মনে ॥

\* \* \*

সত্যং সদা শাস্ততর্ক্যবৃত্তিঃ

সন্তো ন সীদন্তি ন চ ব্যথন্তে ।

সত্যং সদ্ভিনীফলঃ সঙ্গমোহন্তি

সন্তোভয়ং নানুভবন্তি সন্তঃ ॥

সন্তো হি সত্যেন নয়ন্তি সূর্য্যং

সন্তো ভূমিং তপসা ধারয়ন্তি ।

সন্তো গতিভূতভব্যস্ত রাজান্

সত্যং মধো নাবসীদন্তি সন্তঃ ॥

সনাতন ধর্ম্মবৃত্তি সতের সতত

সাধু কভু ব্যথিত বা অবসন্ন নন ।

সাধু সনে সমাগম না হয় নিফল

সাধু হেরি সাধু কভু ভীত নাহি হন ॥

সাধুর সত্যের বলে তপন উদয়

সাধুর তপস্তাবলে রয়েছে ধরনী ।

সাধু ভূত ভবিষ্যের গতি সে নিশ্চয়

সাধু কাছে অবসর নাহি হন তিনি ॥

\* \* \*

বতঃ প্রভবতি ) ক্রোধঃ কামো বা ভরতর্ষভ ।

শোকমোহো বিধিৎসা চ পরামৃত্ত্বঞ্চ (তদ্বদ) ॥

লোভো মাৎসর্যমীর্ষা চ কুৎসাহস্ময়াক্রুপাভয়ং ।

ত্রয়োদশৈতেহতিবলাঃ শত্রবঃ প্রাণিনাং স্মৃতাঃ ॥

( মহাভারত শান্তিপর্ব ৩৩ অং )

ক্রোধ কাম শোক মোহ বিধিৎসা সে আর ।

পরামৃত্ত্ব লোভ আর মাৎসর্য প্রচার ॥

ঈর্ষা কুৎসা অস্ময়া অকুপা আর ভয় ।

এই তের শত্রু বড় নরের নিশ্চয় ॥

\* \* \*

যশ বিদ্বান্ হি বদতঃ ক্ষেত্রজ্ঞো নাভিশঙ্কতে ।

তস্তাম্মি দেবাঃ শ্রেয়াংসং গোকৈহত্বং পুরুষং বিদুঃ ॥১৬

( মনু ৮ অঃ )

যাঁর রাজ্যে ক্ষেত্রজ্ঞের আশঙ্কা না হয় ।

দেবগণ, তারে ভবে শ্রেষ্ঠ নর কয় ॥১৬

\* \* \*

কর্মণ্যেবাধিকারন্তে মা কলেষু কদাচন ।

মা কর্মফলহেতুভূর্ত্মাতে যদ্বোহঙ্কর্মণি ॥৪৭

( গীতা ২ অ )

কস্মে অধিকার তব, কস্মকলে নাই !  
আশা ত্যজ, ত্যজ অকস্ম সদাই ॥

\* \* \*

ঋতং সত্যং পরং ব্রহ্ম ।৬

( নৃসিংহতাপনী ১ অ )

ঋত আর সত্য পরব্রহ্মের স্বরূপ ।





## ষষ্ঠ অধ্যায় ।

### আনন্দ ও ভাব ।

ঈশ্বর, চিন্তাময়, গতিময় ও আনন্দময়, সুতরাং তাঁহার সন্তান মানবেও এই গুণত্রয় বর্তমান আছে । যখন জীবাত্মা স্কূলাবরণে আবৃত হন, তখন তাহার আনন্দপ্রকৃতি চিরদিনই আনন্দ অন্বেষণে ব্যস্ত থাকে । বাহ্য জগতের সহিত সন্মিলন দ্বারা তাহার আনন্দ লাভে একান্ত চেষ্টা হইয়া থাকে । ঐ বাহ্য চেষ্টাই বাসনা । যখন বাসনা জীবাত্মাকে এমন কোনও পদার্থের সহিত আবদ্ধ করে, যাহাতে সুখ লাভ হয়, তখন ঐ পদার্থ লাভের জন্য পুনঃ পুনঃ বাসনা হইয়া থাকে । ঐ অভিমান হইতে যে ভাবের উদয় হয় তাহার নাম অনুরাগ বা ভালবাসা । যদি জীবাত্মার কোনও পদার্থের সহিত সম্পর্কবশে কষ্ট হয়, তখন ঐ পদার্থ পরিহারের বাসনা জন্মে, তদ্বারা যে ভাবের উদয় হয় তাহার নাম বিরাগ বা স্বগা । প্রথমোক্ত ভাবের দ্বারা জীবাত্মা ও পদার্থের মধ্যে একটা আকর্ষণ ও শেষোক্ত ভাব দ্বারা বিপ্রকর্ষণ উৎপন্ন হয় ।

জীবাত্মা এই অনুরাগ ও বিরাগ বিষয়ে পরম্পর চিন্তা করিয়া অবশেষে সত্তাবে ভাব প্রয়োগ করিতে অভ্যাস করেন । ভাবসমূহ এইরূপে ঈশ্বরেচ্ছার অনুরূপ যুক্তি দ্বারা চালিত হইয়া ধর্মরূপে

পরিণত হয়। এজন্য ভাবের স্পষ্টতা দ্বারা মানবের নৈতিক উন্নতি হইয়া থাকে। তিনি যদি ভালবাসা নামক প্রেম ভাবের পুষ্টি সাধন করেন, তাহা হইলে ক্রমে তাঁহার পরিবার, সমাজ, জাতি ও সমগ্র বিশ্বের সহিত একতা জন্মে। তাহাদিগকে আশ্রয় ভালবাসিবে, এই ভালবাসা ক্রমশঃ বর্ধিত হইয়া অনন্ত ভালবাসায় পরিণত হইয়া আনন্দময় হয়। এই জ্ঞান ছান্দোগ্য উপনিষদে লিখিত আছে—

যো বৈ ভূমা তৎসুখং । নাগ্নে সুখমস্তুি । ভূমৈব সুখং ।

যত্র নাত্মং পশুতি, নাত্মং শৃণোতি, নাত্মং বিজানীতি, স ভূমা ॥

অথ যত্রাত্মং পশুত্যাত্মচ্ছৃণোত্যাত্মবিজানীতি তদগ্নং ।

যো বৈ ভূমা তদমৃতমথ যদগ্নং তন্মর্ত্যং ।

যাহা অনন্ত তাহাই সুখ। যাহা অগ্ন তাহাতেই সুখ নাই। অনন্তেই সুখ। যথায় উপস্থিত হইলে আর কিছু দেখা, শুনা বা জানা যায় না তাহা অনন্ত। কিন্তু যথায় অগ্ন দেখা যায়, অগ্ন শুনা যায়, অগ্ন জানা যায়, তাহা অগ্ন। যাহা অনন্ত তাহাই অমৃত, যাহাই অগ্ন তাহাই মর্ত্য।

এইরূপে বিকাশবশে সাযুজ্য ঘটে অর্থাৎ ঈশ্বরেচ্ছা স্বতন্ত্র আত্মাগুলিকে একত্র সম্বন্ধ করিয়া ক্রমে আপনাতে মিশাইতে থাকেন।

এই মিলনে সুখ। সেই জ্ঞান যে সং সেই সুখী। পুনঃ পুনঃ সনাতন ধর্ম এই মীমাংসা করিতেছেন—যে ব্রহ্মই আনন্দ। সেই জ্ঞান ব্রহ্মস্বরূপ জীবাত্মাও আনন্দময়। যখন জীব গন্তব্য পথ ত্যাগ করিয়া বিপথে যায় তখনই আনন্দের অভাব হয়। সুতরাং ঈশ্বরেচ্ছার বিপরীত অধর্ম।

ব্রহ্মবেদং সৰ্ব্বং সচ্চিদানন্দরূপং ।

সচ্চিদানন্দরূপং ইদং সৰ্ব্বং ॥ ৭

(নৃসিংহতাপনী

সচ্চিদং আনন্দরূপ ব্রহ্ম সমুদায় ।

ব্রহ্মরূপ সচ্চিদং আনন্দ সমুদায় ॥৭

\* \*

পরাক্ষি খাপি ব্যাহুণং স্বয়ম্ভু-

স্তম্মাং পরাঙ্ পশ্চতি নাস্তরাশ্বন্ ॥১॥

( কঠ ৪ বঙ্গী )

স্বয়ম্ভু ইন্দ্রিয়দ্বার করিলা বাহিরে ।

এহেতু মানব কভু দেখি না অন্তরে ॥১

\* \*

যদা বৈ সুখং লভতেহয়ং করোতি না সুখং

লব্ধ্বা করোতি সুখমেব লব্ধ্বা করোতি— । (২২।১)

যদা বৈ ভূমা তৎসুখং নান্নে সুখমস্তি ভূমৈব সুখং । (২৩।১)

যত্র নাত্ৰং পশ্চতি নাত্ৰং শৃণোতি নাত্ৰং বিজান্নাতি স ভূমা ।

অথ যত্রাহত্ৰং পশ্চত্যত্ৰং শৃণোত্যত্ৰবিজান্নাতি তদন্তং ।

যো বৈ ভূমা তদমৃতং । অথ যদন্নং তন্মর্ত্যং । (২৪।১)

( ছান্দোগ্য ৭।২২-১।২৩-১।২৪-১ )

যাহা জীব পায় সুখ করে সদা তাই ।

যাহাতে অসুখ তা কভু করে নাই ॥ (২২-১)

অনন্ত বা তাই সুখ কর ।

অল্প বাহা তাহে সুখ নাই ।

তবে অল্প করি পরিহার

ভূমা সুখে থাকহ সদাই ॥২৩।১

যথা অল্প দেখা নাহি যায় ।

যথা অল্প শোনা নাহি যায় ।

নাহি জানা যায় যথা সেই ত অনন্ত ।

যথা অল্প কিছু দেখা যায় ।

যথা অল্প কিছু শোনা যায় ।

বাহা জানা যায়, অল্প আছে তার অন্ত ॥

অনন্তই অমৃত স্বরূপ ।

অল্প বাহা তাই মর্ত্যরূপ ॥ (২৪।১)

\* \*

সুখচৈতন্যস্বরূপোহপরিমিতানন্দসমুদ্রোহবিশিষ্টসুখস্বরূপানন্দ ইতি

( সৰ্বসার )

সুখ আর চৈতন্যের অনন্ত সাগর ।

আনন্দ তাহাই সুখ নাহি যার পর ॥

\* \*

ইষ্টবিষয়ে বুদ্ধিঃ সুখবুদ্ধিঃ ।

অনিষ্টবিষয়ে বুদ্ধিঃ দুঃখবুদ্ধিঃ ॥

( সৰ্বসার )

\* \*

সৰ্বাণি ভূতানি সুখে রমন্তে ।

সৰ্বাণি দুঃখস্ত ত্বংশং ত্রসন্তে ॥২৭

( মহাভারত শান্তিপর্ব ২৩১ অঃ )

সুখে সবে আনন্দিত হয় ।

দুঃখ দেখি সবে পায় ভয় ॥ ২৭

\* \*

ইচ্ছাঘেষসমুথেন বন্দমোহেন ভারত ।

সৰ্বভূতানি সংমোহং সর্গে যাস্তি পরস্তপ ॥ ২৭

( গীতা ৭অঃ )

হে ভারত, পরস্তপ, করহ শ্রবণ ।

বন্দমোহ জন্মে ইচ্ছা দোষের কারণ ॥

সে হেতু বিবেক ভ্রংশ যেই কালে হয় ।

তখনি সংমোহ পায় জীব সমুদায় ॥

\* \*

ইচ্ছাঘেষঃ সুখং দুঃখং সংঘাতশ্চেতনা ধৃতিঃ ।

এতং ক্ষেত্রং সমাসেন সবিকারমুদাহৃতম ॥ ৬

( গীতা ১৩অঃ )

ইচ্ছাঘেষ সুখ দুঃখ চেতনা শরীর ।

ধৃতি এই সবিকার ক্ষেত্র জেনো স্থির ॥ ৬

\* \*

কাম এষ ক্রোধ এষ রজোগুণসমুদ্ভবঃ ।

( গীতা ৩অঃ )

কাম ইহা ক্রোধ ইহা রজঃ সমুদ্ভব ।

\* \*

ইন্দ্রিয়ন্তে ইন্দ্রিয়ার্থে রাগদ্বেষৌ ব্যবস্থিতৌ ।

তন্নোঁ বশমাগচ্ছেৎ তৌ হস্ত পরিপস্থিনৌ ॥ ৩৪

( গীতা ৩অঃ )

ইন্দ্রিয়ের ইন্দ্রিয়ার্থে রাগদ্বেষ আছে ।

তারা পরিপাশ্ব, নাহি চাও তার পাছে ॥ ৩৫

\* \*

রাগদ্বেষাবিশুদ্ধৈস্তে বিষয়ানিন্দ্রিয়ৈশ্চরন্ ।

আত্মবশ্তে বিধেয়াত্মা প্রসাদমবিগচ্ছতি ॥ ৬৪

( গীতা ২অঃ )

রাগদ্বেষ-হীন আর আত্মবশীভূত ।

ইন্দ্রিয়ে বিষয় স্মৃথ ভোগ করি যত ।

বশীভূত চিত্ত যার সেই মহাজন ।

শান্তিসুখে চিরদিন করেন যাপন ॥ ৬৪

\* \*

যঃ শাস্ত্রবিধিযুৎসৃজ্য বর্ততে কামচারতঃ ।

ন স সিদ্ধিমবাপ্নোতি ন স্মৃথং ন পরাং গতিং ॥ ২৩

( গীতা ১৬ অঃ )

যেইজন শাস্ত্র বিধি করিয়াছেন ।

কামাচারে বর্তমান থাকে অনুক্ষণ ॥

সেইজন সিদ্ধিলাভ কভু নাহি করে ।

স্মৃথ আর পরাগতি নাহি পায় পরে ॥ ২৩

\* \*

একোবশী সৰ্বভূতান্তরাঙ্গা  
 একরূপং বহুধা যঃ কৰোতি ।  
 ত্বমাত্মস্থং যেহনু পশুন্তি ধীরা-  
 স্তেষাং সুখং শাস্ত্বতং নেতরেষাং  
 এক যিনি নিয়ন্তা সবার ।  
 অন্তরের আত্মা সবাকার ॥  
 একরূপে বহুরূপবারী ।  
 জ্ঞানী রূপ দেখেন তাহারি ॥  
 আত্মমাবে করেন দৰ্শন ।  
 নিত্যসুখ তাদেরি কারণ ॥ ১২



## সপ্তম অধ্যায় ।



### আত্মানুগত ধর্ম ।

ইতিপূর্বে আলোচিত হইয়াছে যে, জীবাত্মা নিজ সন্নিহিত সমুদায়ের সহিত সম্বন্ধযুক্ত ; এই সম্বন্ধ সুখজনক করাই নীতি শাস্ত্রের উদ্দেশ্য । কিন্তু তাহার দেহকোষ সমূহের সহিত যে তিনি বিশেষ সম্বন্ধযুক্ত, সে কথা বিস্মৃত হইলে চলিবে না । ঐ অনাস্ব-পদার্থ গুলিই বর্তমান সময়ে তাঁহার সর্বাপেক্ষা আপনার । সুতরাং সেই গুলির সহিত সুসম্বন্ধ যুক্ত না হইলে, কখনই অত্র দেহের সহিত তাঁহার সুখ জনক সম্বন্ধ ঘটিতে পারে না । যতদিন তিনি শিশু থাকেন, এই দেহগুলি তাহার উপর আধিপত্য করে এবং তাঁহাকে বহুবিধ কষ্টে পাতিত করে । বয়োবৃদ্ধির সঙ্গে সঙ্গে তিনি ঐ গুলিকে আয়ত্বাধীন করিতে চেষ্টা করেন, সেজন্য তাহাকে অনেক যুদ্ধ করিতে হয় । অবশেষে তাহার আত্মশাসন বা সংযমশক্তির পুষ্টি হয় । সংযম বলিলে জীবাত্মার দ্বারা কোষ সমূহ ও ইতর বৃত্তি নিচয়ের শাসন বুঝায় । এই সমুদায় দেহাশ্রিত ধর্মের নবীন শ্রেণীবিভাগানুরূপ আত্মানুগত ধর্ম । সকলেই বুঝিতে পারেন, যাহাদের এই সকল গুণ আছে, তাহারাই অপরের সহিত সাম্যতাব লাভে সমর্থ হয় । অত্রের পক্ষে তাহা সুসাধ্য নহে ।



ধর্ম ব্যবস্থাপক মনু আত্মসংযমের বিশেষ প্রাধান্য স্বীকার করিয়াছেন এবং এতৎসম্বন্ধে কতকগুলি সুন্দর উপদেশ দিয়াছেন। তিনি বলিয়াছেন কর্মে তিনটী শক্তি আছে ; এই তিনটী সংযত করা কর্তব্য। কর্ম, মন, বাক্য ও কায় আশ্রয় পূর্বক উৎপন্ন হয়। যথা—

শুভাশুভফলং কর্ম মনোবাক্‌দেহসম্ভবং ।

কর্মজা গতয়ো নৃণামুক্তমাধমমধ্যমাঃ ॥”

অর্থাৎ কর্ম শুভ ও অশুভ উৎপন্ন করে, এই কর্ম দেহ, মন বা বাক্য দ্বারা উৎপন্ন হয়। এবং সেই কর্মফলেই মানবের উত্তম, অধম ও মধ্যম গতি লাভ হয়।

মন বা মনোময় কোষ আশ্রয় পূর্বক সর্ববিধ ভাবের উৎপত্তি হয়। তাহাকে সংযত করিতে হইবেক। ইহাই কঠিনতম কার্য। কারণ মন নিরন্তর বাসনানুরূপ পদার্থের অনুগামী। ইহা নিরন্তর তত্ত্ববস্তু লাভের অভিলাষ দ্বারা চালিত ও শাসিত হইতেছে। সকল মনোভাব পূর্ণ করিবার জন্ত মন সর্বদা ব্যস্ত এবং সেই সকল বাসনার দাস হইয়া পড়ে। জীবাত্মার প্রথমেই মনকে সেই দাসত্ব হইতে মুক্ত করা প্রয়োজন, তৎপরে তাহাকে সমুদায় ইন্দ্রিয় শক্তিও ইন্দ্রিয়-যন্ত্রের প্রভুত্বে স্থাপনপূর্বক আত্মকার্যে নিযুক্ত করা উচিত। মনু বলিয়াছেন—

“শ্রোত্রংস্বক্ চক্ষুধী জিহ্বা নাসিকা চৈব পঞ্চমঃ

পায়ুপন্থং হস্তপাদং বাক্‌চৈব দশমী স্মৃতা ॥

বুদ্ধীজিয়ানি পঞ্চৈষাং শ্রোত্রাদীতনুপূর্বণঃ ।

কর্মেজিয়ানি পঞ্চৈষাং পাষাদীনি প্রচক্ষতে ॥

একাদশং মনোজ্ঞেয়ং স্বগুণেনোভয়াত্মকং ।

যস্মিন্ জিতে জিতা বেতো ভবতঃ পঞ্চকোগণো ॥

অর্থাৎ মনকে জয় করিতে পারিলে, বুদ্ধীজিয় পঞ্চ ও কর্মেজিয় পঞ্চ সংঘত হইয়া থাকে ।

সুতরাং ছাত্রগণের মনঃসংঘমে যত্নপর হওয়া কর্তব্য । যখন মন বিপথে বাইতে চাহিবে, তখন তাহাকে ফিরাইয়া সুপথে প্রবর্তিত করিতে হইবে । আত্মসংযম কার্যের ইহাই প্রথম ও কঠিনতম উপায় ।

দ্বিতীয় উপায় বাক্‌দণ্ড । কথা কহিবার পূর্বে বিচার করিয়া কথা কহা প্রয়োজন । বিচার না করিয়া বাক্য প্রয়োগে অশেষ কষ্টের উৎপত্তি হয় । অর্জুনের বাক্যপ্রয়োগের পূর্বে বিচার করিয়া দেখিতেন না, এজন্য তাঁহাকে অনেক সময় অনেক কষ্টজনক অবস্থায় পতিত হইতে হইয়াছিল । একবার তিনি প্রতিজ্ঞা করিয়াছিলেন যদি সূর্যাস্তের পূর্বে পুত্রহস্তা জয়দ্রথকে বধ করিতে না পারি, তবে আত্মঘাতী হইয়া প্রাণত্যাগ করিব । কিন্তু জয়দ্রথকে সেই দিন পাইবার কোন আশা ছিল না । কেবল শ্রীকৃষ্ণের চক্রে সূর্যাস্তের বহুপূর্বে সন্ধ্যাভ্রান্তি ঘটতেই জয়দ্রথ বহির্গত হইয়াছিলেন ; অর্জুনও প্রতিজ্ঞা রক্ষার অবকাশ পাইয়া ছিলেন । আর একবার যুধিষ্ঠিরের সহিত বিবাদ উপলক্ষে তাঁহার ঐকপ অবস্থা ঘটিয়াছিল । সেই সকল কথা মহাভারতে বিস্তারিত ভাবে

বর্ণিত আছে। কোনও একটা প্রতিজ্ঞা রক্ষা করিতে পারেন নাই বলিয়া অর্জুনকে মহাপ্রস্থান সময়ে পথে প্রাণত্যাগ করিতে হইয়াছিল। অর্জুনের দেহত্যাগের কারণ জিজ্ঞাসিত হইলে যুধিষ্ঠির বলিয়াছিলেন “অর্জুন প্রতিজ্ঞা করিয়াছিলেন একদিনে সমস্ত শত্রু বিনষ্ট করিব। কিন্তু স্বীয় বীরত্বের অহঙ্কারে যাহা প্রতিজ্ঞা করিয়াছিলেন, তাহা সম্পন্ন করিতে পারেন নাই, সেই জন্যই তাঁহার পতন হইল। যে বাক্‌দণ্ডে সমর্থ, তাহার আত্মসংযমে অধিক বিলম্ব নাই।”

তৃতীয়তঃ কায়দণ্ড। ভৌতিক দেহেরও দমন প্রয়োজন, যেন আমাদেরকে অকার্য্যে চালিত করিয়া পাপঞ্জর না করে। ভগবান্ শ্রীকৃষ্ণ বলিয়াছেন—

“দেবদ্বিজগুরু প্রাজ্ঞপূজনং শৌচমার্জবং।

ব্রহ্মচর্য্যমহিংসাত শারীরং তপ উচ্যতে ॥”

যৌবনকালই দেহ সংযমের সময়। কারণ সেই সময়েই সহজে ইহাকে জয় করিয়া সৎপথে চালিত করা যায়। দেহ অভ্যাসের দাস, যদিও প্রথম প্রথম জীবাশ্মার ইচ্ছানুবর্তী হইতে কষ্টবোধ করিবে বটে, কিন্তু সামান্য অধ্যবসায় দ্বারা অতি সহজেই দেহ সংযম করা যাইবে; একবার অভ্যাস করাইয়া দিলে দেহকে অভ্যস্ত পথে চালিত করা তত কষ্টসাধ্য নহে।

আত্মসংযম অভ্যাস দ্বারা আমাদেরকে যে সকল পাপ ও দুঃখের মূল নষ্ট করিতে হইবেক, তাহাদের মধ্যে স্বার্থ বাসনাই প্রধান। কারণ, পার্থিব সুখ ও সম্পদের হৃৎপূর্ণীয় কামনা

হইতে বহু দুঃখের উৎপত্তি হয়। সেই কামনা ত্যাগ দ্বারাই শান্তিলাভ হয়। কামনা পূরণ দ্বারা শান্তিলাভ সম্ভবপর নহে ; ইহা মঞ্চী বুঝিয়াছিলেন। মঞ্চী লোভবশে ধনের জ্ঞাত বহু যত্ন করিয়াছিলেন, কিন্তু তাঁহার আশা পূর্ণ হয় নাই। তাঁহার সম্পত্তির অবশেষ দ্বারা তিনি দুইটী গোবৎস ক্রয় করিয়া তাহাদিগকে হালবহনোপযোগী করিতে আরম্ভ করিলেন। কিন্তু ভাগ্যবশে তাহারা যে রজ্জুতে বদ্ধ ছিল, তাহা গমনশীল উষ্ট্রের পদে আবদ্ধ হইয়াছিল। তাহাতেই তাহাদের মৃত্যু হয়। এই শেষ দুর্ঘটনাতে মঞ্চীর হৃদয় হইতে কামনা দূর হইয়াছিল। তখন মঞ্চী গান করিতে আরম্ভ করিলেন, “যে স্নেহের বাসনা করে তাহার বিষয় বাসনা ত্যাগ করা কর্তব্য”। শুকদেব যথার্থই বলিয়াছেন যে, যদি দুইজনের একজন সমস্ত অভিলষিত প্রাপ্ত হয়, আর একজন সমুদায় অভিলাষ ত্যাগ করে, তবে শেষোক্ত ব্যক্তি নিশ্চয়ই প্রথমোক্ত ব্যক্তি উপেক্ষা উচ্চতর। কারণ কেহই এপর্যন্ত বাসনার অবধি পায় নাই। হে আত্মা তুমি এতদিন লোভের দাস ছিলে ; আজ দাসত্ব ঘুচিয়াছে, এখন স্বাধীনতা ও শান্তির মধু-আস্বাদ উপভোগ কর। এতদিন নিদ্রিত ছিলাম ; আর ঘুমাইব না, এখন জাগিব। হে বাসনা আর তুমি আমাকে ভুলাইতে পারিবে না। যখনি যে বিষয়ে তুমি আমার হৃদয় আকর্ষণ করিয়াছ, যাহার অনুবর্তী হইতে তুমি আমার বলপূর্ব্বক নিয়োগ করিয়াছ, তাহা লাভ করা যাইবে কি না, তাহাও একবার ভাবিতে দাও নাই। তোমার বুদ্ধি নাই তুমি নির্দোষ—তুমি চিরদিন দুঃখরূপী নিরন্তর অগ্নির ছায় জলিতেছ—নিরন্তর

তোমার আহুতি লাভের বাসনা। তোমাকে পূর্ণ করা অসম্ভব, তুমি মহাশূন্যের মত। দেখিতেছি, আমাকে হুঃখার্ণবে মগ্ন করা তোমার একমাত্র বাসনা। আজ তোমায় আমার পৃথক হইলাম, আজ হইতে হে কামনা আর তোমার সঙ্গ চাই না। আর আমি তোমার বা তোমার দলবলের বিষয় ভাবিব না। আজ হইতে আমি তোমাকে আমার সমুদায় মনোবৃত্তির সহিত পরিত্যাগ করিলাম। আমি বহুবার হতাশ হইয়া কষ্টভোগ করিয়াছি। আজ আমার মন শান্ত হইয়াছে। আজ হইতে যদুচ্ছালক-দ্রব্যে জীবনযাত্রা নির্বাহ করিব, আর কামনা পূর্ণ করিবার জন্ত পরিশ্রম করিব না। আজ আমি তোমায় শত্রু বলিয়া চিনিয়াছি। সদল তোমাকে ত্যাগ করিয়া তৎপরিবর্তে শান্তি, আশ্বসংযম, ক্ষমা, দয়া ও মুক্তিলাভ করিলাম।” এইরূপে মঞ্চী অত্যন্ত ত্যাগ করিয়া সমুদায় লাভ করিয়াছিলেন।

যযাতি রাজার উপাখ্যানটীও শ্রবণ কর। তিনি বাসনা বশবর্তী হইয়া নিজের পুত্রের নিকট হইতে যৌবন গ্রহণ করিয়া ছন্দ্রপুর্ণীয় লালসার চরিতার্থ করিতে চেষ্টা করিয়াছিলেন। উপাখ্যানটী এই—

চন্দ্রবংশে নহ্ষাঋজ যযাতি নামে এক রাজা ছিলেন। তাঁহার ইন্দ্রিয়তর্পণস্পৃহা অত্যন্ত বলবতী ছিল। সেই কারণে তাঁহার ঋগুর দৈত্যগুরু শুক্রাচার্য্য তাহাকে শাপ প্রদান করিয়াছিলেন, সেই শাপে অকালে তাঁহার্কে জরা আশ্রয় করিয়াছিল। তিনি শুক্রাচার্য্যকে তুষ্ট করিলে পর শুক্রাচার্য্য বলিলেন, তোমার পুত্রগণের মধ্যে

যে কেহ ইচ্ছা করিলে সহস্র বৎসরের জন্ত তোমার জরা গ্রহণ-  
পূর্বক স্বীয় যৌবন অর্পণ করিতে পারিবে। যযাতি তাঁহার  
পাঁচটা পুত্রকে ক্রমান্বয়ে জিজ্ঞাসা করিলে, কনিষ্ঠ পুত্র পুরু তাঁহার  
প্রীতিসাধন জন্ত স্বেচ্ছায় স্বীয় যৌবন অর্পণ পূর্বক সহস্রবর্ষের  
জন্ত জরা গ্রহণ করিয়াছিলেন। তৎপরে সহস্র বৎসর পর্য্যন্ত  
নিরন্তর ইন্দ্রিয় সেবা করিয়া তাঁহার তৃপ্তিলাভ হইল না। তাঁহার  
ইন্দ্রিয়গণ অবশ হইলেও বাসনার নিবৃত্তি হইল না। অবশেষে  
সহস্র বৎসর অতীত হইলে, তাঁহার মনে বৈরাগ্যের উদয় হইল।  
তিনি বুঝিলেন বিষয় ভোগে বাসনার তৃপ্তি হয় না, কিন্তু ত্যাগেই  
তৃপ্তি। তখন তিনি পুরুকে আহ্বান পূর্বক নিজ জরা গ্রহণ  
করিলেন এবং তাহাকে যৌবন ও স্বরাজ্য প্রদান পূর্বক অরণ্য  
আশ্রয় করিলেন। তৎকালে তিনি বলিয়াছিলেন—

‘ন জাতু কামঃ কামানাং উপভোগেন সাম্যতি ।

হবিষা কৃষ্ণবস্ত্রে ব ভূয় এবাভিবর্দ্ধতে ॥’

অর্থাৎ কামনা, কামোপভোগে প্রশমিত হয় না, কিন্তু হবিঃ-  
যোগে অগ্নি যেমন প্রবলতর প্রজ্জ্বলিত হয়, সেইরূপ বর্দ্ধিতই  
হইয়া থাকে।

এইবার শ্রীকৃষ্ণপ্রোক্ত অহিংসা শব্দের বিষয় একটু চিন্তা  
করা যাউক। ভীষ্মদেব একস্থানে উপদেশ দিয়াছেন—“অহিংসা  
পরমোধর্ম” আমাদের কাহারও অনিষ্ট করা উচিত নহে। আমা-  
দের জীবন পরের সাহায্যার্থেই সৃষ্ট হইয়াছে, কাহাকেও কষ্ট  
দিবার জন্ত সৃষ্ট হয় নাই। এই অহিংসা দেহসংরক্ষণমোৎপন্ন ধর্ম,

বৃহস্পতি বলিয়াছেন “যে ব্যক্তি সর্বভূতে দয়া প্রকাশ করে সেই সৰ্ব্বাপেক্ষা মঙ্গল লাভ করে। যাহা নিজের প্রতি কষ্টকর অপরের ওতি কাহারও সেরূপ ব্যবহার কর্তব্য নহে। ইহাই সংকার্যের মূল নিয়ম।”

মানুষ না বুঝিয়াও অনেক সময় অপরকে কষ্ট দিয়া থাকে। তাহাতে বহু বিপত্তির উৎপত্তি হয়। যখন যুধিষ্ঠির, দুৰ্য্যোধন ও তাঁহাদের ভ্রাতৃগণ বালক ছিলেন, তাঁহারা সকলে একসঙ্গে অধ্যয়ন করিতেন। ভীম সকলের অপেক্ষা বলবান্ ছিলেন, তিনি সকলের সঙ্গে সময় সময় রঙ্গ করিতেন, এবং বালক-স্বভাব-মূলত চপলতা বশে অসাবধান ভাবে দুর্বল ও অল্প বয়স্ক বালকদিগকে ভয় প্রদর্শন করিতেন। যখন বালকগণ ফলসংগ্রহে ব্যস্ত থাকিত, সেই সময় হরত দুই হস্তে বৃক্ষধারণ পূর্বক সঞ্চালিত করিয়া তাহাদিগকে ব্যতিব্যস্ত করিতেন, হয়ত কোন বালক পক্ষফলের দ্বারা বৃক্ষচ্যুত হইয়া ভূপতিত হইত। ভীম তখন ইহা অতি আমোদজনক ব্যাপার মনে করিতেন; কিন্তু সেই আঘাতে দেহের সঙ্গে কোনও কোনও বালকের মনেও আঘাত লাগিয়াছিল। কোনও সময়ে ভীম স্নান করিতে গিয়া জলমগ্ন হইতেন এবং কতকগুলি বালকে জলমগ্ন করিয়া মৃতপ্রায় করিতেন, অথচ তাহার নিজের ক্ষমতা অধিক বলিয়া সেই মগ্ন অবস্থায় কোনও কষ্টই হইত না। তাঁহার আনন্দ হইত কিন্তু অপরে যন্ত্রণা পাইত; তাহার ফল কি হইয়াছিল বল দেখি? সেই যে বাল্য-মনোমালিণ্ড, তাহাই বর্দ্ধিত হইয়া কালে কোরব ও পাণ্ডার শত্রুতা সৃষ্টি হইল। তাহাতেই কোরব ও

পাণ্ডব উভয় দলই ভয়ীভূত হইয়াছিল। ভীমের সেই বাল্য-চাপল্যই কুরুক্ষেত্র মহাসমরের হেতু। সত্য বটে, দাছ পদার্থ না থাকিলে সামান্য ক্ষুণ্ণিজে কাষ্ঠ প্রজ্জ্বলিত হয় না। পেশী রুগ্ন না হইলে রোগবীজাণু (microbe) তাহাতে আশ্রয় লইতে পারে না। তথাপি সর্বদাহক অগ্নিক্ষুণ্ণিঙ্গ বিষয়ে কি আমাদের সাবধান থাকা কর্তব্য নয়? মৃত্যুজনক রোগবীজাণু সম্বন্ধে আমাদের চিরদিন সাবধান থাকা উচিত। যখন চাপল্য বলে কেহ দুর্বলের প্রতি অত্যাচার করে, দুর্বল তখন প্রতিশোধ লইতে পারে না সত্য, কিন্তু তাহার অন্তরে যে ক্রোধের বীজ উৎপন্ন হয় তাহাই স্বপ্না, জঁধা প্রভৃতিতে পরিণত হয়। যাহা হউক দুর্বলের উপর সবলের অত্যাচার সর্বথা দোষাবহ জানিবে। যাহার মন পরপীড়ন ভালবাসে, তাহার চক্ষে উহা তাদৃশ মন্দবোধ লাভ হইতে পারে কিন্তু শ্রায়ের চক্ষে তাহা ক্ষুদ্রান্তঃকরণের কার্য্যও উৎপীড়ন,—সন্দেহ নাই। কুরুক্ষেত্র মহাসমরের ইতিবৃত্ত ধীরভাবে বিচার করিয়া পাঠ করিলে পাণ্ডবেরা পূর্ণরূপে প্রংশসাপাত্র ও কৌরবগণ নিন্দার পাত্র হইতে পারেন না।

মন, বাক্য ও কায়দগুরুপ ত্রিদণ্ড ধারণ দ্বারা শ্রায়পরতা, সংচরিত্র লাভ হয়, তাহাতেই সং ব্যবহার ক্ষমতা জন্মে। যে ব্যক্তি আপনাকে সকলের সহিত সং সম্বন্ধে বদ্ধ করিয়াছেন, যাহার নিজের ভাব মন ও দেহ আত্মাত্মগত ধর্ম্ম আয়ত্ত্ব করিয়াছেন, তিনিই পরের জন্ত জীবন যাপন করিতে সমর্থ হন।

মানবগণের মধ্যে পরস্পরের সম্বন্ধবশে যে সকল পুণ্য ও



পাপের উদ্ভব হয়, এইবার আমরা সেই গুলির বিষয় আলোচনা করিব। এই গুলিকে তিন শ্রেণীতে বিভক্ত করা যাইতে পারে।

১। গুরুজনের সহিত ব্যবহার জনিত পাপ ও পুণ্য।

২। সমাবস্থগণের সহিত ব্যবহার জনিত পাপ ও পুণ্য।

৩। নিকৃষ্টগণের সহিত ব্যবহার জনিত পাপ ও পুণ্য।

এইরূপে আমরা যে সকল ধর্মদ্বারা আমাদের নিকটস্থগণের সহিত ব্যবহারজনিত সাম্যভাব লাভ করিতে পারি, সেইগুলি শ্রেণীবদ্ধ করিয়া বিচার করিতে সমর্থ হইব এবং অকর্তব্যগুলি বুঝিতে পারিয়া তাহা পরিত্যাগ করিতে সমর্থ হইব। সকল ধর্মই পবিত্র ভালবাসা হইতে উৎপন্ন এবং তাহার ফল আনন্দ। সকল পাপের মূল ঘৃণা, ফল দুঃখ।

শুভাশুভফলং কৰ্ম্ম মনোবাক্‌দেহসম্ভবম্ ।

কৰ্ম্মজা গতয়ো নৃণামুত্তমাদমমধ্যমাঃ ॥ ৩

তশ্চেহ ত্রিবিধস্তাপি ত্র্যধিষ্ঠানশ্চ দেহিনঃ ।

দশলক্ষণযুক্তশ্চ মনোবিজ্ঞাং প্রবর্তকং ॥ ৪

... ..

মানসং মনসৈবায়মুপভুক্তং শুভাশুভং ।

বাচা বাচাকৃতং কৰ্ম্ম কায়েনৈব তু কায়িকং ॥ ৮

... ..

বাস্তবদণ্ডোহথ মনোদণ্ডঃ কৰ্ম্মদণ্ডস্তথৈব চ ।

যান্ত্রিতে নিহিতা বুদ্ধৌ ত্রিদণ্ডীতি স উচ্যতে ॥ ১০

ত্রিদণ্ডমৈতনিক্রিপ্য সর্বভূতেষু মানবঃ ।

কামক্ৰোধৌ তু সংযম্য ততঃ সিদ্ধিং নিগচ্ছতি ॥১১

( মনু ১২ অ )

কায়মনবাক্যে কর্ম্ম শুভাশুভ হয় ।

কর্ম্ম অমুরূপ গতি নাহিক সংশয় ॥

কর্ম্ম অনুসারে গতি উত্তম মধ্যম ।

অথবা ঘটয়ে গতি অতীব অধম ॥ ৩

দেহীর মনের ভাব ত্রিবিধ প্রকার ।

মনোবাক্কায়প্রিত জেনো ইহা সার ॥

দশটা লক্ষণ তার জানিও অন্তরে ।

মন বিছা প্রবর্তক হন যাহা ধরে ॥ ৫

... ..

মনোজাত শুভাশুভ কর্ম্মের সে ফল ।

মনেই করিতে হয় ভোগ সে সকল ॥

বাচিক কর্ম্মের ফল কর্ম্মে হয় ভোগ ।

শরীরে শারীর ফল হয় যাহা যোগ ॥ ৮

... ..

বাক্‌দণ্ড মনোদণ্ড কায়দণ্ড আর ।

বুদ্ধিতে নিহিত যার সম্যক্ প্রকার ॥

তিনিই ত্রিদণ্ডী ইহা শাস্ত্রের লিখন ।

নহে হস্তে দণ্ডধরা শুধু বিড়ম্বন ॥

কাম ক্রোধ সেই যেন করিয়া সংযত ।  
ত্রিদণ্ডী হইয়া সর্বভূত হিতে রত ॥  
তঁাহারি ত্রিদণ্ড বলে সিদ্ধি লাভ হয় ।  
শাস্ত্রের বচন ইথে নাহিক সংশয় ॥ ১১

\* \* \*

দেবদ্বিজগুরুপ্রাজ্ঞপূজনং শৌচমার্জবম্ ।  
ব্রহ্মচর্যমহিংসা চ শারীরং তপ উচ্যতে ॥ ১৪  
অনুদ্বৈগকরং বাক্যং সত্যং প্রিয়হিতঞ্চ যৎ ।  
স্বাধ্যায়াত্যাসনং চৈব বাঙ্গমং তপ উচ্যতে ॥ ১৫  
মনঃপ্রসাদঃ সৌম্যত্বং মৌনমাত্মনিগ্রহঃ ।  
ভাবসংশুদ্ধিরিত্যেতত্তপো মানসমুচ্যতে ॥ ১৬  
( গীতা ১৭ অ )

দেবতা, ব্রাহ্মণ, গুরু, প্রাজ্ঞের পূজন ।  
শৌর্য্য, সরলতা, ব্রহ্মচর্যের ধারণ ॥  
অহিংসা, শারীর তপ বলি শাস্ত্রে কয় ।  
আর বলিব সে তপস্তা বাঙ্গম ॥  
অনুদ্বৈগকর বাক্য সত্য হিতকর ।  
বেদের অভ্যাসরূপ তপ মনোহর ॥  
মনের প্রসন্নভাব সৌম্যভাব আর ।  
ইন্দ্রিয় নিগ্রহ মৌন নিগ্রহের সার ॥  
আন্তরিক ভাবের শোধন এই কয় ।  
মানসিক তপ শাস্ত্রে আছয়ে নিশ্চয় ॥

\* \* \*

ন জাতু কামঃ কামানাং উপভোগেন সাম্যতি  
হবিষা কৃষ্ণবজ্রৈব ভুয় এবাভিবৰ্দ্ধতে ॥৩৭৯

( মহাভারত অমুশাসনপর্ব )

কামনার উপভোগে কাম শাস্ত নয় ।  
অগ্নি যেন ঘৃত পেলে সদা বৃদ্ধি হয় ॥ ৩৭

\* \* \*

অসংশয়ং মহাবাহো মনো হুনি গ্রহং চলম্ ।  
অভ্যাসেন তু কৌন্তেয় বৈরাগ্যেণ চ গৃহতে ॥৩৫  
যতো যতো নিশ্চরতি গনশ্চঞ্চলমস্থিরম্ ।  
ততস্ততো নিয়ম্যৈতদাত্মত্বে বশং নয়েৎ ॥২৬

( গীতা ৬ অঃ )

শুনিশ্চয় মহাবাহু মন হুনি বার ।  
চঞ্চল হলেও আছে উপায় তাহার ॥  
কেবল অভ্যাস যোগ করিবে আশ্রয় ।  
বৈরাগ্য সহায়ে বশ হইবে নিশ্চয় ॥৩৫  
অস্থির চঞ্চল মন যতবার ধাবে ।  
ততবার আনি তারে আত্মাতে বসাবে ॥২৬

\* \* \*

অভ্যাসেহপ্যসর্থোহসি মৎকর্ম্মপরমো ভব ।  
মদর্থমপি কৰ্ম্মাণি কুর্ক্বন্ সিদ্ধিমবাপ্যসি ॥১০

( গীতা ১২ অঃ )

অভ্যাস যোগেতে যদি অসমর্থ হও ।  
তৎপর হইয়া মম কর্ম্মে লেগে রও ॥

মদর্থে করিলে কস্ম সিদ্ধি লাভ হবে ।

ভেবে দেখ তবে আর কি ভাবনা রবে ॥১০

\* \* \*

নিত্যে নিত্যানাং চেতনশ্চেতনানাং

একো বহুনাং যে বিদধতি কামান্ ।

তমাত্মস্থং যেহরুপশ্চাস্তি ধীরাঃ

তেষাং শান্তিঃ শাস্বতো নেতরেষাং ॥১৩

( কঠ ৬ বঙ্গী )

নিত্যগণ মাঝে নিত্য প্রাণের প্রাণ ।

একা বহু হয়ে যিনি কামনা পূরান্ ।

যেই ধীরগণ হেরে আত্মাতে তাঁহারে ।

তাঁরা পান শান্তি অবশ্য পাইতে কি পারে ॥১৪

\* \* \*

গোত্রজঃ সহজশত্রুরিত্যসৌ

নীতিবস্ত্ত্ব ধনলোভে হৃদিয়াং ।

বৃদ্ধতুল্য লঘুপুংবৃতং জগ—

দ্বীধনস্ত পিতৃমিত্রপুত্রবৎ ॥১৭

( বালভারত উদ্যোগপর্ক )

গোত্রজ সহজ শত্রু মানবের হয় ।

এ কথা সদা ধনলোভিগণ কর ॥

জ্ঞানধনে ধনী যেই তাহার নিকটে ।

এই কথা সত্য বলি কভু নাহি ঘটে ॥

বুদ্ধজন তাঁর কাছে পিতার সমান ।

সমান সখার মত ক্ষুদ্রে পুত্র জ্ঞান ॥১৭

\* \* \*

অবিজিত্য য আত্মানং অমাত্যান্ বিজিগীষতে ।

অমিত্রান্ বা জিতামাত্যঃ সৌহবশঃ পরিহীয়তে ॥

আত্মানমেব প্রথমং বেষরূপেণ যোজয়েৎ ।

ততোহমাত্যান্ অমিত্রাংশ্চ ন সোদ্যং বিজিগীষতে ॥

( বালভারত উদ্যোগ পর্ব ১২৮ অঃ )

২৯।৩০

আপনারে যেই জন নাহি করি জয় ।

মজ্জিগণে বশে আনিবারে ব্যস্ত হয় ॥

কিছু মজ্জিগণে বশ না করি আপন ।

শত্রু জয় করিবারে হয় ব্যস্ত মন ॥

তার জয় নাহি হয় কহিলু নিশ্চয় ।

আপনার ফাঁদে পড়ে, গর্ব্ব থর্ব্ব হয় ॥

কিন্তু যেবা প্রথমেতে আত্মজয় করি ।

মজ্জিগণে বশীভূত করি স্বরাঙ্গরি ॥

পরে শত্রুগণে রণে করি পরাজয় ।

তাহার সে চেষ্টা কভু বিফল না হয় ॥

\* \* \*

ধর্ম্মস্থ বিষয়ে নৈকে যে বৈ প্রোক্তা মনীষিভিঃ ।

স্বং স্বং বিজ্ঞানমাপ্রিত্য দমন্তেষাং পুরায়ণং ॥৬॥

দমং নিঃশ্রেয়সে প্রাহুব্ধা নিশ্চিতদর্শিনঃ ।

ব্রাহ্মণস্ত বিশেষেণ দমোধর্ম্যঃ সনাতনঃ ॥১৭॥

... ..

অদাস্তঃ পুরুষঃ ক্লেশমভীক্সং প্রতিপত্ততে ।

অনর্থাংশ্চ বহুনত্বান্ প্রসৃজত্যাশ্বদোষজান্ ॥১৮॥

আশ্রমেষু চতুষ্টয়াদ্ভিগমেবোত্তমং ব্রতং ।

তেষাং নিধানি বক্ষ্যামি যেষাং সমুদয়ো দমঃ ॥১৯॥

ক্ষমা ধৃতিরহিংসা চ সমতা সতামার্জবং ।

ইন্দ্రిয়াভিজয়ো দাক্ষ্যং মর্দ্বং হ্রীরচাপলং ॥

অকার্পণ্যমসংরম্ভঃ সন্তোষঃ প্রিয়বাদিতা ।

অবিহিংসানস্যা চাপ্যেযাং সমুদয়ো দমঃ ॥২০॥

\* \* \*

ধর্ম্মের অনেক শাখা কন মুনিগণ ।

নিজ নিজ জ্ঞানাপ্রয়ে বাড়ে অনুক্ষণ ॥

তার মাঝে দম হয় আশ্রয় সবার ।

শাস্ত্রের বচন ঠিক কহিলাম সার ॥৬॥

বুদ্ধ যারা নিশ্চিত করিলা দরশন ।

নিঃশ্রেয়স দানে শক্ত দম অনুক্ষণ ॥

বিশেষতঃ ব্রাহ্মণে দশ গুণ সার ।

ধর্ম্ম সনাতন ইহা সন্দেহ কি তার ॥১৭॥

... ..

দম হীন পুরুষের সদা ক্লেশ হয় ।

অতর্ক্য আপদের হয় ত উদয় ॥

সে সব আপদ তার জন্মে নিজ দোষে ।  
বহু কষ্ট পেতে হয় দমহীনে শেষে ॥১৩  
চারি আশ্রমীর শ্রেষ্ঠ ব্রত দম হয় ।  
তার চিহ্ন বলি যাহে দম সমুদয় ॥১৪  
ক্ষমা, ধৃতি অহিংসা, সমতা, সত্য আর ।  
ঋজুতা, ইন্দ্রিয়জয়, দাক্ষ্য গুণ সার ॥  
মৃহভাব আর লজ্জা অচাপল্য আর ।  
অকার্পণ্য, অসংরম্ভ, সন্তোষ সে আর ॥  
মিষ্টভাষী, হিংসার অভাব, ক্রোধভাব ।  
দমের উদয় করা এদের স্বভাব ॥

\* \* \*

ধৃতিঃ ক্ষমা দমোহস্তেয়ং শৌচমিন্দ্রিয়নিগ্রহঃ ।  
দৌৰ্বিদ্ধা সত্যমক্রোধো দশকং ধৰ্ম্মলক্ষণং ॥১২  
( মনু ৬ অ )

ধৃতি, ক্ষমা, দম আর অস্তেয় নিশ্চয় ।  
ইন্দ্রিয়নিগ্রহ, শৌচ, বুদ্ধি, বিজ্ঞাচয় ॥  
সত্যকথা, ক্রোধত্যাগ, এই গুণ দশ ।  
ধর্ম্মের লক্ষণ যাহে বিশ্ব হয় বশ ॥১২

\* \* \*

অহিংসা সত্যমস্তেয়ং শৌচমিন্দ্রিয়নিগ্রহঃ ।  
এতং সামাসিকং ধৰ্ম্মং চাতুৰ্ভুজং ব্রহ্মবীৰ্য্যমুখ্যং ॥১৩  
অহিংসা, অস্তেয়, সত্য, শৌচভাব আর ।  
ইন্দ্রিয়নিগ্রহ জেনো সর্ব গুণ সার ॥



সজ্জেকপে কহিলা মনু এই ধর্ম কয় ।  
চারি বর্ণে সমভাবে পালিবে নিশ্চয় ॥৬৩

\* \* \*

সত্যমন্ত্ৰেয়মক্ৰোধো হ্রীঃ শৌচং ধী ধৃতির্দমঃ ।  
সংযতেন্দ্রিয়তা বিদ্যা ধর্মঃ সর্ব উদাহৃতঃ ॥৬৬

অন্ত্ৰেয়, অক্ৰোধ, সত্য, হ্রী, শৌচ, ধী আর ।  
ধৃতি, দম, ইন্দ্রিয়নিগ্রহ ধর্মসার ॥৬৬



## অষ্টম অধ্যায় ।



### গুরুজনের প্রতি ব্যবহার ।

নিঃস্বার্থ ভালবাসা হইতে আমাদের অস্বৈত্যাগের বাসনা জন্মে ও সাধারণের হিতকর কার্যে প্রবৃত্তি হয় ॥ সুতরাং সেইরূপ ভালবাসাই ধর্মের মূলস্বরূপ । তদ্বারাই একত্ব লাভ হয় । এইরূপ যুগা আমাদিগকে অপরের সামগ্রী গ্রহণ করিতে নিজের সুখের জন্য অত্নের ক্ষতি করিয়াও বাসনার সামগ্রীতে হস্তক্ষেপ করিতে প্রবৃত্ত করে । সুতরাং ইহাই পাপের মূল ; ইহা হইতে পৃথক্ ভাবের উৎপত্তি হয় । যাহাকে ভালবাসি তাহার জন্যই আমরা ত্যাগস্বীকার করি ; এই ত্যাগস্বীকারে আনন্দ হয় । তাহা হইতেই আমরা বুঝিতে পারি যে গভীরতম সুখ, যথার্থ আনন্দ, ত্যাগ দ্বারাই লব্ধ হয় । তাহাই জীবাত্মার আনন্দ । গ্রহণ দ্বারা যে আনন্দ, তাহা দেহের ।

ভালবাসা হইতে কিরূপে মানব গুরুজনের প্রতি ব্যবহার করিতে শিখে, তাহাই আলোচনা করা যাউক । মানবের গুরু ঈশ্বর, রাজা, পিতা, মাতা, শিক্ষাদাতৃগণ ও বৃদ্ধগণ ।

ঈশ্বরের প্রতি ভালবাসা হইতেই আমরা তাঁহাকে মান্য করি, তাঁহার সাধনা ও উপাসনা করি এবং তাঁহার ইচ্ছার অনুবর্ত্তী হইয়া চলিতে ইচ্ছা করি । যাহারা ঈশ্বরকে ভালবাসেন সকলেই তাঁহার প্রতি এই সকল ভাব প্রদর্শন করিয়া থাকেন । ভীষ্ম কিরূপে

বিষ্ণুর অবতার শ্রীকৃষ্ণকে পূজা ও মাংস করিয়াছিলেন দেখ । রাজসূরষজ্ঞ সময়ে ভীষ্মদেব প্রথমেই শ্রীকৃষ্ণকে অর্থ দান করিতে পণ্ডিতদিগকে প্রতি আদেশ করিয়াছিলেন । নারদ বলিয়াছিলেন বিশ্বের আদি পুরাতন শ্রীকৃষ্ণের পূজা যাহাদের মনঃপূত নহে, তাহারা মিষ্টবাক্য ও সন্ধ্যাবহারের উপযুক্ত নহে । যে সকল ব্যক্তি কমল-পত্রাক্ষ শ্রীকৃষ্ণের পূজা করিতে ইচ্ছা করে না, তাহারা জীবিত হইয়াও মৃত । সেইরূপ মৃত্যু সময়ে ভীষ্ম কায়মনোবাক্যে শ্রীকৃষ্ণের চিন্তা পূর্বক তাঁহার আশীর্বাদ লাভ করিবার জন্ত বাগ্ন হইয়াছিলেন । সুদীর্ঘ বক্তৃতা সমাপনান্তে তিনি বাগ্নদেবের সহস্রনাম কীর্ত্তন করিয়াছিলেন এবং দেহত্যাগের পূর্বে শ্রীকৃষ্ণের অনুমতি গ্রহণই তাঁহার শেষ বাক্য ।

দৈত্যপতি হিরণ্যকশিপুর পুত্র প্রহ্লাদ ভগবদ্ভজনের বিখ্যাত উদাহরণ । তাঁহার শিক্ষক যত উপদেশ দিয়াছিলেন, তৎপরিবর্তে তিনি নিরন্তর স্থিরভাবে হরিপূজা ও হরিনাম কীর্ত্তন করিয়াছিলেন । তাঁহার পিতা তাঁহাকে বিনাশ করিতে উদ্যত হইয়াছিলেন কিন্তু সে ভয়েও তাঁহার ভক্তি বিচলিত হয় নাই । তাহার হরিভক্তিগুণে মদমত্ত হস্তিগণও তাহাকে পদাঘাত করিতে সমর্থ হয় নাই । যে গুরুভার পাখাণের চাপে তাঁহার চূর্ণ হইবার কথা, তাহাও তাঁহার বক্ষে তুলার ত্রায় বোধ হইয়াছিল । যে তরবারির তীক্ষ্ণধারে তাঁহার মস্তক ছিন্ন হইবার কথা, তাহাও হানধার হইয়াছিল । যে বিধে তাঁহার মৃত্যু হইবার কথা, তাহাও তাঁহার পক্ষে নির্মল জলের ত্রায় পিপাসার শাস্তিকারক হইয়াছিল । অবশেষে ভগবান্ নরসিংহ-

মুর্ষিতে ফটিকস্তম্ভ ভেদ করিয়া অবতীর্ণ হইলেন এবং হরিদাস প্রহ্লাদকে চিরদিনের জন্ত বিপণ্নুক্ত করিলেন।

ঋষি বিধাতার দুর্ব্যবহারে পিতৃসদন পরিত্যাগ পূর্বক শ্রীহরির আরাধনার জন্ত যেরূপ একাগ্রতা সাহস ও অধ্যবসায় প্রদর্শন করিয়াছিলেন তাহা অতুল্য। শ্রীহার তাঁহাকে দর্শন দিয়া ত্রিলোকের সীমার বহিস্থিত প্রদেশে ঋষলোক স্থাপন করিয়াছিলেন, সেই থানেই তিনি অবস্থানপূর্বক রাজত্ব করিতেছেন।

শ্রীরামচন্দ্রের পূর্ণ মানুষ চরিত্রে ঈশ্বরেচ্ছার অনুবর্তন গুণের চূড়ান্ত উদাহরণ দেখিতে পাওয়া যায়। যখন তিনি রাজ্যলাভে বঞ্চিত হইলেন, তখন তিনি প্রসন্নভাবে সকলকে সান্ত্বনা করিয়াছিলেন। এবং সকলকেই বুঝাইয়া দিলেন যে, জগতে যাণ্ডা কিছু ঘটে সমস্তই মঙ্গলের নিমিত্ত ঘটিয়া থাকে। তিনি সেই প্রবল ষাটিকাবর্তে প্রশান্তভাবে বিচলিত ছিলেন।

পক্ষান্তরে বাহারা পরমপুরুষে শ্রদ্ধাবান্ নহে, আমরা পদে পদে তাহাদের পরাভব দেখিতে পাই। বিশ্ববিজয়ী রাবণ লঙ্কার অধীশ্বর ছিলেন। তাঁহার হ্রায় পরাক্রান্ত রাজগণ সকলেই ঈশ্বরের প্রতিদ্বন্দ্বিতাচরণ করিতে গিয়া বিনষ্ট হইয়াছিলেন। মগধরাজ জরাসন্ধ, শ্রীকৃষ্ণের বাক্য অবহেলা করিয়া বন্দী রাজগণকে মুক্ত করেন নাই, সেজন্ত তাঁহাকে ভীমের হস্তে প্রাণত্যাগ করিতে হইয়াছিল। গিণ্ডপাল কৃষ্ণনিন্দা করিয়া তাঁহার চক্রাঘাতে নিহত হইয়াছিল। শ্রীকৃষ্ণের পরামর্শ অবহেলা করিয়া দুর্যোধন সবাক্ষে নিহত হইয়াছিল। এইরূপ উদাহরণ অসংখ্য উদ্ধৃত করা যাইতে

পারে। ইহা দ্বারা এই শিক্ষালাভ করা যায় যে, যে কেহ ঈশ্বরে অবজ্ঞা করিবে তাহাকে নিশ্চয়ই অকালমৃত্যুমুখে পতিত হইতে হইবেক।

রাজভক্তি ও শাস্ত্রে ভূয়োভূয়ঃ অনুশাসিত হইয়াছে। এবং উদাহরণ দ্বারাও তাহার প্রয়োজন প্রমাণিত হইয়াছে। যখন যুধিষ্ঠির ইন্দ্রপ্রস্থে রাজত্ব করিতেছিলেন, তাঁহার চারি ভ্রাতা দ্বিধিজয়ে গমনপূর্বক জয়লব্ধ ধন আনিয়া তাঁহার পদে অর্পণ করিয়া ছিলেন, তাঁহারা রাজার জগুই যুদ্ধ করিয়াছিলেন, আপনাদের জয়লিপ্সা পরিপূর্ণ করিবার জন্ত নহে। যখন যুধিষ্ঠির দ্যুতে পরাস্ত হইয়া অরণ্য আশ্রয় করেন, তখন প্রজাগণ তাঁহার অনুগমনে উত্তত হইয়াছিলেন। তিনি তাহাদিগকে হস্তিনাপুর গমন পূর্বক তাহাদের যথার্থ রাজার অনুবর্তী হইতে বলিলেন। কারণ সেই কার্য্যদ্বারা তাহাদের শুভলাভ হওয়া সম্ভব।

রাজার কার্য্যতৎপরতার জগুই তৎকালে এই রাজভক্তি বর্দ্ধিত হইয়াছিল। অঙ্গরা বংশোদ্ভূত উদথ্যযুবনাথ নন্দন-মাক্ষাতা নরপতিকে উপদেশ দিয়াছিলেন। তিনি বলিয়াছিলেন, “হে মাক্ষাতা, গ্রায়পরতার সহিত সকলের রক্ষা করিবেন বলিয়া রাজার উৎপত্তি, স্বেচ্ছাচারী ভাবে কার্য্য করিবেন বলিয়া তাঁহার জন্ম নহে। রাজা পৃথিবীর রক্ষক। তিনি সম্ভাবে কার্য্য করিলে ধরায় ঈশ্বর সদ্গুণ পূজালাভ করিতে সমর্থ হন। কিন্তু যদি অগ্রায় ব্যবহার করেন তাহা হইলে তাঁহাকে নরকে গমন করিতে হয়। সকল জীব গ্রায়পরতা দ্বারা রক্ষিত হয়, সেই গ্রায়পরতা আবার

রাজার দ্বারা রক্ষিত হইয়া থাকে। যিনি শ্রায়পরাণ, তিনিই যথার্থ রাজা নাম পাইবার যোগ্য। যদি তিনি অশ্রায় ব্যবহারের দণ্ডবিধান না করেন, তাহা হইলে দেবগণ তাহার গৃহত্যাগ করেন এবং তিনি লোকের নিন্দাভাজন হন।

দেশ হিতৈষণা ও জাতীয় গৌরব রক্ষণেচ্ছা রাজভক্তির শ্রায় সদগুণ জানিবে। এই তিনটি পরস্পর পৃথক থাকিবার নহে। রাজাও স্বদেশ, রাজভক্তির উপলক্ষ্য। কোনও ব্যক্তিরই স্বদেশ প্রিয়তার অভাব থাকা উচিত নহে। সকলেরই স্বদেশের জন্ত প্রাণ পর্যন্ত পরিত্যাগেও কুণ্ঠিত হওয়া কর্তব্য নহে। কারণ দেশহিতৈষিতা ও স্বজাতীয় গৌরব রক্ষণেচ্ছার অভাব হইলে জাতীয় মহত্ত্ব রক্ষিত হয় না। জাতীয় মহত্ত্ব কিন্তু সকলের ব্যক্তিগত ও পারিবারিক উন্নতির উপর নির্ভর করে। সমগ্র ও তাহার অংশ সমুদায়ের ভিন্ন অবস্থা হইতে পারে না। জাতীয় গৌরব রক্ষণেচ্ছা হইতে দেশের লোকগণের উন্নতি বা কষ্ট আপনার বলিয়া বোধ হয়, এবং বাস্তবিকও তাহা তাই বটে। ইহা দ্বারা তাঁহার দুর্বলকে উৎপীড়ন হইতে রক্ষা করিবার বাসনা বলবতী হয়; মন্দের দমনে ইচ্ছা হয়। নিয়ম পালন ও নিয়ম রক্ষার্থে যত্ন হয়। শ্রায়ের জন্ত দণ্ডায়মান হইবার প্রবৃত্তি জন্মে, এবং সমাজের অনিষ্ট দ্বারা লাভবান হইতে অনিচ্ছা জন্মে। এবং সমাজের প্রাপ্য প্রদান করিতেও আপত্তি হয় না। ভারতের প্রাচীন বীরগণ পরের মঙ্গলের জন্ত বন্ধপরিকর থাকিতেন। ভগবান্ শ্রীকৃষ্ণ অর্জুনকে জনগণের উন্নতি চেষ্টা করিতে ও জন-

গণকে ধর্মপথে প্রবর্তিত করিতে উপদেশ প্রদান করিয়াছেন। যে ব্যক্তি কেবল নিজের ও নিজ পারিবারবর্গের মঙ্গল কামনা করে, সে ব্যক্তির দৃষ্টি অতি ক্ষুদ্র। সে নিশ্চয়ই নিজের ও পারিবারবর্গের ভবিষ্যৎ সুখ নষ্ট করিতেছে।

সম্পূর্ণরূপে পিতামাতার আজ্ঞানুবর্তী হওয়া কর্তব্য। এই নিদেশটা সনাতন ধর্মশাস্ত্রের সর্বত্রই দৃষ্ট হইয়া থাকে। পিতামাতার আজ্ঞানুবর্তীর উজ্জল দৃষ্টান্ত শ্রীরামচন্দ্র। যখন দশরথ বাধ্য হইয়া কৈকেয়ীকে শ্রীরামচন্দ্রের বনবাস-বরপ্রদান করিয়াছিলেন, তখন কৈকেয়ী রামচন্দ্রকে বলিয়াছিলেন, যে তোমার জনক ভয়ে তাঁহার মনোভাব ব্যক্ত করিতে পারিতেছেন না। তখন রামচন্দ্র বলিয়াছিলেন, আপনিই না হয় তাঁহার মনোভাব ব্যক্ত করুন, আমি এই দণ্ডেই তাহা সম্পন্ন করিব। পিতার অভিলষিত সাধনের ন্যায়, তাঁহার আদেশ পালনের হ্রায়, আর কি কার্য আছে? এবং সকলের সকল যুক্তির বিরুদ্ধে তিনি বলিয়াছিলেন পিতৃ-আজ্ঞা উল্লঙ্ঘন করিবার সাধ্য আমার নাই। আমি পিতার আজ্ঞা পালন করিব, তৎপরে পিতার মৃত্যু হইলে যখন ভরত রাজ্যগ্রহণে একান্ত অনিচ্ছুক হইয়াছিলেন, তখনও বলিয়াছিলেন, তোমার সিংহাসন গ্রহণ করা উচিত, কারণ পিতার আজ্ঞা আমি বনবাসী হইব ও তুমি রাজা হইবে। আমাদের উভয়েরই পিতৃ আজ্ঞা পালন করা কর্তব্য। আমার পিতার আজ্ঞা মিথ্যা হওয়া উচিত নহে।

মহাত্মারতে আমরা এক ব্রহ্মজ্ঞের বিষয় দেখিতে পাই। তিনি

অপবিত্র শাকুনিকদেহ ধারণ পূর্বক আপনার জনক জননীর নিকট কনিষ্ক নামক ব্রাহ্মণকে আনয়ন করিয়াছিলেন। যে সুন্দর গৃহে তাঁহার বৃদ্ধ পিতামাতা অবস্থিতি করিতেছিলেন, সেই গৃহে তিনি সেই ব্রাহ্মণকে লইয়া গেলেন এবং বলিলেন আমার বর্তমান জ্ঞানের অবস্থা কেবল পিতামাতার সেবাদ্বারা লাভ করিয়াছি। তিনি পিতামাতার চরণে প্রণাম পূর্বক ব্রাহ্মণের পরিচয় প্রদান করিলেন। তৎপরে ব্রাহ্মণকে বলিলেন আমার এই পিতামাতাই আরাধ্য দেবতা। যাহা দেবতার প্রতি কর্তব্য, আমি ইহাদের প্রাতি সেইরূপ করিয়া থাকি। জ্ঞানিগণ যে ত্রিবিধ অগ্নির কথা বলিয়া থাকেন আমার পক্ষে ইহারাই সেই অগ্নি। হে ব্রাহ্মণ আমার চক্ষে তাঁহারাই যজ্ঞ, তাঁহারাই চতুর্বেদ। পিতা, মাতা, পবিত্র-অগ্নি, আস্ত্রা ও গুরু এই পাঁচটি সকলের সম্মানের যোগ্য। তাহার পর তিনি কনিষ্কে বলিলেন, বৃদ্ধ পিতামাতাকে চিন্তা-কুলিত রাখিয়া তাহার বেদাধ্যয়ন জন্ত গৃহত্যাগ কর্তব্য হয় নাই। তাঁহার এই দণ্ডেই গৃহে গমন পূর্বক তাহাদের সাস্তনা ও শুশ্রূষা করা কর্তব্য। হে ব্রাহ্মণ, পিতামাতার নিকট শীঘ্র ফিরিয়া যাও এবং অধ্যবসায় সহকারে তাঁহাদের যথোচিত শুশ্রূষা ও সন্তোষ বিধান কর। আমি ইহা অপেক্ষা উচ্চতর ধর্ম জানি না।

ভীষ্ম যেরূপে ইচ্ছামৃত্যু বর লাভ করিয়াছিলেন তাহা কাহারও অবিদিত নাই। তিনি তাঁহার পিতার বিবাহের জন্ত, নিজে চির-কোমার্য্য অবলম্বন পূর্বক রাজসিংহাসন ত্যাগ করিয়াছিলেন। চন্দ্রবংশীয় শান্তনু রাজা সত্যবতী নামী সুন্দরী রমণীকে বিবাহ



করিতে অভিনাষী হইয়াও কেবল প্রিয়পুত্র ভীষ্মের জন্ত সে কার্য্য করিতে পারিতেছিলেন না। তিনি মনে করিয়াছিলেন হয়ত বিমাতা তাঁহার প্রিয়পুত্রের সহিত সদয় ব্যবহার করিবেন না। কিন্তু তজ্জন্ত তাঁহার মন বড়ই অসুখী হইয়াছিল। ভীষ্মদেব তাহা জানিতে পারিয়া সত্যবতীর পিতার নিকট গমন পূর্বক কন্যাটাকে রাজার সহিত বিবাহ দিতে অনুরোধ করিলেন। সত্যবতীর পিতা বলিলেন রাজা বৃদ্ধ হইয়াছে, তুমি শীঘ্রই রাজা হইবে, আমি আমার কন্যাকে তোমার হস্তে অর্পণ করিতে পারি কিন্তু বৃদ্ধ রাজার হস্তে পারি না। ভীষ্ম বলিলেন, “এমন কথা মনেও করিও না। আমার পিতা তোমার কন্যাকে বিবাহ করিতে অভিনাষী হইয়াছেন, তখন তিনি আমার জননী তুল্যা, তাঁহাকেই পিতার হস্তে সমর্পণ কর।” তখন সত্যবতীর পিতা বলিলেন “যদি আমার কন্যার গর্ভজাত পুত্র রাজা হইবেক” এইরূপ প্রতিশ্রুতি হইতে পারেন, তবেই আমি কন্যা দান করিতে পারি। ভীষ্ম বলিলেন আমি জ্যেষ্ঠত্বাধিকার ত্যাগ করিলাম, বিমাতার গর্ভজাত পুত্রই রাজা হইবে সন্দেহ নাই। সত্যবতীর পিতা বলিলেন, আপনার বাক্য মিথ্যা হইবার নহে, তাহা জানি, কিন্তু আপনার পুত্রগণ ত রাজ্যের জন্ত বিরোধ করিবেন। ভীষ্ম বলিলেন “আমি প্রতিজ্ঞা করিলাম ইহা জীবনে কখনও বিবাহ করিব না, সুতরাং আমার পুত্র না থাকিলে আর বিবাদ করিবার কেহ থাকিবে না। এক্ষণে আমার পিতার অভিনাষ পূর্ণ করণ।” তাঁহার এই ভয়ঙ্কর প্রতিজ্ঞা শ্রবণে দেবগণ একবাক্যে বলিলেন “এতদিন তোমার নাম দেবব্রত ছিল

কিন্তু আজ হইতে তুমি ভীষ্ম নাম গ্রহণ করিবে। তিনি নিজের পক্ষে ভীষ্ম বটে, কিন্তু হিন্দুহৃদয়ের তিনি পরম প্রিয় আরাধ্য দেবতা। আজিও প্রত্যেক হিন্দু অন্ততঃ ভীষ্মাষ্টমীর দিনে—

“বৈরাগ্যপদ্যাগোত্রায় সাংকৃতিপ্রবরায়চ ।

অপুত্রায় দদাম্যেতৎ সলিলং ভীষ্মবর্ষণে ॥”

বলিয়া তর্পণ করেন।

মহারাজ শান্তমু যখন শুনিবেন যে, তাঁহার প্রিয় পুত্র অর্জুনের কঠোর ব্রত ধারণ পূর্বক সত্যবতীকে তাঁহার পত্নীরূপে সংগ্রহ করিয়াছেন, তখন তিনি সত্যবতীকে বিবাহ করিলেন। তিনি আনন্দপূর্ণ হৃদয়ে ভীষ্মকে ইচ্ছামৃত্যু বর দিয়াছিলেন। যে মহুষ্য এইরূপে মনোবৃত্তি সমূহ জয় করিতে পারেন, তিনি যে মৃত্যুঞ্জয় হইবেন তাহাতে আশ্চর্য্য কি ?

পঞ্চাস্তরে দুর্ঘোধনের উগ্রভাব ও পিতামাতার আজ্ঞানুবর্তিতার অভাবেই মহাযুদ্ধ আরম্ভ হইয়াছিল এবং তাহার ফলে কুরুবংশ ধ্বংস হইয়াছিল। পুনঃ পুনঃ তাহার পিতা প্রভৃতি গুরুজন পাণ্ডবদিগকে গ্রাস্য অংশ দান করিতে বলিয়াছিলেন কিন্তু দুর্ঘোধন তাহাতে কর্ণপাত করে নাই; এমন কি তাহার জননী গান্ধারী সভামধ্যে তাঁহাকে পিতৃ-আজ্ঞা পালন করিতে উপদেশ দিয়াছিলেন, দুর্ঘোধন তাঁহার কথা অমান্য করিয়া তাঁহার প্রতি রূঢ়বাক্য প্রয়োগ করিয়াছিলেন। সেই সকল পাপের ফলে তাহার সর্বনাশ হইয়াছিল। যে সম্ভ্রান্ত পিতা মাতার মনে কষ্ট দেয় তাহার মঙ্গল লাভের সম্ভাবনা নাই।

সনাতন ধর্মের আদেশানুসারে শিক্ষাগুরুও পিতামাতার স্তায় পূজ্য। তিনি মাত্ৰ ও সেবা লাভের উপযোগী। এই গুরুভক্তিও আমরা প্রাচীন হিন্দুগণ মধ্যে দেখিতে পাই। তাঁহারাও হিন্দু বালকগণের আদর্শ হইবার উপযুক্ত। পাণ্ডবগণ যখন ভীষ্ম ও দ্রোণের বিরুদ্ধে অস্ত্র ধারণ করিতে বাধ্য হইয়াছিলেন, তখনও তাঁহাদের প্রতি কত ভালবাসা ও মাত্ৰ প্রদর্শন করিয়াছিলেন। তাঁহারা যুদ্ধারম্ভের পূর্বে গুরুগণের চরণে প্রণাম জ্ঞাপন করিতেন। যখন ধৃষ্টদ্যুম্ন দ্রোণের গুল্লবেশ ধারণ করিয়া তাঁহাকে বধ করিতে উদ্বৃত্ত হইয়াছিল। তখন অর্জুন উচ্চরবে বলিয়াছিলেন “আচার্যকে জীবিত রাখ, তাঁহাকে বিনাশ করিও না। তিনি বধযোগ্য নহেন।” দ্রোণ হত হইলে তিনি রোদন করিতে করিতে বলিয়াছিলেন “আমি নবকে মগ্ন হইলাম। লজ্জা আমাকে ম্রিয়মাণ করিয়াছে।”

সনাতন ধর্মশাস্ত্রে পূর্বকৃত প্রতিজ্ঞা বা শাস্ত্রনির্দিষ্ট কর্তব্য রক্ষার জন্ত গুরুবাক্য অবহেলা করিবার উদাহরণ দেখিতে পাওয়া যায়। ধর্মের উদাহরণস্থল ভীষ্মদেব, তাঁহার জীবনে গুরুবাক্য অবহেলা করিবার প্রয়োজন প্রদর্শন করাইয়াছেন। তাঁহার পিতা শান্তনুর মৃত্যুর পর তিনি নিজ প্রতিজ্ঞা অনুসারে, বৈমাত্রেয় ভ্রাতা চিত্রাঙ্গদকে রাজা করিয়াছিলেন এবং চিত্রাঙ্গদ যুদ্ধে নিহত হইলে, তাহার অন্তঃ বিচিত্রবীৰ্য্যকে হস্তিনার সিংহাসনে স্থাপন করিয়াছিলেন। বিচিত্রবীৰ্য্যের জন্ত অনুরূপ পত্নীর অনুসন্ধান করিতে করিতে শ্রবণ করিলেন যে কাশীরাজের তিনটি কন্যা স্বয়ম্বর হইবেন, তাঁহাদিগকে সর্বাংশে ভ্রাতার অনুরূপ জানিয়া

তিনি কাশীতে গমন পূর্বক বলপূর্বক স্বয়ম্বর সভা হইতে তাঁহা  
 দিগকে গ্রহণ করেন। হস্তিনাপুরে আনীতা হইলে অন্বিকা ও  
 অম্বালিকা স্বেচ্ছায় বিচিত্রবীৰ্য্যকে বিবাহ করিয়াছিলেন। কিন্তু  
 জ্যেষ্ঠা অম্বা বলিলেন, তিনি পূর্বেই শাশ্বকে মনে মনে বরণ করি-  
 য়াছেন, সেইজন্ত ভীষ্ম তাঁহাকে যথোচিত সম্মান প্রদর্শন পূর্বক  
 নরপতি শাশ্বের সন্নিধানে প্রেরণ করিলেন। কিন্তু শাশ্ব তাঁহাকে  
 গ্রহণ করিলেন না ; তিনি বলিলেন যখন ভীষ্ম বলপূর্বক তোমাকে  
 আমার নিকট হইতে লইয়া গিয়াছিলেন, তখন আর দান স্বরূপ  
 তাঁহার নিকট হইতে তোমাকে গ্রহণ করিতে পারি না। অম্বা  
 ভীষ্মের নিকট পুনরাগমন পূর্বক বলিলেন “যখন শাশ্ব আমাকে  
 গ্রহণ করিলেন না, তখন আপনিই আমাকে বিবাহ করুন।”  
 ভীষ্ম পূর্বপ্রাতজ্ঞা রক্ষার জন্ত তাঁহাকে গ্রহণ করিলেন না, কারণ  
 তিনি চিরজীবন কোমার ব্রহ্মচর্য্য অবলম্বন করিয়াছিলেন। তখন  
 অম্বা ক্রোধভরে ভীষ্মের গুরু পরশুরামের শরণাপন্ন হইলেন।  
 পরশুরাম তাঁহার পক্ষাবলম্বন পূর্বক ভীষ্মকে অম্বাগ্রহণে অনুরোধ  
 করিলেন। কিন্তু ভীষ্মদেব তাঁহার কোমাধ্যব্রত নাশক এই  
 অন্তায় আদেশ পালন করা কর্তব্য মনে করিলেন না। সুতরাং  
 গুরু শিষ্যে ভয়ঙ্কর যুদ্ধ আরম্ভ হইল। ঐ যুদ্ধ বহু দিবস ব্যাপী  
 হইয়াছিল। উভয়েই ক্ষত বিক্ষত হইয়াছিলেন, বহুবার তাঁহারা  
 ক্রান্তিবশে ও রক্তশ্রাব জন্ত মূর্ছিত হইয়াছিলেন, আবার মূর্ছাভঞ্জে  
 যুদ্ধ করিয়াছিলেন ; এইরূপ অষ্টাবিংশতি দিবস যুদ্ধের পর, যুদ্ধ পরশু-  
 রাম স্বীকার করিলেন তাঁহার আর ক্ষমতা নাই, ভীষ্মেরই জয়।

যাহা হউক, ভীষ্মদেব কিন্তু অশ্বার তুংথের হেতু হইয়াছিলেন। যদিও এই অপরাধ তাঁহার স্বেচ্ছাগত নহে, তথাপি কৰ্ম্মফলে অশ্বাই ভীষ্মের মৃত্যুর হেতু হইয়াছিল।

বুদ্ধের প্রতি উপযুক্ত সম্মান প্রদর্শন, প্রাচীন হিন্দু চরিত্রের একটা প্রধান গুণ ছিল। বহুদর্শন জনিত জ্ঞান, বুদ্ধের সঞ্চিত ধন, তাঁহারা স্বেচ্ছায় সেইজ্ঞান উপযুক্ত নম্র ও ধীর শিক্ষার্থীকে প্রদান করিয়া থাকেন। কিন্তু বর্ত্তমান সময়ে, এই গুণ যুবাগণ কর্ত্তক পদদলিত হইবার উপক্রম হইয়াছে; এখনও ইহার পুনঃ চর্চা যাহাতে হয়, তাহার ভ্রাতৃ সৰ্ব্বতোভাবে চেষ্টা করা প্রয়োজন।

\* \* \*

ন যুজ্যমানয়াভক্ত্যা ভগবত্যাখিলাত্মনি।

সদৃশোহস্তি শিবঃ পস্থা যোগিনাং ব্রহ্মসিদ্ধয়ে ॥১৮

জ্ঞানবৈরাগ্যযুক্তেন ভক্তিয়ুক্তেন চাত্মনা।

পরিপশ্যত্যাদাসীনং প্রকৃতিং চ হতোজসং ॥১৯

সতাং প্রসঙ্গান্মম বীৰ্য্যসংবিদো

ভবন্তি হৃৎকর্ণ রসায়নাঃ কথাঃ।

তজ্জ্যোষণাদান্বপবর্গবত্স্নি

শ্রদ্ধারতির্ভক্তিরনুক্রমযাতি ॥২৫

ভক্ত্যা পুমান্ জাতবিরাগুঃ প্রেমিয়াৎ

দৃষ্ট শ্রুতান্দ্রচনানুচিন্তয়া।

চিত্তশ্চ বয়ো গ্রহণে যোগযুক্তো

যতিষাতে ঋজুভিষোগমার্গৈঃ ॥২৬

অসেববাজ্যং প্রকৃতেশু গান্যং

জ্ঞানেন বৈরাগ্যবিজৃম্বিতেন ।

যোগেন মর্য্যাপিতয়া চ ভক্ত্যা

মাং প্রত্যগাত্মানমিহাবরুক্ষে ॥২৭

( শ্রীমদ্ভাগবত ৩২৫ )

অখিলের আত্মা সেই দেব ভগবান ।

তাহে ভক্তিয়োগ হয় মঙ্গল নিদান ॥

যোগীদের ব্রহ্মজ্ঞান তাহে সিদ্ধ হয় ।

ইহাই সুন্দর পথ কহিছে নিশ্চয় ॥১৮

জ্ঞান আর বৈরাগ্যসংযুক্ত মন দিয়া ।

প্রকৃতি শর্য্যাত হীনা নয়ন মেলিয়া ॥

ভক্তিভাবে পুরুষে করেন দরশন ।

নির্ম্মল অপাপবিদ্ধ ব্রহ্ম সনাতন ॥১৯

সাধু সমাগম সদা হয় যেই স্থানে

মমবীৰ্য্য প্রকাশক কথা হয় তথা ।

সেই কথা অন্তর-শ্রবণ রসায়ন

শুনিলে ভকতি বাড়ে ঘুচে যায় ব্যথা ॥২৫

স্রষ্টি আদি লীলা মম করিয়া চিন্তন,

ইন্দ্রিয়ে বিরাগ হয় ভক্তির উদয়ে ।

উত্তোগা হইয়া, হয়েঃযোগে রত মন,

চিন্তের সংঘম সাধে যত্নশীল হয়ে ॥২৬

প্রকৃতির অসেবনে বৈরাগ্য তখন  
জ্ঞানের উদয় করে মানসে তাহার ।  
ভক্তিবশে সেই জন পায় দরশন,  
অচিরে যুচিরে যায় মনের আঁধার ॥২৭

\* \* \*

স্বভাব মেকে কবয়ো বদান্ত  
কালং তথাত্তে পরিমুহমানাঃ ।  
দেবশ্চৈব মহিমা তু লোকে  
যেনেদং ভ্রাম্যতে ব্রহ্মচক্রম্ ॥২

...

...

...

তমীশ্বরানাং পরমং মহেশ্বরং  
তং দেবতানাং পরমঞ্চ দৈবতং ।  
পতিং পতীনাং পরমং পরস্তাং  
বিদাম দেবং ভুবনেশ্চ মীড়্যং ॥৭  
ন তস্মাৎ কার্য্যং করণঞ্চ বিদ্বতে  
ন তং সমশ্চাভ্যধিকশ্চ দৃশ্বতে ।  
পরাস্ত শক্তি বিবিধৈব শ্রয়তে  
স্বাভাবিকী জ্ঞানবলক্রিয়াচ ॥৮  
ন তস্মাৎ কশ্চিৎ পতিরস্তি লোকে  
ন চেশিতা নৈব চ তস্মাৎ লিঙ্গ ।  
ন কারণং করণাধিপাধিপো  
ন চাস্ত কশ্চিজ্জনিতা ন চাধিপঃ ॥৯

একো বশী নিষ্ক্রিয়াণাং বহুনাং

একং বীজং বহুধা যঃ করোতি ।

তমাস্থা যেহুপশুস্তি ধীরা

স্তেবাং স্তুথং স্বাস্থতং নেতরেবাং ॥১২

নিত্যো নিত্যানাং চেতনশ্চেতনানাং

একে । বহুনাং যো বিদধাতি কামান্ ।

তৎ কারণং সাংখ্যযোগাধিগম্যং

জ্ঞাত্বা দেবং মৃত্যতে সৰ্ব্বপাশৈঃ ॥১৩

( স্বেতাস্বতর ৬ অঃ )

বিদ্বান্ হইয়া ভ্রান্ত কভু হেন কয় ।

বিশ্বের কারণ হয় স্বভাব নিশ্চয় ॥

কেহ বলে কাল হয় বিশ্বের কারণ ।

কিন্তু যেন ঈশ্বরের মহিমা এমন ॥

তাহার মহিমায় এই দেখ অনুক্ষণ ।

ব্রহ্মচক্র ঘুরিতেছে না যায় বর্ণন ॥

...

...

...

...

ঈশ্বরগণের সেই মহা মহেশ্বর

তিনিই দেবের হন পরম দেবতা । .

তিনিই পতির পতি ভুবন-ঈশ্বর

জানি তিনি দেবপূজ্য ধাতার বিধাতা ॥৭

শরীর ইন্দ্রিয় তার কিছুই ত নাই

অথচ তাহার সম শ্রেষ্ঠ কেবা আর ।



পরাক্রান্তি তাঁর শাস্ত্রে গুনিবারে পাই  
 স্বাভাবিক জ্ঞানক্রিয়া বালক্রিয়া তাঁর ।  
 জগতে তাঁহার পতি নাই কোন জন  
 হেন কোন চিহ্ন নাই যাহে চিনি তাঁরে ।  
 ইন্দ্রিয়ের পতি তিনি সবার কারণ  
 তাঁহার কারণ কেহ নাহিক সংসারে ॥৯

... ..

নিষ্ক্রিয়গণের তিনি নিয়ন্তা নিশ্চয়  
 এক বীজ বহুরূপে আছেন প্রকাশ ।  
 আত্মাতে হেরিলে তারে বেদা স্মৃতি হয়  
 জানেন তা জানী জনে হয়ত হতাশ ॥১০  
 নিত্যগণ মাঝে তিনি নিত্য সনাতন  
 চেতনগণের তিনি চেতন স্বরূপ ।  
 একা অনেকের বাঞ্ছা করেন পূরণ  
 সাংখ্যযোগগম্য তিনি অতি অপরূপ ।  
 তাঁহারে জানিলে তপ্ত মাধকের মন ।  
 ভাবিলে বন্ধনচয় হয় বিমোচন ॥১১

\* \* \*

অরাজকে হি লোকেহস্মিন্ সৰ্ব্বতো বিদ্রতে ভয়াৎ  
 রক্ষার্থমশ্রু সৰ্ব্বশ্রু রাজানমশ্রুজৎ প্রভুঃ ॥৩॥  
 ইন্দ্রানিলয়মার্কীণামগ্নেশ্চ বরুণশ্চ চ ।  
 চন্দ্রবিশ্বেশগৌশ্চৈব মাত্রা নির্হৃতা শাস্বতীঃ ॥৪॥

... ..

তস্ত্যাহঃ সম্প্রণেতারং রাজানং সত্যবাদিনং ।  
 সমীক্ষ্যকারিণং প্রাজ্ঞং ধর্মকামার্থকোবিদং ॥২৬॥  
 তং রাজা প্রণয়ন্ সম্যক্ ত্রিবর্গেণাভিবর্দ্ধতে ।  
 কামাত্মা বিষমঃ ক্ষুদ্রো দণ্ডেনৈব নিহন্ততে ॥২৭॥  
 দণ্ডোহি স্তমহন্তেজো হৃদ্রিশ্চারুতাত্মভিঃ ।  
 ধর্মাদ্বিচলিতং হস্তি নৃপমেব সবাঙ্কবং ॥২৮॥

( মনু ৭ অ )

রাজ্য অরাজক হলে হয় বড় ভয় ।  
 সে ভয় ঘুচাতে হ'লো রাজার উদয় ॥৩॥  
 ইন্দ্র বায়ু যম অগ্নি বরুণ তপন ।  
 চন্দ্র কুবেরের অংশ করিয়া গ্রহণ ।  
 করিলা ঈশ্বর তাহে রাজার সৃজন ॥৪॥

... ..

রাজ্যের হিতের তরে জগৎ ঈশ্বর ।  
 সর্ব প্রাণী রক্ষা তরে দণ্ড মনোহর ॥  
 আত্মজ ধর্মের মূর্তি ব্রহ্মতেজোময় ।  
 সেই দণ্ড রাজদণ্ড জানিও নিশ্চয় ॥১৪॥

... ..

দণ্ড সমুদায় প্রজা করেন শাসন ।  
 দণ্ড হ'তে তা সবার রক্ষণাবেক্ষণ ॥  
 সবে ঘুমাইলে দণ্ড জাগয়ে সদাই ।  
 দণ্ড ধর্মমূল সুধী বলিছেন তাই ॥১৮॥

... ..

যে রাজা জানেন দণ্ড প্রয়োগ বিধান ।  
 সত্যবাদী, বিবেচক, অতি মতিমান্ ॥  
 সম্যক্ প্রকারে বেদ আয়ত্ত্ব বাহার ।  
 ধর্ম-কাম-অর্থ-ভেদ জ্ঞাত আছে যার ॥  
 হেন রাজা “যোগ্য রাজা” শাস্ত্রের বচন ।  
 পুনঃ পুনঃ বলিলেন মুনি ঋষিগণ ॥২৬॥  
 যদি রাজা দণ্ড দেন করিয়া বিচার ।  
 ধর্ম কামার্থেতে পূর্ণ হয় রাজ্য তাঁর ॥  
 যদি রাজা ধৃত্ত ভোগ অভিলাষী হয় ।  
 ক্রোধাদি রিপুর্ বশে মন তাঁর রয় ॥  
 নিজের প্রযুক্ত দণ্ড জানিও তা হ'লে ।  
 নিজ প্রতি পতিত হইবে মহাবলে ॥২৭॥  
 মহাতেজো দণ্ড করে ধর্মের রক্ষণ ।  
 শাস্ত্র জ্ঞানহীন যোগ্য নহে কদাচন ॥  
 অযথা প্রযুক্ত দণ্ড আত্মীয়ের সনে ।  
 রাজারে পাঠায় সদা শমন সদনে ॥৩৮॥

\* \* \* \* \*

তেন ধর্মোত্তরশচামং কৃতো লোকো মহাত্মনা ।  
 বক্ষিতাশ্চ প্রজাঃ সর্বাস্তেন বাজেতি শক্যতে ॥১৪৫॥  
 ( মহাভারত শান্তিপর্ব ৭০ অ )

মহাত্মা নৃপতি করি প্রজার রঞ্জন ।  
 ধর্মে ধরা পূর্ণ করি করেন শাসন ॥

এই সে কারণে তাঁরে সবে রাজা কর ।

এহেন রাজারে হেরি মহাপুণ্য হয় ॥১৪৫॥

\* \*

রাজা প্রজানাং হৃদয়ং গরীয়ো

গতিঃপ্রতিষ্ঠা সুখমুত্তমঞ্চ ।

সমাপ্রিতা লোকমিমং পরঞ্চ

জয়ন্তি সম্যক্ পুরুষা নরেন্দ্র ॥ ৫৯ ॥

নরাধিপশ্চাপ্যনুশিষ্য মেদিনীং

দমেন সত্যেন চ সৌহৃদেণ ।

মহন্তিরিষ্টা ক্রতুভিমহাযশাঃ

ত্রিবিষ্টপে স্থানমুপৈতি শাস্বতং ॥ ৬০ ॥

( মহাতারত শান্তিপর্ব্ব ৬৮ অ )

রাজা অধিকার করে প্রজার অন্তর

তিনিই আশ্রয়, মান, সুখ সমুদায় ।

তাঁহার সহায়ে তারা করিয়া সমর

ইহা পরলোক জয় করয়ে নিশ্চয় ॥ ৫৯ ॥

রাজা সমাহিত চিতে শাসিয়া ধরনী

দম সত্য সৌহৃদেতে পূরিত অন্তর ।

বহুযজ্ঞ যথাবিধি শাসিয়া অমনি

যশ বিস্তারিয়া, স্বর্গে হইলেন অমর ॥৬০ ॥

\* \*

উপাধ্যায়ান্দশাচার্য্য আচার্য্যানাং শতং পিতা  
সহস্রস্ত পিতৃন্মাতা গৌরবেণাতিরিচ্যতে ॥১৪৫॥ ✓  
(মহু ২ অ)

দশ উপাধ্যায় তুল্য আচার্য্যের মান ।  
শত আচার্য্যের সম পিতার সম্মান ॥  
পিতার সহস্রগুণ মাতা মাত্র জানি ।  
মাতৃ তুল্য নাহি কিছু কহে সত্যজ্ঞানী ॥

\* \* \*

আচার্য্যশ্চ পিতাচৈব মাতা ভ্রাতা চ পূর্ব্বজঃ ।  
নার্ত্তেনাপ্যবমন্তব্য্য ব্রাহ্মণেন বিশেষতঃ ॥ ২২৫ ॥  
তেষাং ত্রয়াণাং শুশ্রূষা পরমং তপ উচ্যতে ॥ ২২৯ ॥  
ত এব হি ত্রয়ো লোকাস্ত এব ত্রয় আশ্রমা ।  
ত এবহি ত্রয়ো বেদাস্ত এবোক্তান্ত্রয়োহংগরঃ ॥ ২৬০ ॥  
সৰ্ব্বে তত্ত্বাদৃতা ধৰ্ম্মা যশ্ৰৈতে ত্রয় আদৃতাঃ ।  
অনাদৃতাস্ত যশ্ৰৈতে সৰ্ব্বাস্তত্ত্বাফলাঃ ক্রিয়াঃ ॥ ২৩৪ ॥  
( মহু ২ অঃ )

শিক্ষক জনক মাতা জ্যেষ্ঠভ্রাতা আর ।  
মাত্রপাত্র ইহার জানিবে সবা কার ॥  
ইহাদের অবমান না করিবে কভু !  
বিশেষ ব্রাহ্মণ পক্ষে বিধি দিলা বিভু ॥ ২২৫ ॥  
ইহাদের তিনজনে পরম যতনে ।  
শুশ্রূষা করিবে তাহা তপঃ ভাবি মনে ॥ ২২৯ ॥

তঁারা তিনে তিনলোক—তিনটি আশ্রম ।  
 তিনবেদসম তঁারা তিন অগ্নি সম ॥ ২৩০ ॥  
 এই তিনজনে যেবা করিল যতন ।  
 সকল কর্তব্য তার হইল সাধন ॥  
 যেই জন ইহাদের আদর না করে ।  
 নিষ্ফল সকল কৰ্ম্ম সেই জন করে ॥ ২৩৪ ॥

\* \* \*

উর্দ্ধং প্রাণাহ্যৎক্রামন্তি যুনঃ স্থবির আয়তি ।  
 প্রত্যাথানাভিবাদাভ্যাং পুনস্তান্ প্রতিপদ্যতে ॥১২০॥  
 অভিবাদনশীলস্ত নিতং বৃদ্ধোপসোবিনঃ ।  
 চত্বারি তস্যবর্দ্ধন্ত আবুঃ প্রজ্ঞা যশোবলং ॥ ১২১ ॥  
 ( মনু ২অঃ )

যেই কাণে স্থাবিরেরা করে আগমন ।  
 যুবা প্রাণবায়ু করে উর্দ্ধেতে গমন ॥  
 প্রত্যাথান আর অভিবাদনের পর ।  
 স্বস্থ হই সেই বায়ু অতীব সত্ত্বর ॥ ১২০ ॥  
 অভিবাদনেতে যেই সতত সত্ত্বর ।  
 বৃদ্ধ সেবা যেই জন করে নিরন্তর ॥  
 আয়ু, প্রজ্ঞা, যশ আর দেহ-মন-বল ।  
 এই চারি বৃদ্ধি তার হয়ত সত্ত্বর ॥ ১২১ ॥

## নবম অধ্যায় ।



### তুল্যের প্রতি ব্যবহার ।

এইবার সমবস্ত্রের প্রতি ব্যবহার সম্বন্ধে আলোচনা করা যাউক । আমরা আমাদের সমান অবস্থাপন্ন ব্যক্তিগণ দ্বারা নিরন্তর পারিত্যক্ত রহিয়াছি । যে সকল গুণের বৃদ্ধি ও দোষের পরিহার দ্বারা আমরা আমাদের পরিবারস্থিত ও বহিঃস্থ অগ্ৰাণ্য পরিজন গণের সহিত সুখে স্বচ্ছন্দে কালতিপাত করিতে পারি, তাহার আলোচনা করা যাউক । প্রথমতঃ পরিবার বর্গের বিষয় আলোচিত হউক ; কারণ তাহাই প্রথম প্রয়োজন । পবিত্র ও সুখপূর্ণ গৃহ বাহাতে নিরন্তর পারিবারিক ধর্ম প্রতিপালিত হয়, সেইরূপ গৃহই রাজ্যের অনুকূল ভিত্তি, তদ্বারাই জাতীয় উন্নতি হইয়া থাকে । জনক জননীর সহিত পুত্রের ব্যবহার পূর্বেই আলোচিত হইয়াছে । এইবার পতি পত্নী ও ভ্রাতা ভগিনীর পরস্পরের প্রতি কর্তব্য আলোচিত হউক ।

হিন্দুগ্রন্থেপতি পত্নীর দাম্পত্য প্রেম সম্বন্ধীয় অসংখ্য উপাখ্যান আছে । মনু বলিয়াছেন “যো ভর্তা সাস্বতান্না” অর্থাৎ পতি পত্নী এক, তাহারা দুইজনে মিলিয়া পূর্ণ এক । প্রেমই সেই দুয়ের একত্ব সাধক, পতির ভালবাসা রক্ষাকারী আশ্রয়ী ও কোমল । পত্নীর প্রেম ত্যাগপূর্ণ মধুর ও একান্তরক্ত । মনু বলিয়াছেন—

“অন্তোন্তস্যাব্যভীচারো ভবেদামরণাস্তিকঃ।” অর্থাৎ তাঁহাদের পরম্পরে বিশ্বাসবন্ধন মরণকাল পর্য্যন্ত থাকা কর্তব্য। শ্রীরামচন্দ্র ও সীতা, পতি পত্নীর আদর্শ। তাঁহারা উভয়ের জীবনের যাবতীয় সুখ দুঃখ মিলিত ভাবে ভোগ করিয়াছিলেন। তাঁহারা পরম্পরের অভিমত কার্য্য করিতেন, ;উভয়ে উভয়ের কষ্ট অনুভব করিতেন। প্রথমাবস্থায় আমরা তাহা পূর্ণানন্দময় দেখিয়াছি, যখন রামাভিষেকের আয়োজন হইয়াছিল, তখন তাঁহারা উভয়ে সংযুক্ত হইয়া পূজাদিতে নিযুক্ত। যখন বনবাস আদেশ তাঁহার শ্রুতি গোচর হইল, তখন সীতা প্রথমে সে আঘাত অবিচলিতভাবে সহ্য করিলেন। তাঁহার বিশ্বাস রামচন্দ্র বনে গেলে তিনিও বনে যাইবেন। তিনি বলিয়াছিলেন “আমার হৃদয় সম্পূর্ণরূপে তোমারই ; আমি আর কিছুই জানি না, চিরদিন তোমাকেই আশ্রয় করিয়া আছি, যদি পরিত্যাগ করিয়া বাও, প্রাণত্যাগ করিব। কণ্টক তাহার দেহে কোমল বস্ত্রের দ্বারা বোধ হইবে, ধূলিরাশি চন্দন রেণুবৎ বোধ হইবে। স্বামীর পার্শ্বে থাকিলে তৃণশয্যা ও উত্তম শয্যা এবং ফল মূল্যই প্রীতিকর খাদ্য বলিয়া বোধ হইবে। তাঁহার সঙ্গে অবস্থানই তাঁহার পক্ষে স্বর্গধাম, তাঁহার অদর্শনই নরক স্বরূপ। যখন রামচন্দ্র তাঁহাকে গৃহে অবস্থান করিতে অনুরোধ করিয়াছিলেন, তখন কেবল তাঁহার হৃদয়ে দারুণ কষ্ট উপস্থিত হইয়াছিল। যখন রামচন্দ্র তাঁহার কষ্ট দর্শন করিয়া সঙ্গে আসিতে আদেশ করিয়াছিলেন, তখন তাহার আনন্দের অবধি রহিল না, তিনি আনন্দে নিজ বস্ত্র অলঙ্কার দাস দাসীগণকে বিতরণ করিলেন।



সাধারণ জ্ঞানলোক বাহা ভালবাসে সেই সমুদয় অগঙ্কারাদি অনায়াসে সানন্দে পরিত্যাগ করিয়া তিনি পতির বনবাস সঙ্গিনী হইয়াছিলেন । তিনি বাণিকার স্থায় অরণ্যে ক্রীড়া করিয়া বেড়াইতেন, সম্পদের অভাবে তাঁহার মনে বিন্দুমাত্রও কষ্টচিহ্ন লক্ষিত হয় নাই । দিবানিশি তিনি রামচন্দ্রের সঙ্গিনী ছিলেন । যদিও তাঁহার চপলতার অভাব ছিল না, তথাপি তিনি নিজ্জত্যে পূর্ণ ছিলেন ; দণ্ডকারণ্য-সীমায় ভ্রমণসময়ে তিনি স্বামীকে গম্ভীর সারগর্ভবাক্যে উপদেশ দিতেন ; যখন রাক্ষসরাজ রাবণ তাঁহাকে হরণ করিয়া লইয়া গিয়াছিল, তখন তাঁহার স্বামী তাঁহাকে অনুসন্ধান করিতে করিতে বলিয়াছিলেন সীতা, সীতা, কোথা তুমি ! তুমি কি লুকাইয়া রহিয়াছ ? আমার সহিত রহন্ত করিতেছ কি ? শীঘ্র আইস—তোমার এ ক্রীড়া আমার পক্ষে মৃত্যুতুল্য বোপ হইতেছে । যখন রামচন্দ্র এইরূপে রোদন করিয়া তাহার অন্বেষণ করিতেছিলেন, সেই সময় রাবণ সীতাকে পতিব্রতাত্যাগের জ্ঞাত কখনও প্রলোভন, কখনও বা ভয় প্রদর্শন ও নির্দয় ব্যবহার করিতে ছিল, কিন্তু সীতার পতিভক্তি অটুট । তিনি বলিতেন আমি “একানুরক্তা, কখনও পাপপথে পদার্পণ করিব না । ধনরত্নে আমার লোভ নাই । যেমন সূর্য্যের কিরণ তাঁহার নিজস্ব ; আমিও সেইরূপ রামচন্দ্রের জানিও ।”

আবার সাবিত্রীর উপাখ্যান শ্রবণ কর । তিনি পতিব্রত বলে মৃত্যুপতি বনকে পরাস্ত করিয়া মৃতপতিকে পুনরুজ্জীবিত করিয়াছিলেন । রাজা অশ্বপতি মদ্র দেশের অধীশ্বর ছিলেন ।

বহুদিন দেবতার আরাধনা করিয়া তাঁহার একটা কন্যা জন্মিয়াছিল। ঐ কন্যাটির নাম সাবিত্রী। তাঁহার দেহেরবর্ণ সুবর্ণের ত্রায়, লাবণ্য প্রফুল্ল মল্লিকার ত্রায়। প্রজাগণ তাঁহাকে দেবী বোধে ভক্তি করিত এবং সংকার্ষ্যের জন্ত তাঁহার শরণাপন্ন হইত। তিনি বিবাহ যোগ্য হইলে, তাঁহার পিতা তাঁহাকে আপনাত জন্ত পাত্র মনোনীত করিতে বলিলেন। পিতার অনুমতি ক্রমে সাবিত্রী স্বীয় সঙ্গিনীগণের সহিত স্বামী অন্বেষণে বাহির হইলেন। তিনি যখন “প্রত্যাগতা হইলেন, তখন দেবর্ষি নারদ তাঁহার পিতার নিকট উপস্থিত ছিলেন। তাঁহার সমক্ষে সাবিত্রী স্বীয় মনোনীত পাত্রের কথা বর্ণন করিলেন। তিনি বলিলেন “স্বাৰ্ঘ্যদেশের অধিপতি রাজা ত্র্যমৎসেন বৃদ্ধ ও অন্ধ হওয়াতে, তাঁহার শত্রুগণ তাঁহাকে রাজ্যচ্যুত করিয়াছে। তিনি এক্ষণে স্ত্রীপুত্র সমভিব্যাহারে মুন্নিগণের আশ্রমে বাস করিতেছেন। আমি তাঁহারই পুত্র সত্যবান্কে আমার স্বামী রূপে মনোনীত করিয়াছি।” তচ্ছবণে নারদ বলিলেন “সাবিত্রী ভাল করেন নাই।” রাজা জিজ্ঞাসা করিলেন, সত্যবান্ কি সাবিত্রীর উপযুক্ত নন? তাহার দেহ কি রুগ্ন, না মনের বল নাই? তিনি কি ক্ষমাগুণে বঞ্চিত? অথবা তাঁহার ক্ষত্রিয়োচিত সাহস নাই।” নারদ বলিলেন “তাঁহার শৌর্য্য, বীর্য্য, ক্ষমা, দয়া, দাক্ষিণ্যাদি কোনও গুণের অভাব নাই। সত্যবান্ সূর্য্যের ত্রায় তেজঃ-পুঞ্জদেহবিশিষ্ট, রস্তিদেবের ত্রায় দয়ালু; শিবিরাজার ন্যায় ত্রায়পরায়ণ যবান্তির ত্রায় মহান, এবং পূর্ণশশধরের ত্রায় সুন্দর। কিন্তু এই সমস্ত গুণ এক দৎসর পরে পৃথিবী হইতে অক্লিষ্ট হইবেক।

তঁাহার জীবন কাল অতি অল্প।” সাবিত্রী দেবর্ষির বাক্য শ্রবণে ব্যথিতান্তঃকরণ। হইলেন, কিন্তু বলিলেন “দিলাম” এই বাক্য একবার মাত্র উচ্চারিত হইতে পারে। আমিও একবার বলিয়াছি সত্যবান্কে আশ্রয়দান করিলাম।” সুতরাং আর পত্যন্তর গ্রহণ করিতে পারি না। নারদ বলিলেন, “রাজন্, যখন আপনার কণ্ঠা বিচলিতা হইলেন না, তখন আমি আশীর্বাদ করি, এই বিবাহেই তিনি সুখী হইবেন।

হ্যামৎসেনের আশ্রমে তৎক্ষণাৎ দূত প্রেরিত হইল। তিনি প্রত্যুত্তরে রাজা অশ্বপতিকেকে বলিয়া পাঠাইলেন “আপনার সাহিত কুটুম্বিতা আমার চিরাভিলষিত। কেবল আমার অবস্থা বিপর্যয় বশতঃ সে আশা প্রকাশ করিতে পারি নাই। এক্ষণে ভাগ্যবতী সাবিত্রী স্বেচ্ছায় আসিতেছেন; আমি বেশ বুঝিতে পারিতেছি লক্ষ্মী আমার প্রাতি সুপ্রসন্ন।” বিবাহ হইয়া গেল; সাবিত্রী রাজ-প্রাসাদ ত্যাগ করিয়া আশ্রমকুটার আশ্রয় করিলেন এবং কায়-মনোবাক্যে বৃদ্ধ ঋগুর শাণ্ডিলীর সেবায় নিযুক্ত হইলেন। সমস্ত গৃহকর্ম্য সানন্দে স্বহস্তে সম্পন্ন করিতে লাগিলেন এবং স্বীয় মধুর ভাবের গুণে পতির মন আকৃষ্ট করিলেন; কিন্তু তঁাহার মনে অহরহঃ সেই দুর্দিনের কথা জাগরুক ছিল। তিনি নিরন্তর দিন-গণনা করিতে লাগিলেন, অবশেষে সত্যবানের মৃত্যুর দিন আসিয়া নিকটবর্তী হইল। আর চারি দিন মাত্র অবশিষ্ট। এইবার তিনি দিবসত্রয় উপবাস করিয়া দেবপাঠনায় প্রবৃত্তা হইলেন। তিন দিবানিশি অন্ন জল পরিত্যাগে অতিবাহিত হইল; চতুর্থ দিবস

প্রাতে উঠিয়া নিত্যক্রিয়া সম্পাদন পূর্বক, তিনি গুরুজনের পাদ-  
 বন্দনা করিলেন। সেই কাননবাসী মহর্ষিগণ সকলেই তাঁহাকে  
 আশীর্বাদ করিলেন, তুমি বৈদ্য ভোগ করিবে না। যখন সত্য-  
 বানের কাষ্ঠাহরণের সময় হইল, তিনিও তাঁহার অনুবর্তিনী হইলেন।  
 সত্যবান্ আশ্চর্য্য হইয়া জিজ্ঞাসা করিলেন তুমি কোথায় যাইবে ?  
 তিনি বলিলেন আজি আমার আপনার সঙ্গে যাইতে ইচ্ছা হইয়াছে।  
 তখন তাঁহারা দুইজনে পর্বত নদী ও অরণ্যের শোভা দেখিতে  
 দেখিতে কাননবিহারী পশু পক্ষী দেখিতে দেখিতে অরণ্যে প্রবেশ  
 করিলেন। সত্যবান্ নিত্যকার্য্য আরম্ভ করিলেন, বনফল সংগ্রহ  
 করিয়া কাষ্ঠ সংগ্রহ করিতে প্রবৃত্ত হইলেন, এমন সময় হঠাৎ তাহার  
 দেহ অবসন্ন হইল, ভয়ঙ্কর শিরঃপীড়া অনবরত হইতে লাগিল।  
 তিনি পীড়ার কথা বলিতে বলিতে শয়ন করিলেন। সাবিত্রী  
 তাঁহার মস্তক স্বীয় ক্রোড়ে লইয়া উপবিষ্টা হইলেন ; এবং ভগ্নাত্ত-  
 করণে সেই কাল মুহূর্তের আগমন প্রতীক্ষা করিতে লাগিলেন।  
 হঠাৎ দেখিলেন রক্ত পরিচ্ছদে আচ্ছাদিত এক ভীষণমূর্ত্তি পুরুষ  
 সেই স্থানে দণ্ডায়মান রহিয়াছেন। তাহাকে সত্যবানের দিকে  
 দৃষ্টিপাত করিতে দেখিয়া সাবিত্রী ধীরে ধীরে স্বামীর মস্তক ভূতলে  
 রক্ষা করিলেন এবং প্রণাম পূর্বক দণ্ডায়মান হইলেন। তখন সেই  
 মূর্ত্তি বলিলেন “সত্যবানের জীবনকাল শেষ হইয়াছে, আমি যম  
 মৃত্যুপতি। তিনি অত্যন্ত ধার্মিক ছিলেন, এই জন্ত দুতের পরিবর্তে  
 আমি স্বয়ং আসিয়াছি। এই বলিয়া তিনি সত্যবানের স্থলদেহ  
 হইতে স্মশনরীর গ্রহণ পূর্বক দক্ষিণাভিমুখে প্রস্থান করিতে

লাগিলেন। সাবিত্রীও তাঁহার অনুগামিনী হইলেন। যম বলিলেন “সাবিত্রী ক্ষান্ত হও, তুমি ফিরিয়া গিয়া সত্যবানের ঔর্দ্ধদৈহিক কার্য সম্পন্ন কর। তোমার কর্তব্য শেষ হইয়াছে, মানবে যতদূর আসিতে পারে তুমি ততদূর স্বামীকে অনুগমন করিয়াছ।” সাবিত্রী বলিলেন “স্বামী যখন যেখানে থাকিবেন, আমার তখন সেইখানেই থাকা উচিত। ইহাই পতি পত্নীর নিত্য সম্বন্ধ। যদি আমি আমার পতিকৈ কায়মনোবাক্যে সেবা ভক্তি করিয়া থাকি, তবে আমাদের সে সম্বন্ধ ভঙ্গ হওয়া উচিত নহে। যদি আমি সর্ব্বতোভাবে গুরুজনের পূজা করিয়া থাকি, যদি ব্রত উপবাসাদি কোনও ফল থাকে, তবে আপনার কৃপায় আমার গতি অব্যাহত হইবে; আমি নিশ্চয়ই স্বামীসঙ্গে গমন করিতে পারিব, সন্দেহ নাই। এইরূপে তিনি শিশুর স্থায় নিজস্ব শিষ্য আবৃত্তি করিতে লাগিলেন “স্থিরবিশ্বাসের সহিত গার্হস্থ্যধর্ম পালন করিলে জ্ঞান ও ধর্ম ফল লাভ হয়। হে মৃত্যুপতি, আমার পথ রুদ্ধ করিয়া সেই সকল ফল লাভে বঞ্চিত করিও না।” যম বলিলেন, “তুমি জ্ঞানবতী ও সদসৎ বিচারসম্পন্ন, তোমার বাক্য বড় মধুর, আমি প্রীত হইরাছি, তোমার পতির জীবন ব্যতীত অগ্র বর প্রার্থনা কর।” সাবিত্রী বলিলেন “আমার শিশুর অঙ্গ, আপনার কৃপায় তাঁহার চক্ষুলাভ হউক।” যম বলিলেন “সর্ব্বফলক্ষণে, তোমার অভীষ্ট বর প্রদান করিলাম। এক্ষণে প্রত্যাবৃত্ত হও।” সাবিত্রী বলিলেন, স্বামী যেখানে গমন করেন, আমার সেইখানে গমন করা কর্তব্য। সৎসঙ্গ সফলপ্রদ, হে মৃত্যুপতি আমার স্থায় সৎ আর কে আছে,

আমি যদি আপনার সঙ্গে আমার পতীর অনুগামিনী হই, তাহা অশুভকর হইতে পারে না।” যম বলিলেন “তোমার পতির জীবন ব্যতীত অল্প বর প্রার্থনা কর।” সাবিত্রী বলিলেন, “তবে আমার শ্বশুর আপনার কৃপায় তাঁহার স্বতরাজ্য লাভ করুন।” যম বলিলেন “তিনি রাজ্যলাভ করিবেন। এক্ষণে গৃহে যাও আর আমার অনুগমন করিও না।” কিন্তু সাবিত্রী মধুর বাক্যে তাঁহার প্রশংসা স্বীকার উচ্চারণ করিতে করিতে তাঁহার অনুগমন করিতে লাগিলেন এবং তাঁহার নিকট হইতে জনকের শত সুপুত্র ও নিজের শত সুপুত্র বর গ্রহণ করিলেন। যখন চতুর্থ বর লাভ হইল, তখন ধর্মপথে থাকা, কর্তব্য পালন প্রভৃতি সম্বন্ধে তাঁহার যাহা কিছু জানা ছিল সমুদায় ব্যক্ত করিয়া তাঁহার নিকট স্বামীর জীবন প্রাপ্ত হইলেন, কারণ স্বামীকে লইয়া গেলে, ধর্মপথ পরিত্যাগ না করিলে তাঁহার সন্তান লাভ সম্ভব নহে। এইরূপে পতিব্রতা পত্নী যম-রাজের নিকট হইতে স্বীয় স্বামীকে উদ্ধার করিয়াছিলেন। ভগবান্ দেখাইলেন পতিব্রতার তেজের নিকট যমকেও হতবুদ্ধি হইতে হয়।

হিন্দু বালকেরা নলরাজ পত্নী দময়ন্তীকেও কখনও বিস্মৃত হইবে না। নল, বীরসেনের পুত্র নিষধের রাজা। চক্ষে না দেখিয়াই তিনি বিদর্ভরাজ ভীমসেনের কন্যা দময়ন্তীকে ভালবাসিতেন। দময়ন্তীও সেইরূপ নলের প্রাতি পূর্ক হইতেই অনুরাগিনী হইয়াছিলেন। স্বয়ম্বর সময়ে ইন্দ্র, অগ্নি, বরুণ, যম ও সমস্ত রাজাগণের সমক্ষে দময়ন্তী নল রাজাকেই পতিত্ব বরণ করিয়াছিলেন। বিবাহের পর একাদশ বৎসর কাল তাঁহারা রাজ্যশুখ

ভোগ করেন। তাঁহাদের একটা পুত্র ও একটা কন্যা হয়। ষাদশ বৎসরে তাঁহার ভ্রাতা পুত্র তাঁহাকে পাশা ক্রীড়ার আহ্বান করেন। ঐ ক্রীড়ায় নল নিজের ধন সম্পত্তি ও সিংহাসন পর্য্যন্ত হারিলেন এবং এক বস্ত্রে রাজ্যত্যাগ করিলেন। দময়ন্তী পুত্র দুটাকে পিত্রালয়ে প্রেরণ করিয়া এক বস্ত্রে তাঁহার অনুগামিনী হইলেন। তাঁহারা ক্ষুধায় কাতর হইয়া রাজ্যের বহির্ভাগে ভ্রমণ করিতে লাগিলেন। একদা নল, বন্যদ্বারা পক্ষী ধরিবার উদ্দেশ্যে করিলে পক্ষীগণ বস্ত্র লইয়া পলায়ন করিল; তখন উভয়ে একবস্ত্র-পরিধানে ভ্রমণ করিতে লাগিলেন। তিনি বহবার দময়ন্তীকে পিত্রালয়ে গমন করিতে অনুরোধ করিয়াছিলেন, কিন্তু দময়ন্তী তাঁহাকে ছাড়িয়া বাইতে সম্মত হন নাই। এইরূপে ভ্রমণ করিতে করিতে একদিন দময়ন্তী পরিশ্রান্ত হইয়া বৃক্ষমূলে শয়ন পূর্বক নিদ্রিতা হইলেন। তখন নলরাজ মনে মনে বিতর্ক করিতে লাগিলেন, যদি আমি দময়ন্তীকে পরিত্যাগ করিয়া প্রস্থান, করি তাহা হইলে দময়ন্তী অবশ্যই পিতৃগৃহে গমন করিবেন, তাহা হইলে তাঁহার কষ্টের অবসান হইবেক। এইরূপ চিন্তা করিয়া সন্নিহিত খড়্গ দ্বারা পরিধেয় ছিন্ন করিলেন এবং অর্দ্ধাংশ দ্বারা দময়ন্তীকে দেহ আবরণ পূর্বক নিজে অপরাধ পরিধান করিয়া দুঃখে উন্মত্তবৎ প্রস্থান করিলেন। দময়ন্তী নিদ্রাভঙ্গের পর যখন দেখিলেন নিকটে নল নাই, তখন তাঁহার দুঃখের আর অবধি রহিল না। তিনি নিজের কষ্ট অপেক্ষা নলের যে কি কষ্ট হইতেছে তাহা ভাবিয়া আকুল হইয়া পড়িলেন। তিনি ব্যাকুল ভাবে স্বামীর অন্বেষণ

করিতে লাগিলেন, কিন্তু তাঁহাকে কোথাও দেখিতে পাইলেন না। ভ্রমণ করিতে করিতে এক ভীষণ অজগর তাঁহাকে আক্রমণ করিল, তিনি সেই বিপদ ও অত্যাচার বহু বিপদ হইতে কিরূপে রক্ষা পাইয়া অবশেষে চেদিরাজ তনয়ার আশ্রয় পাইয়াছিলেন, তাহা বিস্তারিত-ভাবে নলোপাখ্যানে বর্ণিত আছে। এদিকে নল একটা সর্পকে অগ্নি হইতে রক্ষা পূর্বক তাঁহার সাহায্যে নিজ আকৃতি প্রচ্ছন্ন করিয়া অযোধ্যাধিপতি ঋতুপর্ণের গৃহে সারথী গ্রহণ করিলেন; এইরূপে পতি পত্নী বিচ্ছিন্ন হইলেন। এদিকে রাজা ভীমসেন আপনার কণ্ঠা, জামাতার অন্বেষণ জন্ত চারিদিকে ব্রাহ্মণ দূত প্রেরণ করিলেন। তাঁহাদের অগ্রতম সুরদেব নামক ব্রাহ্মণ চেদিরাজপ্রাসাদে দময়ন্তীর সাক্ষাৎ পাইলেন, তখন প্রকাশ হইল চেদিরাজতনয়ার জননী দময়ন্তীর মাতৃস্বসা। দময়ন্তী আবার পিতৃগৃহে আসিলেন। নলের অন্বেষণ জন্ত আবার চারিদিকে দূত প্রেরিত হইল। দময়ন্তী সেই দূতগণকে এমন একটা বাক্য ঘোষণা করিতে শিখাইয়া দিলেন, যাহা নলেরই বোধ্য, তাহাতে নলকে আবার ফিরিয়া আসিয়া দময়ন্তীর সহিত মিলিত হইতে অনুরোধ করা হইয়াছিল। দূতগণ বহুদিন বহুদেশ অন্বেষণ করিয়া অবশেষে একজন দূত অযোধ্যার উপস্থিত হইয়া উক্ত দময়ন্তীপ্রেমিত বার্তা ঘোষণা করিলে, অযোধ্যাধিপতি ঋতুপর্ণের সারথী অনেক দুঃখ প্রকাশ করিলেন। সেই দূত পর্যাদ, দময়ন্তীকে ঐ সংবাদ গোচর করাইবা মাত্র, তিনি ঐ সারথীকে চিনিতে পারিলেন এবং তাঁহাকে বিদর্ভে আনয়ন করিবার উপায় কল্পনা করিলেন।



তিনি পুনরায় ঐ ব্রাহ্মণকে অবোধার গমনপূর্বক বল্যই দময়ন্তীর পুনঃ স্বয়ম্বর হইবেক, এই বার্তা জ্ঞাপন করিতে বলিলেন। দময়ন্তী জানিতেন যে, অবোধা হইতে বিদর্ভে একদিনে আগমন করা নল ব্যতীত অস্ত্রের সাধ্যায়ত্ত্ব নহে। দময়ন্তী যাহা মনে করিলেন তাহাই হইল। ঋতুপর্ণের আদেশে বাহক উপযুক্ত অশ্ব যোজনা পূর্বক সন্ধ্যাকালেই বিদর্ভে উপনীত হইলেন। কিন্তু স্বয়ম্বর কোথায়? সর্ব্বৈব মিথ্যা, কেবল দময়ন্তীর কোশলে "মল" আবার বিদর্ভে উপস্থিত হইয়াছেন। নল দময়ন্তীর কোশলে আত্ম-প্রকাশ করিলেন। তিনি নিজ পুত্র-কন্যা দর্শনে কাঁদিয়া ফেলিলেন, তাঁহার বন্ধন ব্যাপারও আত্মপ্রকাশের হেতু হইল। অবশেষে পতি পত্নীর পুনর্মিলন হইল। তৎপরে তাঁহারা পুনরায় রাজ্যলাভ করিয়া পরমসুখে কালাতিপাত করিয়াছিলেন।

যে পত্নী মথার্থ পাতিব্রত অবলম্বন পূর্বক পতিসেবার কাশাতিপাত করিতে পারে, তাঁহার আন্তরিক উন্নতি ও জ্ঞানের বৃদ্ধি হয়। তিনি বিনায়াসে তপস্তার ফল লাভে সমর্থ হইয়া থাকেন। কারণ আমরা পুরাণে এইরূপ একজন ব্রাহ্মণ পত্নীর প্রতি কৌশিকের কোপের বিবরণ দেখিতে পাই।

পূর্বকালে কৌশিক নামক একজন ব্রাহ্মণ অনেক তপস্তা করিয়াছিলেন। একদা তিনি এক বৃক্ষের তলে বসিয়া ধ্যান করিতেছেন, এমন সময়ে এক বক তাঁহার মস্তকে বিষ্ঠা-ত্যাগ করিল। তপস্তা দ্বারা কৌশিকের এতই তেজ সঞ্চিত হইয়াছিল যে, তিনি ক্রুদ্ধ হইয়া বকের দিকে দৃষ্টিপাত করিবামাত্র বক ভস্মীভূত হইল।

কৌশিক বকের মৃত্যুতে হুঃখিত ওট্টুনিজ তপঃপ্রভাব দর্শনে আনন্দিত হইলেন। তৎপরে তিনি সন্নিহিত নগরে ভিক্ষার্থ গমন করিলেন। এবং এক গৃহস্থের গৃহে গমন পূর্বক তিনি গৃহিণীর নিকট ভিক্ষা প্রার্থনা করিলেন, গৃহিণী তাঁহার জন্ত অহার্য্য আনিতে গমন করিতেছেন, এমন সময় তাঁহার স্বামী ক্লান্ত ও ধূলিবাণ্ড কলেবরে গৃহাগত হইলেন। কাজেই গৃহিণী কৌশিককে বিলম্ব করিতে বলিয়া, তাঁহার ধর্ম্মীয় শুশ্রূষায় ব্যাপৃত হইলেন। অনেক বিলম্ব হইতে দেখিয়া কৌশিকের ক্রোধ হইল। অবশেষে যখন গৃহিণী অহার্য্য লইয়া পুনরাগতা হইলেন, তখন ব্রাহ্মণ ক্রোধপূর্ণনয়নে তাঁহার প্রতি দৃষ্টিপাত করিতে লাগিলেন এবং বলিলেন আমি ব্রাহ্মণ, আমার অবজ্ঞা করিয়া এত বিলম্ব করিলে কেন? গৃহিণী মুহূর্ত্তে বলিতে লাগিলেন “হে বিপ্র, স্বামীনেবাই আমার প্রধান ও প্রথম কর্তব্য, আপনি অকারণ ক্রোধ পরিত্যাগ করিয়া ক্ষমা করুন। আমার দিকে ক্রোধদৃষ্টি করিবেন না, তাহাতে আপনার নিজেরই অনিষ্ট হইবেক। আমি বঞ্চনামি।” এই কথা শুনিয়া কৌশিক স্তম্ভিত হইলেন এবং তাঁহাকে এই পরোক্ষজ্ঞানের হেতু জিজ্ঞাসা করিলেন। গৃহিণী বলিলেন আমি তপস্বী দ্বারা শক্তি লাভ করি নাই; কেবল একমনে পতিসেবাই আমার তপ জপ। যদি তুমি গৃহীর কর্তব্য কর্ম্মযোগ সম্বন্ধে জ্ঞানলাভ করিতে চাহ, তাহা হইলে অবিলম্বে মিথিলা গমন পূর্বক ধর্ম্মব্যাধের সহিত সাক্ষাৎ কর। কৌশিক তখন মিথিলা অভিগুখে প্রস্থান করিলেন। তথায় গমন করিয়া দেখিলেন, ব্যাধ ক্রয় বিক্রয়ে ব্যস্ত। ব্যাধ কৌশিককে

দেখিবামাত্র উখিত হইয়া তাঁহাকে প্রণাম পূর্বক বলিলেন “আমি বুদ্ধিতে পারিতেছি কেন সেই পতিব্রতা কামিনী আপনাকে আমার নিকট প্রেরণ করিয়াছেন। আমি আপনার সমস্ত সন্দেহই দূর করিব এবং কি উপায়ে আমি এই শক্তি লাভ করিলাম, তাহাও আপনাকে দেখাইব। তৎপরে সেই ব্যাধ কৌশিককে আপনার পিতামাতার নিকট লইয়া গিয়াছিলেন। সে কথা ইতিপূর্বে বর্ণিত হইয়াছে।

ভ্রাতার প্রতি ভ্রাতার ব্যবহারের বৃত্তান্ত রামায়ণে বর্ণিত আছে। লক্ষ্মণ রামের জীবনস্বরূপ ছিলেন। তাঁহারা উভয়ে একত্রে শয়ন ও একত্রে ক্রীড়া করিতেন। পরস্পরকে না দেখিয়া ক্ষণকালও থাকিতে পারিতেন না। লক্ষ্মণ রামের সঙ্গে কাননবাদী হইয়া-ছিলেন। অনিদ্রায় তাঁহাকে রক্ষণাবেক্ষণ করিতেন। সীতার অবেষণ সময়ে দুঃখের দুঃখী হইয়া সঙ্গে সঙ্গে ভ্রমণ করিয়াছিলেন। যখন লঙ্কায় যুদ্ধক্ষেত্রে লক্ষ্মণ মুচ্ছিত হইয়াছিলেন, তখন রাম কাতর-স্বরে বলিয়াছেন,—“যদি লক্ষ্মণ রণে নিপাতিত হইল, তবে আর যুদ্ধে প্রয়োজন কি, এ জীবনেই বা প্রয়োজন কি? ভাই, কেন তুমি আমার ত্যাগ করিয়া অগ্রে স্বর্গলোকে গমন করিলে। তোমা ব্যতীত জীবন, জয়শ্রী এমন কি জামকী পর্য্যন্ত আমার নিকট নিম্প্রয়োজন বলিয়া বোধ হইতেছে।”

ভ্রাতৃপ্রেম ও ভ্রাতৃগণের মিলন দ্বারা যশ ও সম্পদ লব্ধ হয়, সমগ্র মহাভারতেও তাহার জাজল্যমান প্রমাণ দেখা যায়। আমরা পাণ্ডবগণকে একটা দিনের :তরেও স্বাতন্ত্র্য অবলম্বন করিতে দেখি

নাই। যুধিষ্ঠিরই বংশের স্তম্ভস্বরূপ। অমুজগুলি তাঁহারই ধন সম্পদের বর্দ্ধনের জন্ত ব্যতিব্যস্ত। তাঁহারই জন্ত তাঁহারা যুদ্ধ করিয়াছেন, তাঁহারই জন্ত ধন সংগ্রহ করিয়াছেন, অর্জুনের কঠোর তপস্যা ও কঠোরতর যুদ্ধ দ্বারা দিব্যান্ত্র লাভ, তাঁহারই জন্ত; যুধিষ্ঠির আবার তাঁহাদের সুখ স্বাচ্ছন্দ্যের জন্ত ব্যতিব্যস্ত।

যুধিষ্ঠির স্বর্গে গমন করিয়াও আপনার ভ্রাতাগণকে দেখিবার জন্ত ব্যাকুল। তাঁহার উক্তি, তাহারা যেখানে আমিও সেইখানেই যাইব।” তিনি দেবলোকে ভ্রাতাদিগকে না দেখিয়া বলিয়াছিলেন “আমার ভ্রাতৃগণ ব্যতীত স্বর্গ, সূখের নয়। তাহারা যেখানে, আমার স্বর্গও সেইখানে। অবশেষে দেবগণ দূতসঙ্গে তাঁহার ভ্রাতাদের নিকট তাঁহাকে প্রেরণ করিলেন। স্বর্গত্যাগ করিয়া তিনি দূতসঙ্গে অনন্ত অন্ধকারে প্রবেশ করিলেন, ক্রমেই আকাশ ও পথ অন্ধকারাচ্ছন্ন, দুর্গন্ধবস্ত, বীভৎস আকৃতি, কঙ্কালপূর্ণ ও রক্তাক্ত পথ তাহারা অতিক্রম করিতে লাগিলেন। তীক্ষ্ণ কণ্টক ও পত্র তাঁহাদের গতি রোধ করিতে লাগিল। অভ্যুত্তপ্ত বালুকা ও প্রস্তরে পদ দগ্ধ হইতে লাগিল। রাজা যুধিষ্ঠির দূতকে আশ্চর্য্য হইয়া জিজ্ঞাসা করিলেন “এ কোথায় আনিলে? দেবদূত বলিলেন আমি আপনাকে এইখানেই আনিতে আদিষ্ট হইয়াছি। যদি আপনার ইচ্ছা না হয়, ফিরিয়া আসিতে পারেন। তিনি মনে করিলেন তাঁহার ভ্রাতৃগণ একপ স্থানে থাকিবার যোগ্য নহে, এই ভাবিয়া প্রত্যাগমনের উদ্যোগ করিতেছেন এমন সময়ে বহু আর্দ্রস্বর তাঁহার কর্ণে প্রবিষ্ট হইতে লাগিল। তিনি জিজ্ঞাসা

করিলেন তোমরা কে ? চারিদিক হইতে উত্তর করিতে লাগিল  
 “আমি কর্ণ, আমি ভীম, আমি অর্জুন, আমি নকুল, আমি সহদেব,  
 আমি দ্রোপদী, আমরা দ্রোপদেয়গণ।” তৎশ্রবণে রাজা যুধিষ্ঠির  
 দেবদূতকে বলিলেন “তুমি যাহাদের দূত তাঁহাদের নিকট গমন কর,  
 আমি তথায় গমন করিব না, এইখানেই থাকিলাম, তাঁহাদিগকে  
 নিবেদন কর। আমার ভ্রাতৃগণ যেখানে, আমার স্বর্গও সেইখানে।”  
 তৎক্ষণাৎ দিব্যাগন্ধে দিক্ সকল পূর্ণ হইল। চারিদিকে পুণ্যগন্ধ,  
 সমীরণ, সমুজ্জ্বল আলোক, দেবতাগণ চতুর্দিক হইতে যুধিষ্ঠিরকে  
 বেষ্টিত করিলেন। কারণ নরকের অপেক্ষা প্রেমের শক্তি অধিক,  
 যাতনা প্রণয়ের কাছে মস্তক অবনত করে।

পরিবারের বাহিরে প্রদর্শনযোগ্য প্রধানতম গুণ দয়া। ভার-  
 তীয় আর্গ্যাগণ এই গুণের কতদূর পক্ষপাতী ছিলেন, তাহার বিবরণ  
 নকুলোপাখ্যানে অবগত হওয়া যায়। এই নকুল যচ্ছাক্রমে রাজা  
 যুধিষ্ঠিরের যজ্ঞসভায় উপনীত হইয়া দেখিলেন, যে সমুদায় তোরণ  
 যুগ ও যজ্ঞপাত্র গুলি স্বর্ণ নির্মিত ; এবং সকলেই স্রস্র অভিলাষানু-  
 রূপ ধনরত্নাদি গ্রহণ করিতেছে, কেহ তাহাদিগকে নিষেধ করি-  
 তেছে না। নকুল বলিল এত যজ্ঞে সমারোহ এত অধিক হইলেও  
 তঁহা দরিদ্র ব্রাহ্মণের শত্ৰুদান অপেক্ষা পুণ্যকর নহে। এই কথা  
 বলিয়া তিনি দরিদ্রব্রাহ্মণের শত্ৰুদান বিবরণ বর্ণনা করিয়া-  
 ছিলেন। কোনও এক দরিদ্র ব্রাহ্মণ উজ্জ্বলতার দ্বারা সঞ্চিত শস্ত্রে  
 কষ্টে স্ত্রী, পুত্র, পুত্রবধূ ও নিজের প্রাণরক্ষা করিতেন। কোনও  
 সময়ে ভয়ঙ্কর দুর্ভিক্ষ উপস্থিত হওয়াতে, কৃষকগণ ভূমিতে অতি

সামান্ধই শস্ত ফেলিয়া যাইত। কারণ তখন ভূমি তৃণহীন হইয়াছিল, শস্তও উৎপন্ন হয় নাই। সুতরাং তিনি সপরিবারে দিন দিন ক্ষীণ হইতে লাগিলেন। একদা বহুকষ্টে অত্যন্নমাত্র যব সংকিত হইয়াছিল, উহা চূর্ণ করিয়া তাঁহার পত্নী চারিভাগ করিয়াছিলেন, সকলে আহারের উদ্যোগ করিতেছেন, এমন সময়ে একটা অতিথি দ্বারদেশে উপস্থিত হইলেন, ব্রাহ্মণ তৎক্ষণাৎ উথিত হইয়া তাঁহাকে বসিবার আসন ও পানীয় জল প্রদান পূর্বক, আহার করিবার জন্ত নিজের অংশ প্রদান করিলেন। অতিথি আহার করিলেন বটে, কিন্তু তাঁহার ক্ষুদ্রবৃত্তি হইল না। তদদর্শনে গৃহিনী নিজ অংশ আনিয়া অতিথিকে প্রদান করিতে বলিলেন; ব্রাহ্মণ বলিলেন, তুমি ক্ষীণ হইয়াছ, তোমার দেহ কম্পিত হইতেছে, তোমার খাওয়া ও জল থাকুক, তোমার জীবন নাশ হইলে এই গৃহস্থালী থাকিবে না। কিন্তু পত্নীর নিরীক্ষাতিশয়ো তাঁহার অংশও অতিথিকে দিতে বাধ্য হইলেন। কিন্তু তথাপি অতিথির ক্ষুধা গেল না। তখন ব্রাহ্মণ পুত্র তাহার নিজের অংশ আনিয়া প্রদান করিলেন, কিন্তু তাহাতেও অতিথির ক্ষুদ্রবৃত্তি হইল না। তদদর্শনে পুত্রবধূও নিজ অংশ আনিয়া দিলেন, কিন্তু বালিকার অংশ লইয়া অতিথিকে দিতে ব্রাহ্মণের বড়ই কষ্ট হইল। পুত্রবধূ বলিলেন, আমাকে আতিথ্যধর্ম পালন করিতে বিরত করিবেন না। অতিথি দেবতা। তাঁহাকে নিজের নাশ স্বরূপ এই খাওয়া দান করিয়া পরিতুষ্ট করুন। ব্রাহ্মণ পুত্রবধূর নিরীক্ষাতিশয় দেখিয়া তাহার অংশ লইয়া অতিথির সম্মুখে রাখা করিলেন। তিনিও গ্রহণ পূর্বক আহার করিলেন। তৎপরে

যখন অতিথি উঠিয়া দাঁড়াইলেন, তখন তাঁহার দেহ হইতে কিরণ  
ঝলসিতে লাগিল; সকলে দেখিল সন্মুখে ধর্ম্মরাজ দণ্ডায়মান। নকুল  
বলিতে লাগিল, অতিথির ভোজন পাত্রে যৎকিঞ্চৎ উচ্ছিষ্ট অবশিষ্ট  
ছিল, আমি তাহাতে লুপ্তিত হওয়াতে আমার অর্দ্ধাধিক দেহ  
স্বর্ণময় হইয়াছে। দয়ার এমনি গুণ যে সামান্য বনকগারও এইরূপ  
অদ্ভুত শক্তি লাভ হইয়াছিল।

একদা একজন লুন্ধক অরণ্যমধ্যে প্রবিষ্ট হইয়া প্রবল ঝটিকা  
মধ্যে পতিত হইয়াছিল। প্রবল বৃষ্টি হওয়াতে সমুদায় পথ ঝটি  
জলে প্রাবিত হইয়া যেন নদীর আকার ধারণ করিল। উচ্চ  
ভূমিসমূহে ভল্লুক সিংহাদি হিংস্র জন্তুগণ আশ্রয় লইল। শীতে  
ও ভয়ে কম্পিত হইয়াও সে নিজের নিষ্ঠুর স্বভাব ভুলিতে পারিল  
না। দূরে একটি কপোতীকে পতিতা দেখিয়া সে তাহাকে তুলিয়া  
লইয়া নির্দয়ভাবে নিজের পিঞ্জর মধ্যে নিক্ষেপ করিল। অবশেষে  
ভ্রমণ করিতে করিতে ব্যাধ এক বৃহৎ বনস্পতি সমীপে উপনীত  
হইল। ঐ মহাবৃক্ষের শাখায় বহুপক্ষী বাস করিত। ঐ  
বৃক্ষটী জগদীশ্বর বহুজীবের আশ্রয় কর্ত্তব্য করিয়া ঐ স্থানে  
স্থাপন করিয়াছিলেন। ব্যাধ উহার তলে আশ্রয় গ্রহণ করিল।  
ক্রমে ক্রমে মেঘ অন্তরিত হইল, আকাশ পরিষ্কৃত হইল, গগণ  
অসংখ্য তারা প্রকাশ পাইল। কিন্তু ব্যাধের আবাস অনেক  
দূরে, তাহার আর সে রাত্রে গৃহে গমন করিতে ইচ্ছা হইল না।  
সে সেই বৃক্ষতলে নিশা অতিবাহিত করিতে বাসনা করিল।  
ব্যাধ বৃক্ষতলে শয়ন করিয়া, শ্রবণ করিল কপোত দুঃখ করিয়া

বলিতেছে “হায় প্রিয়ে তুমি কোথায়? এখনও প্রত্যাগতা হইতেছ না কেন? না জানি, তোমার কি বিপদ ঘটয়াছে? হায় আমার কপোতী যদি প্রত্যাগতা না হয়, তবে আমার জীবন-ধারণ বিড়ম্বনা মাত্র। গৃহ ত গৃহ নয়, গৃহিনীই গৃহ। হায় আমার আহাৰ হইলে তবে সে আহাৰ করে, আমার সঙ্গে স্নান করে, আমার আনন্দে আনন্দ বোধ করে, আমার দুঃখে দুঃখিতা হয়। কিন্তু আমি কোনও কারণে ক্রুদ্ধ হইলে সে স্নমধুর বাক্যে আমার বোষণোদন করে। একরূপ পত্নীর অভাবে আমার জীবন শূন্যময় বোধ হইতেছে। একরূপ পত্নীর অভাবে অট্টালিকাও অরণ্য বোধ হয়। এইরূপ সঙ্গিনীই ধর্ম্মাদি কার্যে বিশ্বাস যোগ্য সহচরী। এইরূপ পত্নীই পতির বহুমূল্য সম্পত্তি। এইরূপ পত্নীই জীবনের সকল ব্যাপারে উপযুক্ত সঙ্গিনী। এইরূপ পত্নীই সকল প্রকার মানসিক ব্যাধির মহৌষধ। পত্নীর তায় বদ্ধ নাই, পত্নীর জায় আশ্রয় নাই।

স্বামীর কাতরোক্তি শ্রবণ করিয়া কপোতী বলিতে লাগিল, আজি পিঞ্জরাবদ্ধ হইয়াও স্বামীর মনোভাব অবগত হইয়া আপনাকে পরম সুখী জ্ঞান করিঅছি। স্বামী যাহার প্রতি তুষ্ট নহেন, সে পত্নী পত্নীই নহে। কিন্তু আমাদের এই ব্যাধের বিষয় চিন্তা করা উচিত; এই ব্যক্তি প্রবল বাত্যাহত হইয়া আজ গৃহে গমন করিতে পারিল না। এ এখন আমাদের অতিথি, কারণ আমাদের আবাস বৃক্ষতলেই আশ্রয় গ্রহণ করিয়াছে।” তচ্ছবণে কপোত স্নমধুর বাক্যে ব্যাধকে অভ্যর্থনা করিয়া বলিতে লাগিল, “আপনি



অতিথিরূপে আমার গৃহে আসিয়াছেন, এক্ষণে কি করিব আদেশ করুন। ব্যাধ বলিল, আমার দেহ শীতে অবশ হইয়া আসিতেছে, যদি পার আমার উত্তাপ প্রদান কর। কপোত তখনি ওষ্ঠপুট দ্বারা তৃণপত্রাদি সংগ্রহ করিয়া এবং নিকটবর্তী গ্রাম হইতে একটু অগ্নি আনয়ন পূর্বক অগ্নি প্রজ্জ্বলিত করিল। ব্যাধ সেই অগ্নির তাপে দেহ উত্তপ্ত করিয়া আহারের বাসনা করিল, তখন কপোত চিন্তা করিল সঞ্চিত আহাৰ্য্য তা কিছুই নাই, অথচ ক্ষুধার্ত্ত অজ্ঞিথি অভুক্ত থাকিবেন তাহাও কর্তব্য নহে। “এই ভাবিয়া কপোত তিনবার অগ্নি প্রদক্ষিণ পূর্বক অগ্নিতে দেহত্যাগ করিবার সময় বলিল, আমার দেহে ক্ষুন্নিবৃত্তি কর।

এই অভূতপূর্ব দয়ার কার্য্য দেখিয়া ব্যাধের মনে স্মীয় পূর্বকৃত পাপের তাড়না উপস্থিত হইল, তাহার অসং স্মৃতি দূর হইল। সে বলিল, পক্ষী তুমি আমার গুরু; তুমি আমায় কর্তব্য শিখাইলে। আজ হইতে আমি আর পাপ পথে পদার্পণ করিব না, পাপের প্রায়শ্চিত্ত করিব। আর পাপ আহারে উদর পূর্ণ করিব না, 'অনাহারে দেহ শুষ্ক করিব। আজ হইতে ধন্যপথই আমার আশ্রয়। সে তাহার লগুড়, পাশ ও পিঞ্জর পরিত্যাগ করিল। পিঞ্জরস্থ পক্ষিনীকে মুক্ত করিল। পক্ষিনীও সন্তুষ্ট হইয়া অগ্নি প্রদক্ষিণ পূর্বক দেহত্যাগ করিল। দেহত্যাগ করিবার পূর্বে বলিয়াছিল—

পুণিতা মাতা কাছে কণ্ঠা পায় বহু দান।

পতির প্রেমের তাহা নহেত সমান ॥

পতিই পত্নীকে দেন সর্বস্ব তাহার ।

দেন তারে দেহ মন ধন আপনার ॥

চিরদিন এক সঙ্গে করি অবস্থান ।

এখন একাকী থাকা নরক সমান ॥

ব্যাধের, এই ব্যাপারের সঙ্গে সঙ্গে দিবা দৃষ্টি জন্মিল ; সে দেখিল পক্ষী ও পক্ষিণী দিব্যদেহ ধারণ পূর্বক স্বর্গে গমন করিতেছে । সেই দিন হইতে ব্যাধ তাপসবৃত্তি অগলঘন পূর্বক অবস্থান করিতে লাগিল । কিছুদিন পরে দাবায়িতে তাহার দেহ ভস্মীভূত হইলে সঙ্গে সঙ্গে তাহার পাপরাশিও সেই কঠোর ভাপে ধ্বংস হইয়া গেল ।

ক্ষমা দ্বিতীয় গুণ । রামচন্দ্রে সঘণ্টে লিখিত আছে, শত অপকারেও অপরাধীর প্রতি তাঁহার মনোবিকার জন্মিত না । কিন্তু একটু উপকারের কথা তাঁহার অন্তরে স্বর্ণাকরে লিখিত থাকিত । আবার বিহুরের বিষয় শ্রবণ কর । তিনি ঘেরূপ অপমান ভুলিয়া ক্ষমা করিতেন, তাহা অতুলনীয় । রাজা ধৃতরাষ্ট্র, দুর্ঘোষন সঘণ্টে কি কর্তব্য বিহুরকে জিজ্ঞাসা করিয়াছিলেন । বিহুর বলিয়াছিলেন, দুর্ঘোষনকে পাণ্ডবগণের সহিত সদ্ভাবে কালযাপন করিতে বলুন । এবং যাহারা দুর্ঘোষনকে, পাণ্ডবগণের প্রতি দুর্বাবহার করিতে সহায়তা করিয়াছিল, তাহারাও পাণ্ডবগণের নিকট ক্ষমা প্রার্থনা করুক ; তাহা হইলে, সকল :গোল মিটিয়া যাইবে । এই কথায় ধৃতরাষ্ট্র কুপিত হইয়া তাঁহাকে বহু কটুক্তি করিয়াছিলেন এবং তাঁহাকে পক্ষপাতী ও অকৃতজ্ঞ বলিয়া আপনার সম্মুখ হইতে চলিয়া যাইতে বলিয়াছিলেন । কাজেই বিহুর পাণ্ডবগণের নিকট অরণ্যে গমন

করিলেন এবং যুধিষ্ঠিরকে আপনার অপমানকাঙ্ক্ষী শুনাইলেন এবং বিবিধ উপদেশবাক্যে তাঁহাদিগকে কর্তব্য শিক্ষা দিতে লাগিলেন। এদিকে বিহুরকে বিদূরিত করিয়া ধৃতরাষ্ট্রের মনে অত্যন্ত কষ্ট হইতে লাগিল ; তিনি নিজের অগ্রাশ্ব বুঝিতে পারিয়া সঞ্জয়কে বলিলেন “সঞ্জয় আমি ভাতাকে অকারণে অপমান করিয়াছি, দেখ দেখি সে জীবিত আছে কি না ? যাও, শীঘ্র তাকে আমার কাছে আনয়ন কর।” সঞ্জয় গমন করিলেন বটে, কিন্তু বিহুর যে আবার ফিরিয়া আসিবেন, একথা তাঁহার মনে স্থান পাইল না। তিনি অরণ্যে গমন করিয়া বিহুরকে পাণ্ডবগণের নিকট সম্মানিতভাবে কালবাপন করিতে দর্শন করিলেন। সঞ্জয় ধৃতরাষ্ট্রের বাক্য জ্ঞাপন করিবামাত্রই বিহুর গাত্রোত্থান করিয়া ভ্রাতৃপুত্রগণের নিকট বিদায় গ্রহণ করিয়া অবিলম্বে জ্যেষ্ঠ ভ্রাতার সমীপে আগমন করিলেন। ধৃতরাষ্ট্র ক্রমা প্রার্থনা করিতে উদ্বৃত্ত হইলে, বিহুর বলিলেন “আমার কাছে ক্রমা প্রার্থনা নিঃপ্রয়োজন, আপনি আমার জ্যেষ্ঠ এবং গুরু, আমার মাত্তের পাত্র। আপনার আদেশ শুনিবামাত্রই আমি ছুটিয়া আসিয়াছি। আপনাকে না দেখিয়া আমার বড়ই কষ্ট হইয়াছিল। আমি যে পাণ্ডবদিগকে স্নেহ করি, সে কেবল তাহারা বড়ই দুঃবস্থাগ্রস্ত বলিয়া। তোমার পুত্রগণ আমার বড়ই প্রিয়, কিন্তু পাণ্ডবদের কষ্ট হৃদয়দ্রবকর। এইরূপে কনিষ্ঠ জ্যেষ্ঠের সমুদায় লাঞ্ছনাবাক্য ভুলিয়া তাহার নিকট পুনরায় আগমন করিয়াছিলেন।

ভদ্রতা প্রাচীন হিন্দুগণের জীবনের একটা প্রধান গুণ। প্রাচীন গ্রন্থে আমরা নান্যকগণের বাক্যে ও কার্যে তুল্যরূপ ভদ্রতা

দর্শন করি। তাহারা সদস্য শত্রু মিত্র অতিথির প্রতি সমভাবে  
 সন্মান্যবহার করিতেন। রামচন্দ্রের বাক্য অতীব কোমল ছিল।  
 তিনি সর্বদা সহাস্তবদনে কথা কহিতেন। সম্পদের অধিকারী  
 কোনও সময়ে দানবগণ সম্বন্ধে বলিয়াছিলেন “তাহারা বড়ই মধুর  
 ভাষী, সকলের সহিত বন্ধুভাবে ব্যবহার করে এবং তাহাদের  
 ক্ষমাশূণ্যও যথেষ্ট, এই সকল গুণের জন্তই আমি তাহাদের আশ্রয়ে  
 বাস করি। কিন্তু যখন তাহারা ক্রোধবশে, অত্যাচারে প্রবৃত্ত  
 হয়, তখন আশা, বিশ্বাস, জ্ঞান, সন্তোষ, জয়, উন্নতি ও ক্ষমাকে  
 সঙ্গে লইয়া তাহাদিগকে ত্যাগ করি। নারদও মিষ্টভাষী, মহ-  
 দঃস্তুতকরণ ও স্পষ্টবাদী, ক্রোধ ও লোভশূন্য ছিলেন। সেই জন্ত সর্বত্র  
 সকলে তাঁহাকে ভালবাসিত ও শ্রদ্ধা ভক্তি করিত। ভীষ্মদেব  
 বলিয়াছিলেন, দৃষ্টি, বাক্য বা চিন্তা দ্বারাও অপরের হীনতা লক্ষ্য করা  
 উচিত নহে। কাহারও সম্বন্ধে মন্দ বলাও ভাল নহে। আমাদের  
 কাহারও অপ্রিয় আচরণ করা বা অপকার করা কর্তব্য নহে।  
 অতের প্লেষবাক্য উপেক্ষা করাই উচিত। এমন কি যদি কেহ  
 আমাদের ক্ষমাশূণ্য করে, তখনও তাহাকে মিষ্টবাক্যে  
 সম্ভাষণ করিবে। নিন্দার পরিবর্তে কাহারও নিন্দা করিও না।  
 আর একস্থলে দেবর্ষি নারদ পদ্ম নামক নাগের সম্বন্ধে বলিয়াছেন  
 যে, তিনি একেবারে কৰ্ম্ম, জ্ঞান ও ভক্তিপথ অবলম্বন করিয়া চলি-  
 য়াছেন, তিনি সর্বদা অতিথিপ্রিয়, ক্ষমাশীল এবং কাহারও অনিষ্ট  
 করেন না; তিনি সত্যভাষী এবং দ্বৈতবাদী, প্রিয়বাদী এবং  
 সকলের উপকারে সর্বদা রত। একদা এক ব্রাহ্মণ তাঁহার নিকট

শিক্ষার্থী হইয়া গমন করিয়াছিলেন, কিন্তু তিনি সে সময়ে গৃহে ছিলেন না। তাহার পত্নী তাঁহাকে অভ্যর্থনা করিয়া বসিতে বলিলেন, কিন্তু তিনি তাঁহার পতির আগমন প্রতীক্ষায় নদীতীরে দণ্ডায়মান থাকিলেন। সেই স্থানে অবস্থান সময়ে তাঁহার আহার করা হইল না। নাগরাজের আত্মীয়গণ তাঁহার নিকট আগমন পূর্বক আতিথ্য গ্রহণে অনুরোধ করিতে লাগিলেন। তাঁহারা বলিলেন আপনি অভুক্ত থাকিলে, আমাদের আতিথ্যধর্মের ব্যাঘাত হয়। সেই ক্ষণে আবাল বৃদ্ধ বনিতা সকলেই অধীর হইয়াছে।” ব্রাহ্মণ ধীরভাবে বলিলেন, আপনাদের সদয় ভাবেই আমার আহার গ্রহণ হইয়াছে, কিন্তু যে পর্য্যন্ত নাগরাজের সহিত সাক্ষাৎ না হয়, সে পর্য্যন্ত আহার গ্রহণ করিব না। অবিলম্বেই নাগরাজ প্রত্যাগত হইলেন, তাঁহার পত্নীর সহিত যে কথোপকথন হইয়াছিল, তাহাতেই আমরা গার্হস্থ্যধর্মের বহু উপদেশ দেখিতে পাই। সকলের উপকার করাই গৃহস্থধর্ম। যে কেহ অতিথিরূপে আগমন করিবেন, তাঁহাকে যথাশক্তি শুক্রবা করা কর্তব্য। গৃহস্থের প্রিয়বাদী ক্রোধহীন, অহঙ্কারহীন, দয়ালু ও সত্যবাদী হওয়া উচিত। প্রাচীনকালে এইরূপ সামাজিক কর্তব্য শিক্ষা দেওয়া হইত।

\* \* \* \*

পিতৃভিত্ত্বাভিত্তিশৈচতাঃ পতিভিদে বৈরস্তুথা ।

পূজ্যাভূষয়িতব্যাশ্চ বহু কল্যাণমীপ্সুভিঃ ॥৫৫॥

যত্র নার্যাস্ত পূজ্যস্তে রমস্তে তত্র দেবতাঃ ।

যত্রৈতাস্ত ন পূজ্যস্তে সর্কাস্তত্রাফলাঃ ক্রিয়াঃ ॥৫৬॥

শোচন্তি জাময়ো যত্র বিনশ্চত্যাশু তৎ কুলং ।

ন শোচন্তি তু যত্রৈতা বর্কতে তন্ধি সর্বদা ॥৫৭॥

জাময়ো যানি গেহানি শপন্ত্যপ্রতিপূজিতাঃ ।

তানি কৃত্যাহতানীব বিনশ্চন্তি সমস্ততঃ ॥৫৮॥

( মনু ৩ অঃ )

পিতা ভ্রাতা পতি আর দেবরাদি যত ।

নারীয়ে ভূষণ দানে পূজিবে সতত ॥

কল্যাণ কামনা যার আছেয়ে অন্তরে ।

রমণীয়ে অবহেলা সে জন না করে ॥৫৫॥

নারী যথোচিত পূজা পায় যেই খানে ।

সকল দেবতা সুখে থাকেন সেখানে ॥

যথা নারী হতাদর হয় কদাচন ।

সেখানে নিষ্ফলা ক্রিয়া শাস্ত্রের বচন ॥৫৬॥

যথা কুলনারীগণ মনে শোক পায় ।

সেই কুল ধ্বংস হয় কি সন্দেহ তার ॥

তঁাহাদের মনে কোন কষ্ট নাহি দিলে ।

বৃদ্ধি পায় কুল সর্ব সুখ মিলে ॥৫৭॥

অপমান পেয়ে যদি কুলনারীগণ ।

কোন গৃহে শাপ দেন কষ্টযুক্ত মন ॥

সেই গৃহ কৃত্যাহত গৃহের সমান ।

অচিরে হইবে নষ্ট শুন মতিমান ॥৫৮॥

এতাবানেষ পুরুষো যজ্ঞায়াত্মা প্রজ্জৈতিহ ।

বিপ্রাঃ প্রাহুস্তথা চৈতৎ যোভর্তী সা স্বতাক্ষনা ॥৪৭॥

( মনু ৯ অঃ )

নিজে জায়া আর তাঁর প্রজা সমুদায় ।

সকল মিলিত হয়ে পুরুষ নিশ্চয় ॥

এই সে কারণে বলেছেন বিপ্রগণ ।

যেই জায়া সেই ভর্তা শাস্ত্রের বচন ॥৪৭॥

প্রজনার্থং জিহ্বঃ সৃষ্টাঃ সন্তানার্থংচ মানবাঃ ।

তস্মাৎ সাধারণো ধর্ম্যঃ শ্রুতৌ পত্ন্যা সহোদিতঃ ॥৯৬॥

অন্তোন্ত্রাত্যব্যভীচারো ভবেদামরণাস্তিকঃ ।

এষ ধর্ম্যঃ সমাসেন জেয়ঃ স্ত্রীপুংসয়োঃপরঃ ॥১০১॥

তথা নিত্যং যতেয়াতাং স্ত্রীপুংসৌ তু কৃতক্রিয়ৌ ।

যথা নাভিচরেতাং তৌ বিযুক্তাবিতরেতরং ॥১০২॥

( মনু ৯ অঃ )

জননী হবার তরে নারীর সৃজন ।

পুত্র উৎপাদন তরে নরের জনম ॥

সাধারণ ধর্ম্য দৌছে সেই সে কারণে

পত্নীসহ ধর্ম্য আচরিবে শুদ্ধমনে ॥৯৬॥

মরণ পর্য্যন্ত দৌছে রবে একমন ।

নর নারী ধর্ম্য এই শাস্ত্রের বচন ॥১০১॥

নর নারী বিবাহিত হইয়া প্রথমে ।  
 দৌহে হুঁহু ধর্ম্মভাবে বাড়াইবে ক্রমে ॥  
 বিচ্ছিন্ন না হবে কভু তাঁহারা দুজন ।  
 মনেও না করিবেক বিশ্বাস ঘটন ॥১০২॥

... ..  
 তৃণানি ভূমিরূদকং বাক্ চতুর্থাচ্ স্ননুতা ।  
 এতান্যপি সতাং গেহে নোচ্ছিদ্যন্তে কদাচন ॥১০১॥  
 অপ্রণোদ্যোহতিথিঃ সায়াং সূর্য্যোচ্চো গৃহমেধিনা ।  
 কালে প্রাপ্তস্বকালে বা নাস্ত্রানগ্নন্ গৃহে বসেৎ ॥১০৫॥  
 ন বৈ অয়ং তদগ্নয়াদতিথিং বন্ন ভোজয়েৎ ।  
 ধন্তং যশস্ত্রয়ায়ুয্যং স্বর্গলভ্যতিথিভোজনং ॥১০৬॥  
 ( মনু ৩ অঃ )

তৃণ, ভূমি, জল, মনোহর বাক্য আর ।  
 সতের গৃহেতে নাই অভাব ইহার ॥১০১॥  
 সায়াং কালে সূর্য্য যদি অতিথি পাঠান ।  
 তারে দূর না করে গৃহস্থ মতিমান্ ॥  
 আসিলে অতিথি গৃহে কালে বা অকালে ।  
 অনশনে তারে না রাখিবে কোন কালে ॥১০৫॥  
 অতিথিরে যে দ্রব্য না করিবে অর্পণ ।  
 গৃহস্থ সে দ্রব্য যেন না করে ভোজন ॥  
 অতিথির স্নাতোজনে গৃহীর নিশ্চয় ।  
 ধন যশ আয়ুর্বৃদ্ধি স্বর্গলাভ হয় ॥১০৬॥



সত্যং ক্রিয়াং প্রিয়ং ক্রিয়াং ন ক্রিয়াং সত্যমপ্রিয়ম্ ।

প্রিয়ং চ নানৃতং ক্রিয়াদেষ ধর্মঃ সনাতনঃ ॥১৩৮॥

( মনু ৪ অঃ )

সত্য কথা কবে, কবে সুপ্রিয় বচন ।

যে সত্য অপ্রিয়, না কহিবে কদাচন ॥

মিথ্যা করি প্রিয়বাক্য না কহ কখন ।

নিশ্চয় জানিও ইহা ধর্ম সনাতন ॥১৩৮॥

\* \* \*

যশ্ব বাঙ্মনসীশুদ্ধে সম্যক্ গুপ্তে চ সর্বদা ।

স বৈ সর্বমবাপ্নোতি বেদান্তোপগতং ফলং ॥১৩৯॥

নারুস্তদঃ শ্রাদান্তোহপি ন পরদ্রোহকর্মধীঃ ।

যশ্বীশ্রোদ্বিজতে বাচা নালোক্যাং তামুদীরয়েৎ ॥১৪০॥

( মনু ২ অঃ )

বাক্য মন শুদ্ধ-গুপ্ত সম্যক্ প্রকারে ।

সেই বেদান্তোক্ত ফল পাবে লভিবারে ॥১৩৯॥

যদি পেয়ে থাক কষ্ট তবুও কখন ।

মর্ম্মপীড়া পরদ্রোহে নাহি দিও মন ॥

যেই বাক্যে অপরের মনে কষ্ট হয় ।

সেই ত বচন কভু বলা ভাল নয় ॥১৪০॥

\* \* \*

নাস্তিকং বেদনিন্দা চ দেবতানাং চ কুৎসনং ।

দেবং শূন্তং চ মানং চ কোধং তৈক্ষ্ণং চ বজ্রয়ৈৎ ॥১৪১॥

( মনু ২ অঃ )

নাস্তিকতা বেদনিন্দা দেবনিন্দা আর ।

ঘেষ-সুস্ত-মান ক্রোধ কর পরিহার ॥১৬৫॥

\* \* \*

নারুত্তদঃ শ্রান্ননৃশংসবাদী

ন হীনতঃ পরমভ্যাদদীত ॥

মায়শ্চ বাচা পর উদ্বিজ্ঞেত

নতাং বদেহুষিতীং পাপলোক্যাং ॥১৬৬॥

অরুত্তদঃ পরুষং তীক্ষ্ণবাচং

বাক্কণ্টকৈর্বিভূদন্তং মহুষ্যম্ ।

বিদ্যাদলস্মীকতমং জনানাং

মুখেনিবদ্ধাং নিষ্কৃতিং বহন্তং ॥১৬৭॥

বাকসায়কাবদনানিষ্পতন্তি

বৈরাহতঃ শোচতি-রাত্র্যহানি ।

পরশ্চ নামমর্ষতে পতন্তি

তানুপঙিতোনাবহুজ্ঞেৎপরেষু ॥১৭০॥

নহীদৃশং সম্বদনং ত্রিষু লোকেষু বিদ্যাতে

দয়্যামৈত্রী চ ভূতেষু দানং চ মধুরা চ বাক ॥১৭১॥

তস্মাৎ সাস্ত্বং সদাবাচ্যং নবাচ্যং পরুষং কচিৎ ।

পূজ্যান্ সংপূজয়েৎ দদ্যাদ্ধ চ যাচেৎ কদাচন ॥১৭২॥

( মহাভারত আদিপর্ব ৮৭অঃ )

নিঠুর বাক্যেতে কারো না কর পীড়ন ।

ছলে শত্রু জয় না করহ কদাচন ॥

পরের উদ্বেগকর বাক্য না বলিবে ।  
 পাপ কথা উচ্চারণ কভু না করিবে ॥৮॥  
 মর্শ্মস্পর্শী তীক্ষ্ণ আর পরুষ বচনে ।  
 যেই কভু কষ্ট দেয় অশ্রুজনে,  
 লক্ষ্মীছাড়া যেই জন জানিও নিশ্চয় ।  
 পাপ রাক্ষসেরে যেই মুখে করিবয় ॥৯॥  
 মন্দবাক্য জেনো তীক্ষ্ণ শরের সমান ।  
 মুখ হইতে বাহিরায়ঃ বধিবারে প্রাণ ॥  
 যার গায় লাগে সেই কাঁদে নিশিদিন ।  
 না ত্যজে এমন কভু যে জন প্রবীণ ॥১০॥  
 দয়ামৈত্রী সুখ আর সুবাক্য যেমন ।  
 ত্রিভুবনে নাহিক ইহার মত ধন ॥১১॥  
 সেই সে কারণে বলে মুহু বাক্য সদা ।  
 মানী জনে মানদানে পূজহ সর্বদা ॥  
 ভূঃখীরে করহ দান ক্ষমতা যেমন ।  
 কারো কাছে ভিক্ষা তুমি করোনা কখন ॥১২॥

\* \* \*

ক্রুদ্ধঃ পাপং নরঃ কুৰ্ব্ব্যাৎ ক্রুদ্ধোহত্যাং গুরুনপি ।  
 ক্রুদ্ধঃ পুরুষয়া বাচা শ্রেয়সোহিবমশ্রুতে ॥৪॥  
 আত্মানমপি চ ক্রুদ্ধঃ প্রেষয়েদ্ যমসাদনং ।  
 এতান্ দোষান্ প্রপশুস্তিজিহ্বিতঃ ক্রোধো মনীষিভিঃ ॥৬॥  
 ( মহাতারত বনপর্ব ২৯ অ )

ক্রুদ্ধ নর করে পাপ গুরু হত্যা করে ।  
পরুষবাক্যেতে সদা মানীমান হরে ॥৪  
ক্রুদ্ধ পারে নাশিবারে আপনার প্রাণ ।  
এত দোষ তাই ক্রোধ ত্যজে মতিমান ॥৬

\* \*

কিংবদিকপদং ব্রহ্মন্ পুরুষঃ সম্যাগাচরণ ।  
প্রমাণং সৰ্বভূতানাং যশশ্চৈবাপ্নুয়ান্নহং ॥২  
সাম্বমেকপদং শত্রু পুরুষ সম্যাগাচরণ ।  
প্রমাণং সৰ্বভূতানাং যশশ্চৈবাপ্নুয়ান্নহং ॥৩  
এতদেক পদং শত্রু সৰ্বলোকসুখাবহং ।  
আচারণ সৰ্বভূতেষু প্রিয়ো ভবতি সৰ্বদা ॥৪  
হেন এক বস্তু কিবা বলহ আমায় ।  
আচরণে যার পূজ্য হয় (আর) যশ পায় ॥২  
নম্রতা সে এক বস্তু করি আচরণ ।  
বশস্বী হইতে পারে পূজার ভাজন ॥৩  
এই মাত্র এক বস্তু স্বেধের আধার ।  
আচরি সবার প্রিয় হওয়া নহে তার ॥৪

\* \*

যস্তু ক্রোধঃ সমুৎপন্নঃপ্রজ্ঞয়া প্রতিবোধতে ।  
তেজস্বিনঃ তং বিদ্বাংসো মত্তস্তে তদ্বদর্শিনঃ ॥১৭  
( মহাতারত বনপর্ব ২৯ অ )  
সমুৎপন্ন ক্রোধ নাশে যেবা প্রজ্ঞাবলে ।  
তেজস্বী বলেন তাঁরে বিদ্বান্ সকলে ॥

## দশম অধ্যায় ।



### নিকৃষ্টের প্রতি ব্যবহার ।

যতই আমরা সংসারে অধিক হইতে অধিকতর গুণবিশিষ্ট হইতে হইতে থাকিব, ততই আমাদের অপেক্ষা অল্পবয়স্ক, অল্পজ্ঞানী, দরিদ্র ও সমাজের নিম্নতর লোকের সহিত আমাদের সম্পর্ক ঘটিতে থাকিবে । যাহারা কোনও না কোন প্রকারে আমাদের অপেক্ষা নিকৃষ্ট, তাহাদের সহিত কিরূপ ব্যবহার করিলে এবং তাহাদের সম্পর্কে কোন কোন গুণের চর্চা ও কোন কোন দোষের পরিহার করিলে, সামাজিক রক্ষিত হইবে, তাহা অবগত হওয়া কর্তব্য ।

আমাদের বয়ঃকনিষ্ঠগণের সহিত ব্যবহার নির্ণয়ই সর্বপ্রথম প্রয়োজনীয় । তন্মধ্যে পুত্রকন্যাদির প্রতি পিতামাতার ব্যবহারই প্রধান । কোমলতা, সহানুভূতি, মধুরতা ও দয়া জনক জননীর প্রধান প্রয়োজনীয় ধর্ম । ইহা দ্বারা গৃহ সমুদয় হয় । পিতা ও মাতা তাহাদের সম্ভানগণকে ভালবাসেন । তাহাদের কষ্টে কষ্ট বোধ করেন । তাহাদের সুখে সুখী হন এবং তাহাদের সহিত সর্ববিষয়ে সহানুভূতি প্রকাশ করেন ।

এই বিষয় একটী প্রাচীন উপাখ্যানে সুন্দররূপে বর্ণিত আছে । পুরাকালে গোন্ধননী সুরভি দেবরাজের সমক্ষে উপনীত হইয়া

রোদন করিতে করিতে বলিয়াছিলেন “আমার সন্তানগণের কষ্টে আমার হৃদয় বিদীর্ণ হইতেছে। দেবরাজ ঐ দেখ আমার দুর্বল সন্তান হলবহনে অসমর্থ হইয়া বারম্বার ভূপতিত হইতেছে, তখনি নির্দয় ক্রমক তাহাকে বারম্বার তাড়না করিতেছে। যাহারা বলবান্ তাহারা অনায়াসে ভার বহন করিতে পারে, কিন্তু দুর্বলের তাহাতে কষ্ট হয়। আমি সেই দুর্বল সন্তানগুলির কষ্ট দেখিয়াই রোদন সম্বরণ করিতে পারিতেছি না। তাহাদের কষ্ট দেখিলে আমার হৃদয় বিদীর্ণ হয়।” ইন্দ্র জিজ্ঞাসা করিলেন, “তোমার সহস্র সন্তান ত অহর্নিশ এইরূপ কষ্টভোগ করিতেছে।” সুরভি বলিলেন “দেবরাজ আমি সেই সহস্রের প্রত্যেকটীর জন্ত রোদন করি এবং তাহাদের মধ্যে যে অধিক দুর্বল তাহারই জন্ত আবার অধিক কষ্ট হয়। ইন্দ্র তৎশ্রবণে সন্তানের জন্ত মাতার হৃদয় যে কিরূপ ব্যথিত হয়, তাহা বুঝিতে পারিলেন। তিনি ধরায় বারিবর্ষণ পূর্বক পশু ও মানুষ উভয়েরই সচ্ছন্দ বিধান করিলেন।

রামচন্দ্রের প্রতি দশরথের বাৎসল্যদর্শনে হৃদয় চমকিত হয়। তিনি তাঁহার আদর্শপুত্রের গুণগান শ্রবণে যেরূপ অতুল আনন্দিত হইয়াছিলেন তাহার বনগমনে ও তেগনি ব্যথিত হইয়াছিলেন। যখন রাজহু ও প্রকৃতিবর্গ রামচন্দ্রের ঘৌবরাজ্যোভিষেকের জন্ত অনুরোধ করিয়াছিলেন, তখন তিনি রামের শোকে তাঁহার পদতলে লুপ্তিত হইয়া বলিয়াছিলেন,

“তিষ্ঠেন্নোকো বিনা সূর্য্যং শস্ত্রং—।”

নতুরামং বিনা দেহে তিষ্ঠেত্তুমম জীবিতং ॥”

তিনি মিথ্যা বলেন নাই, বস্তুতই রাম বিনা তাহাব দেহে জীবন ছিল না। আবার রামচন্দ্র ও কৌশল্যার হৃদয় বিদারক দৃশ্য স্মরণ কর; তিনি রামকে গমন করিতে নিষেধ করিয়াছিলেন। হৃদয়ের যত্নণায় কাঁদিয়াছিলেন। বলিয়াছিলেন, রাম গমন করিলে তাঁহার হৃদয় শুষ্ক হইবে। রাম বনে গেলে তিনিও বন-গামিনী হইবেন। গাভী যেমন বৎসের অনুগামিনী হয়, আমিও তেমনি তাহার পশ্চাৎ পশ্চাৎ গমন করিব।

আবার কুন্তীর কণ্ঠের কথা ভাবিয়া দেখ। তাঁহার পঞ্চপুত্র বনগমন করিতেছে; ছলদ্যুতে তাঁহার পুত্রগণ পরাজিত। কুন্তীর হৃদয়ের বল অত্যন্ত অধিক। তিনি আদর্শ রমণী, আদর্শ জননী। যুদ্ধের সময় তিনি শ্রীকৃষ্ণকে বলিয়াছিলেন “পাণ্ডবগণকে বলিও এইবার মাতৃসুত্রে বল প্রদর্শনের সময় আসিয়াছে। মান রক্ষার্থে প্রাণত্যাগও শ্রেয়ঃ।” সেই কুন্তীই কিন্তু পাণ্ডবগণের বনগমন সময়ে উচ্চৈঃস্বরে রোদন করিয়াছিলেন।

আমার অভিমতের মূতুতে অর্জুনের শোকাবেগ স্মরণ কর। যখন তিনি সমর ক্ষেত্র হইতে শিবিরে প্রত্যাগমন করিতেছিলেন, তাঁহার দেহ যেন বলশূন্য বোধ হইয়াছিল; তিনি শ্রীকৃষ্ণকে তাহার কারণ জিজ্ঞাসা করিয়াছিলেন, শিবিরে আসিয়া ভ্রাতৃগণকে ব্যগ্রভাবে পুনঃ পুনঃ জিজ্ঞাসা করিয়াছিলেন, কিন্তু কেহই তাঁহাকে হৃদয় বিদারক পুত্র নিধন বার্তা জ্ঞাপন করিতে পারেন নাই। কিন্তু তাঁহার হৃদয় পুত্রনিধন যত্নণা ভোগ করিতেছিল। নিশ্চয়ই সেই বালক শত্রুগণের দ্বারা বেষ্টিত হইয়া একমনে ভাবিয়াছিল

“আমার পিতা নিশ্চয়ই এই দারুণ সঙ্কটে রক্ষা কারবেন।”  
কিন্তু তাঁহার পিতা আসিতে পারেন নাই, তাঁহাকে শত অস্ত্র-  
আঘাতে প্রাণত্যাগ করিতে হইয়াছিল। অর্জুন পুত্রের রক্ষার্থ  
উপস্থিত হইতে পারে নাই, এই চিন্তাতে তিনি উন্মত্তের মত  
হইয়াছিলেন, কেন না চিরদিন বীরহৃদয় দুর্বলের রক্ষার জন্ত ব্যগ্র।  
আবার সেই বীর যদি পিতা হন, আর সেই দুর্বল যদি প্রিয়তম  
পুত্র হয়, তাহা হইলে ঐ ব্যগ্রতার ইয়ত্তা থাকে না।

এই দুর্বলের রক্ষারূপ কর্তব্য, রাজাতেই পূর্ণরূপে বিরাজিত  
থাকে। এই কর্তব্য সাধন দ্বারাই তিনি প্রজাগণের হৃদয়ে  
রাজভক্তি জাগাইয়া দেন। ভীষ্মদেব বলিয়াছিলেন, প্রজারঞ্জনই  
সমুদায় রাজপুত্রের সার। যেমন মাতা স্বীয় গর্ভজাত সন্তানের  
কল্যাণ কামনায় নিরন্তর ব্যস্ত, রাজারও সেইরূপ প্রজার মঙ্গলের  
জন্ত ব্যস্ত থাকা উচিত। যেমন মাতা স্বীয় অভিলষিত বিষয়ের  
বাসনা ত্যাগ করিয়া কেবল সন্তানের মঙ্গল অন্বেষণ করেন, রাজারও  
প্রজাগণের জন্ত সেইরূপ করা উচিত। এই রক্ষণরূপ কর্তব্য  
এতই গুরুতর যে, মগর রাজা স্বীয় জ্যেষ্ঠ পুত্র অসমজ্ঞাকে তাহার  
নির্দয়তা অপরাধে নির্বাসিত করিয়াছিলেন।

সাধু রাজাগণেরা শরণাগত দুর্বল রক্ষণ সম্বন্ধীয় অনেক  
উপাখ্যান আছে। তাঁহারা যে কেবল মানুষকেই রক্ষা করিতেন  
তাহা নহে, ইতর প্রাণীরাও তাঁহাদের কৃপার পাত্র ছিল।  
মহাপ্রস্থান সময়ে একটা কুকুর হস্তিনাপুর হইতে রাজা যুধিষ্ঠিরের  
অনুগমন করিয়া সেই দুর্গম পথ আতঙ্কম পূর্বক বরাবর তাঁহার



সঙ্গে সঙ্গে গিয়াছিল। ইন্দ্র, স্বর্গ হইতে রাজাকে লইয়া বাটবার জন্ত আসিয়াছিলেন, তিনি তাঁহাকে রথারোহণ করিতে বলিলে, রাজা সেই কুকুরের মস্তক স্পর্শ পূর্বক বলিয়াছিলেন, “এই কুকুরটী আমার বড়ই অনুরক্ত। এটাও আমার সহিত গমন করিবে, আমি পৃথিবীর এই সন্তানটির প্রতি বড়ই অনুরক্ত হইয়াছি।” ইন্দ্র বলিলেন, “স্বর্গে কুকুরের প্রবেশাধিকার নাই। হে রাজন্! তুমিই আমার স্থায় অমরত্ব, দেবত্ব ও অতুল সম্পদ এবং দিব্য সুখের অধিকারী হইয়াছ। ঐ কুকুরটী পরিত্যাগ কর, কেবল এটিই স্বর্গারোহণের কণ্টক স্বরূপ। এই কাণ্ডে কিছুই নিষ্ঠুরতা হইবে না। উঃ! পৃথিবীতে বন্ধ, পৃথিবীতেই থাকুক। যুধিষ্ঠির বলিলেন, “হে মহাশ্রলোচন, হে ধর্ম্মময়, কোনও আখ্যেয় অনাখ্যোচিত কার্য্য করা উচিত নয়। আমি শরণাগতকে পরিত্যাগ করিয়া স্বর্গস্থ লাভ চাহি না। ইন্দ্র দৃঢ়ভাবে বলিলেন “কুকুর সঙ্গে লইয়া স্বর্গে যাওয়া যায় না। কুকুরটী ত্যাগ করিয়া শীঘ্র আগমন করুন। বৃথা সময় নষ্ট করিবার প্রয়োজন নাই।” যুধিষ্ঠির বলিলেন, শরণাগতকে পরিত্যাগ করার তুলা পাপ নাই। পশুপতঙ্গ বলিয়াছেন সেই পাপ অপরিণেয়। দুর্ব্বল শরণাগতকে রক্ষা না করা, ব্রহ্মহত্যার স্থায় মহাপাপ।

হে দেবেন্দ্র আমি স্বর্গস্থ লাভ করিবার জন্ত শরণাগত কুকুরটীকে পরিত্যাগ করিতে পারিব না।” ইন্দ্রের আদেশ ও অনুনয়, হুয়ের কিছুতেই ফলোদয় হইল না। তিনি অটল। বৃথা তর্কজালে তাঁহার স্পষ্টদৃষ্টির ব্যতিক্রম হইল না। ইন্দ্র বলিলেন

ভূমি পত্নী ও ভ্রাতাদিগকে পরিত্যাগ করিয়া আসিয়াছ, কুকুরটাকে ত্যাগ করিতে দোষ কি ? যুধিষ্ঠির বলিলেন আমার ভ্রাতৃগণ ও কৃষ্ণা দেহত্যাগ করিয়াছিলেন, তাঁহাদিগকে বাঁচাইবার সামর্থ্য আমার ছিল না, কাজেই আমি তাঁহাদিগকে পরিত্যাগ করিয়া আসিতে বাধ্য হইলাম। তাঁহারা যতদিন জীবিত ছিলেন, ততদিন ত তাঁহাদিগকে পরিত্যাগ করি নাই। আমার সঙ্গীগণের এইটী এখনও জীবিত আছে। শরণাগতকে ভয় প্রদর্শন, নারীহত্যা, ব্রহ্মস্বহরণ এই সকল পাপ, আর আশ্রিতত্যাগ আমার বিবেচনার তুল্য। তখন সেই কুকুর ধর্ম্মমূর্তি ধারণ করিলেন, এবং তাঁহার ও ইন্দ্রের সাহিত ধর্ম্মরাজ দেবতা ও মুণি স্বাষণ কৰ্ত্তৃক স্তূয়মান হইয়া স্বর্গে গমন করিলেন।

প্রাচীন আর একটি উপাখ্যান শ্রবণ কর। উশীনর নন্দন শিবি একদা রাজসভা মধ্যে সভাসদগণের সাহিত উপবিষ্ট আছেন, এমন সময়ে একটি কপোত গগনপথে আগমন পূর্ব্বক তাঁহার ক্রোড়দেশে পতিত হইল। ঐ কপোতটী ক্লাস্তি ও ভয় প্রযুক্ত ঘনশ্বাস ত্যাগ করিতেছিল, রাজা তাহাকে সযত্নে শুশ্রূষা করিতে লাগিলেন। এমন সময়ে একটি ক্রুদ্ধ শ্বেন সেই সভাগৃহে প্রবেশ করিল এবং রাজার সমক্ষে আসিয়া উপস্থিত হইল। কপোত শ্বেনকে দেখিয়া বলিল, “রাজন। আমি এই দেশে বাস করি, আপনি দেশের রাজা; আমি আপনার শরণাগত। আমার শত্রুহস্ত হইতে রক্ষা করুন।” শ্বেন বলিল “আমিও আপনার রাজ্যে বাস করি, এই কপোত আমার বিধিদত্ত আহার, আমাকে

আমার অধিকার হইতে বঞ্চিত করিবেন না।” রাজা বলিলেন, তোমাদের উভয়েরই কথা যথার্থ। হে কপোত! তোমার আমার নিকট অভয় প্রার্থনা করিবার অধিকার। হে শ্বেন! তোমাকেও আহাৰ্য্য হইতে বঞ্চিত করা আমার কর্তব্য নহে। আমি এই উভয় ধর্ম পালন করিতে বাধ্য; সুতরাং হে শ্বেন, তুমি অত্র আহাৰ্য্য প্রার্থনা কর। আমি তোমাকে উদর পূর্ণ করিয়া আহাৰ্য্য করাইব। শ্বেন বলিল, “আমার ঐ কপোত ব্যতীত অত্র কিছুতেই প্রয়োজন নাই। তবে একান্তই যদি অত্র আহাৰ্য্য দেওয়াই আপনার অভিপ্রেত হয়, তাহা হইলে ঐ কপোতের দেহের পরিমাণে নিজদেহ হইতে মাংস দান করুন।” ক্রুদ্ধ মন্ত্ৰীগণ তদগুণেই সেই ক্রুর হৃদয় শ্বেনকে বিনাশ করিতে উদ্যত হইলেন; কিন্তু মহারাজ শিবি বলিলেন, “আমি রাজ্যরূপে সিংহাসনে উপবিষ্ট আছি, আমার নিকট ক্ষুদ্র ও বৃহৎ, এতদুভয়ের প্রভেদ থাকা উচিত নয়, কপোত বা শ্বেনের জন্ত নয়, কেবল ধর্মের জন্ত আমাকে প্রজাদিগের নিকট আদর্শস্বরূপ হইতে হয়। যদি ক্ষুদ্র বিষয় আমার দ্বারা স্তমীমাংসিত না হয়, বৃহৎ বিষয় স্তমীমাংসিত হইবার সম্ভাবনা কি? আমি সুবিচার করিতে না পারিলে প্রজাগণের পতন আরম্ভ হইবেক, অতএব শীঘ্র তুলাদণ্ড আনয়ন কর। আজ্ঞা অমান্য করিতে অসমর্থ হইয়া অত্যন্ত হুঃখিতাস্তকরণে মন্ত্ৰীগণ তুলাদণ্ড আনয়ন করিলেন। রাজা ধীরহস্তে তুলাদণ্ডের একদিকে কপোতটীকে রাখিলেন এবং অপর হস্তে দৃঢ়রূপে অস্ত্রধারণ পূর্বক আপনার দেহ হইতে বৃহৎ একখণ্ড

মাংস কর্তন করিয়া তুলাদণ্ডের অপর ধারে রক্ষা করিলেন, কিন্তু উহা কপোতের তুল্য হইল না। রাজা আর একখণ্ড মাংস কাটিয়া দিলেন, তথাপি কপোত গুরুভার; আর একখণ্ড, তথাপি তাই। তখন রাজা আত্মদেহ তুলাদণ্ডে স্থাপন করিলেন অমনি শ্রেন ও কপোত রূপান্তরিত হইয়া অগ্নি ও ইন্দ্র হইলেন। তাঁহার বলিতে লাগিলেন তুমিই যথার্থ রাজা নামের যোগ্য। রাজার প্রধান ধর্ম্ম যে প্রজারক্ষণ, তাহা তুমি উত্তমরূপে শিক্ষা করিয়াছ। আমরা তোমার তৎসম্বন্ধে যাহা শ্রবণ করিতাম, অদ্য তাহা অপেক্ষা অনেক অধিক দর্শন করিলাম। তোমার মত আর নাই; তুমি এক্ষণে প্রজাগণের অন্তরে চিরদিন অবস্থান কর।

রাজাগণ চিরদিন দুর্ব্বলের রক্ষায় জীবনপাত করিতেন। এইজন্য এই সকল উপাখ্যান আজিও প্রচলিত রহিয়াছে। বালকগণও নিজ নিজ সামর্থ্যানুসারে দুর্ব্বলের রক্ষণ কার্য্য করিতে পারে। এই সকল উপাখ্যান পাঠ করিয়া যদি আমরা নিজ জীবনে যথাশক্তি তাঁহাদের অনুকরণ না করি, তাহাহইলে পাঠ করিয়া কিছুই ফল হইল না।

রুস্তিদেবের ছায় দয়ালু রাজা দুর্ব্বল। কোনও সময়ে তিনি ও তাঁহার অনুচরগণ ক্রমাগত ৪৮ দিন অনাহারে ছিলেন; ৪৯ দিনের প্রাতে কিঞ্চিৎ ঘৃত, দুগ্ধ, যব ও জল সংগৃহীত হইল। যখন তাঁহারা ঐ খাদ্যদ্রব্য ভক্ষণের আয়োজন করিতেছেন, এমন সময়ে একজন ব্রাহ্মণ আসিয়া অতিথি হইলেন। রাজা অগ্রে তাঁহাকে পরিতোষ পূর্ব্বক আহার করাইয়া বিদায় করিলেন। পরে অবশিষ্ট

খাদ্য সমান অংশে বিভাগ করিয়া অমুচরগণকে প্রদান পূর্বক নিজে আহারে উপবেশন,—এমন সময়ে একজন ক্ষুধার্ত শূদ্র উপনীত হইলেন। তিনি তাহাকেও আহার্যের কিয়দংশ দান করিলেন। শূদ্র সন্তুষ্ট চিত্তে প্রস্থান করিলে পর, রাজা আহারে উপবেশন করিয়াছেন, এমন সময়ে কতকগুলি ক্ষুধিত কুকুর সঙ্গে করিয়া আর একজন ক্ষুধার্ত ব্যক্তি তথায় উপনীত হইল। তখন তিনি তাহাদিগকে নিজের সমুদায় অন্ন প্রদান করিলেন। তাহারাও তুষ্ট হইয়া প্রস্থান করিল। তখন রস্তিদেব দেখিলেন, অত্যন্ত জল মাত্র অবশিষ্ট আছে, তিনি সেই টুকু পান করিয়া পিপাসা শাস্তি করিবেন মনে করিতেছেন, এমন সময়ে তাহার কর্ণে গেল কে যেন কাতর স্বরে বলিতেছে জল দাও, একবিন্দু জল দাও। রস্তিদেব সেই দিকে নয়ন ফিরাইয়া দেখিলেন, একজন স্থপচ পিপাসায় গুহকণ্ঠ হইয়া ভূমিতে পতিত রহিয়াছে। রাজা রস্তিদেব, কতরতাবে তাহার পার্শ্বে উপনীত হইয়া সযত্নে তাহার মস্তকোত্তোলন পূর্বক আপনার পানীয় জলটুকু প্রদান করিলেন; বলিলেন “পান কর ভাই।” তাহার মধুর বাক্যেই তাহার অর্ধেক পিপাসার শাস্তি হইল। স্থপচ জলপান করিয়া তৃপ্ত হইলে, রস্তিদেব করজোড়ে ভগবানের উদ্দেশে বলিলেন “দয়াময়, আমি অষ্টাঙ্গি চাইনা, নির্বাণপদও প্রার্থনা করি না। আমি যেন সকলজীবের হৃৎথে কাতর হইয়া তাহাদের চক্ষের জল মুছাইতে পারি। তাহারা যেন সকলে স্বচ্ছন্দে থাকিতে পারে। এই তৃষ্ণার্তের তৃষ্ণা তৃপ্তি করিয়া আমার ক্ষুধা, তৃষ্ণা, দেহ জাত হৃৎথ সমস্তই দূর হইয়াছে। তাহার এই প্রার্থনাটি দয়ার পরিচায়ক।

\* \* \*

অহিংসয়ৈব ভূতানাং কার্যাং শ্রেয়োহমুশাসনম্ ।

বাক্টৈব মধুরা স্নহা প্রযোজ্যা ধর্ম্মামচ্ছতা ॥

( মনু ২ অঃ )

করিবে জীবের শুভ অহিংসা আচরি ।

ধর্ম্মার্থে মধুর স্নহা বচন উচ্চারি ॥ ১৫৯

\* \* \*

রক্ষণাদায়বৃত্তানাং কণ্টকানাঞ্চ শোধনাং ।

নরেন্দ্রান্নিদ্দিনং যান্তি প্রজাপালনতৎপরঃ ॥

( মনু ৯ অঃ )

আখ্যাচারে রক্ষা আর কণ্টক শোধন ।

রাজা স্বর্গ লভে করি প্রজার পালন ॥

\* \* \*

স্বৈ স্বে ধম্মে নিবৃত্তানাং সর্কেষামনুপূর্কণঃ ।

বর্ণানামাশ্রমানাঞ্চ রাজাস্থষ্টৌভিরক্ষিতা ॥ ৩৫

( মনু ৭ অঃ )

বর্ণ আর আশ্রমের রক্ষার কারণ ।

স্বধম্মে সবারে রাজা করেন স্থাপন ॥

\* \* \*

যপোদ্ধরাত নির্দাতা কক্ষং ধাত্তং চ রক্ষতি ।

ভথারক্ষেৎ নৃপো রাষ্ট্রং হত্যাচ্চ পরিপস্থিনঃ ॥ ১১০

( মনু ৭ অঃ )

ধাত্তরক্ষা করে লোকে নিড়াইয়া ঘাস ।

নৃপ রাজ্য রাখে করি শত্রুর বিনাশ ॥ ১১৮

\* \* \*

সুৱাসিনীঃ কুমারীশ্চ যোগিনী গর্ভিনীস্তথা ।

অতিথিভোগ্যং এতান্ ভোজয়েদবিচারত ॥ ১১৯

মন্ত্ৰ ৩ অ

নববিবাহিতা বাল্যে কিস্বা সে কুমারী ।

রোগ হেতু শীর্ণ কিস্বা গর্ভবতী নারী ॥

অতিথি ভোজন আগে করারে ভোজন ।

বিচারের তাহে কিছু নাহি প্রয়োজন ॥

\* \* \*

চক্রিণো দশমীশ্চ রোগিণো ভারিণো স্ত্রিয়ঃ ।

স্নাতকশ্চ রাজ্যশ্চ পত্নী দেয়া বরশ্চ চ ॥

মন্ত্ৰ

শকটস্থ কিস্বা বয়ঃ নবতি বৎসর ।

রোগী ভারী নারী আর স্নাতক যে নর ॥

কিস্বা রাজ্য পথে বাহিরিলে পরে ।

দিবে পথ ছাড়ি, আর পথ দিবে বরে ॥

\* \* \*

ন কানয়েহং গতিমীশ্বর্যং পরাং

অষ্টদ্বিযুক্তানপুনর্ভবং বা ।

আস্তিঃ প্রপত্তেহগ্নিনদেহভাজাং

অস্তস্থিতে যেন ভবন্তু দুঃখা ।

ক্ষুভুট্ শ্রমোগাত্রপরিশ্রমশ্চ ।

দৈন্ত্র্যং ক্রমঃ শোকবিষাদমোহাঃ ।

সর্বৈ নিবৃত্তা রূপণস্ত জন্তোঃ

জিজীবোর্জীবৎলাপ্যন্যে ॥

( শ্রীমদ্ভাগবত ৯-২১ )

নাহি চাই পরাগতি জীবনের পায় ।

না চাই নির্বাণ আর সিদ্ধি সমুদায় ॥

— যত জীব আছে যথা দুঃখহীন রয় ।

এই শুধু তবপদে চাহি দয়াময় ॥

ক্ষুধা তৃষ্ণা শ্রম আর শরীর যাতনা ।

দৈন্ত্র্য ক্লেশ শোক আর বিষাদ সে নানা ॥

মোহ আদি সব মোর গিয়াছে চলিয়ে ।

তোমার জীবের আজি তৃষ্ণা বিনাশিয়ে ॥

\* \*

অনুক্ৰোশো হি সাধুনা মাপদ্বন্দ্ব্যস্থলক্ষণং ।

অনুক্ৰোশশ্চ সাধুনাং সদা প্রীতিং প্রযচ্ছতি ॥

( মহাভারত অনুশাসন পর্ব )

রূপাভাব সাধুদের দয়ার লক্ষণ ।

রূপাবশে মিলে বহু অশীষ বচন ।





## একাদশ অধ্যায় ।



### পরস্পরের প্রতি পাপ পুণ্যের শক্তি ।

এতক্ষণ আমরা বহুবিধ পাপ ও পুণ্যের কথা স্বতন্ত্রভাবে বিচার করিলাম। এবং বহু উদাহরণ দ্বারা পুণ্যই সুখময় ও পাপ কষ্টের আকর তাহাও প্রমাণ করিলাম, এইবার এক পুণ্য কিরূপে পুণ্যাত্তরের উৎপাদক হয় ও পাপ কিরূপে পাপাত্তর উৎপন্ন করে তাহারই আলোচনা করিব। ইহা আলোচনা করিলে পুণ্যকার্য দ্বারা অপরের সুখোৎপাদনের শক্তি জন্মিবে। নিজে ভালবাসিয়া আমরা অপরের মনে ভালবাসা বৃদ্ধি করিতে পারি। ঘৃণার দ্বারা ঘৃণার উৎপত্তিও করিতে পারি। যে বাহ্যকে যে ভাবে ভাবে, তৎ পরিবর্তে তাহার প্রতিও সেই ব্যক্তির সেই ভাব উৎপন্ন হয়। ক্রুদ্ধ ব্যক্তি নিকটস্থ ব্যক্তিগণের মনেও ক্রোধোৎপাদন করে। এই অল্প কলহ আরম্ভ হইলেই উত্তরোত্তর বর্দ্ধিত হইতে থাকে ও ক্রমেই তাহার তীব্রতা বর্দ্ধিত হয়। ক্রোধ বাক্যের প্রত্যুত্তরে ক্রোধবাক্য উচ্চারিত হইতে হইতেই উত্তরোত্তর তাহার মাত্রা বর্দ্ধিত হয়। পক্ষান্তরে মধুর বাক্য হইতে মধুরতম বাক্য উৎপন্ন হইতে হইতে উত্তরোত্তর দয়া, সংকার্যাদির সৃষ্টি হইয়া থাকে।

এই তত্ত্বটী ভাল করিয়া বুঝিতে পারিলে, আমরা উপযুক্ত সং-  
ভাবের উৎপত্তি করিয়া অপরের অসন্তোষের নাশ করিতে সমর্থ হই।

যদি কেহ আমাদের প্রতি ক্রোধবাক্য প্রয়োগ করে তখনই ক্রোধ ব্যঙ্গক বাক্যে প্রত্যুত্তর দিতে বাসনা হইবেক, সন্দেহ নাই; কিন্তু সেই সময়ে সেই ভাব দমন করিয়া মৃদুভাবে কারণ জিজ্ঞাসু হইলে, অন্ত্রই তাহার ক্রোধ শাস্তি হইয়া যাইবে। ইহারই নাম মন্দের পরিবর্তে ভাল ব্যবহার করা। এইরূপে কার্য্য করিলেই আমরা শাস্তি স্থাপনে সমর্থ হইতে পারি; এবং তাহা হইতেই সকলে সুখী হইতে পারে।

যখন দ্রৌপদী বনগমন সময়ে যুধিষ্ঠিরকে কোরবদিগের প্রতি উত্তেজিত করিবার চেষ্টা করিয়াছিলেন, তখন রাজা তাঁহাকে ধীর-ভাবে বুঝাইয়া দিয়াছিলেন যে, অসৎ ব্যবহারের পরিবর্তে অসৎ ব্যবহার করিলে উত্তরোত্তর অমঙ্গলের বৃদ্ধি হয়। “জ্ঞানী ব্যক্তি অপরের দ্বারা উত্তেজিত হইয়াও সস্থ করিয়া থাকেন। কিছুতেই তাহার ক্রোধের উদ্রেক হয় না, সেই জন্য তাহার উৎপীড়ককে উপেক্ষা করিয়া পরলোকে তিনি সুখভোগ করিয়া থাকেন। সেই জন্যই ইহা কথিত আছে যে, জ্ঞানী ব্যক্তি দুর্বলই হউক আর বলবানই হউক, চিরদিনই উৎপীড়ককে ক্ষমা করিয়া থাকেন। এমন কি উৎপীড়ক বিপন্ন হইলেও তাহার উপকারবই অপকার করিতে প্রবৃত্ত হয় না। যদি মানবগণের মধ্যে কেহ কেহ ধরার ত্রায় ক্ষমাশূণ্যগালী না হন, তবে মানবসমাজে শাস্তি থাকিতে পারে না, অনবরত কেবল ক্রোধজনিত বিবাদ বিসম্বাদ ঘটয়া থাকে। যদি কেহ অনিষ্ট করিলে তাহার প্রত্যুপকার করিতে হয়, যদি দণ্ডিত হইলেই তাহার দণ্ডবিধান করিতে যত্ববান হইতে হয়, তাহা

হইলে সৰ্বজীবনের নাশ অবশ্যজ্ঞাবী হইয়া পড়ে, ধৰাতে কেবল পাপেরই রাজত্ব বৃদ্ধি পায়। যদি কোনও ব্যক্তি অত্নের মুখে দুৰ্ভিক্ষ শ্রবণ পূৰ্বক প্রত্যুত্তরে দুৰ্ভিক্ষ প্রয়োগ করে, যদি অপকৃত ব্যক্তিমাতেই অপকার করে, যদি দণ্ডিত মাতেই দণ্ডদাতার দণ্ডবিধান করে, তাহা হইলে পিতা পুত্রকে, পুত্র পিতাকে, স্বামী স্ত্রীকে, স্ত্রী স্বামীকে হত্যা করিবে। সুতরাং হে কৃষ্ণা ! একরূপ ক্রোধপূর্ণ-পৃথিবীতে আর জীবোৎপত্তির সম্ভাবনা থাকিবে না। কারণ, শাস্তি ব্যতীত জীবোৎপত্তি হয় না।

রাজা দশরথ কিরূপে নিজ শাস্ত্যভাব দ্বারা পত্নীর রোষ শাস্ত করিয়াছিলেন শ্রবণ কর,—রামজননী কৌশল্যা অনন্তসাধারণ পুত্র রামচন্দ্রের বনবাসে ব্যথিত হইয়া ক্রোধব্যঞ্জক স্বরে স্বামীকে বলিয়াছিলেন “তুমি নিম্পাপ পুত্রকে স্বহস্তে বধ করিয়াছ, তোমার পূৰ্ব-পুরুষগণ অশেষ পরিশ্রমে যে পথ রক্ষা করিয়া আসিয়াছেন, সেই পুরাতন নীতিপথে, তুমি বেশ চলিতে আরম্ভ করিয়াছ।” স্বামীই স্ত্রীজাতির প্রথম আশ্রয় ; পুত্র দ্বিতীয় ; আত্মীয় জন তৃতীয়, কিন্তু চতুর্থ আশ্রয় কেহ নাই। তুমি আমায় ত্যাগ করিয়াছ, রামও গিয়াছে, আমিও তোমায় ত্যাগ করিয়া রামের কাছে যাইতে পারি না। তুমি সৰ্বপ্রকারেই আমার সৰ্বনাশ করিলে এবং রাজ্য ও প্রজাগণকেও বিনষ্ট করিলে।

রাজা সেই তীব্র ভৎসনা শ্রবণ করিয়া দুঃখভারে অবনত হইয়া পড়িলেন, তাহার মন বিকল হইল, তিনি সংজ্ঞাহীন হইলেন। মুৰ্ছাভঙ্গের পর তিনি কৌশল্যাকে নিকটে দেখিযামাত্র, তাহার

পূর্বকৃত পাপ—যে পাপের ফলে এই কষ্ট—সেই কথা মনে পড়িল।  
 নেই পূর্বকৃত পাপ ও রামবিরোগ সন্তাপ, উভয় কষ্টে মুহূর্ত  
 হইয়া করছোড়ে তিনি ধীরে ধীরে কৌশল্যাকে বলিতে লাগিলেন,  
 “কৌশল্যে ক্ষমা কর। আমি করছোড়ে ভিক্ষা করিতেছি ; ক্ষমা  
 কর ; তুমি চিরদিন সকলের পক্ষেই কোমলহৃদয়া। স্বামী সং  
 অসং যাহাই হউন, তাঁহার অপরাধ ক্ষমা কর। আমি দুঃখভারে  
 নিতান্ত কাতর হইয়াছি, আর দুর্ভাগ্যবশে বিদ্ধ করিও না।”  
 কৌশল্য রাজার সেই করুণাপূর্ণ বাক্য শ্রবণে অশ্রু সঞ্চার করিতে  
 পারিলেন না, তাঁহার নয়ন হইতে নব বর্ষাধারার ছায় অশ্রুবারি  
 বিগলিত হইতে লাগিল। তাঁহার ক্রোধ দূর হইল, এবং স্বামীর  
 প্রতি কঠোর বাক্য প্রয়োগ করিয়াছেন বলিয়া মনে দারুণ যন্ত্রণার  
 উদয় হইল। তিনি রাজার করদয় ধারণ পূর্বক নিজ মন্তকোপরি  
 স্থাপন করিয়া বলিলেন “আমার অপরাধ ক্ষমা করুন, আমি  
 আপনার পদতলে লুপ্তিত হইয়া কাতরভাবে প্রার্থনা করিতেছি  
 আমায় ক্ষমা করুন, আমিই ক্ষমার পাত্রী, কারণ আমি যে গুরুতর  
 পাপ করিলাম, তাহাতে আপনি ক্ষমা ন করিলে আমার নিষ্কৃতি  
 নাই। যে পামরী স্বামীকে বাধ্য করিয়া তাহার প্রিয়পাত্রী হইতে  
 চেষ্টা করে, সে ইহ পরলোকে কুত্ৰাপি বিজ্ঞানের অনুমতা নহে।  
 নাথ, আমি ধর্ম জানি, এবং ইহাও বিশেষরূপে অবগত আছি যে,  
 আপনি ধর্মজ্ঞ। সেই জন্ত আপনার প্রতিশ্রুতি পালন ও সত্য  
 রক্ষা করিব। পুত্রশোকে হতজ্ঞান হইয়াই আমি সেই দুর্ভাগ্য-  
 গুণি উচ্চারণ করিয়াছিলাম। শোক ধৈর্য্য নাশক, শোক জ্ঞান

নাশক, শোকেৰ ত্ৰাস দ্বিতীয় শত্ৰু নাই। আমি যখন প্ৰিয়পুত্ৰেৰ কথা মনে কৰি শোকে আমাৰ হৃদয় বৰ্ষাৰ নদীৰ মত উদ্বেলিত হইয়া উঠে।” এইৰূপে দশৰথৰ ধীৰতা দ্বাৰা কৌশল্যাৰ উত্তৰতা নষ্ট হইয়াছিল। কিন্তু যদি তিনিও দুৰ্ব্বাক্য দ্বাৰা প্ৰত্যুত্তৰ দান কৰিতেন, তাহা হইলে বিৰোধ উপস্থিত হইয়া ঘোৰতৰ অশান্তি উৎপন্ন কৰিত সন্দেহ নাই। হয়ত এই সাধাৰণ দুঃখেৰ সময়ে উভয়ে বিচ্ছিন্ন হইয়া থাকিতেন। কিন্তু তিনি নম্ৰভাবে তাহাৰ দুৰ্ব্বাক্য সহ কৰিয়া তাহাৰ ক্ৰোধ প্ৰশমিত কৰিয়াছিলেন; ক্ৰোধেৰ পৰিবৰ্তে কৌশল্যাৰ হৃদয়ও নম্ৰতা ও কৰুণায় তাৰ্হ হইয়াছিল।

সেইৰূপে ৰামচন্দ্ৰ লক্ষ্মণেৰ ক্ৰুদ্ধাগ্ৰঃকৰণ হইতে ভৱতৰ প্ৰতি বিদ্বেষভাব দূৰ কৰিয়াছিলেন। যখন ৰামচন্দ্ৰ অযোধ্যা ত্যাগ কৰিয়া ভাতা ও পত্নীৰ সহিত অগ্ৰণ্য আশ্ৰয় কৰিয়াছিলেন; সেই সময় এক দিন দূৰে অক্ষুট সৈন্তকোলাহল শুনিয়া, লক্ষ্মণকে বৃক্ষা-  
 ৰোহণ পূৰ্বক কোলাহলেৰ কাৰণ নিৰূপণ কৰিতে বলিলেন। লক্ষ্মণ দেখিলেন, সসৈন্তে ভৱত আগমন কৰিতেছেন, বনবাস কষ্টে তাহাৰ মন উদ্বেলিত ছিল। তিনি ভৱতৰ প্ৰতি সান্নিধ্য হইয়া ৰামচন্দ্ৰ সমীপে আগমন পূৰ্বক ভৱতৰ বিৰুদ্ধে যুদ্ধাৰ্থ প্ৰস্তুত হইবাৰ অন্ত-  
 মতি প্ৰাৰ্থনা কৰিলেন। তাহাৰ বিশ্বাস, ভৱত তাঁহাদগকে বিনাশ কৰিয়া ৰাজ্য নিষ্কণ্টক কৰিবাৰ জন্তই আগমন কৰিছে। শ্ৰীৰামচন্দ্ৰেৰ হৃদয়ে কিন্তু ভৱতৰ প্ৰতি সে ভাব ছিল না, তিনি ভৱতকে বড়ই ভালবাসিতেন। তিনি বলিলেন “ভাই, ভৱতকে

অবিশ্বাস করিও না, আমি এখনি ভরতকে বলিব “লক্ষ্মণকে সমস্ত রাজ্য প্রদান কর” ভরত অগ্নান বদনে “হাঁ দিলাম” বলিয়া তোমায় সর্বস্ব দান করিবে।” তখন লক্ষ্মণের ক্রোধের পরিবর্তে লজ্জার উদয় হইল। ভরত আসিয়া রামচন্দ্রকে অযোধ্যায় ফরাইয়া লইয়া যাট্টিবার জন্ত ব্যগ্রতা প্রকাশ করিলেন। কিন্তু রামচন্দ্র পিতৃসত্য পালন ব্রতভঙ্গ করিলেন না। সুতরাং ভরত তাঁহার পাহুকাষয় গ্ৰহণ পূর্বক অযোধ্যার সিংহাসনে স্থাপন করিয়া রামচন্দ্রের প্রতি-নিধি স্বরূপ চতুর্দশবর্ষ রাজ্যাশাসন করিয়াছিলেন।

কাননবাস সনয়ে দ্রৌপদী ও পাণ্ডবগণ যুধিষ্ঠিরকে প্রতিজ্ঞাভঙ্গ করিয়া যুদ্ধ করিতে পুনঃ পুনঃ উত্তেজিত করিয়াছিলেন। কিন্তু প্রশান্তাত্মা যুধিষ্ঠির, তাঁহার পত্নী ও ভ্রাতৃগণের ছাাঁকসহ বাক্য সমূলে উপেক্ষা করিয়া, শান্তবাক্যে তাঁহাদিগকে সত্য ও শ্রায়ে পথ প্রদর্শন করিয়াছিলেন। একবার ভীম নিতান্ত ক্রুদ্ধ হইয়া দূতক্রীড়ায় মিথ্যা প্রতিজ্ঞা রক্ষা করা নিশ্চয়োজন বলিয়া ভ্রাতাকে বহু ভৎসনা করিয়াছিলেন, এবং তিনি ইচ্ছা পূর্বক রাজ্য ধন ত্যাগ করিয়া হৃদয়ের দুর্বলতা জন্ত প্রিয়তমা পত্নী ও অনুগত ভ্রাতৃগণকে কষ্ট দিতেছেন; এবং ক্ষত্রিয় ধর্ম্ম পরিত্যাগ পূর্বক লোকসমাজে হাস্যাস্পদ হইয়াছেন, কিন্তু যুধিষ্ঠির সেই সকল বাক্যে বিচলিত না হইয়া কিছুক্ষণ স্থিরভাবে অবস্থান পূর্বক বলিয়াছিলেন, “ভীম তুমি যাহা বলিলে অযথার্থ নহে। তোমার কথায় আমার মনে কষ্ট হইলেও আমি অনুযোগ করিব না। কারণ আমার নিবুদ্ধিতার জন্তই তোমাদের কষ্ট ঘটয়াছে, আমার মনকে সংযত করা উচিত ছিল,

আমার আত্মস্তরিতা, দৰ্প ও অহঙ্কারের বশীভূত হওয়া উচিত হয় না। আমি তোমার তীব্র বাক্যের জন্য অনুযোগ করিব না। কিন্তু তাই, আমি যাহা প্রতিজ্ঞা করিয়াছি, তাহা কিরূপে ভঙ্গ করিয়া মিথ্যাবাদী হইয়া রাজ্যলাভ করা অপেক্ষা আমার বিবেচনায় মৃত্যুই শ্রেয়স্কর। তোমাদের কষ্ট দেখিয়া আমার হৃদয় বিদীর্ণ হইতেছে। কিন্তু তাহা বলিয়া আমি আমার প্রতিজ্ঞা ভঙ্গ করিতে পারিব না। সুতরাং আমার দুর্ভাগ্য বলা নিষ্ফল। তাই সুদিনের প্রতীক্ষা কর। কৃষক কখন শস্ত লাভের জন্য ব্যস্ত হয় না। ভীম আমার প্রতিজ্ঞা নষ্ট হওয়া উচিত নয়; কারণ ধর্মরক্ষা, জীবন রক্ষা, এমন কি স্বর্গস্থ অপেক্ষাও প্রয়োজনীয়। রাজ্য, পুত্র, যশ, ধন, সম্পদ এই সমস্ত একত্র করিলেও সত্যের ষোড়শাংশের একাংশের তুল্যও হইবে না।" এইরূপে ধীরভাবে তিনি ভ্রাতৃগণের বাক্য, উদ্বেজনাদি সহ্য করিতেন, সকল দোষ নিজেই বলিয়া স্বীকার করিয়া লইতেন, কাজেই তাহার ভ্রাতৃগণের ক্রোধ বৃদ্ধি হইতে পারিত না।

যেমন ধীর সহানুভূতি হইতে ভালবাসার উৎপত্তি, উৎপাদক সেইরূপ উপহাস হইতে ঘৃণার উৎপত্তি হইবে সন্দেহ নাই। ঘৃণা হইতেই আবার সর্বপ্রকার অনিষ্ট উৎপন্ন হইয়া থাকে। রাজা বুদ্ধিগতির যশ দিগ্‌দিগন্তে ব্যাপ্ত হইয়াছিল। তাহার রাজত্ব যজ্ঞের কথা লোকে উদ্বেষণ করিত। সেই যশ ও লোকের প্রশংসা হইতেই কিন্তু তাহার প্রতিদ্বন্দী দুর্ধ্যোধনের হৃদয়ে ঈর্ষার উদয় হয়, সেই ঈর্ষা তাহার ভীম প্রভৃতির অসাবধান ব্যবহারেই

বর্ধিত হইয়াছিল। কারণ, একদা রাজা যুদ্ধটির স্বর্ণ সিংহাসনে পাত্র মিত্র ও ভ্রাতৃগণে পরিবৃষ্ট হইয়া বসিয়া আছেন, এমন সময়ে দুর্ঘ্যোধন ভ্রাতৃগণের সহিত তথায় প্রবেশ করিলেন। ঐ সভা ময়দানবের শিল্প চাতুর্য্যে প্রস্তুত। রাজা ক্ষাটিক প্রাঙ্গণকে জলপূর্ণ জ্ঞানে সাবধানে বস্ত্র উত্থোলন করিয়াছিলেন, আবার জলকে স্থল ভ্রমে তাহাতে পতিত হইয়া সিক্ত বস্ত্র হইয়াছিলেন। ভীম তাঁহার দুর্দশায় উচ্চরবে হাস্য করিয়া উপহাস করিয়াছিলেন, অপর অনেকেও তাঁহার অভাবভী হইয়াছিলেন। যদিও যুদ্ধটির তাঁহাদের এইরূপ তত্ত্বায় ব্যবহারের জন্ত ভৎসনা করিয়াছিলেন, কিন্তু দুর্ঘ্যোধনের অতঃকরণে যুগপৎ লজ্জা ও ক্রোধের উদয় হওয়াতে, তিনি তদুত্তরে হস্তিনায় প্রত্যাবৃত্ত হইয়া প্রতিশোধ গ্রহণে প্রতিজ্ঞা করিয়াছিলেন। ইহাই দ্যুতক্রীড়া ও পাণ্ডববীর্য্যবাসনের মূল জানিও। ইহারই ফল কুরুক্ষেত্র যুদ্ধ, উভয় পক্ষের অসংখ্য আত্মীয় স্বজনের ও দুর্ঘ্যোধনের প্রাণনাশ।

আহিতের পরিবর্তে আহিত করিতে গেলেই উত্তরোত্তর জমজলের বৃদ্ধি হয়। ভৃগুর পুত্র জমদগ্নি তপশ্রা ও কঠোরতার জন্ত প্রসিদ্ধ ছিলেন। পরশুরাম তাঁহারই বংশধর। পরশুরাম যদিও জাতিতে ব্রাহ্মণ ছিলেন, কিন্তু তাঁহার ক্ষত্রিয় স্বভাব ছিল। তাঁহার পিতামহের বাক্যানুসারে তিনি ক্ষত্রিয়োচিত সমুদায় গুণে বিভূষিত হইয়া জন্ম গ্রহণ করিয়াছিলেন। জমদগ্নিতেও একটু উগ্রতা প্রচ্ছন্নভাবে বর্তমান ছিল। কঠোর তপশ্রাতেও তাহা নাশ হয় নাই। তাহা হইতেই এই বংশে মহান্ দুর্দৈব ঘটিয়াছিল। জমদগ্নি স্বীয় উগ্র



স্বভাব হেতু পত্নীর সতীত্বে সন্দিহান হইয়া আপনার পুত্রদিগকে তাহাকে বধ করিতে আদেশ দেন, কিন্তু পরশুরাম ব্যতীত অত্র কেহই মাতার পবিত্র দেহে হস্তক্ষেপ করিতে সম্মত হইলেন না। রাম পরশুর আঘাতে মাতার মস্তক ছিন্ন করিলেন। তাঁহার পিতা তাহাকে বর দানে ইচ্ছা করিলেন, তিনি তাঁহার মাতার পুনর্জীবন বর লইয়া মাতৃহত্যা পাপ হইতে মুক্তিলাভ করিবার জন্ত তীর্থযাত্রায় প্রস্থান করিলেন; কিন্তু ইহাতেই জমদগ্নির ক্রোধজনিত পাপের শাস্তি হয় নাই। একদা যখন জমদগ্নির পুত্রগণ আশ্রমের বাহিরে গমন করিয়াছিলেন এবং জমদগ্নির পত্নী বেসুকা একাকিনী আশ্রমে ছিলেন, সেই সময় কার্ত্তবীৰ্য্যার্জুন আর্তিপা হইলেন এবং ক্ষত্রিয় দর্পে অন্ধ হইয়া মহর্ষির হোমধেনুবৎস বলপূর্ব্বক গ্রহণ করিয়া প্রস্থান করিলেন। রাম প্রত্যাগত হইলে জমদগ্নি সেই অপমান কাহিনী তাহাকে শ্রবণ করাইলেন। বৎসহারা ধেনুর কাতর ধ্বনিতে রামের ক্রোধ বিগুণিত হইল, তিনি তদগ্রে পরশুহস্তে গমন পূর্ব্বক অর্জুনের সহস্রবাছ ছিন্ন করিয়া তাহাকে নিহত করিয়াছিলেন। তাহাতে কীৰ্ত্তবীৰ্য্যের আত্মীয়গণ ক্রুদ্ধ হইয়া জমদগ্নির আশ্রমে প্রবেশ পূর্ব্বক ধ্যানমগ্ন জমদগ্নিকে বিনাশ করেন। ক্ষমা ব্যতীত একরূপ দুর্দ্দেবের নিবৃত্তি সম্ভবপর নহে। সুতরাং হত্যাকাণ্ড এইখানেই শেষ হইল না, পরশুরাম আশ্রমে আসিয়া পিতার নিধন বার্তা শ্রবণ পূর্ব্বক তাঁহার সৎকার সম্পাদন করিলেন, সেই পিতার সমক্ষে পৃথিবী নিক্ষেপিয়া করিয়াছিলেন। সেই প্রীতজ্ঞা রক্ষার জন্ত তিনি কার্ত্তবীৰ্য্যের আত্মীয় স্বজন ও

অত্যাচার ক্ষত্রিয়গণকে চিরজীবন বধ করিতে ব্যাপৃত ছিলেন।” যদি কেহ আমাদের প্রতি অত্যাচার ও নির্দয় ব্যবহার করে, তৎপরিবর্তে আমাদের মধুর সদ্যবহার দ্বারা তাহাকে পরাস্ত করিতে বদ্ধ করাই কর্তব্য। একবার মহর্ষি দুর্কাসা দুর্ঘোষনের প্রাসাদে আতিথি হইয়াছিলেন, তাঁহাকে তুষ্ট রাখা বড়ই দুর্ঘট, দুর্ঘোষন দ্রাবিড়গণের সহিত সর্বদাই সম্ভ্রান্তভাবে তাঁহার পরিচর্য্যার জন্ত উপস্থিত থাকিতেন। কখনও দুর্কাসা বলিতেন “বড় ক্ষুধা, শীঘ্র খাদ্য দাও।” আবার কখনও বা স্নানার্থ গমন করিয়াছেন, দুর্ঘোষন আহার প্রস্তুত করিয়া প্রতীক্ষা করিতেছেন। বহুবলস্বে প্রভাবিত হইয়া বলিলেন, আমার ক্ষুধা নাই আহার করিব না। আবার কিয়ৎক্ষণ পরেই হঠাৎ আগমন করিয়া বলিলেন, শীঘ্র খাদ্য দাও।” কোনও দিন বা মধ্যরাত্রে আহার করিতে চাহিলেন, কিন্তু খাদ্যদ্রব্য আনা হইলে তাহার এক কণাও স্পর্শ করিলেন না। এইরূপে কিছুদিন ব্যতিব্যস্ত করিয়া দুর্ঘোষনের ধৈর্য্য দর্শনে প্রীত হইলেন এবং বলিলেন আমি তোমাকে বর দিব; কি তোমার অভিলাষ ব্যক্ত কর। ধর্ম ও নীতি বিগর্হিত না হয় এমন বাহ্য প্রার্থনা করিবে আমি, তাহাই তোমাকে দিব।”

কখনও কখনও মানব এত কঠোর হৃদয় হইয়া পড়ে যে কিছুতেই তাহার হৃদয়ে বিন্দুমাত্রও দয়ার উদয় হয় না। সেরূপ অবস্থা ঘটিলে তাহার পতন অনিবার্য্য। দুর্ঘোষনই ইহার উজ্জল দৃষ্টান্ত। পাণ্ডবগণের যথাসর্বস্বগ্রহণ করিয়াও তাহার তৃপ্তি হয় নাই। তাহাদের কষ্ট স্বচক্ষে দেখিয়া তৃপ্ত হইবার জন্ত ও নিঃসম্পদ দেখাইয়া

পাণ্ডবগণের মনে কষ্ট দিবার জন্ত শকুনির মন্ত্রণার, আত্মীয় ভ্রাতাও পুরনারীগণকে সঙ্গে লইয়া দৈতবনে গিয়াছিলেন ; কিন্তু তাঁহার সে চেষ্টা সফল হয় নাই। গন্ধর্ব্বরাজ তাঁহাকে সবলে অবরুদ্ধ করিয়া রাখিয়াছিলেন। হৃষ্যোধনের অহুচর গণের মধ্যে হই একজন পলাইয়া যুধিষ্ঠিরকে হৃষ্যোধনের বিপদ বার্তা জ্ঞাপন করিলেন। যুধিষ্ঠির তৎশ্রবণে, ভ্রাতৃগণকে সবাঙ্কবে হৃষ্যোধন ও পুরনারীগণকে উদ্ধার করিয়া বংশের মানরক্ষার জন্ত আদেশ করিলেন। ভীম প্রথমে অস্বাকৃত হইয়াছিলেন কিন্তু যখন যুধিষ্ঠির বলিলেন “তাই” অত্যাশ্চর্য্য আপত্তি করিতেছে কেন ? কেহ শরণার্থী হইলে সর্ব্বপ্রকারে তাহাকে রক্ষা করা কর্তব্য। কিন্তু একজন শত্রুর বিপদ হইতে রক্ষা করায় যে আনন্দ হয়, পুত্রজন্ম রাজ্যলাভ ও বরদানের আনন্দ-সমষ্টি তাহার তুল্য কি না সন্দেহ।” ভীম তখন আর তাঁহার বাক্য লক্ষ্য করিলেন না। উভয় দলে কিরংক্ষণ যুদ্ধ হইল গন্ধর্ব্বরাজ অর্জুনের সখা ছিলেন। সেইজন্ত তাঁহারা শীঘ্রই যুদ্ধ হইতে নিবৃত্ত হইলেন। অর্জুন গন্ধর্ব্বরাজকে হৃষ্যোধনের প্রতি আক্রমণের কারণ জিজ্ঞাসা করিলে, তিনি বলিলেন পাণ্ডবগণের অরণ্যবাস জনিত কষ্টে দর্শনে ও আপনাদের সম্পদ প্রদর্শন পূর্ব্বক তাঁহাদের মনে কষ্টদান জন্তই হৃষ্যোধন সদলে অরণ্যে আগমণ করিয়া ছিলেন। আমি তাহার মনোভাব জ্ঞানিতে পারিয়াছিলাম, সেই জন্ত ইন্দ্রের নিকট লইয়া গিয়া তাহাকে যথোচিত শাস্তি দিব বলিয়াই বন্দী করিয়াছি। পাণ্ডব, গন্ধর্ব্বরাজের প্রশংসা করিয়া, হৃষ্যোধন ও তাহার সঙ্গীগণকে মুক্ত করিয়া দিতে বলি

লেন।” ছুৰ্য্যোধনাদির মুক্তিলাভ করিলে যুধিষ্ঠির তাহাকে বলিয়া-  
 ছিলেন “তাই অবিনশ্কাৰিতা ত্যাগ করিও তাহাতে কখনও শাস্তি  
 পাইবে না। তোমাদের মঙ্গল হউক, বিষাদ ত্যাগ করিয়া হস্তি-  
 নায় গমন পূৰ্ব্বক সুখে প্রজাপালন করিতে থাক।” যুধিষ্ঠির  
 শত্রুর প্রতি ঐরূপ ব্যবহার করিয়াছিলেন কিন্তু ছুৰ্য্যোধন ক্রোধে  
 ও ছুখে পূৰ্ণহৃদয় হইয়াছিলেন। তাঁহার কাছে যুধিষ্ঠিরের এই সদয়  
 ভাবও অপরাধ বলিয়া বোধ হইয়াছিল, তিনি হস্তিনায় গমন করিয়া  
 কিসে পাইওকল্পের অনিষ্ট হইবেক সেই চিন্তাতেই ব্যাপ্ত  
 থাকিলেন ॥”

সৌভাগ্যক্রমে ঐরূপ ব্যক্তি জগতে বড় সুলভ নহে। সূৰ্য্য  
 যেমন নবনীতকে তরল করেন, তেমনি সদয় ব্যবহার প্রায়শঃ  
 ক্রোধকে দ্রবীভূত করিতে সমর্থ।

\* \* \*

ক্রুদ্ধস্তং ন প্রতিক্রুদ্ধেৎ আক্রুষ্টঃ কুশলং বদেৎ  
 ক্রুদ্ধজনে নাহি কর ক্রোধ সস্তাষণ।  
 বরঞ্চ মধুর ভাবে কর আলাপন ॥

\* \* \*

সেতুস্তর হস্তরান্ অক্রোধেন ক্রোধং সত্যোনানুতং  
 পার হও সেতু সে হস্তর।  
 অক্রোধে ক্রুদ্ধেরে জয় কর ॥  
 সত্যবলে মিথ্যা জয় কর ॥

\* \* \*

আত্মানঞ্চ পরাংশৈচ ব্রাহ্মতে মহতোভয়াৎ  
 ক্রুদ্ধমপ্রতিক্রুধান্ দ্বয়োরেষ চিকিৎসকঃ ॥  
 ক্রুদ্ধের উপরে যেই ক্রোধ নাই করে ।  
 উভয়ের চিকিৎসক হয়ে রক্ষা করে ॥

\* \* \*

ক্ষমা ব্রহ্ম ক্ষমা সত্যং ক্ষমা ভূতং চ ভাবি চ ।  
 ক্ষমা তপঃ ক্ষমা শৌচং ক্ষময়েদং ধৃতং জগৎ ॥  
 ক্ষমা ব্রহ্ম ক্ষমা সত্য ভূত ভাবী আর ।  
 ক্ষমা তপ শৌচ ক্ষমা রক্ষিছে সংসার ॥

\* \* \*

পরশ্চেদেনমিতি বাটৈ ভৃশঃ  
 বিধেবস্থম এবাহ কার্য্যং ।  
 স বোধ্যমাণঃ প্রতি হব্যতে যঃ  
 স আদত্তে সংকৃতং বৈ পতন্ত ॥  
 আক্ৰুশ্মানো ন বদামি কিলিঃ  
 ক্ষমাম্যহং তাদ্যমানশ্চ নিতাং ।  
 শ্রেষ্ঠং হেতদয়ং ক্ষমামাহরার্য্যাঃ  
 সত্যং তথৈবার্জবমানুষংশ্রম্ ॥  
 আক্ৰুশ্মানো রা ক্রুঃশ্রং মন্যুরেণং তিতিক্ষতঃ  
 আক্রোষ্টারং নিদহতি স্কৃতং চাস্যবিন্দতি ॥  
 যো নাত্যক্তঃ প্রাহ ক্লমং প্রিয়ং বা  
 যো বাহতো ন প্রতিহস্তি ধৈর্য্যাৎ ।

পাপঞ্চ যো নেচ্ছতি তস্য হস্তঃ

তসোহ দেবাঃ স্পৃহয়ন্তি নিত্যং ॥

পাপীয়সঃ ক্ষম্যেতৈব শ্রেয়সঃ সৎশস্য চ ।

বিমানিতো হতোংকুষ্ঠ এবং সিদ্ধিং গতিষ্যতি ॥

( মহাভারত শান্তিপর্ব ৩০০ অঃ )

যদি কেহ বিজ্ঞানে কটু বাক্য কয় ।

বিজ্ঞান তাহে কভু রুষ্ট নাহি হয় ॥

যাহাতে রাগাতে গেলে রাগের বদলে ।

হাসিতে হাসিতে শুধু মিষ্ট কথা বলে ॥

সেই জন সুনিশ্চয় কহিলু তোমায় ।

ক্রোধী সেই শত্রুর স্কন্ধতচয় পায় ॥

কেহ রুঢ়ভাষে যদি বলে কিছু মোরে ।

আমি কেন তার প্রতি কথা কব জোরে ॥

কেহ যদি আসি মোরে করয়ে তাড়না ।

হাসিতে হাসিতে শুধু করিব ত মানা ॥

তাই ভাল আৰ্য্যগণ যারে ক্ষমা কয় ।

সত্য শাস্ত্যভাব ভাল কহিলু নিশ্চয় ॥

মন্দ রুঢ় বাক্য যদি বলে কোন জন ।

তার প্রতি রুঢ় বাক্য বলনা কখন ॥

ক্রোধীর যে ক্রোধ সদা দগ্ধ করে তারে ।

ক্রোধে তার সকল স্কন্ধ নাশ করে ॥

যেই জন রূঢ়বাক্যে রুষ্ট নাহি হয় ।  
কিন্তু শান্ত করে হইয়া সদয় ॥  
আঘাত পাইয়া যে আঘাত নাহি করে ।  
দেবগণ তাহার স্বভাব স্পৃহা করে ॥  
মন্দ বাক্য ব্যবহার অথবা প্রহার ।  
সহ্য করি সেই করে সাধু ব্যবহার ॥  
তার পক্ষে সিকি লাভ সুদূরস্থ নয় ।  
শাস্ত্র বাক্য ইথে কিছু নাহিক সংশয় ॥

\* \* \*

অক্রুষ্টস্তাড়িতঃ ক্রুকঃ ক্ষমতে যো বলীয়সঃ ।  
যশ্চ নিত্যং ভিতক্রোধো বিদ্বান্নতমপুরুষঃ  
( মহাভারত বনপর্ব )

উত্তেজিত বিতাড়িত আর ক্রুক হয়ে ।  
পারে যদি কেহ ক্ষমা করিতে আশ্রয় ॥  
জিতে ক্রোধ সেই ব্যক্তি জানিও তাহলে  
উত্তম পুরুষ সেই নাহিক সংশয় ॥

\* \* \*

যদি ন স্মার্মানুষ্যেণ ক্ষমিণঃ পৃথিবীসমাঃ ।  
ন শ্রাৎ সন্ধি মনুষ্যানাং ক্রোধমূলো হি বিগ্রহঃ  
অভিবক্তো হ্যভিষজেদাহত্যাং গুরুণা হতঃ ।  
এবং বিনাশো ভূতানাং অদম্যঃ প্রেথিতো ভবেৎ ॥ ২৬  
অক্রুষ্টঃ পুরুষ সর্বং প্রত্যাক্রোশেদনন্তরং ।  
প্রতিহতান্ততশ্চৈব তথা হিংশ্রাচ্চ হিংসিতঃ ॥ ২৭

হন্যাহিপতরঃ পুত্রান্ পুত্রাঞ্চাপি তথাপিত ন্ ।

হন্যশ্চ পতয়ো ভাৰ্য্যাঃ পতীন্ ভাৰ্য্যান্তথৈবচ ॥ ২৮

এং সংকুপিতে লোকে জন্ম কৃষ্ণে ন বিদ্যতে ॥ ২৯

( মহাভারত বনপৰ্ব্ব ২৯অঃ )

যদি নাহি থাকে ক্ষমী পৃথিবী সমান ।

তবে কি থাকিতে পারে সন্ধির সম্মান ॥

ক্রেমা মূলু যুদ্ধ যত জানিহ নিশ্চয় ।

ক্ষমা বিনা শান্তি লাভ কভু নাহি হয় ॥

অনিষ্ট করিলে পরে অনিষ্ট ফিরায় ।

গুরু প্রহারিলে তারে প্রহারিতে ধায় ॥

এরূপ হইলে পরে এইত সংসারে ।

অধর্মের বৃদ্ধি হয় কহিলু তোমাতে ॥

তাড়িত হইয়া যদি করয়ে তাড়ন ।

আঘাতে আঘাতে করে হিংসায় হিংসন ॥

পিতা তবে পুত্র নাশ করিবে নিশ্চয় ।

পিতারও পুত্রের হাতে হবে আয়ু ক্ষয় ॥

পতি করিবেক তবে ভাৰ্য্যার হিংসন ।

ভাৰ্য্যা করে পতি দেখে ত্যজিবে জীবন ॥

এইরূপ অহরহ ঘটিলে সংসারে ।

বল কৃষ্ণে নরগণ রবে কি প্রকারে ॥



সর্বস্বত্ব হুঁগাণি

সর্বো ভদ্রাণি পশুতু ।

সর্বঃ সুখমবাগোতু

সর্বঃ সর্বত্র নন্দতু ॥

সকলেই হউক দুর্গমেতে পার ।

সুখজন লাভ হউক সবার ॥

সকলের সুখে কাটুক জীবন ।

সকলেই হউক আনন্দে মগন ॥

ওঁ সত্যং বদ ধর্ম্মং চর

সত্যমেব জয়তে নানৃতং ওঁ ॥

ওঁ বল সত্য কথা কর ধর্ম্ম আচরণ ।

সত্যে জয় মিথ্যার না হয় কদাচন ॥ ওঁ

সম্পূর্ণ ।







